

آذربایجان ناغیمللاری

(نوی)

(۱)

فروع خضرو

بِسْمِ اللّٰهِ الرَّحْمٰنِ الرَّحِیْمِ

آذربایجان ناخیلاری (۱)

(نوی)

۲۶ ناخیل

(قصه های آذربایجان-۱)

۲۷ قصه زبان ترکی آذربایجانی با پیشگفتار فارسی

فروع خضرلو

سومر نشر- ۱۳۹۱

فهرست نویسی بر اساس اطلاعات فیبا

سرشناسه	: خضرلو، فروغ، ۱۳۶۳ -
عنوان و نام پدیدآور	: آذربایجان ناغیللاری (۱): (قصه‌های آذربایجان ۱) بزبان ترکی آذربایجانی با پیشگفتار فارسی / فروغ خضرلو.
مشخصات نشر	: تبریز: سومر نشر، ۱۳۹۱.
مشخصات ظاهری	: ۱۳۶ ص.
شابک	: دوره 1-5-92072-600-978 : جلد 1 8-6-92072-600-978 : بها: ۴۰۰۰۰ ریال
وضعیت فهرست نویسی	: فیبا
یادداشت	: ترکی.
موضوع	: داستان‌های کوتاه ترکی -- ایران -- قرن ۱۴
رده بندی کنگره	: ۱۳۹۱ ۴۳ ۵۶ آ خ / ۳۱۴ PL
رده بندی دیویی	: ۸۹۴/۳۶۱۳
شماره کتابشناسی ملی	: ۲۸۶۵۴۲۵



نام کتاب :	آذربایجان ناغیللاری (۱) (قصه‌های آذربایجان-۱)
تهیه کننده :	فروغ خضرلو
ویرایش :	موسی محمدجعفری، اسماعیل جعفرزاده، تهیه کننده اژن سؤز: دکتر حسن محمد جعفرزاده
ناشر :	سومر نشر، لیتوگرافی و چاپ : بابک، حقیقی، ماهان، صحافی: نوبل
نوبت چاپ :	نوبت اول، تاریخ چاپ : ۱۳۹۱
تیراژ :	۵۰۰ جلد
تعداد صفحه :	۱۳۶، قطع : رقعی
شابک :	شابک دوره: 1-5-92072-600-978 ، شابک جلد ۱ : 8-6-92072-600-978
مرکز پخش :	تبریز، انتشارات سومر نشر، تلفن تماس: ۰۹۱۴۳۱۱۲۶۸۰
بهاء :	۴۰۰۰ تومان

صفحه	فهرست مطالب
۵	مقدمه و پیشگفتار
۱۱	آراز ایله آياز
۱۷	آوشاریگ
۱۹	ارسلان“ین دوستلاری
۲۲	اۆچ آياقلى آت
۲۷	اۆچ توکلو کوسا
۳۱	اۆچ صنعتکار
۳۵	اۆچ قارداش
۴۲	اودونچو قیزی
۵۰	أمید قاپیسی
۵۶	ایسکندرین دیریلمه‌سی
۶۱	ایکی دوستون عاقیبتی
۶۳	ایلان قیز
۷۰	ایلقار“ین ناغیلی
۷۳	بگ اوغلو ائلیار و دئو اوغلو آلتین توپ
۷۹	بیلیجی قارداشلار
۸۶	پادشاهلا ایکی قارداش
۸۸	پهلوانین ناغیلی
۹۰	تاجیرباشی بیلگه‌نین ناغیلی
۱۰۳	تیمور ایله مهربان سلطان

صفحه	فهرست مطالب
۱۰۶	ترس آرواد
۱۰۸	تورالین ناغیلی
۱۱۲	تولامپاچی احمدین ناغیلی
۱۱۵	جادیچی و ایینه قابی
۱۲۳	جاهان پهلوان
۱۲۷	چؤل قوشونون یومورتاسی
۱۳۱	چوبان قیزی
۱۳۵	سؤزلوک

مقدمه

کتاب قصه های آذربایجان برای چاپ به سومرشر ارجاع داده شد، با توجه به ارزشمند بودن مطالب آن از آقای دکتر حسن محمد جعفرزاده که مطالعات زیادی در نقد و بررسی قصه های آذربایجانی و شخصیت های آنها انجام داده اند درخواست گردید پیشگفتار آنرا تهیه نمایند و ایشان نیز این زحمت را تقبل نموده و متن ارزنده ای را به زبان ترکی آماده نمودند، ضمناً مشورتهایی با آقای موسی محمد جعفری که در تهیه کتاب کمک خانم خضریلو بودند انجام گردیده و با کمک ایشان ویرایش کاملی از کتاب، همراه با ترجمه ای از "اؤن سؤز" به صورت پیشگفتار بزبان فارسی توسط مسئول انتشارات سومرشر بعمل آمد، متن پیشگفتار بزبان فارسی و ترکی در مجلدات ۱ و ۲ آورده شده است.

قصه های کتاب نگاهی انسانی و خیرخواهانه به جهان هستی دارند و پیامهای مختلفی مثل احترام به پدر، مادر، همسر، احترام به خویشان، وطن پروری، وفاداری به عهد و پیمان، و بسیاری پیام های دیگر مضمون قصه هارا تشکیل میدهد موضوع دیگری که جلب توجه میکند احترام به عناصر متعدد طبیعت در کنار انسان میباشد، در قصه ای اسب حرف میزند و در قصه ای دیگر انسان خیرخواهی به موجودی دیگر تبدیل میشود اینگونه حوادث بسیار بچشم میخورد در هر حال در بسیاری از قصه ها سرنوشت انسان و دیگر مخلوقات طبیعت پیوندی ناگسستنی باهم دارند و انسان و حیوان و گیاه دارای صورتی واحدی هستند، انسان وقتی قصه هارا میخواند مصداق عینی آیه ۳۸ سوره انعام قران کریم را آشکارا حس میکند و به تفکر عمیق انسانی و طبیعت گرایانه، آفرینندگان قصه های کتاب، پی میبرد، در واقع چنین گرایش در کلیه داستانهای افسانه ای آذربایجان از زمان قدیم تا کنون مستتر میباشد و در اشعار شاعران

آذربایجانی انعکاس آن اظهر من الشمس بوده و جدیدترین نمونه آن کتاب وزین حیدربابای شهریار میباشد که نوعی بازگشت به طبیعت و به عبارت دیگر بازگشت به طبیعت واقعی و انسانی آدمیان میباشد.

خداوند در قران کریم، سوره انعام، آیه ۳۸ چنین میفرماید:

وَمَا مِنْ دَابَّةٍ فِي الْأَرْضِ وَلَا طَائِرٍ يَطِيرُ بِجَنَاحَيْهِ إِلَّا أُمَمٌ أَمْثَلُكُمْ مَا فَرَّطْنَا فِي الْكِتَابِ مِنْ شَيْءٍ ثُمَّ إِلَىٰ رَبِّهِمْ يُحْشَرُونَ.

معنی: ”هیچ جنبنده ای در زمین و هیچ پرنده ای در هوا که با دو بال خویش پرواز می کند نیست مگر اینکه امتهایی مانند شما (نوع بشر) هستند. ما هیچ چیز را در این کتاب (آفرینش، بیان) فرو گذار نکردیم، آن گاه همه به سوی پروردگار خویش محشور می شوند.“ آیه معنی دار فوق بر حقوق والا و بر حق حیوان و طبیعت، برابر بودن حقوق آنها، عینی و یکسان بودن این مخلوقات و عظمت تک تک آنها تاکید قاطعی دارد از طرف دیگر قصه های طبیعت گرایانه ارائه شده در این کتاب پیوند نزدیک تفکر آفرینندگان قصه ها با آیه های قران را بوضوح نشان میدهد.

امید است این مجموعه مورد پسند شیفتگان قصه های سحرانگیز آذربایجانی قرار گرفته و با تشویق و بازگویی بزرگان خانواده برای بچه ها و جوانان، در شبهای طولانی سال، جایگزینی شیرین و رویابرانگیز بجای بعضی بازیها و گیم های! مخرب کامپیوتری قرار بگیرد، جا دارد با تشکر از تهیه کننده کتاب، خانم خضرلو به انتظار ارائه و چاپ مجلدات بعدی این کتاب پر از عبرت، و سرگرم کننده باشیم.

پیشگفتار

قصه های پرآوازه آذربایجانی، رمز و راز معجزه آسایی را در خود دارند و هر خواننده ای که این قصه ها را میخواند با تمام وجود به تاثیر حیرت انگیز مطالبی مثل یکی بود یکی نبود با شکل و شمایل ترکی آن "بیری وار ایدی، بیری یوخ اویدو. . ." پی میبرد. این قصه ها نسل به نسل و از دوره های قدیم، سینه به سینه نقل شده تا اینکه به دوران امروزه رسیده است.

محققین زیادی اعتقاد دارند که فولکلورهای آذربایجان و بویژه قصه های کودکان و جوانان از غنی ترین ادبیات شفاهی دنیا بوده و هنوز دارای مطالب زیادی هستند که برای عالم ادبیات ناشناخته هستند، در این قصه ها عبارات سحرانگیز زیادی وجود دارد که موجب حیرت شنونده میشود، نمونه ای از آنها در اینجا آورده میشود، هرچند ترجمه های زیر به هیچوجه تاثیر مطالب اصلی را نخواهند داشت و خواننده با خواندن آنها و مقایسه آنها خود متوجه موضوع خواهد شد:

یکی بود یکی نبود، به شما خبر بدهم از کم گویان، کسانی که حرف نمی زنند، زنان مرد مردانه، به شما بگویم از سگانی که پارس نمیکنند، شغالهایی که عو عو نمیکنند، به شما بگویم از کسانی که حرف را میشوند ولی بدان عمل نمیکنند، کسانی که گوساله سوار شده و از رودخانه میگذرند، کسانی که با شانه دوغ میخورند، کسانی که بر پشت خروس سوار شده جالیز میکارند، خبر بدهم از ریش کوسه ای ها، خبر بدهم از زر و زرگران و از چیزهایی که نمی دانم، لعنت به دروغ دمدار، رحمت به درست بی دم، خبر بدهم از کسی که یک چشم را خراب کرده و دو چشم را درست میکند، رحمت به کسی که مینویسد و می سازد و لعنت به کسی که بهم میزند، حرف بماند انسان برود، خوبی بماند بدی برود،

زنده باشد دوست، عاقل بخورد و بی عاق حساب کند، حال بیاییم به اصل مطلب، یکی بود یکی نبود...“ مطالب فوق ترجمه عبارات زیر هستند:

”بیری وار ایدی، بیری یوخ ایدو...“ یا ”سوزه خبر وئریم آز دانیشانلاردان، قارا دینمز لردن، مرد-مرد آروادلاردان، هورومه یین ایتلردن، اولامایان چاققال لاردان، چوخ دانیشمایانلاردان، ائشیدیب عمل ائله مه ینلردن، بیزو و مینیب چای کئچنلردن، یابا ایله دوغا ایچنلردن، خوروز بئلینده بوستان اکنلردن، کوسا ساققالی لاردان، زر زرگرلردن نه بیلیم نه دن، نه بیلیم نه دن، لعنت قویروقلو یالانا، رحمت قویروقسوز دوزه، بیر گؤز پوزانا، ایکی گؤز دوزه نه، رحمت یازانا لعنت پوزانا، سؤز قالسین، اینسان گتسین، یاخشیلیق قالسین، پیسلیک گتسین، دوست وار اولسون، آغیللی یسین، آغیلسیز حسابلا سین، ایندی گلک مطلبه، بیری وار ایدی بیر یوخ ایدو...“

هرچند امروزه داستانهایی از این قبیل نقش و رل خود را از دست داده و کمرنگ شده اند و دیگر کرسی و دورهم جمع شدنهای قدیمی وجود ندارد ولی هنوز این سخنان سحرانگیز و دلنواز برای بچه ها تعجب انگیز بوده و باز هم بچه ها به محض شنیدن، گوشه ایشان را تیز کرده و منتظر بقیه داستان میشوند، و البته این داستانها حاصل تجارب پدران و اجدادمان است و آمال و آرزوها و نهایتا نگاه آنها به جهان هستی را منعکس میکنند.

اگر دو برادر آلمانی ”جیکوب گریم“ (۱۷۸۹-۱۸۶۳) و ”ویلهلم گریم“ (۱۸۵۹-۱۷۸۶) فولکلورهای مردم آلمان را جمع آوری نمودند در آذربایجان نیز دو دوست صمد و بهروز، تهیه قصه های محلی این مرز و بوم را شروع کردند، هرچند امروزه پایه گذاران این بنا با این افراد شناخته میشوند، ولی باید یادآور شد که سالها قبل از آنها مشاور و معلم محمدعلیشاه بنام ”سرگئی مارکوویچ شاپشال“ (۱۸۷۶-)

“۱۹۶۵) قدم در این راه گذاشته و مجموعه ای از قصه های آذربایجانی را در سال ۱۹۳۳ و در شهر، زیر نظر شعبه شرق شناسی آکادمی شهر “کراکو” لهستان چاپ نموده اند. در هر حال علیرغم تلاشهای زیاد در این زمینه، کارهای انجام شده، شبیه مثل “با قاشق شتر را سیراب نمودن: چؤمچه ايله دوه سووارماق” میباشد، در حال حاضر کارهای انجام شده به شرح زیر میباشد:

- آذربایجان ناغیل لاری، صمد و بهروز

- خوی ناغیل لاری، ع. ذیحق

- افسانه های آذربایجان، احمد آذر افشار

- عاشیق دئو، حبیب ساهر

- چاپ اولمامیش ناغیل لار، بهروز ایمانی، اکبر رحیم زاد فرجی

- آذربایجان ناغیل لاری (۴ جیلد)، کوچورن، علی عبادی

- ناغیل لار، سیروس علی اکبرزاده، حسن سپهرفر

- افسانه های آذربایجان، ابراهیم دارابی

- آذربایجان ناغیل لاری (لهستان- سرگئی مارکوویچ شاپشال، ۱۹۳۳)

کارهایی که در این زمینه انجام شده هنوز در آغاز راه بوده و هنوز راه زیادی در پیش هست، و در واقع کارهای انجام شده در این مورد نتوانسته است فولکلور این مرزوبوم را از گزند حوادث روزگار محفوظ بدارد.

خوشبختانه در حال حاضر کسانی که قدم در این راه گذشته اند توانسته اند بخشی از سنگینی راه را بدوش بگیرند و کتاب دوجلدی حاضر که توسط خانم فروغ خضرلو تهیه شده نمونه ای از این کارها میباشد، در این کتاب حدود ۶۰ قصه ارائه گردیده است، در این بین قصه های مثل “دیمقولاغین ناغیلی”، “قیز و آبی”، “سئحیرلی سو”، “امید قاپیسی”، “فلگین چارخی”، “اوچ آیاق آت”،

”اۆچ توکلو کوسا“ و . . که نزدیک به ۴۰ داستان را شامل میشود برای اولین بار ارائه شده اند در عین حال داستانهایی مثل ”حاتمی عزیزه“، ”۳ صنعتکار“ و ”شاه عباسین صنعتی“ هرچند بصورت بسته و گریخته در مجلات مختلف چاپ شده اند ولی تکرار آنها بهیچوجه از اهمیت کار نمیکاهد زیرا در این داستانها واریانتهایی بکار رفته که با نمونه های قبلی تفاوت دارند و سخنان بسیاری در این داستانها بکار رفته که نشاندهنده لهجه های خاص محلی بوده و طراوت ویژه ای را دارند، به عنوان مثال در بین آنها قصه ”بگ اوغلو ائلیار ایله آلتین توپ“ با داستان ”آلتین توپ“ که در کتاب صمد موجود است فرق دارد و در اینجا ماجراهای جدیدی را شاهد هستیم که در قبلی ها وجود ندارند و یا قصه ”سئحیرلی گوزگو“ با قصه صمد به نام ”سنگ صبیر قولچاغی“ (صبیرداش قولچاق) و یا داستان ”اۆچ باجی لار“ فرق دارد، همچنین قصه ”قولو بگین ناغیلی“، واریانتهی دیگر از داستان ”زمانه نین حو کمو“ قید شده در کتاب ”آذربایجان ناغیل لاری، مجموعه سی نین (۲۰۰۵، باکی، ۵ جلد)، جلد ۱“ میباشد

در هر حال به علت ویژگی ذاتی قصه های فولکلور واریانت های مختلف یک قصه مثل واریانت معروف اصلی ارزشمند هستند، به عنوان مثال یکی از قصه های شناخته شده از یک قصه با نامهای مختلفی مثل ”احمد“، ”فاطمه گلدی قاچ“، ”زولینخا“، ”دیللی آرواد“، ”ایلان و آرواد“ و در شهری دیگر با نام ”خججه خالا“ بیان میگردد و ضرورت دارد هر کدام از این واریانتهها جداگانه جمع آوری و با جزییات آن نشر گردد.

خواندن این کتاب پر ارزش را به علاقه مندان توصیه میکنیم و برای تهیه کننده آن آرزوی موفقیت و تداوم نشر آثار جدیدشان را دارم.

ترجمه: اسماعیل جعفرزاده

آراز ایله آياز

کئچمیش زامانلاردا بیر پادشاهلا بیر وزیر وار ایمیش. بونلارین هرهسی نین بیر اوغلو وارمیش. شاهین اوغنون آدی آياز، وزیرین اوغنون آدی آراز ایدی. بو اوشاقلار چوخ عاغیللی، کاماللی، قوچاق ایدیلر. اوشاقلار اوخویوب هر علمین سیررینا واقیف اولموشدولار. هر ایکسی پهلوانلیقدا آد چیخارمیشدی. اودور کی، پادشاه بوتون اعیان-اشرافلاری باشینا بیغیب مجلس کئچیریدی. مجلس قورتاراندا وزیر پادشاهلار بیر آغیزی باغلی قوتو باغیشلادی. پادشاه همین قوتونو اؤز اوغلونا وئردی. اوغلو بیر پنهان گوشه یه چکیلیب قوتونو آچدی. قوتو تام قیزیلدان ایدی. ایچینده ده بیر گؤزل قیزین شکلی وار ایدی. شکلین دالیندا یازیلیمیشدی: "گولوستان شهری، رم باغچاسی. ملیکه لر شاهزاده سینین قیزی گول پینارخانیم." اوغلان بیر کونولدن مین کونوله عاشیق اولوب خسته لندی. آرازی چاغیریب اؤز دردینی اونا دئدی. آراز گئدیپ پادشاهلار بیلدیردی کی، اوغلو نه یه گوره خسته له نیبیر. پادشاه، وزیر، اعیان-اشراف بیغیلیب آيازین یانینا گلدیلر. نه قدر اوغلاندا خواهیش اتدیلر کی، گل بو یولدا قاییت، اوغلان داشی اتکیندن تؤکمه ییب دئدی کی، یوخ، گرک قیزین دالینجا گتسین، اوندا پادشاه علاجسیز قالب اونا قیزیل، قوشون وئردی، بیر ده بیر گمی دوزلتدیریب آياز لا آرازی یولا سالدی.

بونلار بیر مدّت یول گئندن سونرا قاباقلارینا دنیز چیخدی. گمی یه مینیب یوللارینا داوام ائله دیلر. دنیزین اورتاسیندا بیر توفان قوپوب گمینی پارچا-پارچا ائله دی. گمیده کیلرین هامیسی باتدیلار. بو اوغلانلار اؤزمک بیلدیکلریندن هرهسی بیر تاختا پارچاسی نین اوستونده اوزه-اوزه آیری-آیری یئرله گلیب چیخیرلار. پادشاهین اوغلو بیر بؤیوک شهره توش گلیر. گلیب پادشاهین سارایی نین یانینا

چیخیر. پادشاه قوناقلارین ایچینده بیر گۆزل، غریب اوغلان گۆروب اونو یانینا چاغیریر. اوندان احوال سوروشور. اوغلان دئییر:

-سیاحته چیخمیشدیق، گمیز قضا یا اوغرادا، یولداشلاریمین هامیسی دیزده باتدی. من بو شهره گلیب چیخدیم.

اوغلان پادشاهین خوشونا گلیر، اونو اؤزونه سرکرده لیگه گؤتورور. بو بورادا سرکرده لیگینده قالسین، گۆرک آرازین باشینا نه گلدی.

آراز گئدیپ چؤللو-بیابانا چیخدی. بیر مدّت یول گئندن سونرا بؤیوک قالاچایا راست گلدی. دروازادان آشیب ایچهری کئچدی. بیرینجی اوتاغا گirdی، بورادا پهلوان گئیمی وار ایدی. او، بو پالتالاری گئینیب ایکینجی اوتاغا کئچدی، بورادا لذتلی یئمکلر گۆروب یئمیه باشلادی. سونرا اوچونجو اوتاغا کئچدی. بوردا گۆردوکی، تختین اوستونده گۆزل بیر قیز یاتیب، قیزین باشی نین اوستونده ایکی لؤوحه وار. ساغداکی لؤوحه نی سولا، سولداکی لؤوحه نی ساغا دیشدیردی. بو زامان قیز آسقیرب آیلدی، سئوینجک دئدی:

-قوچاق اوغلان، نه جورعتله بورا آیاق باس میسان؟ دئوین گلمه سینه اوچ ساعات قالیدی، تنز اول، واخت ایکن چیخاق، قاچاق.

قیز باشینا گلنلری یئرلی یاتاقلی اوغلانا دانیشدی. اوغلان دئدی:

-بئله قاچماق اولماز، دئوین جانی هاردادی، دئی، اونو محو ائدیپ قاچاق.

قیز دئدی:

-اوبالاجا پرده نین دالیندا بیر شوشه وار. اوشوشه نین ایچینده گؤیرچین وار، بو دئوین جانیدی.

اوغلان تنز اووسون اوخودو، پرده آچیلدی. اوغلان تنز شوشه نی یئرله چیریب گؤیرچین یین باشینی اوزدو. بو زامان دئو نریلتی-گورولتو ایله اؤزونو یئتیردی،

یثره بیخیلیب جهنمه واصل اولدو. بونلار بیر خورجون لعل-جواهرات، ایکی ده آت گؤتوروب، ملیکه خانیم دا بیر دست پهلوان پالتاری گئینیب، یولا دوشدولر. هه، ایندی اثشیت آیزین او شهرده نییه سر کرده قالماغیندان. آیز شهره گیرنده بیر قاریدان اویرنمیشدی کی، بو شهرین قیزی بیر دئو اوغورلایب آپاریب. قاری دئمیشدی:

-من اثشیتیم کی، ملیکه خانیم گوی عالمینده گول پینار آدلی بیر باجیلیغی وار. قیز اوغورلانان مدته خانیم بورایا گلیمیشدی، قیز تاپیلاندا دا گله جک. اونا گوره ده آیز سر کرده اولوب اورادا قالدی. قیزی آختاردیلار. شاهین دا فیکری قیز تاپیلاندا اونو آیزا وئرمک ایدی. قیزی دا تاپماق آرازا قسمت اولموشدو.

آرازا ملیکه خانیم گلیب قیزین شهرینه چیخیرلار. شهرده بیر کاروانسارایا دوشورلر. قیز آرازا دئیر:

-سن گت آتامین باریگاهینا، منی گتیرمگین خبرینی وئر. آتام سنی دنیا مالیندان غنی ائلییه جک. سونرا گلیب منی بورادان آپارارسان. یولدا ملیکه خانیم اوغلاندا سوروشموشدو:

-سن هاردان گلیب، هارا گتیردین کی، گلیب بورا چیخدین؟ آراز باشینا گلنلری اونا دانیشدی:

-بیزیم شاهین اوغلو گول پینارین شکلینی گوروب اونا وورولموشدو. بیز ده قوشونلا اونو آختارماغا چیخمیشدیق. یولدا گمی میز قضا یا اوغرادا. منیم آیز دان خبریم اولمادی، کاش آیز دا ساغ اولایدی.

آراز بئله دئییب آغلادی، اونا گۆره کی، اونلار بیر سارایدا بؤیوموشدولر. شاه-وزیر اوغلو ایدیلر، همی ده ایستکلی، یاخین دوست اویدولار. اونا گۆره حیفسیله نیب دئدی:

-سنی آتانا تحویل وئرندن سونرا من آیازی آختارمالییام، ایشدیر آیازی تاپا بیلمه سم، هئچ وطنه ده قاییتما یا جاغام.

قیز حیفسیلندی، ندن کی، آرازی سئویردی. او، دئدی:

-عایله قورمورسان، قورما. قال منیم قارداشیم اول.

اوغلان راضیلاشیب قیزین آتاسی نین باریگاهینا یولا دوشدو. او، گئدیب سارایا چیخدی. سارایدا مجلس قورولموشدو. صاباحیسی گون قیزین آختاریشینا چیخا جاقدیلار. ائله مجلس ده بونا گۆره قورولموشدو. قاپیچی اوغلانی سارایا بوراخمادی. اوغلان اوندان خواهیش ائتدی کی، شاها دئسین کی، بیر غریب پهلوان اونو گۆرمک ایسته بیر. قاپیچی گئدیب بونو شاها چاتدیردی. شاه بویوردو کی، اؤتورون گلسین. ایچهری گیرن کیمی آراز شاهین بؤیرونده اوتورموش آیازی گۆردو. آیاز آرازی گۆرن کیمی اؤزوندن گئتدی. مجلس اهلی ال-آیاغا دوشوب آرازی دؤیوب قووالادیلار کی، نه گونا ایشلتدین کی، آیاز سنی گۆروب او حالا دوشدو. اوغلان کاروانسارایا ملیکه خانیمین یانینا گلدی. ملیکه خانیم دئدی:

-سن گرک تئز دئییدین کی، من ملیکه خانیمی تاپمیشام. اونلار سئوینیب سنین باشینا توپلاشا جاقدیلار. او واختان دا دوستون آییلا جاقدی.

اوغلان ایشی باشا دوشوب، بیر ده سارایا گئتمگی قرارا آلدی. آیاز اؤزونه گلندن سونرا اوغلانی سوروشدو. سارای اهلی اونو اینجیتدیگینه گۆره اوغلانی دؤیوب-قووالا دیقلارینی دئدی. آیاز نئجه اولورسا-اولسون اونو تاپماغی امر ائتدی.

آراز سارایا طرف اوز قویدو. گۆزتچیلر اونو توتوب سارایا آپاردیلار. آیاز آرازلا گۆروشوب-اؤپوشندن سونرا اوغلان ملیکه خانیمی تاپیب گتیردیگینی خبر وئردی. سارایدا بؤیوک شنلیک باشلاندى. گئدیپ کجاوه ده ملیکه خانیمی کاروانسارادان گتیردیلر. شهره جار چکیلدی کی، شاه قیزینى تاپدیغی اوچون بؤیوک مجلس قوراجاق.

آراز آیازا خبر وئردی کی، گۆلپینار خانیم قیزین باجیلیغیدیر. او دا گۆروش اوچون بو مجلسه گله جک. آیاز سئویندی. قیزین تاپیلماسی گۆلپینار خانیم گئدیپ چاتدی. شهر اهلی اؤز مجلسینده اولسون، اثشیت گۆلپینار خانیمدان. اوچ گوندن سونرا گۆلپینار خانیم اؤز کنیزلری ایله گلیب چیخدی. ملیکه خانیملا بدیعیه خانیم باغدا قورولموش چادیردا اوتورموشدولار. گۆلپینار خانیم سوروشدو کی، بس نجه اولدو کی، سن تاپیلدین؟ قیز باشینا گلن لری نقل ائتدی. دئدی:

-سنی آختاریرمیشلار، منی تاپیلار. اوغلان دا بوردادی. سنین عاشیقیندی. ایسته بیرسن گۆروش دوروم، باخ گۆر نجه اوغلاندى.

قیز راضی اولدو. ملیکه خانیم گونورتا آیازی سارایا دعوت ائدیپ گۆلپینار خانیملا گۆروش دوردو. قیز دئدی:

-آیاز، من بی بی م اوغلونون نشانلیسیدیم. تویموزون آخیرینجی گونو بیر پهلوان بی بییم اوغلونو غفیلدن ووروب اؤلدوردو. منیم تویم یاسا دؤندو. شهر اهلی قارا گئیدی. آتام منی بی بی مه تحویل وئریب دئدی کی، اؤله نه کیمی گۆلپینار سنین گلینین اولوب، یانیندا قالا جاق. او واختدان اوچ ایل کئچیددی. من بی بی مین یانیندا یاشاییرام. ایندی سنی سئویرم. آنجاق ایشی ائله قوراق کی، سنی آپاراق

آتامین حضورونا. آتام گۆندهره جک سنی بی بی مین یانینا. اونون راضیلیغی ایله منی آلا بیلرسن.

راضیلاشدیلار. آیاز اونلارلا گولوستان شهرینه گتدی. چوخ چتینلیکله ده اولسا، اوغلان شاهین حضورونا دوشه بیلدی. او، بوتون درد-دیلینی شاها عرض ائلهدی. چوخ گۆزل، عاغیللی اولدوغوندان آیاز شاهین خوشونا گلدی. شاه بویوردو کی، اونون ان غدار دوشمنی اولان آغ دئوی اؤلدورسون. اوغلان چوخ چتینلیکلرله راستلاشاراق، آغ دئوی محو ائتدی. شاهین حضورونا قاییتدی. شاه اونون آلتیندان اؤپوب قیزی اونا وئرمه یه راضی اولدو. اونون یانینا قاصد سالیب باجیسی نین یانینا گۆندردی. احوالاتی اولدوغو کیمی باجیسینا چاتدیریب، قیزین بونا وئریلمه سینی باجیسیندان التماس ائلهدی. باجیسی دا قیزین اونا وئریلمه سینه راضی اولدو. دئدی کی، قوی قیزا من اؤزوم توی ائله ییم. قارداشی راضی اولمادی کی، قوی آپاریب اؤز وطنینده توی ائله سین. قیزا بیر چوخ هدیه لر وئریب آیاز لا بیرلیکده یولا سالدیلار. اونلار بیرباش ملیکه ایله آراز اولان یئره گلدیلر. پادشاه بونلاری بئله گۆرنده چوخ سئویندی. او دا قیزینی آرازا وئریب، بوردا توی مجلسی قوردوردو. آیاز لا آراز بئله مصلحت گۆردولر کی، گئدیب تویوموزو وطنیمیزده ده ائله یه ریک. شاه بونلاری بؤیوک دبدبه ایله یولا سالدی. بونلار وطنلرینه گتدیلر. شهرلرینه بیر منزل قالمیش موشتولوقچو گۆندردیلر. شاهلا وزیرین یئگانه اوغلانلاری تاپیلدیغینا گۆره بوتون شهر اهلی اونلارین پیشوازینا چیخدی. اونلاری سارایا آپاردیلار. آتا-آنالاری ایله گۆروشوب بؤیوک طنطنه لی توی مجلسی قوردولار. بدیعیه خانیمی آیازا، ملیکه خانیمی آراز اآلدیلار.

اونلار یئیب-ایچیب، مورادلارینا یئتدیلر. سیز ده مورادینیزا یئته سینیز.

گۆیدن اوچ آلما دوشدو: بیرى منیم، بیرى اؤزومون، بیرى ده ناغیل دئییه نین.

آوشارېگ

قدیم زمانلاردا بیر شاه وارایدی. آدینا آوشارېگ دئیردیلر. آوشارېگ چوخ عدالتلی بیر شاه ایدی. همیشه اؤز وزیرینی ده گؤتوروب درویش لباسی گئییب، گزمه یه چیخاردی. بیر گون آوشارېگ وزیرینی چاغیریب دئدی کی، گل شهره چیخاق. خلاصه بونلار پالتارلارینی دیشیب، دوشدولر یولا. آز گتمیشدیلر، چوخ گتمیشدیلر، گلیب بیر کنده چاتمیشدیلار. بیر ده گؤردولر کی، بیر جوتجو اؤکوزله یئر شوملا بیر. هردن اونو دایاندیریب، یئرین بیر او باشیندا، بیر بو باشیندا اوینا بیر، سونرا یئنه ایشینه داوام ائدیر. شاه سوروشدو کی، وزیر، بو نه احوالاتدیر. وزیر دئدی کی، شاه ساغ اولسون. بو جوتجونون خانیمی یاخشیدیر. اونا گؤره بئله ائله بیر. پادشاه دئدی: گل ایندیجه یوخلایاق. جوتجویه یاخینلاشیب سلام کلامدان سونرا دئدیلر کی، آ کیشی، بیزی بو گئجه لیگه قوناق ائلییرسنمی؟ جوتجو دئدی: قوناق الله قوناغیدیر، بویورون گئدک. شاهنان وزیر گؤردولر کی، ائوه چاتان کیمی جوتجونون خانیمی تئز اؤکوزلری آچیب آپاردی. قاباقلارینا اوت قویوب قایتدی. تئز اؤزونو یئتیریب یولداشی نین چاریقلارینی سویوندوروب، آیاقلارینی یودو، تئز سوفره نی آچدی. یولداشی نین آلتینا دؤشکچه، دالینا یاستیق قویدو. هر اوچونه یئمک چکدی. سونرا بونلارا چای گتیردی. شاهینان وزیر گؤردو، دوغرودان دا، جوتجونون خانیمی یاخشیدی. بونلار اوچو ده، سؤز-صحبتن سونرا یئرلری حاضیر اولدو، یاتدیلار، سحر تئزدن شاه وزیرن اؤز ساراینا یولا دوشدو. سارایا چاتان کیمی تاختا ایلشدی. امر ائتدی کی، گئدیب جوتجونو اونون یانینا گتیرسینلر. گئدیب جوتجونو گتیردیلر.

جوتجو گیرن کیمی شاهینان وزیر تانیدی. شاه دئدی کی، آی کیشی، گل خانیملاریمیزی دیشک. سن خانیمینی وئر منه، من ده اوچ خانیمیمی وئریم سنه. کیشی نه دییه بیلردی کی؟ قورخوسوندان راضیلاشیب، خانیملاری دا گؤتوروب گئتدی. جوتجو بونلارین اوچونو ده گتیریب چایین باشینا دئدی: من سیزین هر اوچونوزو دالیمآلیب بو چایین اوستوندن کئچیرده جهیم. چایین اورتاسینا چاتاندا بیرینجی خانیمدان سوروشدو: سنین صنعتین ندر؟ بیرینجی آرواد دئدی: من اوغرووام. جوتجو بو آروادی کئچیردیپ چایین او باشینا قویوب قایتدی. ایکینجی آروادی دالینا آلیب چایین اورتاسینا چاتاندا سوروشدو: سنین صنعتین ندی؟ ایکینجی آرواد دئدی کی، من دیلیم. جوتجو بو آروادی چایین اورتاسینا آتیب قایتدی. اوچونجو آروادی دالینا آلیب چایدان کئچنده سوروشدو: بس سه نین صنعتین ندر؟ آرواد دئدی کی، بس منیم صنعتیم پیس یولا گتتمکدیر. جوتجو بونو دا چایدان سالامات کئچیردیپ چاتدیردی چایین او قیراغینا. خلاصه، دوزلدیلر یولا. گلیب چاتدیلار جوتجونون ائوینه. جوتجو گتیریب اوغرو آروادا آنبارین آچارینی و بیر دنه ده ترهزی وئر دئدی: - کیمه نه وئرسن، چک وئر. ایکینجی آروادی گتیردی بیر اوتاغا. اوتاغین بیر قاپیسی واریدی. بیر ایکینجی قاپی دا آچدیرب دئدی: - بو قاپیدان گیرن او قاپیدان چیخب گتسین. خانیملار اؤز سهولرینی باشا دوشدولر. کیشی لاپ آرخایین اولوب، سئویندی. ایشه گئندنه یئرین هم او باشیندا، هم اورتاسیندا، هم ده بی باشیندا اوینادی. شاه وزیر له یئنه ده سفره چیخاندا گؤردولر کی، جوتجونون کئفی داها دا سازدیر. شاه دئدی: - وزیر، بو نه ایشدیر؟ وزیر دئدی: - شاه ساغ اولسون. کیشی نین خانیملاری یئنه ده یاخشیدیلار. شاه جوتجونو چاغیرتدیرب دئدی: - آی کیشی، گت آروادلاریمی گتیر. کیشی البهیم گئدیپ آروادلاری گتیردی. شاه گؤردوکی، بیری

یوخدور. سوروشدو: -بس بیر هانی؟ جوتجو دئدی کی، شاه ساغ اولسون، بیر دیللیدی. اونون عهده سیندن گلکم اولمزدی. اونا گؤره ده آتدیم چایا. شاه ایکی خانیمینی آلیب جوتجونون بیر خانیمینی وئردی. بئله لیکله، اونلار خوشبخت یاشاماغا باشلادیلار. جوتجو یئنه ده شوملایاندا هم یئرین او باشیندا، هم ده بو باشیندا، هم ده اورتاسیندا اوینا یاردی.

ارسلان "ین دوستلاری

بیری وار ایدی، بیری یوخ ایدو، بیر کیشی واردی، بو کیشی نین ده آروادی و اوغلو واردی. بیر گون آرواد اؤلور. کیشی گئدیب باشقا آرواد آلیب گتیریر. بیر گون آرواد اؤزونو ناخوشلوغا وورور و دئییر کی، آت دریسینه سالسانیز، من ساغالارام. آرواد اوغلانین آتینی یوخ ائله مک ایسته بیر. اونا گؤره ده اوغلان ائوه گلنده آتاسی دئییر:

-آتی کسک، آنان ساغالسین.

اوغلان بو سؤزدن مایوس اولور، آتین یانینا گلیر، احوالاتی آتا دئییر. آت دئییر:

-چؤرک یاپسینلار و ییغسینلار منیم بئلیمه، سن ده مینرسن، اوچ گون گزه جه یم. اوغلان گلیب بونلاری آتاسینا دئییر. هر شئی حاضیر اولاندان سونرا ارسلان مینیر آتین بئلینه. بئله لیکله، ایکی گون گزیر لر. آت قانادلانیب اوچور، بیر دوزنلییه دوشور لر. اونلار چادیر قورورلار. ارسلان اووا گئدیر. ارسلان گئندن سونرا چادیرا بیر جاناوار یاخینلاشیب آتدان سوروشور:

-بورادا نه ائدیرسن؟

آت دئییر:

-آغاملا قالا جاغیق بورادا، اووا گئدیب.

جاناوار دئییر:

-آغانا دئنه منی ده ساخلاسین، سیزین آرتیقد-اورتوغونوزدان یئییب باشیمی
دولاندیرارام.

بیر آزدان سونرا ارسلان گلیر. آتدان سوروشورکی، او ندیر دوروب چادیرین
یانیندا؟

آت دئییر:

-جاناواردیر، دئییر آغانا دئن، منی ده ساخلاسین. ارسلان راضی اولور. بیر گون
اوغلان یئنه ده اووا گئدیر. بیر تولکو گلیب جاناوارا دئییر:

-سن بو آتی نییه یئمیرسن؟

جاناوار دئییر:

-نییه یئیم، آغام گونده بیزه اوواتی گتیریر، بیز ده یئیریک.

تولکو دئییر:

-اوندا آغانا دئنه منی ده ساخلاسین. ارسلان تولکونون قالماسینا راضی اولور.

ارسلان یئنه اووا گئدیر. بو زامان بیر قارغا گلیر. خواهیش ائدیرکی، بونون دا

قالماق ایسته دیگینی اوغلانا دئینلر. ارسلان راضی اولور. بیر مودت یاشادیقدان

سونرا حیوانلار ارسلانین یاخشیلیغیندان چیخماق اوچون راضیلاشیب اونا بیر قیز

گتیرمک ایسته بیرلر.

تولکودن سوروشورلار:

-سنین الندن نه گلیر؟

تولکو دئییر:

-اویناماق.

جاناواردان سوروشورلار:

-سنین الیندن نه گلیر؟

-توی چالماق.

قارغادان سوروشورلار:

-سنین الیندن نه گلیر؟

-جایناغیملانه یی ایسته سه نیز گؤتوره رم.

حیوانلار بیرلیکده بیر شهره گئدیپ، پادشاهین عیمارتینه یاخینلاشیرلار. تولکو اویناییر، جاناوار توی چالیر، قارغا ایسه عیمارتین او طرف، بو طرفینه اوچور. بو زامان پادشاهین قیزی سسه ائشییه چیخیر. قارغا فورستی الدن وئرمه ییب قیزی جایناغینا آلیر و حیوانلارلا بیرلیکده اؤز یئرلرینه گلیرلر. ارسلان گؤرورکی، دوستلاری گلیر، یانلاریندا دا بیر قیز. قیزی گؤرن کیمی چوخ سئوینیر. بو زامان شهره سس یاییلیرکی، پادشاهین قیزینی آپارییلار. پادشاه نه قدر ائدرسه، قیزینی تاپا بیلیمیر. بیر قاری گلیب دئییرکی، قیزینی من تاپارام. پادشاه دئییرکی، قیزی تاپسا، اونو دنیا مالیندان غنی ائده جک. قاری کوپه مینیب گؤیه اوچور. بیر آز گئتدیکدن سونرا چؤلون دوزونده بیر چادیر گؤرور. آشاغی ائنیب گیزله نیر. گؤرورکی، اوغلان گلیر، باشلا ییر آغلاماغا. دئییرکی، یئریم یوخدو، یاتماغا، منی ائوینده ساخلا. ارسلانین بو قارییا یازیغی گلیر، اونو چادیرا آپاریر. قیز بو قاریدان شوبهه له نیر، دئییرکی، بو قاریدان گؤزوم سو ایچمیر. اوغلان دئییر:

-یازیق قاریدیر، قالسین بیزده.

بیر مودت کئچمیشدی کی، قاری قیزا دئییر:

-بیر آز گزک اوریمیز آچیلسین. اونلار چؤلله چیخیرلار. قاری چالیشیرکی، قیزی کوپه طرف آپارسین. بیر آز گئتدیکدن سونرا کوپه یاخینلاشیرلار. قیز ایلیب کوپه باخاندا قاری اونو ایتله ییب کوپه سالیر. کوپون آغزینی اؤرتور، اؤزو ده

اوتورور کوپون اوستونده، اوچورلار پادشاهین ولایتینه. پادشاه قیزی گورور، چوخ سئوینیر. قاری یا خلعت وئریر.

اوغلان اوودان قایدیر، گورورکی، حیوانلار بی کئفدیر. حیوانلار سوزو بیر یئرہ قویوب شهرہ طرف یوللانیرلار. گلیب چیخیرلار پادشاهین عیمارتینه. قارغا قیزی جایناغینا آلیب اوز یوردلارینا طرف اوچور. اوغلان گورورکی، بودو، قیزی گتیریرلر، چوخ شاد اولور. یئییب ایچیب خوشبخت یاشاماغا باشلایرلار.

اوج آیاقلی آت

بیری وار ایدی، بیری یوخ ایدو، کاسیب بیر کیشی وار ایدی. اونون اوج اوغلو، اوج قیزی واردی. بیر گون کیشی آغیر ناخوشلایر. اولهجه نی حیس ائله ییب اوغلانلارینی یانینا چاغیریب، وصیتی ائله ییر:

-منی باسدیردیغینیز گونون سحریسی قبریمین اوستونه گئدین. قبریمین اوستونده هانسی جانلینی گورسز، بویوک باجینیزی اونا وئرین. ایکینجی گونو یئنه قبریمین اوستونه گئدیب، هانسی جانلینی گورسز، کیچیک باجینیزی دا اونا وئرین.

کیشی اولن گونون سحریسی کیچیک قارداش اوزوندن بویوک قارداشلارینا آتاسی نین وصیتینی خاطرلادیر. بویوک قارداش دئییر:

-اولونون وصیتی یانیندا قالار. عاغلین-هوشون اولسون، گئت اوزووه چورک قازان. اورتانجیل قارداش اوز-گوزونو تورشودوب، کیچیک قارداشی آجیلایر. کیچیک قارداش گوردوکی، اونلاردان بیر فایدا یوخدور. اودورکی، اوزو تک باشینا بویوک باجیسی نین قولوندان یاپیشیب آتاسی نین قبری نین اوستونه گلدی. گوردوکی، قبرین اوستونده آغ دئو اونلاری گوزله بیرمیش کیمی دایانیب. اوغلان دئدی:

- آغ دئو، بوردا نییه دورموسان؟

دئو جاواب وئردی:

- سنین آتائین وصیتینی گؤزله بیرم.

اوغلان باخدی کی، دئو دوز دانشیر، اودورکی، بؤیوک باجیسینی اونا وئریب
گئری قایتدی. اورتانجیل باجیسینی قارا دئوه، کیچیک باجیسینی دا ساری دئوه
وئردی.

گونلرین بیر گونو اوچ قارداش ایش آختارماق اوچون سفره چیخدی. اونلار قیرخ
گون، قیرخ گئجه یول گئتدیکن سونرا بیر شهره چاتدیلار. بو شهر دنیزین
یاخینیندا ایدی. اونلار ایش سوراقلاشا-سوراقلاشا بیر گمیچی یه راست
گلدیلر. گمیچی دئدی:

- منه یوخوسونا حارام قاتماغی باجاران کئشیکچی لازیمدیر. چونکی دنیزین
قیراغیندا گمیلریمیزی تئز-تئز چاپیب تالایرلار. گئجه لر بو شهره یان آلمانا
پئشمان اولوروق. ایندی دئین گوروم، هانسینیز قوچاق، یوخوسوزلوغا
دؤزوملودور، اونو ایشه قبول ائله ییم. کیچیک قارداش راضیلیق وئردی و او گوندن
گئجه-گوندوز گمی لره کئشیک چکمه یه باشلادی. بیر گئجه اوغلان گوردوکی،
دنیزدن اوچ دریا آتی چیخدی. اوغلان اونلاری جیلوولاییب یاخینلیقداکی مئشه یه
آپاردی. اونلارین هر بیرینی بیر آغاجین آلتیندا هوروکله ییب گئریه
قایتدی. گونلرین بیرینده شهره خبر یاییلدی کی، پادشاهین گوزونون آغی-قاراسی
اولان بیر قیزی جادیچی قاجیریپ. پادشاه جار چکدیردی کی، کیم منیم قیزی
جادیچی دان آلیب گتیرسه، اونو دونیا مالینا غرق ائلییه جهیم. اوغلان پادشاهین
حضورونا گلیب، باش آندیردی.

-پادشاه ساغ اولسون، من بو ایشین عهده سیندن گلرم. آنجاق منیم ده اؤز شرطیم وار. قیزینیزی منه اره وئرمه لی سینیز.

پادشاه اوغلانین شرطینی جانلا-باشلا قبول ائله ییب، اونو ادب-ارکانلا یولا سالدی. اوغلان پیرباشا مئشه یه گلدی، دریا آتلاریندان بیرینی مینیب یولا دوشدو. دره لردن سئل کیمی، تپه لردن یئل کیمی آشیب بیر چؤللو-بیابانا چاتدی. اوغلان گؤز گزدیریپ گؤردوکی، بیر قالاچا وار. گلیب قالاچایا گیرنده گؤردوکی، بؤیوک باجیسی ایله آغ دئو بوردادی. اوغلان باجیسی ایله گؤروشوب-اؤپوشدو، آغ دئونن کئف حاللاشدی. سونرا سفرینین مقصدینی اونلارا دئدی. آغ دئو باشینی بولادی.

-ناحاق گئدیرسن، جادیچی ایله باجارا بیلمرسن. او، سنی اؤلدوره جک. هارای بو باشندان گئریه قایت. باجیسی دا اونا چوخ یالوار-یاپیش ائله دی، آنجاق اوغلان اونلارین سؤزونه محل قویمایب، یولونا داوام ائلدی. بیر خئیلی گلندن سونرا جادیچی نین عیمارتینه چاتدی. قاپیدان ایچهری گیرنده گؤردو جادیچی باشینی قیزین دیزی نین اوستونه قویوب خوررام وورور. اوغلان قیزا ایشاره ائله دی کی، اونون باشینی دیزی نین اوستوندن اهمالجا یئر قوی، دالیمجا گل. قیز ائله ده ائتدی. چؤلله چیخیب اوغلانین آتی نین ترکینه میندی. اوغلان آتی ترپه دیب یولا دوشن کیمی، همن جادیچی نین توخماغی تاپیا-توروپ سالیب اونو یوخودان اویاتدی. جادیچی چؤلله چیخیب اوچ آیاقلی آتینی مینمک ایسته ینده آت دئدی: -تکسمه، او دریا آتی نین بیر گونه چاپدیغی یولو من بیر ساعاتا چاپارام. ایندیهه بیر اوووج کیشمیش گتیر یئیم، یامان آجمیشام.

جادیچی اونون بئلینه قالخان کیمی همن آت یئل کیمی اوچدو. بیر آز کئچمه-دی کی، جادیچی اوغلانین آتینا چاتدی و الینده کی توپوزلا اونو ووروب آتدان

سالدی. جادیچی اونو اؤلوموش بیلدی، قیزی دا گؤتوروب اؤز عیمارتینه قایتدی. اوغلان هاننان-هانا اؤزونه گلیب گؤردوکی، قان ایچیندهدی. بیر تهر آتی نین بئینه قالخدی. آت اونو کسه یولونان گتیرنده بیر قالاچا گوردو. قالاچانین قاباغیندا دایانیب کیشنهدی. سن دئمه، بو قالاچا اوغلانین اورتانجیل باجیسی ایله قارا دئوین ایمیش. قارا دئو تئز ملحم دوزلندی، اوغلانین یاراسینا قویدو. یئددی گوندون سونرا اوغلان تامام ساغالدی. باشینا گلنلری باشلادی ناغیلاماغا. اورتانجیل باجیسی دا قارا دئوله نه قدر یالوار-یاپیش ائتدیلر، اونو یولوندان دؤندره بیلمه دیلر. اوغلان اونلاردان آیریلیب یولا دوشدو. هه، ایستکلی ناغیل سئونلر، قیسا دئییم کی، یورولمویاسیز. بو دفعه ده اوغلانین باشینا کئچن دؤنه کی حادثه لر گلدی. بو دفعه ده اونو دریا آتی آل-قانین ایچینده بیر قالاچانین قاباغینا گتیردی. اوغلانین کیچیک باجیسیلا ساری دئو بو قالاچادا ایدی. آتین کیشنرتیسینه اونلار چؤله چیخدیلار. کیچیک باجی قارداشینا اؤلوموش بیلیم آغلاماغا باشلادی. ساری دئو اوغلانین یاراسینا باخان کیمی، قیزا توختاقلیق وئردی کی، قورخما، بو یارادان قارداشینا اؤلوم یوخدو. ساری دئو ملحم دوزلدیب اوغلانین یاراسینا قویدو. او، یئددی گوندون سونرا تامام ایله ساغالدی. باشینا گلن حال-قضیه نی باجیسی ایله ساری دئوه ناغیللادی. ساری دئو دئدی:

-بو یاوقلو قدا بیر مئشه وار. اوردا دانیشان بیر آت یاشاییر. نئچه ایللردی کی، بالا اؤزونه حسرتدی. جاناوارلار آت بالالی یانا ماجال اونو گودور، بالاسی یئره دوشن کیمی بیرتیب یئیرلر. جادیچی همن آتی گودوب، او دوغاندا بالاسینی جاناوارلاردان بیرتهر قورتارسا دا، آتین بالاسی نین بیر آیاغی جاناوارلارین بیرینین آغزیندا گئدیب. باخ، جادیچی نین میندیگی آت همن اوچ آیاقلی آتدیر.

ایندی سن مئشه یه گئت. آتین بالالاماسی واختی اونو گۆزدن قویما. اونو جانناوارلاردان قوروسان، آتا خوش گلر، بلکه اوندا سنه بیر کؤمکلییی دیر. اوغلان ساری دئوین نیشان وئردیگی مئشه یه گلدی. چوخ آختاراندا سونرا دانیشان آتی تاپدی. باشلادی اوغرون-اوغرون اونو گؤدمه یه. بیر آخشامچاغی سی گؤردوکی، آت سانجیلانیب. اوغلان آتین هنده وه رینده تونقال قالادی، جانناوارلاری آتا یاوق گلمه یه قویمادی. دانیشان آت اوغلانین بوتون حرکتلرینی گؤروردو. اودورکی، بو دفعه او، آرین-آرخاین دوغدو. بالاسی آغوزلانان همن اویناقلاماغا باشلادی. آت دانیشماغا باشلادی:

-ئنچه ایللردی کی، بالا اوزونه حسرتم. سن کی، منه بو قدر یاخشیلیق ائله دین، دیله گؤروم مندن نه دیلرسن. اوغلان باشینا نه کی قضا-قدر گل میشدی، هامی سینی بیر-بیر آتا ناغیل ائلدی.

آت اوغلانی بئلینه، بالاسینی دا یانینا آلیب اوز قویدو جادیچی نین عیمارتینه ساری. اوغلان اولکی قایدایلا ایشاره ائتدی، قیز جادیچی نین باشینی دیزیندن یئره قویوب چؤله چیخدی. اوغلان دئدی:

-قورخما بو دفعه سنی قورتاراجام. بو آت دریا آتی نین تایی دئیل. یئل کیمی گئدیب آتاوون عیمارتینه چاتا جاییق. قیز دا آتا مینیب اللرینی یوخاری قالدیردی، بیر آغیز دوعا ائله دی. آت بالاسی نین دردیندن چوخ یاواش گئدیردی. اوغلان بیلیردی کی، بو آت دهمرلنمه لی آت دئیل. اونا گؤره آت ناراحات اولسا دا، ال-آیاق ترپتمیردی. اوغلان دؤنوب آرخاسینا باخاندا گؤردو، بودو، جادیچی نین اوچ آیاقلی آتلا یئتیرهایتیرده دی. اوغلان آییلیب آتین قولاغینا نه ایسه دئدی. آت آیاق ساخالیب گئری دؤندو و اوزونو اوچ آیاقلی آتا توتوب دئدی:

-سن منیم دوغماجا بالامسان. هنج بالادا آناسی نین اوستونه دشمن گتیرر؟ قالدیر اونو، یئرہ ائله چیرپ کی، یئرین یئددینجی قاتینا کئچسین.

اوچ آیاقلی آت آناسی نین سؤزلرینی ائشیتجک شاهه قالخدی. جادیچی نی یئرہ ائله چیرپدی کی، پارام-پارچا اولوب، تورپاغین آلتینا کئچدی.

ات بالاسی نین بو حرکتیندن راضی قالیب دئدی:

-ایندی ایسه سنین ایختیارینی بو اوغلانا وئریرم. اونون بوتون گؤستریشلرینی جانلا-باشلا یئرینه یئتیر، قاییت گل مئشه یه. قارداشینلا یولوو گؤزلیه جه بیک.

اوچ آیاقلی آت اوغلانی و قیزی ترکینه آلدی. بیر آز کئچمه دی کی، اونلاری پادشاهین عیمارتی قاباغیندا یئرہ قویوب، مئشه یه قاییتدی. پادشاه قیزی نی گؤرجک چوخ سئویندی. اونلارا توی ائله دی.

اوچ توکلو کوسا

بیری واردی، بیری یوخدو، بیر کیشی واردی. کیشی نین اوچ اوغلو واردی، اوچ قیزی. کیشی نین چوخلو وار-دؤولتی واردی. لاکین قیزلارینی اره وئرہ بیلمه-میشدی. کیشی اولوم آیاغیندا اوغلانلارینا وصیت ائدی کی، کاسیب اولسالار دا قیزلاریمی بیرینجی ائلچی گلنه وئرسینلر.

کیشی دونیاسینی دیشیر. بیر مودت کئچندن سونرا بؤیوک قیزا ائلچی گلیر. اوغلان کاسیب اولدوغونا گؤره بؤیوک و اورتانجیل قارداش قیزی وئرہک ایسته-میرلر. کیچیک قارداش دئیرکی، هر باجیما بیریمیزین اختیاری چاتاجاق. بو باجیمیزدا منیم عهدمه دوشور. اونا گؤره ده من ائلین عادتت ایله باجیمی اره وئریرم. توی ائله ییب باجیسین کاسیب اوغلانا اره وئریر. دئیرکی، آتاین وصیتی گرک یئرہه قالما یا.

قارداشلار آتادان میراث قالان وار-دؤولتی ده بؤلورلر. بیر مودت سونرا او بیرسی قیزلارا دا کاسیب عایله لردن ائلچیلر گلیر. یئنه اورتانجیل و بویوک قارداشلار باجیلارینی وئرمک ایستمیرلر. کیچیک قارداش اونا چاتان وار-دؤولتدن قارداشلارا وئریب، باجیلارینی اؤز حمایه سینه گؤتورور و یاخشی جهیز ایله اونلاری ار ائوینه یولا سالیر. طالع ائله گتیریرکی، بیر مودتدن سونرا هر اوچ قارداشین وار-دؤولتی الدن چیخیر، قالیرلار بیر حصیر، بیر ده محمدنصیر. هر اوچو بیرلیکده باشقا ولایته ایشله مه یه گنديرلر. اورادا پادشاه هر اوچونو خزینه یه گؤزتچی تعیین ائله بیر و شرط کسیرکی، خزینه یاریلسا بوینونوزو ووراجاغام. چونکی هر گئجه گلیب خزینه نی یاریردیلار. گئجه یاریسیندان سونرا بویوک و اورتانجیل قارداش یاتیر، کیچیک قارداش ایسه یاتمیر، کئشیک چکیر. گئجه نین بیر واختی اوغلان گؤرورکی، بیر نهنگ آت خزینه نین قاپیسینا هوجوم ائله دی. اوغلان کمند آتیب آتی توتور، آپاریب دره یه باغلا ییر. قارداشلارین هئچ خبری ده اولمور. سحر پادشاها خبر وئریلرکی، خزینه بو گئجه یاریلمایب. پادشاه قارداشلاری مکافاتلاندیریر. او بیر گئجه یئنه بویوک قارداشلار یاتیر، او یاشدان چاغی خزینه نین قاپیسینا نهنگ قارا آت هوجوم ائدیر. کیچیک قارداش یاتمامیشدی. یئنه کمند ایله بو آتی دا توتوب آپاریب، دره ده کی آتین یانینا باغلا ییر. یئنه هئچ کیمین بو ایشدن خبری اولمور. پادشاه یئنه شادلیق ائدیر. بونلاری مکافاتلاندیریر. اوچونجو گئجه قیرمیزی آت خزینه یه هوجوم ائدیر. او یئنه بو آتی دا توتور آپاریب دره یه باغلا ییر. سحرسی پادشاه قارداشلاری یانینا چاغیریر، راضیلیغینی بیلدیریر. سونرا جاماعاتی میثدانا توپلا ییرلار. پادشاهین گؤزل-گؤیچک بیر قیزی نین دیلی توتولموشدو. پادشاه جار چکدیریرکی، شهرین کنارینداکی

خند کدن او طرفده کی نهنگ اژداهانی کیم قیزیمین گؤزو قاباغیندا اؤلدورسه، قیزیمین دیلی آچیلماق. قیزیمی دا همین اوغلانا وئرهجه یم.

شهرین آدلی-سانلی عایله لریندن اولان اوغلانلار خندگین یانینا گلدیلر. لاکین هنج کس خندگین اوستوندن توللانا بیلیمیر. کیچیک قارداش بیر گون آغ آتلا خندگین اوستوندن توللانیر، سونرا گؤزه گؤرونمور. ایکینجی گون قارا آتلا توللانیر، لاکین اژداهانی اؤلدورمور. اوچونجو گون قیرمیزی آتلا توللانیر و اژداها ایله ووروشماغا باشلا بیر. پادشاهین آداملاری آیری یوللا قیزلا بیرگه همین یثره گلیرلر. نهایت، اوغلان گون باتانا یاخین اژداها یا قالب گلیر. اونو اؤلدورور. پادشاهین قیزی نین دیلی آچیلیر. خلوته سالیب قیز الینی اژداهانین قانینا باتیریب اوغلانین کورگینه وورور. اوغلان یئنه آتی مینیب یئل کیمی آرادان چیخیر. آدلی-سانلی عایله لرین اوغلانلاریندان هر بیر پادشاه دئییرکی، اژداهانی من اؤلدورموشم، قیزین دیلی آچیلیب، قیزی منه وئرمه لی سن. وزیرین اوغلو داها چوخ جانفشان لیق ائدیر. پادشاه قیزی چاغیریب فیکرینی سوروشور. قیز دئییرکی، بوتون اوغلانلاری مئیدانا توپلا. من اژداهانی اؤلدورن اوغلانی تانییرام. بئله ده ائدیرلر. آما اوغلان گلمیر. پادشاه هر طرفه آدام سالیر. بیر اوچوق داخما دا یاتمیش قریب اوغلانی دا توتوب گتیریرلر. قیز اوغلانین کورگینه ووردوغو نیشانه نی تانییر. اوغلانین الیندن یاپیشیر. پادشاه توی ائدیب، قیزی اوغلانا وئیر. بیر مودت بورادا قالاندان سونرا اوغلان پادشاه دئییرکی، اؤز ائل-اوبامیزا گتتمک ایسته بیرم. اوغلان قیزی دا گؤتوروب اؤز یئرلرینه طرف گتتمه یه باشلا بیر. یولدا یاتیرلار، اوچ توکلو کوسا، اوغلان یورغون اولوب برک یاتدیغینا گؤره، قیزی گؤتوروب قاچیر. یوخودان آیلان احمد قیرمیزی آتی مینیب آروادی نین دالینجا گئدیر. آروادینی تاپیب قاچیریر. ایشی بیلن اوچ توکلو کوسا اوچ آیاقلی آتی

ایله اوغلانین دالینجا دوشور، چاتیب اوغلانی آغیر یارالاییر. اولو بیلیم قیز ایله گنتمک ایسته ییر. قیز یالواریرکی، مییدی بورادا قویماق یاخشی دئیل. آتی نین بئینه ساری سونرا گنک. کوسا بئله ده ائدیر. آت یاریم جان اوغلانی کیچیک باجیسی نین ائولرینه گتیریر. باجیسی باخان کیمی اوغلانی تانییر، آغلا ییر. ساچلارینی یولور. اری ده گلیب احمدی تانییر. آروادینا دئیرکی، او بیری قارداشلارین اولسایدی باخمازدیم. آما احمدی ساغالتمالی ییق. لقمانی چاغیریرلار، گنجه- گوندوز قایغیسینا قالیرلار. نهایت، اوغلان ساغالیر. یئندن آروادی نین دالینجا گنکدیر. کوسا ائوده اولمادیغینا گوره آروادینی گوتوروب یئنه قاچیر. یئل آتی اولان اوچ قیچلی آتلا کوسا یئنه اونلارا چاتیر، اوغلانی ووروب یثره سریر، آتین اوسته سارییر، آروادی دا گوتوروب گتری قایدیر. بو دفعه آت اوغلانی اورتانجیل باجیسی نین ائوینه آپاریر. باجیسی و آری اوغلانی تانییرلار. قایغی سینا قالیب ساغالدیرلار. بو حادثه اوچونجو دفعه ده تکرار اولونور. احمد باشا دوشورکی، بو آتلاری اوتوب گنچن آتدا نه ایسه بیر سحر وار. اودورکی، باشلاییر بونو اؤیرنمه یه. احمد یئنه آتین مینیب همین ولایته گنکدیر. کوسانی گودور. کوسا ائودن گنندن سونرا آروادی نین یانینا گلیر. آتین سیرینی اؤیرنمه- گی تاپشیریر. کوسا آخشام قایداندان سونرا قادین اونا مهربانلیق گوسته ریر، قوللوق ائدیر. بو، اوچ توکلو کوسانین خوشونا گلیر. قادین آتین سیرینی سوروشور. کوسا اول غضبله نیر، لاکین سونرادان سیرینی آچیر. سن دئمه کی، آت دریا آتی نین بالاسیدیر. کوسا دریا کناریندان تاپمیش ایمیش. جاناوارلار تؤولوشوب بالاجا قولون“ و یتمک ایسته ینده کوسا قولون“ ون بیر قیچینی کسب جاناوارلارا آتمیش، قولونو و اوزونو خلاص اتمیشدی. سونرادان بالاجا قولون بئله بؤیویوب سورعتله قاچان آت اولموشدو. احمد بیر ده دریا آتی نین ساحیله نه

واخت چیخدیغینی اؤیره نیر، اوغلان دریا کناریندا آتی گۆدمه یه باشلاپیر. آت ساحيله چیخان کیمی جاناوارلار تۆکولوب آتی یئمک ایسته پیرلر. سیلاحلی احمد جاناوارلارین بیر نئچه سینی اؤلدورور، قالانی قاچیر. آت اوغلانا دئییرکی، سنه نه یاخشیلیق ائدیم؟ اوغلان باشینا گلن احوالاتی دانیشیر. همین اوچ قیچلی آت بونون بالاسی ایملش. آت دئییر:

-گل منی مین گئدک آروادینی دا آپاراق. آنجاق منی برک سورمه. اوغلان گۆدور. کوسا ائوده اولمایاندا گئدیپ آروادین دا گۆتوروب یولا دۆشورلر. کوسا بیلیب اوچ قیچلی آتلا دالارینا دوشور. اونلارا چاتماغا آز قالاندا دریا آتی بالاسینا دئییر:

-من سنین آنام. کوسانی یئره ائله وورکی، یوز مترلیک درینه گئتسین. آت بئله ده ائدیر. اوچ توکلو کوسادان جانلاری قورتاریر. آت دئییرکی، بیزی دریا کنارینا آپار، اؤتور. احمد بئله ده ائدیر. بوتون بو ایشلرده باجیلاری نین ارلری اونا یاخیندان کۆمک ائدیرلر. یاخشیلیغین عوضینی چیخیرلار. اونا گۆره ده دئییرلرکی، یاخشیلیق یاددان چیخماز.

اۆچ صنعتکار

بیر شهرده اوچ صنعتکار یاشاییردی. اونلار چوخ یاخین دوست اویدولار. بونلارین بیری بنا، بیری دولگر، بیری ده زرگر ایدی.

گونلرین بیرینده بو اوچ دوستون مباحیثه سی دوشدو. هره اؤز صنعتی ایله اؤیونمه یه باشلادی.

بنا دئدی:

-من ائله ائو تیکه رم کی، کرپیجی نین هره سی بیر رنگه چالار. گونده اوچ دفعه-
سحر، گون اورتا، آخشام رنگدن-رنگه دوشر. کولک هانسی طرفه اسسه، ائو او
طرفه فیرلانا.

دولگر دئدی:

-تاختادان ائله بیر آت قاییرارام کی، اوستونده اوتوروب، هارا دئسن، آپارار.
زرگر دئدی:

-من ده قیزیلدان، گوموشدن ائله بیر خوروز دوزلده رم کی، قانادلاری نین هر بیری
بیر توووز قوشو کیمی یوز رنگه چالار. اوزو ده ائو-ائشییه، شهره یاد آدم گلن
کیمی بانلاییب خبر وئر.

او قدر جهل ائتدیلر کی، آز قالدی دالاشالار. بونلار بوردا قالسین، سیزه دئیم
پادشاهدان.

دئمه، ائله بو وخت اولکهنین پادشاهی درویش پالتاری گئییب شهری گزیرمیش.
یوللاری همین اوچ صنعتکارین یانیندان دوشدو. بونلارین مباحیته لرینی ائشیدیب
بیر آز آیاق ساخلادی. پادشاهلا وزیر سؤزلشدیلر کی، بیز نه ائله یک کی، بو ائوه
گئدک. بو مقصدله وزیر قاپی نین آغزیندا اوخودو. دوستلار درویشین سسینی
ائشیدیب دئدیلر:

-نه یاخشی اولدو، درویشلری چاغیراریق، گلیب شرطیمیزی کسرلر.
اونلار درویشلری ائوه گتیریب، یوخاری باشدا ایلشدیردیلر. قاباقلارینا چایدان-
چؤرکدن قویدولار. بیر قدر صُحبتدن سونرا آرالاریندا اولان مباحیته نی آچیب
سؤیله دیلر. خواهیش ائتدیلر کی، دئسینلر گؤرک هانسی داها حاقلیدیر. درویش
پالتارینی گئیمیش پادشاه دئدی:

-اۆچونوزون ده دوزلتدیگینیز قشنگدیر. یاخشی اولارکی، بو شئی لری آپاریب شهرینیزین پادشاهینا گؤستره سینیز، دوزونو او دئیر.

بو سؤز دوستلارین اوچونون ده بئینینه باتدی. بیر قدر صُحبت ائتدیکن سونرا داغیلشیدیلار، هر کس اؤز ائوینه گئتدی.

سحر آچیلدی. پادشاه قیرمیزی گئیینیب تاхта چیخدی. امر ائلدی، بنانی، دولگری، زرگری اونون حضورونا گتیردیلر.

شاه دئدی:

-هرنیزدن اؤز صنعتینیزه گؤره ائله شئی ایسته بیرم کی، دونیادا میثلی-برابری اولماسین، روزگارین گؤزوائله سینی گؤرمه سین.

دوستلار او دقیقه بارماقلارینی دیشله دیلرکی، ای دادی-بیداد، گئجه درویش پالتاریندا گلن شاهلا وزیر ایملش. بیر-بیرینه باخیب اؤزلرینی ائله گؤستر دیلرکی، گویا هئچ ندن خبر لری یوخدور.

بنا دئدی:

-من ائله بیر آت دوزلدرم کی، اوستونه مینیب هانسی طرفه ترپتسن، قوش کیمی او طرفه اوچار، هم سودا، هم قورودا، هم ده گؤیده گنده بیلر.

زرگر دئدی:

-من ائله بیر خوروز دوزلدرم کی، ائوه یاد آدام گلن کیمی خبر وئرر، اؤلکله یه قوشون گیرسه، اوزاقدان گؤروب بانلایار.

شاه دئدی:

-اوشیلری حاضیر لاما ق اوچون سیزه نه لازیمدیر.

دئدیلر:

-هره میزه بیرجه خورجون قیزیل.

پادشاه امر ائله ییب دئدی:

-بونلاری خزینه یه آپارین، نه قدر ایسته بیر لر قیزیل-گوموش گؤتورسونلر.
خزینه دار اوستالارین اوچونوده خزینه یه آپاردی. هرهسی بیر خورجون قیزیل
دولدوردو. سونرا ائولرینه قایدیب وئردیکلری وعده نی یئرینه یئتیرمه یه باشلادیلار.
ناغیل دیلی یؤیرک اولار، قیرخ گونه ائو، آت، خوروز حاضر اولدو. پادشاها
موشتولوق گئتدی کی، اوستالار وئردیکلری وعده نی یئرینه یئتیریلر. پادشاه یاخین
قوهوم-اقراباسینی گؤتوروب تزه ائو گتدی، گوردوکی، عؤمرونده بئله ائو
گؤرمه ییب: هر طرف بیر رنگ وئریر. خوروز دا بونلاری گؤرن کیمی قاپییا
چیخیب بانلادی. آت ائوین قاباغیندا حاضر دایاندی.

پادشاه اوستالارا مرحبا سؤیله ییب دولگره دئدی:

-آتی مین، باخاق گؤرک نئجه گئدیر.

دولگر آتین بئلینه مینیب قاپتارجانی کسدی، او ساعات آت هاوایا قالخدی. دولگر
بیر ساعاتین ایچینده آیین یانینا گئدیب قایتدی.

پادشاه دئدی:

-منی ایسته یین، اوستالارا بخشیش وئرسین. اونلارا او قدر خلعت وئردیلرکی،
بیغیب، بیغیشدیرا بیلمه دیلر.

پادشاه همین گوندن تزه ائو کؤچدو. خوروز بانلاییب خبر وئیردی.

آرادان خیلی مودت کئچدی. بیر گون باشقا بیر اولکهنین پادشاهی بو شاهین
تورپاغینا غفلتا هجوم ائتدی، گوجلوقوشونلا شهره گوردی.

گئجه واختی ایدی. هامی یاتمیشدی. خوروز باشلادی بانلاماغا. پادشاه یوخودان
اویاندی. خوروزا آجیغی توتدوکی، نییه منی یاتماغا قویمورسان. اونو یئر

چیریب ازدی. ائله بو زامان وزیر اؤزونو شاها یئتیریب دئدی:

-قیبله-عالم، نه دورویسان، دوشمن قوشونو هر طرفدن هجوم ائله ییب شهره دولوب. پادشاه ایندی باشا دوشدوکی، خوروز بو احوالاتی خبر وئرمک اوچون بانلاییرمیش. اونو ازدیگینه چوخ پئشمان اولدو. امر ائلدی قوشون آتلاندى، دوشمن قاباغینا چیخدیلار. بیر پهلوان تاхта آتین ایچینه چوخلو داش دولدوروب گۆیه قالدی.

دوز یئددی گون یئددی گنجه ائله بیر دؤیوش اولدوکی، روزگارین گؤزو بئله بیر دؤیوش گؤرمه میشدی. آخیردا دوشمن قوشونونو شیل-کوت ائله ییب شهردن چیخاردیلار.

پادشاه خوروزو ازدیگینه او قدر پئشمان اولدوکی، عؤمرونده بئله بیر پئشمانچیلیق کئچیرمه میشدی. خوروزو تزه دن دوزلمک اولمازدی. چونکی اونو دوزلدن اوستا شاهین بو حرکتیندن آجیق ائله ییب اولکه دن گئتمیشدی.

اوج قارداش

بیری وار ایدی، بیری یوخ اویدو، اوج قارداش وار ایدی. بونلار چوخ کاسیب دولانیردیلار. طالع لریندن شیکایت ائدیردیلر. بیر گون قارداشلارین اوچو ده بختلرینی آختارماق اوچون یولا دوزه لیرلر. آز گئتدیلر، چوخ گئتدیلر، ایین یاریم یول گئتدیلر، گلیب ایکی قوشا داغا راست گلدیلر. اوتوروب دینجلمک ایسته-دیله. بیر ده گؤردولرکی، بو ایکی قوشا داغین آراسیندان نورانی بیر قوجا کیشی چیخدی. او خیزیرنبی (خیدیرنبی) ایدی، نورانی قوجا قارداشلاردان سوروشدو:

-اوغول، هارا گئدیر سینیز؟

بؤیوک قارداش جاواب وئردی:

-بختیمیزی آختارماغا گئدیریک.

بیر آزدینجلیکدن سونرا قارداشلار قوجا ایله صُحبت ائده-ائده یوللارینا داوام ائتدیلر.

قوجا بؤیوک قارداشا دئدی:

-سن بختینده نه ایستردین؟

بو واخت اونلارین قارشسی سینا بؤیوک بیر قویون سوروسو چیخدی. اوغلان قویون سوروسونو گؤسته‌ریب دئدی:

-ائله بیر سوروم اولسا، هئچ نه ایسته‌مهرم.

قوجا دئدی:

-ائله او سورونو باغیشلادیم سنه. گئت اثر کگینی چک آپار.

بؤیوک قارداش سورونو چکیب آپاردی.

بؤیوک قارداش سورونو چکیب آپارماقدا اولسون، بونلار یوللارینا داوام ائدی، گلیب بیر شهرین کنارینا چاتدی‌لار. قوجا دایانیب اورتانجیل قارداش‌دان سوروشدو:

-اوغول، سن نه ایستردین اولسون؟

اورتانجیل اوغلان قارشیداکی بؤیوک باغی، عمارتی گؤسته‌ریب دئدی:

-آغا، ائله بیر حیطیم اولسا، کاسیب لیغین داشینی آتارام.

قوجا دئدی:

-اوغول، او عمارتی، باغی سنه وئریرم. گئت اوردا یاشا. اورتانجیل اوغلان

سئوینجک اولوب عمارته گئتدی. قوجا کیچیک قارداشی دا گؤتوروب یولا داوام

ائتدی.

یولدا قوجا کیچیک قارداش‌دان سوروشدو:

-اوغول، سنین ایسته‌دییین نه‌دی؟

کیچیک قارداش دئدی:

-آغا، من نه وار-دؤولت، نه ده پول ایسته بیرم. من بیر حالال سود اممیش قیز
آختاریرام کی، ائوله نیم.

قوجا دئدی:

-پهؤو، اوغول، سن ایسته دیگین چوخ چتیندی. یئر اوزونده جمعی ایکی حالال
سود اممیش وار. اونلاردان بیر اره گئدیب ایکی اوشاق آناسیدی، او بیریننده
بو گون توؤودو. آما فیکیر ائلهمه. او توؤو اولان گلین سنین اولاجاق.

اوغلان دئدی:

-آغا، نه دانشیرسان؟ باشقاسی نین گلینینی آلماق اولار؟

قوجا دئدی:

-فیکیر ائلهمه. او منیم الیمده دی. قیزی آلان حالال سود اممیش اوغلان دئیل.
قیز اونا گتسه، بدبخت اولاجاق. بونا گؤره هم سن آختارانی تاپیب وئررم سنه،
هم ده او یازیغی بدبخت لیکدن قورتارارام. ایندی ایسه سن همین تو یا گتتمه لیسن.
سنه تاپشیر یقلاریمی یاخشی یادیندا ساخلارسان کی، ایش باش توتسون.

اوغلان سوروشدو:

-اونه شرطدی؟

قوجا دئدی:

-سن گرک گلینی کؤچورنده گلین مین آتین جیلوووندان توتوب دییه سن:
-بو منیم نیشانلیمدی. هارا آپاریر سینیز؟ جاماعات سنی دؤیوب قوماق ایستیه-
جک. آما سن سؤزوندن دؤنمزسن. اوغلان دئدی:

-آغا، قورخورام منی اولدوررلر.

قوجا دئدی:

-سنین سونراسی ایله ایشین یوخدو. من گلیب چیخاجام.

کیچیک قارداش قوجا نئجه کی، دئیشدی ائله ده ائدی. یاپیشدی آتین جیلوووندان کی، بو منیم نیشانلیمدی. هارا آپاریر سینیز؟ بیر-ایکی آدام بونو عاغیل سیز بیلیم، دؤیوب قوماق ایسته دیکده قوجا گؤرونوب دئدی:

-اونو نییه دؤیمک ایسته ییر سینیز؟ کیم گلیب یالاندان باشقاسی نین گلینینه صاحب چیخار؟

اوغلانین آداملاری قوجانین سؤزلرینه فیکیر وئرمه دیلر. کیچیک قارداشی ووروب اؤلدورمک ایسته دیلر. بگین قارداشی بئلیندن قیلینجینی چکیب اوغلانی وورماق ایسته دیکده قوجا اونون قیلینجینی الینده داشا دؤندر دی. هامی بو ایشه متل قالدی. قورخویا دوشوب اونا ایناندیلار.

قوجا دئدی: ناحاق قان تۆکمه یین. بو اوغلان دوز دئیر. آتین جیلووونو وئرین گلینین الینه، آت اوغلان گئدن طرفه گئتسه، اونوندو، یوخ بگه طرف گئتسه بگین دی.

آتین جیلووونو وئردیلر گلینین الینه، آت اوڑ قویدو کیچیک قارداشین آردینجا گون چیخان طرفه گئتمه یه.

اوغلان قیزنان گلیب آخشاما یاخین بیر داغ دؤشونه چاتدی. آتدان دوشوب ایلندیلر. اوغلان دئدی:

-من سنی آغ گونوندن ائلدیم. سن دؤولتلی قیزی، من کاسیب بیر اوغلان. ائویم، ائشیکیم یوخ، سنی هاردا ساخلایاجام.

قیز دئدی:

-فیکیر ائله مه، قیسمتایمیزی بیر ائدن کیشی، کؤمگیمیزه چاتار.

اوغلان فیکیرلی اینینده کی آرخالینینی چیخاردیب سالدی یئر. قیزلا قول-بویون اولوب یاتدی. سحر اوغلان دوراندا گؤزلرینه اینانمادی. ائله بیلدی اونو قارا

باسیر. اودوکی، قیزی اویاتدی، دور باخ، گۆر بو حقیقتدی، یوخسا منی قارا باسیر. قیز اویانندی. گۆردوکی، بیر گۆزل عمارتین ایچهریسینده دیرلر. قیز سئویندی. قوللارینی اوغلانین بوینونا سالیب دئدی:

-گۆردون، قیسمتیمیزی بیر ائدن کیشی کؤمگیمیزه چاتدی.

او گوندن اوغلانلا قیز همین عیمارته خوش گونلر کئچیرمه یه باشلادیلار. بونلار بورادا یاشاماقدان اولسون گۆرک خیزیرنی نئجه اولدو.

بیر مودت کئچدیکن سونرا قوجا دئدی کی، گئدیم گۆروم قارداشلار نئجه یاشایرلار. اونلاری سیناییم، بیر واختی کاسیب اولوبلار، گۆروم کاسیبین قدرینی بیلیرلر؟ قوجا سایل پالتاریندا اولجه بؤیوک قارداشین یاشادیغی داغا گلیب چیخدی. گۆردوکی، بؤیوک قارداشین وار-دؤولتی یئر-گؤیه سیغیشمیر. بیر سوروقویون آزی اون قات چوخالیب. قوجا سورونون یانینا گلدی.

بؤیوک قارداش گۆردوکی، بیر سایل گلیر. آجیغی توتدو. قیشقیردی کی:

-ای قوجا، بورا نییه گلمیسن؟

قوجا دئدی:

-باشینا دؤنوم، الله یولوندا قولوندا قوپاندان وئر گئدیم.

بؤیوک قارداش دئدی:

-قوجا، منیم سنه وئرمه لیم یوخدو.

قوجا دئدی:

-قادران آلیم، بو وار-دؤولتی سنه الله وئریب. سن ده اونون یازیق بنده سینی الی بوش یولا سالما. او قارا قویون سودوندن وئر، بیر آز یئیم گئدیم.

اوغلان آجیقلا نیب چوماغینی قوجانین اوستونه چکیب دئدی:

-ای قوجا، اجلین منیم الیمده تامام اولمامیش بوردان چیخ گئت، هر یولونان
اؤتنه من سود وئرسیدیم، ایندی لوتون بیریدیم.

قوجا اوغلانا باخیب دئدی:

-اوغول، من سایل دئیلم. بو وار-دؤولتی سنه وئرن قوجایام. سنی سینا بیردیم کی،
گوروم بیر واختی یوخسول اولموسان، ایندی یوخسولا نئجه باخیرسان؟ بئله
گورونورکی، دنیا مالی سنی آلدادیب، یولوندان چیخمیسان.

قوجا بؤیوک قارداشین بوتون قویون سوروسونو داش ائله ییب یولونا داوام
ائتدی. گلیب اورتانجیل قارداشین یاشادیغی شهره چاتدی، اونون عیمارتی نین
قارشیسیندا دایاندی. گوردوکی، اورتانجیل قارداشین بیر باغی وار، گولوستانی-
ارم بونون یانیندا هئچ نه دی.

قوجا اورتانجیل قارداشا دئدی:

-اوغول، الله ساغلیغینا قیسمت ائله سین، یاخشی باغین وار. الله یولوندا اونون
باریندان بیر آز دا منه وئر، چیخیم گئدیم.

اوغلان دئدی:

-هر گلیب-گئدنه باغین بارین پایلاسام، اوندا گرک منه هئچ نه قالمایا. چیخ
گئت.

قوجا نه قدر یالواردیسا، اوغلان اونا هئچ نه وئرمه دی. اورتانجیل اوغلانین دا
بر کلیگینی گوروب قوجا دئدی:

-اوغلان، من سنه سایل دئیلم. بو حیطی سنه وئرن قوجایام. سنی سینا بیردیم.
ایندی گوردوم کی، سن ده بؤیوک قارداشین کیمی برکسن. بیر واختی یوخسول
اولموسان، ایندی گرک یوخسولون قلبینی قیرمایاسان. بئله گورونورکی، دنیا
مالی سنی ده قودوردوب.

قوجا اورتانجیل قارداشین باغینی، عیمارتینی ده داشا دؤنده ریب یولونا دوزلدی. آز گلدی، چوخ گلدی. گلیب کیچیک قارداش یاشایان داغین اتگینه یئتیشدی. کیچیک قارداش جوتله یئر اکیردی. گوردو بیر سایل گلیر. الی ایله ایشاره ائتدی کی، بورا گل. قوجا کیشی قارداشین یانینا گلدی. اوغلان قوجانین وضعیتینه اورکدن آجیدی.

کیچیک قارداش اؤز عیمارتینی قوجایا گؤستریب دئدی:

-عمی، سن گئت او عیمارته. من ده اؤکوزلری آچیم بوراخیم اؤروشه، گلیم. قوجا اوغلانین عیمارتینه گلدی. گوردو حیطده اوچ-دؤرد اوشاق، بیر گلین وار. گلین قوجانی مهربانلیقلا قارشیلادی. بیر آزدان کیچیک قارداش گلدی. آروادینا دئدی کی، بو کیشی آخشام بیزه قوناقدی.

گلین دئدی:

-قوناق الله قوناغیدی، نه وخت گلسه گؤزوموز اوسته عزیز یئری وار.

قوجا دئدی:

-یوخ، من آخشام قالمیاجام. قولونوزدان آزدان-چوخدان نه قوپورسا، وئیرن گئدیم.

اوغلان دئدی:

-عمی، بو گون سنی هئچ هارا بوراخمارام. عزیز قوناغیمیزسان، قالارسان، صباح گئدرسن ده اؤزون بیلرسن، قالارسان دا اؤز ائویندی.

قوجا همین گئجه نی اورادا یاتدی. سحر دوروب گئتمک ایسته دی. کیچیک اوغلان قوجایا او قدر وار-دؤولت باغیشلادی کی، بیر دوه کاروانی یئردن گؤتورمزدی. قوجا کیچیک قارداشین بو الی آچیقلیغین، مردلیگین گؤردوکده

اورگینده اونا "احسن" دئدی. قوجا کیچیک قارداشین عایله‌سی ایله مهربان گؤروشوب دئدی:

-اوغول، من سایل دئیلم. سایل دونونا گیرمیش خیضیرنبی یم کی، بو خوشبخت یاشاییشی سنه وئرمیشم.

اوغلان قوجانی تانییب اوندان ال چکمه‌دی. اونون آیاقلارینا بیخیلیدی. قوجا اونو یئردن قالدیریپ دئدی:

-اوغول، من گؤردوم کی، سن دوغرودان دونیادا ان یاخشی آدمسان. قلبین، کؤنلون توخدو. یوخسولون قدیر-قیمتین بیلیرسن. گئت، الله سنه داها اوزون عؤمور وئرسین. خوشبخت یاشایین. بونو دئییب قوجا یولونا داوام ائدیپ گئتدی. دئییرلر کی، او گوندن سونرا کیچیک قارداش ایله آرواد-اوشاخی اوزون عؤمور سوردولر. اونلار یئیپ-ایچیب یئره کئچدیلر. سیز ده یئین، ایچین، دؤوره کئچین.

اودونچو قیزی

بیری واریدی، بیری یوخودو. بیر کاسیب کیشی واریدی. بو کیشی نین هئچ زادی یوخودو. آما اوچ قیزی واریدی. آروادی اؤلوموشوموش. بو کیشی گئردی دره‌دن تپه‌دن، مئشه لردن اودون بیغاردی، گتیردی، ساتاردی، بالالارینا چؤرک پولو ائله‌یردی. بیر گون کیشی گئتدی اودونا، شله‌نی توتدو. دؤندو اوژو او یانا. قایتدی کی، شله‌نی گؤتوروم، گؤردو شله‌نین اوستونده بیر ایلان یاتیب. دئدی:

-آی اللهین حیوانی، یاتماغا یئر تاپمادین، گلدین یاتدین بونون اوسته؟

ایلان دیله گلدی دئدی:

-قیزیوین بیرینی وئر منه، دوشوم گئدیم.

دئدی:

-یاخشی. سحر گتیررم.

ایلان چیخدی گتدی. سحر کیشی گلدی. دئدی:

-گتتمیشدیم او طرفه، مئشه یه ساری، ایندی بو یانا گئدهرم.

گتدی اودون بیغدی، گوردو همن ایلان گئنه یاتیب. دئدی:

-بو دا دونن کی دئیل منی قزلیلیه سن، گت قیزی گتیر. کیشی نین شله سی

قالدی، اوردا، کیشی گلدی کنده. دئدی:

-قیزلاریم، کاسیب چیلیق زاماناسیدی. دونن بئله، بؤیون بئله، ایلان گلیب یاتیب

شله مین اوسته، دئیر کی، قیزین بیرینی وئر منه، دوشوم. یئکه قیز دئدی:

-بای، بیر ایلانیمیز چاتمیر.

اورتانجیل قیز دئدی:

-دردیمیز کسيلمیشدی، گئدک چؤلرین ایلانینا.

اوچونجو قیز دئدی:

-دده، من گئدیرم.

خیردا قیز دوشدو دده سی نین یانینا گلدی، ایلان باخیردی، گوردو بودو ها کیشی

گلیر. گلدی دینمز-سؤیله مز ایلان زوودو، دوشدو یئر، کیشی شله سینی

گوئتوردو. ایندی ایلان دوشوب قاباغا، بو دا دالینجا. ایلان هارا گلدی گیریر، بو دا

بنی انساندی دا، یثرییه بیلیمیر. هردن ده دئیر:

-آی قیز، زیرک گل.

گتدی چیخدی بیر کالافایا. بیر گلیف ایدی، ایلان زوودو گتدی، قیز قالدی.

ایچهریدن ایلان دئدی:

-آی قیز، گل.

قیز دئدی:

-آخی من گلممیرم.

دئدی کی، تپیگینن وور، اوچسون.

ووردو، اوچورتدو، گئتدیلر.

گئت هاگئت گئتدیلر، چیخدیلار بیر قالاچییا. دئمه بو بیر دئو اوغلودو، خالاسی

قیزینا نیشانلیدی. اوغلانین آناسی باخیردی. گوردو بودو، گلیر، یانیندا دا بیر بنی

آدم. دئدی:

-گل گور سنین باشینا نه اویون آچاجام.

تا نه دییه بیلر. اوغلو هله سیفته قیزی سوپورگه ائله دی، قویدو قاپی نین دالینا.

گیردی ایچهری. آناسی دئدی:

-سوپورگه ائله ییب قویما قاپی نین دالینا. گئت، ندیر گتیر.

گلدی، قیزی گؤتوردو، دئدی، آنام نه دئسه سن اونو دئیرسن، آما من سیز هئچ زاد

ائله مه. اوغلان گئتدی، آرواد یئریندن دوردو، دئدی:

-آی قیز ای، گندرسن او بؤیوکلوکده حیطی، حاصاری سولایارسان، ائله

سوپوررسن نه بیر یئری نم اولماز، نه ده بیر یئری قورو. هر یئری برابر اولار.

اوغلوما توی ائله بیرم.

قیز چیخدی. سوپورگه نی گؤتوردو. بی کئف گئدیردی. اوغلان دئدی:

-نولدو؟

دئدی:

-آنان منه بئله دئدی.

اوغلان سحرلی ایدی. بیر نازیک یاغیش چیلندی، بیر ده بیر یئل اسدیردی. بو
مئیدانچا ائله اولدوکی، گول کیمی. قیز سوپورگه نی گؤتوروب گوله-گوله

سوپوردو.

دئدی:

-سوپوردون؟

دئدی:

-هه.

آناسی دئدی:

-بو، وورولموش اوغلمون عملیدی، ها.

بو آروادین اوزاقدا باجیسی وارمیش، بیر مکتوب یازدی.

-بونو اوغلم گتیریب. من بونو یئیه بیلیمیه جه یم، گؤندریرم اورا، سن یئگینن.

دئدی:

-آی قیز، آلا بو مکتوبو، آپارگینن، وئر باجیما گل. باجیمدا قاوال وار، اونو دا
گتیر.

قیز چیخدی ائشییه. اوغلان سوروشدو:

-آنم سنه نه دئدی؟

-آنم منه دئدی کی، خالان گیلده قاوال وار، اونو گتیریم. مکتوبو دا وئریم گلیم.

اوغلان دئدی:

-گئدرسن مکتوبو وئرسن خالاما. خالام اوخویونجا، سنه من خبر وئریم، قاوال

یو کون اوسته دی، گؤتوروب چیخارسان. ها چاغیراجاق:

-آز، قاییت بری، آز، قاییت بری، بونو وئریم آپار.

دؤنمه گینن، او گئدیر دیشینی سورتمه یه. سنی یئیه جک.

بوردان گئتدی، آپاردی مکتوبو وئردی، آرواد دؤندو دیشلرین سورتمه یه. قیز قوالی گؤتوردو، چیخدی. اوغلانین آناسی باخدی کی، بودور نه گلیر. بونلار باشلادی توی ائلمه یه. آرواد باجیسی قیزی گتیردی. آخشام اولدو، آرواد بیر سحر اوخودو. قیزی یاپیشدیردی دووارا، بارماقلارینین آراسینا شام قویدو. دئدی:

-بارماقلارینین آراسیندا شام یانیب اریدیکجه تۆکولر، سن ده یانارسان. آرواد چیخدی ائشیه. اوغلان بئله باخیردی. گؤردو آخی اینصاف دئیل، بونو بو گتیریب. یئردن قالخدی، خالاسی قیزی بیر سحر اوخوماقلا یاپیشدیردی دووارا، بارماقلارینین آراسینا شام دوزدو. بنی آدمی گؤتوردو، آرادان چیخدی. سحر آچیلدی. آرواد گلدی. گون اورتایدی، قاپینی آچدی، گؤردو، آند اولسون الله، نه اوغلو وار، نه بنی آدم. باجیسینین قیزی دا یانیب کول اولوب. دئدی:

-دایان، کئچرسن الیمه، گور سنین باشینا نه اویون آچاجام. بونلار گئدیردی. گئتدی-گئتدی، اوزاق بیر صحرادان قیز دؤندو دالا، گؤردو به، اوغلانین آناسی ائله گلیر، ائله گلیر... آناسی گلینجه اوغلان قیزی ائله دی بیر کؤتوک. اؤزو اولدو همن ایلان. کؤتویه ائله دولاندی، ائله دولاندی، باشینی قویدو اوسته. بو آرواد گلدی. باخدی-باخدی بو کؤتویه، گؤردو چاره یوخدو. دئدی:

-سن اولماسایدین، بیلردیم بو کؤتویه نئینردیم. قایتیدی. اوزاقلاشدی. صحرادان اوزاقلاشاندان سونرا اوغلان یئنه سحر اوخودو، دوشدو اوغلان شیقینا. آرواد چؤندو باخدی، گؤردو، اودو، گئدیرلر. بیر ده قایتیدی. های ائله ییب گلیب بونلارا چاتینجا، اوغلان قیزی ائله دی بیر گؤلمه چه سو، اؤزو اولدو بیر گول، دوشدو سویون ایچینه. او یاندان آناسی آغزینی

اوزاتدی، گۆل اوغلو آغزینا کئچدی. آنا-بالادی دا، کئچمیر، ائله باخدی-
باخدی دئدی:

-سن اولماسایدین، بیلردیم نئینه یردیم. بو بولاغی ائله قوروداردیم، هئچ قومو دا
قالمازدی.

آرواد قاییتدی. بونلار گلدی چؤللو بیاباندا بیر قالاچیا. او یانا کئچدیلر قاپی
آچیلمادی. هئچ کس ده یوخدو. اوغلان نه قدر ائله دی، قاپی آچیلمادی. قوی من
ائله ییم.

قیز ائله بئله ائله ینده قاپی آچیلدی، قیز گirdی ایچهری، قاپی اؤرتولدو. نه قدر
ائله دیلر، بو قاپی آچیلمادی. اوغلان باییردان، قیز ایچهریدن آغلاشدیلار. اوغلان
کور-پئشمان قاییتدی. اوغلان آرا لاشاندان سونرا قاپی آچیلدی. قیز چوخ
آختاردی، گؤردو اوغلان یوخدو. بوردا دا بیر اوغلان اؤزو اؤرتولو یاتیب. قیز
باخدی گؤردو، باشی نین آلتیندا بیر کیتاب وار. بو کیتابی هر کس اوخویوب
قورتارسا، قیرخ گونه بو اوغلان دیریلیب قالخاجاق. قیزین الی اؤزولدو، تا نئيله
سین. قیز باشلادی کیتابی ورق-ورق اوخوماغا، گونکی گون، گونکی گون، اوتوز
دوققوز گونو تامام اولدو. کیتابی گئجه-گوندوز یوخوسوز اوخودو. ائله بئله
اوتورموشدو. گؤردو بیر کئچل قیز گئدیر سویا. دئدی:

-آی قیز ای، سن الله بئشجه دقیقه دایان.

دئدی:

-نه دی؟

دئدی:

-من نئچه گوندو یوخوسوزام، آلا بو کیتابی سن اوخوگینن، باخ بو ایکیجه
واراغی، من بیر باشیمی قویوم یئر. کئچل قیز آلدی بونو اوخویاندا، قیز باشینی

قویدو یوخلادی. قیز اوخودو قورتاردی. اوغلان یئردن دوردو. قیز بیر ده آیلدی کی، اوغلان دوروب کئچل قیزین او یانینا-بو یانینا کئچیر. اوغلان کئچل قیزا دئدی:

-آی قیز، نه آلیم سنه، نه گتیریم سنه؟ گندیرم بازارا.

بونو آلیرسان، اونو آلیرسان،-دئیر کئچل.

اما بو جفاکش اوتوروب. اونا دئدی:

-سنه نه آلیم؟ دئدی:

-منه هئچ زاد لازیم دئیل. بیر صبر داشی، بیر چاققی بیچاق لازیمدی.

گئندی آل-شال، ایپک آلدی. بونا دا صبر داشی، چاققی بیچاغی آلاندا تاجیر

دئدی کی،-آی اوغلان، بو چاققی بیچاغینان صبر داشی ایستیه نین دردی چوخدو

ها، بونو گؤزدن قویما. دئدی:

-یاخشی.

گتیردی وئردی. قیز دوردو، دالدا یئر تاپدی، باشینا نه گلمیشدی، ایلان

اولموشدو، کالافالارا گتمیشدی، دئودن قورتارمیشدی، هامیسین اوردا بیر-بیر

چاققی بیچاغا دئیر، صبر داشینا دئیر. صبر داشی، صبر ائله، ایندی اؤزومو

اؤلدورجه ییم. دئدی-دئدی، آخیردا دئدی:

-گلدیم چیخدیم قالاچییا، اوغلانا اوتوز دوققوز گون کیتابی اوخودوم. قیرخینجی

گون گؤردوم یوخو منی توتور، کیتابی وئردیم بیر کئچله، دوردوم گؤردوم

جفاکش منم، منه دئیر:-قاراباش، سنه نه آلیم؟

چاققی داشی، سیر داشی،

صبر داشی، صبر ائله، ایندی اؤزومو اؤلدورجه ییم.

دئدی، بیچاغی ووراندا، اوغلان الیندن توتدو، دئدی:

-دئمک منی قورتاران سنسن. کئچله آیین پالتاری وئردی، دئدی کی، ایکی گون اوخوماغین عوضینه.

بیر گون قیزین دده سی باخدی-باخدی دئدی:

-آی گیدی های-های. داغ گئتدی، آران گئتدی. بو قیزی وئردیم، بیلمه دیم نئجه اولدو. دوردو چؤللو-بیابانلاری گزه-گزه، بوردان سوراق، اوردان سوراق-خبر وئرن اولمادی. گوردو قالاچادا ایکی اوشاق اویناییر. دئمه بو قیزین اوشاقلاریدی. گلیب گورجک کیشی نین بونلارا ائله اورهی یاتدی، ائله یاتدی، دئدی کی، بابان قوربان، منی قوناق ائله بیرسیز؟ اوشاقلار گلدی کی، آنا، اوردا بابا دوروب، دئیر بیزی قوناق ائله سین. بیر چای وئرسین. دئدی:

-گئت گتیر.

گلجک، قیز دده سین تانیدی، آما دده قیزی تانیمادی، نئله سین یازیق، قوجالیب، قیزین ایکی اوشاخی وار، نئچه ایل آرادان کئچیب. قیز فیکیرلشدی کی، ددم منی نه ایشارینن تانییا بیلر. دئمییه سن، قیزدا دده سی نین بیر بیچاخی واریمیش. گئتدی، آما گتیردی. بو بیچاخی قویدو آلمانین اوستونه. دده سی الین آتدی، بیچاخی گؤتورنده گؤزو ساتاشدی، دئدی:

-بو بیچاق منیم قیزیم دایدی. بو بیچاق سا هاراداندیر؟

دئدی:

-آتا، سن منیم آتام سان، بیچاق دا منیم بیچاغیمدی. بونلاردا نوه لرین. کیشی سئویندی. شاد اولدولار. بوردا ناغیل قورتاردی. گؤیدن اوچ آما دوشدو.

أمید قاپیسی

بیری وارمیش، بیری یوخموش، کئچمیش زامانلاردا بیر پادشاه وارمیش. بو پادشاهین اؤولاددان-اوشاقدان گؤزونون آغی-قاراسی بیرجه اوغلو وارمیش. گونلرین بیر گونو پادشاه وفات ائدیر. جاماعات ییغیشیب اونو دفن ائدیر و اوغونو پادشاه سئچیر لر.

آرادان بیر مودت کئچیر، پادشاه وزیر ده گؤتوروب خزینه یه باش چکیر. وزیر اوتاقلارین بیرینده آل قوماشا بورونموش صانديغی گؤسته ریب دئیر کی، بو سنین آتاین ان قییمتلی وارلیغیدیر. پادشاه صانديغی آچدیریر. گؤرور کی، صانديغین ایچینده چوخ قییمتلی بیر موجرو و اونون ایچینده ده ایپک یایلیغا بوکولو بیر بوغدا دنه سی وار. آما بو بوغدا دنه سی عادی بوغدا دنه سیندن چوخ-چوخ بؤیوکدور. پادشاه فیکیرلشیر کی، بو بوغدا دنه سی نه اولان شئیدیر کی، آتام اونو بو جور ساخلایب. آتامین بو قدر وار-دؤولتی اول-اولا نییه بیر بوغدا دنه سی اونون ان قییمتلی وارلیغی حساب اولونور. بوردا نه ایسه بیر سیرر وار. وزیر اونو منه دئیر. پادشاه اوزونو وزیره توتوب دئیر:

-سن آتامین باش وزیر کیمی بو بوغدا دنه سی نین نه اولدوغونو بیلمه لیسن. بورادا نه ایسه بیر سیرر وار. سنه مهلت وئریرم، گرک بو سیرری آچاسان. اگر آچا بیلمه سن بوینونو ووردوراجایم.

وزیر نه قدر آند-آمان ائدیرسه، مومکون اولمور. او، کور-پشمان ائوینه قایدیر، یاخین دوستلاری ایله مصلحت له شیر. اولاردان بیری دئیر:

-بو چوخ موشکول مسئله یه اوخشاییر، بیز بوندان باش آچا بیلریم. بونو بیلسه، آنجاق، فیلان کئنده یاشایان یاشی یوزو اؤتموش قوجا بیلر.

وزیر همین دوستو ایله قوجانین یانینا گئدیر. گؤرورکی، قوجانین عملی-صالح اوئلادلاری اونو یون ماهلیج ایچینده بؤیرک یاغی کیمی بسله بیرلر. آما بونا باخمایارق، کیشی اپریگیب، الدن دوشوب، هنج دوروب یئرمه یه ده طاقتی یوخدور. قوجالیق او قدر اوز وئریبکی، کیشی آنجاق دانشیر. وزیر قوجا ایله حال-احوال توتور، سونرا سوروشورکی، پادشاهین خزینه سینده کی صاندیقدا بیر بوغدا دنه سی وار، بلکه سن بیله سن بو دنی پادشاه نییه بئله عزیز ساخلایب. قوجا دئییرکی، من بئله شئیلردن باش آچا بیلرم. مندن یئددی آغاج آرالیدا مندن بؤیوک قارداشیم یاشاییر، بو مسئلهنی اوندان اویرن. وزیر همین کنده گئدیر. گؤرورکی، بو قارداش دا چوخ قوجالیب، آما کیچیک قارداشینا نیسبتن بیر آز دیری باشدیر، اؤزو یئرییر، اوتوروب-دورور. وزیر خوش-بئشدن سونرا مسئلهنی بو قارداشدان دا سوروشور. او دئییرکی، منیم بؤیوک قارداشیم دوققوز آغاج آرالیدا، فیلان کنده یاشاییر. بوغدا دنه سی حاقدا بیلسه او بیله جک، بیلمه سه بو مسئلهنی آچان چتین تاپیلار. علاج سیز قالان وزیر بؤیوک قارداشین یانینا گئدیر. گؤرورکی، بو قارداشین اؤزو گزیب دولانیر، آت مینیر، قویون-قوزو دالینجا قاچیر. وزیر اوندان سوروشورکی، سن او بیر قارداشلاریندان بؤیوکسن، آما اونلاردان یاخشی قالمیسان، بونون سببی ندیر؟ بؤیوک قارداش جاواب وئیر:

-قارداشلاریم دوز دئییر، من اونلاردان بؤیویم. بیز آتا-آنامیزدان سونرا بیر آز بن گوزارلیق ائدیپ، یاشاییردیق. دولانیشیغیمیز دا پیس دئییلدی. آما دی گل کی، کیچیک قارداشیمیز دولانیشیغیندان هئی گیلئی لی اولوردو. آز دا اولاندا آخ-وای ائدیدی، چوخ دا اولاندا. ائوده عایله ایله رفتارلیغی دا یوخ اویدو. من ایسه آز دا اولسایدی، چوخ دا اولسایدی، اونا مین شوکور ائدیردیم. دئییردیم کی، قسمت ندیرسه، او دا اولاجاق. باخ اونا گؤره ده کیچیک قارداشیمیزین آه-وایی

اونو، او گونه سالیب. اورتانجیل قارداشیمیز بیر آز شوکورلو اولدوغونا گوره گزیب دولانایلییر. منی ایسه بو گونده ساخلایان صبیرلی، شوکورلو اولماغیمدیر. بو صُحبتدن سونرا او، وزیردن سوروشدو:

-ایندی دئی گوروم، مرامین ندیر؟ منیم بو کومه نه مقصدله گلیمسن؟

وزیر باشینا گلن احوالاتی ناغیل ائله دی. بویوک قارداش دئدی:

-وزیر، سنین کی، باشینا بو ایشلر گلیب، او پادشاهین جاوان لیغیندان، دلی قانلی اولماسین داندیر. هنج بیر عاغیلی پادشاه بیر بوغدا دنه سی اوسته اولوم حوکمو وئرمز. او دنه کی، دئیرسن من گرک اونو گوروم. دنه یه باخمیش هنج نه دییه بیلمهرم.

وزیر همین قارداشی سارایا گتیریب بوغدا دنه سینی اونا گؤسته ریر. بویوک قارداش دنه نی دیقته نظردهن کچیریب وزیره دئیر:

-وزیر، سنین باختین گتیردی. بو دنه پادشاهین اولو باباسیندان قالیر. بو حاقدا چوخ ماراقلی بیر حکایت وار. اونو منه بابام ناغیل ائدی. ایندی من دئیم سن ده بیل کی، بو دنه نی پادشاه نییه بئله عزیز ساخلاییرمیش.

وزیر قوناغی ائوینه گتیردی، لذیذ یئمکلرله سوفره آچدی. یئمک ایچمکدن سونرا بویوک قارداش صُحبتله باشلادی:

-چوخ قدیم زامانلاردا تبریزده یاووز آدلی بیر نفر وارلی کیشی وارمیش. او، هر ایل تورپاقلارینی اکدیرر، بئجردر و همین گلیرله ده دولانارمیش. یاووز آغا چوخ حالال-همت آدام ایمیش، همیشه حاق حسابینا دوز اولار، یئتم-یئسسیره ال توتارمیش. بیر یاز گونو او، یئرینی اکدیرمک اوچون امید آدلی بیر رنجبرله آنلاشیر، اونونلا بئله شرط کسیرکی، اونا جوت، اوکوز، توخوم وئرسین، تاخیلین

داشینیب دؤیولمه سی اوچون شرایط یاراتسین. محصول حاصله یئتدیکدن سونرا اونو بؤلسونلر. هر ایکسی بو شرطه راضیلاشیر.

أمد اکه جه یی یئرین یانینا گلیر، جوتو قوشوب ”یا الله، مندن حرکت، سندن برکت“، -دئییب ایشه باشلایر. بیر نئچه گون بئله ایشه بیر. بیر گون جوت ایّری بیر داشا ایلشیر. أمد نه قدر هایلا بیر سا، اؤ کوزلر داشی چیخارا بیلیمیر. او، داشین اطرافینی قازماغا باشلایر کی، ایلشمیش جوتو چیخارسین. بو واخت داشین آلتیندان بیر دئشیک آچیلیر. أمد اورانی ائشه له ینده ایچی قیزیلا دولو اوچ کوب تاپیر. او، فیکیرله شیر کی، گؤر بو یاوؤز آغانین واری-واریداتی نه قدر دیر کی، بو قدر قیزیلی بورادا باسدیریب. أمد کویلرین اوستونو تورپاقلاییب، اؤ کوزلری اوتلاغا بوراخیر و گلیر مسئله نی یاوؤز آغایا دانیشیر. یاوؤز آغا تئز اکین یئرینه گلیر، أمد لا بیرلیکده کویلری ائوه گتیریر. یاوؤز آغا اؤز-اؤزونه فیکیرلشیر کی، أمد چوخ حالال آدامدی، او بیر اؤینه چؤره یه مؤحتاج اول-اولا بو قدر قیزیلا ال وورماییب. دئمک، بو قیزیل اونون قیسمتینه چیخیب. یوخسا، ایلر اوزونو بو یئر شوملانیر، تاپیلسایدی، ایندییه قدر تاپیلاردی. چوخ فیکیردن سونرا او، أمدیا دئییر:

- أمد، قیزیلار منیم دئییل، اونو من باسدیرمیشام. بونلار سنین قیسمتینه چیخیب، ایندی فیکرین ندیر؟

أمد دئییر:

-آغا، یئر سنیدی، مال دا سنیدی، منیم قاریشاجیم یوخدو. یاوؤز آغا چوخ چک-چئویر ائدیر، آما أمد راضیلاشمیر. او، أمددان سوروشور کی، اوغول-اوشاقدان نین وار؟ أمد دا جاواب وئیر کی، بیر قیزیم وار. حسن آغا دئییر:

- اُمید، سن چوخ حالال آدامسان، اؤزگه مالیندا گؤزون یوخدو. الله-تعالا دا بو واری بیزه قیسمت ائله ییب. دئمه لی، بو قیزیلار هر ایکیمیزیندی، اونو قارداش مالی کیمی بؤلمه لی ییک. بو واریدات دا بیزه حالال اولسون دییه، مصلحتدیر کی، سن قیزی نی منیم اوغلوما وئره سن.

هر ایکیمی راضیلا شیر. اونلار توی ائدی ب اوولادلارینی ائولندیریر، قیزیلارین بیر حیصه سینی اونلارا وئریب، قالمیشینی دا یاری بؤلور لر.

اُمید دا رنجبر لیگیندن ال چکمه ییب یاوؤز آغانین یئرینی شوملاییب بوغدا سپیر. سپندن سونرا اُمید یاوؤز آغایا دئیر:

-آغا، منیم اویره گیمده ایکی آرزوم وار ایدی، اونون بیر قیزی من خوشبخت اولماسینی گؤرمک ایدی. چوخ شوکور اولسون الله اکی، او، حالال بیر ائوه دوشدو. ایکینجی آرزوم ایسه خوراسانی زیارت ائتمکدیر. من ایسته بیرم کی، خوراساندا آغانین کومبذینه بیر قاپی دوزلتدیریب قویدورام. قوی ائللره جار اولسون کی، بو دونیادا اُمید آدیندا دا بیر رنجبر وارمیش. ایندی مصلحتین ندر؟

حسن آغانین مصلحتی ایله اُمید قییمتلی بیر قاپی دوزلتدیریب، خوراسانی زیارته گئدیر. زیارتدن قایدان اُمید بوغدا زمیسینه قوللوق ائدیر. واخت او واخت اولور کی، بوغدا زمیسی آت اوستونده آدامین قورشاغینا چیخیر. سونبولر سارالیب دنه دولور. سونبولده هر بوغدا دنه سی نین بیر اریک دنه سی بویدا اولور. هامی بو ایشه متل قالیر.

حسن آغا اُمیددان سوروشور:

- اُمید، من بو بؤیوکلوکده بوغدا دنه سی گؤرمه میشم. سن دنیا گؤرموش آدامسان، بوغدا دنه لری نین بو بؤیوکلوکده اولماسینا نه دئیرسن؟

اُمید دئیر:

-یاووز آغا، بو الله-تعالانین بیزه وئردیگی نعمتدیر. هر ایکیمیزین حالاللیغی نین تیمثالیدیر. اورگیمیزده اولان دوغرولوغون، دوزگونلوگون حاققیدیر. اونو موقدس پای کیمی ساخلا، او، برکت نومونه سیدیر. اینسانلار آراسیندا حالاللیق اولدوقجا، بو بوغدا دنهسی بئله قالاجاق، حارامی حالالا قاتدیقجا او کیچیله جک. امیدون بو سؤزوندن سونرا یاووز آغا همین بوغدا دنه لریندن بیر آز آپاریب پادشاها وئیریر. پادشاهی تعجوب بورویور. او، بوغدا دنه لرینی نه قدر اکیرسه او بیتمیر، هر اکنده ده بوغدا دنه لری چورویوب یوخ اولور. پادشاه امیدو یانینا چاغیریب بوغدا دنهسی نین سیرینی سوروشور. امید دئیر:

-پادشاه ساغ اولسون، بو بوغدا دنه لرینی اکدیرمه، نه قدرکی، یئر اوزونده حاق-عدالت یوخدورسا، بونلار گویرمیه جک. ایللر اوته جک، وخت گله جک کی، حاقسزلیق هر طرفی بورویه جک. اوندا بو بوغدا دنه لری اریگیب-اریگیب لاپ کیچیله جک. یاخشی اولارکی، سن اونلاری گله جک نسله ساخلا، قوی بیزدن سونرا گلن اینسانلار گورسونلرکی، حالاللیق دوغرولوق، دوزگونلوک نه دئمک ایمیش.

پادشاه امیدون مصلحتی ایله بوغدا دنه لرینی موجروه قویوب همین صاندیقدا ساخلا بیر. هر یاز آچیلاندا دنه لردن بیرینی اکدیریر، آنجاق اونلار بیتمیر. آرادان خئیلی مودت کئچیر. یاووز آغا دا، امید دا، همین پادشاه دا عؤمورلرینی باغیشلا بیر. سونرا گلن پادشاهلار دا بوغدانی نه قدر اکیرلرسه، او بیتمیر. اونا گووره هر گلن پادشاه دا دنه نی قییمتلی واریدات کیمی او زلریندن سونراکی پادشاهلارا ساخلا بیرلار.

بورادا صُحبتینی سونا یئتیرن بؤیوک قارداش وزیره دئیر:

-بیل و آگاه اولکی، بو بوغدا همین دنه لردن بیریدیر. آختارسان یئر اوزونده
ایکیسی- اوچو آنجاق قالار. او، دنه دن کیمده وارسا، او، مورادلارینا و امید
ائتدیکلرینه تئز چاتیر و بوتون آرزولاری حیاتا کئچیر. بونا گؤره اونا " امید
بوغداسی " دا دئییرلر.

بو صُحبتدن سونرا وزیر راحتلانیر. او، احوالاتی اولدوغو کیمی پادشاهان دانیشر.
پادشاه دا بوغدا دنه سی نین سیررینی اؤیرندیکن سونرا اونو آتاسی نین صاندیغینا
قویوب اولو بابالاریندان قییمتلی یادیگار کیمی ساخلایر و ویلایتی عدالتلی
ایداره ائدیر. وزیرده شاد-خورم یاشایارق همین قارداشلارلا دوستلوغونو داوام
ائتدیریر و خوراسانا " امید قاپیسی " نی زیارته گئدیر.

ایسکندرین دیریلمه سی

بیری وار ایدی، بیری یوخ اویدو، عادیل بیر پادشاه وار ایدی. بو پادشاه جماعتین
قایغیسینا قالیردی. او، هفته ده بیر دفعه شهرین جماعتینی بیر یئره بیغیب اونلارین
ایستکلرینی دینله ییر، یئرینه یئتیردی. بیر گون یئنه پادشاه جماعتی بیر یئره
بیغیب دردلرین دینله ییردی. قاپیدا قوللوقچولار ال-ال اوسته پادشاهین امرینه
منتظیر دوروردو. ایچهریده جماعات اوتوروب هره اؤز نؤویه سینی گؤزله ییردی.
بیردن پادشاه گؤردو کی، قاپی آچیلدی، قاپیچیلار تئز اؤزلرینی ایچهری آتدیلا.
پادشاه نه اولدوغونو سوروشدو. هر ایکی قاپیچی ائله آنجاق ککله ییب قاپیدان
ایشیگی گؤستردیلر. ائله بو واخت بیر تولکونین اصلان ایچهری گوردی.
جماعات قیشقیریشدی، هره بیر یانا قاجدی. پادشاه قورخوسوندان بیر کونجه
قیسیلدی. اصلان ساکیتجه گلیب بیر طرفده ایلشدی. پادشاه تئز ساراین
فالچیلارینی چاغیردی. اونلاردان بیری اوزونو اصلانا توتوب دئدی:

-ای اللهین حیوانی، سن نه یاخشی گلیمسن؟

آصلان اونا محل قویمادی. فالچی بیر ده سوروشدو. آصلان یئنه دینمه‌دی. او،
آیاغا دوروب اوژونو پادشاها توتدو:

-دردیمی سن سوروش، -دئدی.

هامینین تو کلری اوږپشدی: آصلان دا دانیشارمیش!

پادشاه دئدی:

-یاخشی، دئی گوروم سنین ایسته‌یین نه‌دی؟

آصلان دئدی:

-گرک منی ائولندیره سن. اوژوده منه بیر قیز آلمالیسان.

هامی مات-معطل بیر-بیرینه باخدی. پادشاه کیمین اوژونه باخدیسا، او، باشینی
آشاغی سالدی. پادشاه گوردو کی، هئچ کیم قیزی آصلانا اره وئرمک ایسته‌میر.
وزیرین بیر-بیریندن گوزل اوچ قیزی وارایدی. پادشاه خئیلی فیکیرلشندن سونرا
اوژونو وزیره توتدو.

وزیر پادشاها دئدی:

-یاخشی، من گندیم ائوه قیزلاریملا مصلحتله‌شیم.

هانسی راضی اولسا، گلیب دئیرم. آصلانی دا راضی سالاریق.

آصلان، جماعات، بیر ده پادشاه گوزله‌مه‌یه باشلادیلار. کیشی ائولرینه گتدی.

حال-قضیه نی دانیشانندان سونرا اولجه اوژونو بو یوک قیزینا توتوب دئدی:

-قیزیم، وضعیت بئله‌دی، نئیه‌یه‌ک. گل سن گئت آصلانا، بلکه بیزیم هامیمیزی
قیرمایا.

قیز آغزینی بوزوب دئدی:

-آتام منی باشیندان ائله‌مک ایسته‌ییر، بیر اوغلان دا تاپیب وئره بیلیمیر.

وزیر گوردو بویوک قیزدان بیر شئی چیخمادی، اورتانجیل قیزا دئدی:

-قیزیم، گل سنی وئریم اصلانا.

اورتانجیل قیز دئدی:

-آی آتا، سن نه دانیشیرسان؟ بس نئجه روا گورورسن کی، قیزین بیر وحشی حیوانا قیسمت اولا.

بونو گورن کیچیک قیز اوزونو آتاسینا توتوب دئدی:

-آتاجان، من سنین سوزوندن چیخمایاجام. گورا گوندرسن، گنتمه یه حاضیرام.

وزیر چوخ سئویندی، بالاجا قیزی نین باشینی سیغارلادی، آما اوزونو ساخلایا بیلمه ییب آغلاماغا باشلادی. قیز گوردو آتاسی پیس وضعیتده دی. تئز او بیرى اوتاغا کئچیب پالتارین گوتوردو، آتاسی نین یانینا گلیب دئدی:

-گل، آتا، گل! سن آیاغینی قویدوغون یئر من باشیمی قویارام. قوی او اصلان منی آپارسین، تاکی سنین اوزونه سوز گلمه سین.

وزیر گوزلری نین یاشینی سیلیب قیزی نی دا گوتوروب ائودن چیخدی. یول بویو نه کیشی، نه ده قیزی کلمه کسمه دیلر. اونلار سارایدان ایچهری گیرنده هامی قیزین گوزللیگینه باخیب حئیفسیلندی. اصلان قیزین گلدیگینی گوروب آیاغا قالخدی.

او، قیزا دئدی:

-گل آرخامجا!

اونلار سارایدان چیخدیلار. پادشاه اوزونو ساخلایا بیلمه ییب دوروب باشقا اوتاغا کئچدی. وزیر قایداجا دونوب قالدی. هامی نین اوستونه سو الندی. بیر مدّدن سونرا کیشی قیزی نی گورمک ایسته دی، آنجاق بیلمه دی کی، نئيله سین. هانسی یوللا قیزی نی تاپیب گوروشسون. بونلار بوردا قالسین، ائشیت خبری قیزنان اصلان دان.

آصلان قیزی گۆتوروب مئشه یه گئتدی. بیر تالایا چایب دایاندیلار. آصلان یئکه ساللاردان بیرینی قالدیردی. بیر یول گۆروندو. آصلان قاباقدا، قیز دا دالینجا یول ایله گئتدیلر. خئیلی گئتدیلر، بیر دمیر دروازایا راست گلدیلر. آصلان قاپینی آچدی. قیز بیر گئیش حیاطا گirdی. گۆردو بورا ائله بیل جئتدی. گول-گولو چاغیریر، بولبول-بولبولو. آصلان قیزی بۆیوک بیر اوتاغا آپاردی. دینجلمه یه یئر گؤستردی. بیر آزدان آصلان قیزین یائینا گلیب دئدی:

-منیم ایستکلی اوغلوم ایسکندری بیر قارا دئو طیلسیمه سالیب. همین دیو ایندی اوزاق بیر یئرده یاشاییر. من اونو اؤلدورمه یه گئدیرم. منیم ائویمده بیر یئرده قارا داش وار. من ائودن چیخان گوندن سونرا گونده قارا داشدان بیر دامجی سو دوشه جک. سن ائوده قالارسان. گرک هر گون او سو دامجیسینی بیر قابا توتوب آپاریب اوتاقلارین بیرینده یوخولو اوغلومون اوزونه سپه سن. قیرخ گون بئله اولمالیدی. قیرخینجی گون همین سو دامجیسی نین یئرینه اوردان بیر دامجی قان دوشه جک. سن همین قانی دا آپاریب سپرسن ایسکندرین اوزونه. ایسکندر اویانا جاق. اوندا سن منیم قیلینجیمی وئرسن اونا، چیخار منیم قاباغیما. یوخ، اگر قان دامجیسی دوشمه سه ، بیل کی، دیو منی اؤلدوردو، اوغلوم دا هئچ دیریلیمه جک. اوندا بو ائو-ائشیک، سارای هامیسی قوی سنین اولسون. نئجه ایسته بیرسن، ائله ده یاشا. تکجه اوغلومون جسدینی او بیردی دنیایا چیخارتما. قوی او اولان اوتاق همیشه کلیدی قالسین. اگر ساغ-سالامات گله بیلسم، ایسکندرله سنه قیرخ گون، قیرخ گئجه توی ائدیب سیزی ائولندیره جم.

قیز بو سؤزلری ائشیدیب گیزلین-گیزلین آغلادی، سونرا گۆزونون یاشینی سیلیب اوتاقلاری گزیب-دولاشماغا باشلادی.

صباح کی گون آصلان ائودن گئتدی. یازیق قیز ائوده داریخا-داریخا قالدی. او، هر گون داشدان دوشن سویو بیر قابا توتور، سونرا آپاریب ایسکندرین اوزونه سالیردی. بیر گون اوردان بیر دامجی قان دوشدو. قیز قانی آپاریب سالدی ایسکندرین اوزونه. ایسکندر اویاندی. قیزدان سوروشدو:

-سن کیمن؟

قیز باشینا گلەنی اونا دانیشدی. آما ایسکندر آتاسینی گۆزله مه ییب، قیزی دا گۆتوروب گئتدی قیزین آتاسی گیلە. یولدا قیز گۆردو بیر کیشی گلیر. باخدی کی، اؤز آتاسیدی. وزیر ده قیزینی گۆروب تانیدی. آتا-بالا چوخ سئویندی. او قیزینان ایسکندری گۆتوروب گلدی ائوه. هامی وزیره گۆز آیدینلیغی وئردی. وزیر بؤیوک قوناقلیق دوزلتدی. سونرا ایسکندرله قیز گئری قاییتدی. گلیب سالی قالدیراندا گۆردولر یئرە قان تۆکولور. تئز ایچەری گیریپ گۆردولر کی، آصلان اؤلومجول اوزانیب. ایسکندر تئز سوروشدو کی، بس سنە نه اولوب؟ شیر اوغلونو ساغ گۆروب چوخ سئویندی. اونو اؤزونه طرف چکیب اوزوندن اؤپدو. سونرا دئدی:

-اوغلوم، سن منە کۆمه یه گلەدین. قارا دئوی اؤلدوردوم، قارداشی خبر توتوب آرخامجا گلدی. ال به یاخا اولدوق. من اونو دا اؤلدورموشم. آنجاق اؤز یارام دا ساغالانا اوخشامیر. منیم دیریلمه ییمه گومان یوخدو. سنە توی ائده بیلمه دیم. آما بو قیز چوخ وفالیدی. یاخشی کی، سن اونونلا ائولندین. ائویمیزدن آشاغیدا بیر بولاق وار، اوستونده ده بیر داش. اونون آلتیندا چوخلو قیزیل وار. اونو گۆتوررسن. بونو دئییب آصلان اؤلدو. ایسکندر گۆز یاشی تۆکه-تۆکه داشین آلتیندان قیزیلی گۆتوردو، آتاسینی دا همین یئرده دفن ائله دی. سونرا آروادیلا شاد-خرم یاشاماغا باشلادی. سیز ده شاد-خرم عۆمور سورون.

ایکی دوستون عاقیبتی

قدیم زامانلاردا بیر شهرده ایکی دوست اولور. اونلار چوخ مهربان ایمیش لر، آما شهرلرینده هئچ بیر ایش تاپمیرلار، دئییرلر، گل آیریلار، هرهمیز بیر سمته گئدک، گؤرک باشیمیزا نه گلیر. اونلاردان بیر گون باتانا دوغرو گئدیر. آز گئدیر، چوخ گئدیر، گلیب بیر شهره چیخیر. گؤرورکی، هامی بیر طرفه قاچیر. او دا جاماعات گئدن طرفه اوز توتور. گئدیب گؤرورکی، شهرین پادشاهی اولوب، قوش اوچوردورلار. قوش کیمین باشینا قونسا، اونو پادشاه اتسین لر. قوشو اوچوردورلار. قوش گلیب قونور بونون باشینا. هامی قیشقیریرکی، کئچل بیر نابلدن بیزه پادشاه چیخماز. ایکینجی دفعه اوچوردورلار، یئنه گلیب بونون باشینا قونور. یئنه قوشو توتوب آپاریرلار. اوغلانی توتوب قاتیرلار بیر کاروانسارایا. سونرا قوشو اوچوردورلار. قوش هرله نیب گلیب، یئنه قونور اونون باشینا. جاماعات دئییر بوردا نسه وار. گلین بونو پادشاه سئچک. اوغلانی پادشاه سئچیرلر. اوغلان باشلا بیر بو شهره بؤیو کلوک ائله مه یه.

ایندی گؤرک گون دوغانا گئدن اوغلان نه اولدو. او، خیلی گئتدی، بیر شهره چاتدی. او گیریپ توکانلارا باخیردی. بیر توکاندا ساتیجی بیر قیز ایدی. قیز گؤردوکی، اوغلان ائله هئی یئلله نیر. یانینا چاغیریپ سوروشدوکی، آی قارداش، سنه نه اولوب، سنه نه لازیمدیر؟ اوغلان دئدی کی، منه هئچ نه لازیم دئییل، ایش آختاریرام. قیز دئدی کی، آخشام گل فیلان یئر، سنه بیر یول گؤستره جه یم. اوغلان آخشام، قیز دئیگی یئر گئتدی، گؤردو قیز اوردادیر. قیز اونا دئدی کی، گئدرسن فیلان یئرده بیر شهر وار. اوردایا بیر توکان وار، دورارسان اونون قاپیسیندا، بیر نفر گلیب سنه آچار وئریب، دییه جک کی، بیر قیز گؤندردی. اونو آلیب قاپینی آچارسان، اورا اولار سنین توکانین. ایشله ییب پول قازانارسان.

اوغلان خیلی سئوینیب، قیز دئدیگی کیمی ده ائله دی.

گونلرین بیر گونونده بیر قوجا آرواد گلیب بونا دئدی کی، آی اوغول، منی بو توکانا سوپورگه چی گوْتور. اوغلان راضیلاشدی. باشقا بیر گون بیر قوجا کیشی گلیب بونا دئدی کی، منی بو توکانا قاراوولچو گوْتور. اوغلان اونو دا گوْتوردو. سونرا اوغلان یئنه راحت یاشاماغا باشلادی.

گونلرین بیر گونونده شهرین کوچه لرینده جار چکدیلر کی، جمعه گونو پادشاه باجیسینا توی ائدیر، هامینی قوناق چاغیریر. جمعه گونو هامی پادشاهین عمارتینه بیغیشیر. چاخیرلار دولور. پادشاه آیاغا قالخیب دئیر کی، جاماعات، من ایلکجه دوستلوق شرفینه قالدیریرام. قوی همیشه مؤحکم و صداقتلی دوستلوق اولسون. هامی بو خوش سؤزون شرفینه قالدیریر.

پادشاه گوْرور کی، بیر اوغلان چاخیرینی قالدیرمادی. پادشاه اوزونو اونا توتوب دئدی کی، اوغلان، سن نه اوچون چاخیرینی قالدیرمیرسان. اوغلان دئدی:

-قبله ی عالم، سن دئدیگین صادیق، وفالی دوستلاری من حیاتدا گوْرمه میشم. منه ائله گلیر صمیمی دوستلوق، صادیق دوست یوخدور.

پادشاه ایشاره ائلدی کی، هامی دایانسین. اوزونو اوغلانا توتوب سوروشدو:

-اوغلان، سن ایشسیز ایدین. سنه بیر قیز توکان وئردی، یا وئرمه دی؟

اوغلان دئدی:

-قبله ی عالم ساغ اولسون، وئردی.

پادشاه دوباره سوروشدو:

-سونرا بیر قاری سنین توْکانینی سوپورمک اوچون سنه خواهیش ائتدی، یا ائتمه

دی؟

اوغلان دئدی:

- ائدی، قبله ی عالم، ائدی...

پادشاه دئدی:

- باخ او قوجا کیشی منیم آتام، قوجا آرواد منیم آتام، سنه توکان وئرن منیم باجیم، من ده سنین ایکی ایل بوندان قاباق آیریلدیغین دوستونام. بو توی کی وار من بو گون ائدیرم، او دا باجیملای سنین تویوندو. دی بوندان گۆزل، بوندان صمیمی دوستلوق اولارمی؟

اوغلان یئریندن قالخیب پادشاهلا قوجا قلاشدی. اونلار بو وضعیتده خیلی قالدیلار.

اونلار یئیب-ایچیب، شاد-خرم یاشادیلار. سیز ده یئین، ایچین، مورادینیزا چاتین.

ایلان قیز

بیر اوغلان بیر جادا یولنان گئدیرمیش، باخیب گۆرورکی، بیر قیز قایانین جاباسیندا اوتوروب. بیر گۆزل نازنین قیزدی. بو قیزا چوخ باخیر-باخیر، دئییر: -آمان الله، باخ بو دادی-بساط دا یئرده ائلات گئدیب، بو قیز نییه بوردا اوتوروب؟

اوغلان آتی باغلا بیر آغاچا، قالخیب چیخیر او قایانین جاباسینا. چیخیر اورا، چیخاندا بو قیزا سلام وئریب دئییر:

-باجی، بوردا نییه اوتورموسان؟

قیز دئییرکی، آی قارداش، من کؤچدن قالمیشام. تا بئله دوز یئرده، آچیق یئرده ایسته میرم اله کئچم، ائله قایانین بوراسین اؤزومه سیغیناجاق قاییرمیشام. نه بیلیم، بوردا یاشییرام.

اوغلان دئییر:

- آ باجی، به قاباغی قیشا گله جک، سن بیردا نئینه بیسن؟

قیز دئییر:

- ایندی اوکم-قلام، نسه بوردایام.

اوغلان دئییرکی، ایندی سن ایجازه وئرسن، سنی آپاریم ائوه. حسابدا بو اوغلان

دا گؤزل اولور، هم ده سوبای اولور. بونا چوخ مثیلی یاپیشیر. قیز دئییر:

- گئدهرم، الله منی سنه اورجاه چیخاردیب دا.

اوغلان بونو آلیر آتین ترکینه، تا ایندی هارا اووا گئدهجی ایدیسه، دئییر، ائله من

اوومو تاپمیشام. آتا-آنا، باجی-قارداش گؤرورکی، نه اوو ائلمه بییب، نه هئچ بیر

شئی، آما بیر نازنین خانیم گتیریر. گتیریر بونو آتدان قویور یئر، دئییر:

- آی باجیم، آی قارداشیم آروادی، بونا بیچین-تیکین، یاخشی پالتار گئیدیرین،

یتمک وئیرین. بو کؤچدن قالب، اوپادان آیری دوشوب. بونو یئدیزدیریلر،

گئیندیریلر، یاخشی ائوده ساخلییلار. اوغلانین باجیلاری دئییرکی، ائله

ایندی کی، سن بونو تاپمیشان، ساخلایاق گلن اوپا واختینا کیمی. ایندی کی

مثیلین بونادی، بیز بییه سیز توی ائلییه بیلمه ریک دا، ائله ائوده قیز کیمی، باجین

کیمی ساخلایاق. ائله کی، ائلات قایداجاق، نئجه اولسا، بییه سی وار دا-

قارداشدان، باجیدان سوراقلییلار کی، اولوسوندن-دیریسندن قالیر؟ اوندا بیز

گئده ریک ایجازه آلاریق. دییه ریک، قیزی بیز گتیرمیشیک، باجیمیز کیمی

گؤزوموز اوسته ساخلامیشیق. بیزیم ده اوغلان وورولوبدو بونا، ایجازه وئیرین،

سنی-منی توی ائله یک. بو آدان، بو نیتن ساخلییلار، ائل گلر. ایندی بیر قیش

دولانیر، قالیر اوپا کؤچمه یه. اوغلان دورور، آتی مینیر، بو اوپادان او اوپایا، او

داغدان بو داغا سوراقلییر. سیزین بیر قیزینیز قالیبدی، بیز تاپمیشیق، بیز

گتیرمیشیک. نه تهر، نهجه، هئچ کیم هئچ واخت دئمیرکی، بیزیم آدامیمیز ایتیب، یا سیز تاپمیسینیز هر ائلاتی گزیر، اوایلاردان خبر توتور. سونرا تا باخیر، گؤرورکی، بو بئله دئیل. گلیر قیزا دئیرکی، واللاه، نهجه گوندو بو داغلاری گزیرم. بئله ده باخ، هر یئرده ده، هر چادیرین قاباغیندا دا بو صُحبتی آچیرام. آخی سنین هئچ صاحابین چیخمیر. قیز دئیر:

-آ جانیم-گؤزوم، بلکه ایتیلر. ایندیکی، الله منی سنه یئتیریب، منی سئویرسن، من ده گلیب اوتورموشام، بیر ایلدی سنین چؤره گینی یئیرم. اؤزونوزون فیکرینیز نه دی، ائله یین. آها، بوردان آرخابین دوشندن سونرا بونلار گتیریب توی ائلیه ییلر. بونلار ائوله نیر. ائولندن سونرا بئش کئچیر، اوچ کئچیر. بیر گون اوغلان کندی گزیرمیش. اوغلان دا بیر یاخشی سایلیب-سئچیلن آدمیدی. بیردن خبر گلیرکی، تاجیر گلیب، اوردا بئله مال ساتیر، پار-پارچا ساتیر. بو اوغلان دئیر، گئدیم گؤروم منیم نشانلیما لاییق پالتار اولارسا، آلیم آپاریم. هه، اوغلان گئدیر-گؤرور بیر گؤزل پارچا وارکی، ائله گلین بونا یاراشیر، بو دا اونا. بوندان نهجه متیر آلیر گتیریر، دئیر:

-آی منیم خانیمیم، آی منیم گؤزه لیم، گؤر سنه نهجه پالتار آلمیشام.

بو گلین آلیر بونو الینه، آینه-بئینه باخیر، دئیر:

-بو نه دی کی، نه اولان شئیدی کی، قاف داغی نین اوتونداندی دا. یوخ، بونون او قدر عؤمر و اولماز. پارلاقلیغینا باخماگینن. قاف داغی نین اوتوندان حاضر لانیب، بو بیر شئی دئیل. قایتار آپار.

اوغلان بونو آلاندا آخی تاجیر بونو اولچوب-کسیب وئیریب. تاجیر دئیر:

-اوغلان، سن منی آلدادیردین، یا نه تهر. آلمیاجایدین، منیم مالیمی نییه کسدیردین؟

اوغلان دئییر:

-واللاه، منیم ائله خوشوما گلدی. آلدیم آپاردیم. یولداشیم بینمه دی.

تاجیر سوروشدو:

-نییه بینمه دی؟ بو گؤزلیکده پارچانی دا بینمز لر؟

اوغلان دئدی:

-آلدی اینه-بینه باخدی. دئدی کی، بو نمه نه شئیدی کی، بونو بو قییمته آلیرسان.

بو قاف داغی نین اوتون ناندی، اوغلان بئله دئنده تاجیر بونا پیر آز فیکیر وئریر،

سوروشور کی، اده، او قیزی سن هاردان آلمیسان؟

دئییر:

-آی جانیم، سنه نه وار. منیم پولومو بری ائله. سنه نه وار من بونو هاردان

آلمیشام؟

ایندی شئیطان اولمویوب کی، دئییلر کی، پیر یئردن تاپیب گتیریب. هئچ دده سی

بیلینمیر، ننه سی بیلینمیر. آما گؤزلیگینه سؤز یوخدو.

بو تاجیر اوزون عؤمورلو اولوب هر شئی بیلیرمیش. اوغلانین شستینه-بسپینه

باخیر. دئییر:

-آی اوغلان منیم مالیمی قایتاریرسانسا، سؤزوم یوخ، آما او قیزی اگر سن پیر

صحرادان، پیر خارابالیقدان تاپمیسانسا، او قیز ایلان دی.

اوغلان دئییر:

-عمی، سن نه دانیشیرسان، گؤزلیگی بو، پیر ایل ائله بئله ائویمیزده

ساخلامیشیق. باجیمانن یاتیب، آنامانن پیر یئرده اوتوروب دوروب. آخی او نییه

ایلان اولور، پیر ایلدن ده سونرا سوراقلاشمیشیق، ائلین-گونون تاپمامیشیق، توی

ائله میشیک. سن نه دانیشیرسان؟

تاجیر دئییر:

-اوغلان، پارچانی بری ائله، آلا پولو، آنجاق اونو سن یوخلویوب بیله بیلرسن.
 اوغلان سوروشورکی، نه تهر یوخلویوم. تاجیر دئییر:
 -سن اونو یوخلایین. اگر بیر شئی باشا دوشسن، آدیم بو، یثریم-یوردوم بو،
 خبر وئرسن، دیهرم اوندان جانینی نه تهر قورتارارسن.
 بو اوغلان سوروشورکی، آخی من اونو نه تهر یوخلویوم. دئییرکی، یورغون-
 یورغون هارا گئت، هاردان گل، باشینی قویگینن گلی نین دیزی نین اوستونه،
 دئن، ائله یورولموشام، ائله یوخوم گلیر. منیم باشیمی بیر آز سیغاللا، انه-بنه، من
 بیر آز یوخویا گئدیم.

اوغلان اؤزونو وورور یوخولوغا، میشا-میش یاتیر. بو آیلیل باخیب گؤرورکی،
 واللاه، ائله ها سیغاللا بیر اوغلان دینمیر. بونون باشینی قویور بالینجا، اؤزو دورور
 گئدیر اونوغا. اونوغون قاباغیندا بو جیلدی سوینور قویور یثره. ایلان جیلدینی
 گئیینیر، اولور بیر اژداها. اژداها اولاندان سونرا، دؤرد دیرکلی ائومیش، بو
 قالخیر بو دیرکدن او دیره یه، او دیرکدن بو دیره یه. بو تیرین آراسیندان،
 اوردان-بوردان بیر سیچاندان، قوردان-قوشدان اودور. اوداندان سونرا اوغلان
 گؤزونون آلتیندان باخیر، آمان الله، بونون الیندن نه قورتارار؟ تا هئچ، سوّس-
 پوّس دینمیر. سیچاندان-زاددان توتاندان سونرا، گؤرور، یاواش-یاواش دیرکلره
 سارینیب گلیر. بئله اولاندان سونرا بو یثره دوشنده اوغلان بیر ائه ائله بیر، انه-بنه
 قولون-قیچین ترپه دنه، بو تنز جیلدن چیخیر، اولور همن قیز. دئییر:
 -گئتمیشدیم سو ایچمه یه.

اخی باشی بونون دیزی نین اوستیدی. اوغلان دورور، دئییر:

-من سفره چیخیرام.

بیلیر کی، ایندی بو تاجیر هارا گنده جک. آتی مینیر، دوشور تاجیرین دالینا. دئی بو کند، او کند، انه-بنه، بوردان گئدیر، های وورور-چیخیر شکی، باکی، تاجیری تاپیر، دئییر:

-آی عمی، سنه قوربان اولوم. باخ من بئله گوردوم. ائله سن دئین دوزدو. بو بیر اژداهادی کی، بونون الیندن قورتارماق اولماز. تاجیر دئییر:

-آی اوغلان، اونو سن ایندی او قدر اوخشاییرسان کی، سنی سیغاللاب-تومارلابیر. ائله کی اونا بیر شیلله ویراسان ها، ائله سنی ووراجاق کی، قارا تولوق اولاسان.

اوغلان دئییر:

-عمی، باشینا دولانیم، آی تاجیر، به من نئینه ییم؟

دئییر کی، اده، اونو هئچ واخت اولدوره بیلمزسن. بلکه تندیره سالا بیلرسن. تاجیر اوغلانی اؤیره دیر. دئییر کی، خمیر ائله، نه آنا چاغیر، نه باجی. دئنه کی، گه گؤرک، بو چؤری نه تهر یاییلار، یاییلار. سن یای، من یاییم، من یاییم، سن یاپ. اؤزوموز بیشیرک، اؤزوموز یئیک. بئله-بئله اؤرگت. هئچ کیم اولماسین. اوغلان دورور گلیر. بونو اوخشاییر انه-بنه کی، هاواغا کیمی قونشو گلیب بیزه کؤمک ائلییه جک، هاواغا کیمی آنام-باجیم گلیب بیزه کؤمک ائلییه جک.

دورور دئییر کی، گتیر سن بیر آز خمیر ائله، من ده تندیری سالیم. من یاییم سن یاپ، سن یای من یاییم. قیز گئدیر، خمیر ائله بیر. اوغلان دا گئدیر تندیره بئله یاخشی-یاخشی کؤتوکلر، اودونلار سالیر. اوغلان دئییر:

-هه، ایندی گل کونده لی یک.

اوزون سؤزون گؤده گی، تندیرین نه کی، یاراشیغی وار، هامیسینی دوزوللر. اوغلان دئییر:

- ایندی آلا سالگینن اچک یاپانین اوستونه، وور تندیره.

قیز دئییر:

- یوخ، من بو اوددان قورخورام.

اوغلان دئییر:

- منه وئر، من بیرین-ایکیسین ووروم، اوندان سونرا سن وور.

اوغلان پاپاغین چیخاردیر، قویور یئر. لاواشی سالیق، دئی بیرین، دئی ایکیسین.

ایکیسی دوشور، بیرین چیخاردیر. بئله-بئله اوغلان دئییر:

-هه، ایندی منه نولدو؟ گل ایندی ده من یاییم، سن یاپگینن.

بیر آز او یانا ائله بیر، بیر آز بو یانا، قیزا دئییر:

-الینی قوی بورا، بیر الینی ده بئله توت. اییل برک وور.

ائله بو الینی تندیرین بادینا قویوب اچک یاپانی تندیره ووراندا اوغلان دالدان

قالدیریپ سالیق تندیره. تندیره سالاندا بو بیر ناله چکیر، بیر سس چیخاردیرکی،

اوغلانین اوره گی گئدیر قالیر تندیرین باشیندا. بیر واخت آییلیب گؤرورکی، تندیر

کولله نیب. آییلیب باخاندا گؤرورکی، قیز ایلان شکلینده تندیرین دیبینه کول

اولوب. دئمه ، سالیناندا آرواد دونوندا یانیندا ایلان شکلینده دوشور. قایدیر

شیشدن، کؤسؤدن گؤتورور، اونو ترپه دیر، گؤرور یانیب اولوب کول، آنجاق

ایلان شکلی بئله تندیرین هررمه سینده دی. اوغلانین بوندان جانی قورتاریر. شاد-

خورم یاشاییر.

ایلقار "ین ناغیلی"

اصفهان شهرینده ایلقار آدیندا کاسیب بیر کیشی وار ایدی. بیر گون بو کیشی آروادینا دئییرکی، منیم خورجونوما بیر آز چؤرک قوی، گئدیم کاسیب چیلیغیمین دالینجا. بلی، ایلقار حاضرلیغینی گؤردو، یولا دوشدو. آز گئتدی، چوخ گئتدی، قاباغینا بیر کیشی چیخدی و دئدی:

-هارا گئدیرسن، منی ده اؤزونله آپار. او کیشی ده بونا قوشولدو. بیر آز گتمیشدیلرکی، قارشیلارینا بیر کیشی ده چیخدی. بئله-بئله، ییغیلدیلار، دوز اوتوز نفر اولدولار. اونلار بیر شهره چاتدیلار. دئمه بو شهرده قریب آدامی توتوب اوتوز تومنه ساتیرمیشلار. بونلاری دا توتدولار. ایلقار دا دوشدو بیر زرگرین الینه. ایلقار چؤله گئدیب زرگرین قویونلارینی اوتاریردی، بئکار واختیندا دا دستر چکیردی. گونلرین بیر گونو دستر چکیر و مورگوله بیردی. خانیم سوروشدوکی، ایلقار، نییه مورگوله بیرسن؟ ایلقاردا جاواب وئردیکی، من گلمیشدیم چؤرک قازانماغا، آما منی توتوب ساتدیلار. خانیم دئدی:

- ایلقار، یئددی ایلدیرکی، منیم اوشاغیم اولمور. بیر دوعا یاز منیم اوشاغیم اولسون. خانیم کاغیز-قلم گتیردی، ایلقار اونا دوعا یازدی. بوتون بونلار اللهین دا خوشونا گلدی، بو آروادین بویونا اوشاق دوشدو. آی کئچدی، آرواد یاتدی، اونون بیر اوغلو اولدو. اوشاق بؤیومه یه باشلادی. سنه هاردان دئییم، کیمدن دئییم، ایلقار دان. او یئنه دستر چکیر، مورگوله بیردی. خانیم یئنه اونون حالینی سوروشدو، او دئدی:

-عهد اتمیشدین، اونو یئرینه یئتیر.

خانیم دئدیکی، آغان گلسمین، دیهرم سنی بوراخار. آخشام کیشی ائوه گلدی، آرواد دئدی:

-منیم اوشاغیم اولماسینا سبب بودور. او، منه دوعا یازدی، منیم ده اوشاغیم اولدو. آغاسی ایلقارا بیر آز پول و پالتار وئریب یولا سالدی. ایلقار بو پول ایله او بیر یولداشلارینی دا آلدی و اونلاری اؤز ائولرینه یولا سالیب اؤزو تک قالدی. آز گئتدی، چوخ گئتدی، گلیب شهره چاتدی و بیر قفه یه گیدی. بو شهرده قیرخ لوتو یاشایردی. اونلار ائشیتدیلرکی، ایلقارین چوخلو پولو وار. لوتولارین باشچیسى قهوه یه گلیب دئدی کی، اؤلوموز اؤلوب، کیم اونون اوستونده ئران اوخوسا، اونا پول وئره جه بییک. ایلقار دئدی کی، من باجاریرام. او، لوتونون دالینجا گلیب اؤلو اولان اوتاغا چیخدی. ئران اوخوماغا باشلادی. ایلقار گوردو اؤلو یاواش-یاواش ترپه نیر. بوتون بونلارین بیر فیریلداق اولدوغونو آنلادی، چیخیب قاچماغا باشلادی. لوتو دئدی کی، سنده او پوللاری قویما یاچاغام. ایلقار باشقا قهوه یه گتمه یه باشلادی. لوتولار بونو بیلیب بیر آرواد اؤیرتدیلر. آرواد گئتدی ایلقارین یانینا کی، من سنین آروادینام، اوشاقلاریمیز بیزی گؤزله بیرلر. آرواد اونو ایناندیردی او دا آروادین یانینا دوشوب ائولرینه گلدی. ائوه گلیب یئییب-ایچدیلر، سونرا یاتماق واختی اولاندا آرواد دئدی کی، سن یات، یورغونسان. کیشی تزه جه یاتمیشدی کی، آرواد لوتونو چاغیردی:

-گل، یاتیدی.

ائله بیل کیمسه ایلقارا دئدی کی، ای دل غافیل، نه یاتیسان، اویان. او سسه آیلیب گوردو کی، بونو توتماق ایسته بیرلر، دوروب قاچماغا باشلادی. بیر آز گئتدی گوردو ایشیق گلیر. یاخینلاشیب ائوه گیدی، گوردو کی، ائوده هنج کس یوخدور. کورسونون آلتینا گیدی. گوردو کی، کورسونون آلتیندا بیر قاب پلوو وار، اوستونده ده بیر توپوق، باشلادی بونو یئمه یه. گئجه دن خیلی کئچمیشدی کی، بیر اوغلان ایچهری گیدی، عمی قیزیدان چؤرک ایسته دی.

عمی قیزی دئدی کی، قورو چؤرک وار. ایلقار بیلدی کی، قیزین آشناسی وار، اونا گؤره ده پلووون هامیسینی یئدی. گئجه دن خیلی کئچمیشدی کی، بیر لوتو ایچهری گیردی اوغلانی اؤلدورسون. ایلقار کورسونون آلتیندان هر شیئی گؤروردو. او، قیلینجی گؤتوروب لوتونو اؤلدوردو. سسه اوغلان آیلدی. ایلقار دان سوروشدوکی، بو نه احوالاتدی؟ اودا دئدی:

-منه عیان اولدوکی، بو لوتو سنی اؤلدوره جک، اونا گؤره ده من گلیب اونو اؤلدوردوم، اجازه وئر عمی قیزینی دا اؤلدوروم. من گئدیرم-دئییب یولا دوزلدی. ایلقار آز گئتدی، چوخ گئتدی، گؤردوکی، اوزاقدان بیر ایشیق گلیر. یاخینلاشیب گیردی ایچهری. گؤردوکی، بیر قوجا کیشیدیر. سلام وئریب آیلشدی یانیندا. باخدی کی، بورادا آتلار وار، آنجاق اینسانا اوخشاییر، بیلدی کی، بو کیشی طلسم لیدیر. قوجاینان صُحبت ائدیردی. بو زامان قوجا ایکی آلما چیخاریب بیرینی اؤز قاباغینا، بیرینی ده ایلقارین قاباغینا قویدو. بیر آز کئچمیشدی کی، قوجا مورگوله مهیه باشلادی، ایلقار دا فرصتی الدن وئرمه ییب آلمالاری دیشدیردی. قوجا آیلیب دئدی کی، آلمانی یئ. قوجا آلمانی یئینده اؤلدو آت. ایلقار آتی باغلادی آتلارین یانینا. او دیشدیردیگی آلمانی دیشله ییب آتلاری دا یئدیرتدی. آتلار دا یئیب اولدولار آدام و ائولرینه داغیلشدیلار. ایلقار ائوه قایدیب باشینا گلن احوالاتلاری آروادینا دانیشدی. بئله لیکله، گون گؤروب، دؤوران سوردولر.

بگ اوغلو ائلیار ایله دئو اوغلو آلتین توپ

بیری وار ایدی، بیری یوخ اویدو. قدیم زامانلاردا بیر بگلربگی وار ایدی. بو پادشاه چوخ ازادیل ایدی. پادشاهین ایکی آروادی وار ایدی، بیری چوخ چیرکین ایدی، اودورکی، پادشاه بو آروادینا گون وئرمیردی. همین آروادین دا چوخ گؤزل و عاغیللی اوغلو وار ایدی. اونون آدی ائلیار ایدی. ائلیار آناسی نین بو گونونه دؤزه بیلیردی. گئجه و گوندوز یول آختاریردی کی، آناسینی بو عذابدان نئجه خلاص ائتسین. بیر گون ائلیار آناسینا دئدی:

-گل بورادان قاجاق. آناسی ائلیارین سؤزونه راضی اولدو. اونلار یول آزوقه سیندن-زاددان گؤتوروب ائودن چیخدیلار.

آز گئتدیلر، اوز گئتدیلر، دره-تپه دؤز گئتدیلر، گلیب چؤللو-بیاباندا بیر قالاچایا راست گلدیلر. آنا-بالا بورادا قالماق فیکرینه دوشدولر، اودورکی، قالانین دؤرد بیر طرفینی فیزلاندیلار. قالاچایا گیرمک اوچون بیر داروازا تاپا بیللمه دیلر. ائلیار ناعلاج قالب قالاچانین بیر طرفینی سؤکدو. آناسی ایله بیرلیکده ایچهری گیردیلر. ائلیار دریندن نفس آلدی و دئدی:

-بوندان سونرا راحت یاشایا بیلریک. بئله لیکله، ائلیار و آناسی بورادا یاشاماغا باشلادیلار. ائلیار هر گون گئدیر، قوش دان-زاددان اوولاییب گتیریر، آنا-بالا یئییب-ایچیر، یاواش-یاواش دولانیرلار. بیر گون ائلیار یئنه اووا گتمیشدی. آناسی چوخ داریخیردی، اودورکی، دوروب قالاچانین قیراق-بوجاغینی گزمه یه باشلادی. بیردن قولاغینا بیر زاریلتی گلدی، باشلادی سس گلن یئری آختارماغا. آختاردی، آختاردی، گون اورتایا یاخین گوی چمنلیگین ایچینده بیر قویو تاپدی، ایلیب قویونون ایچینه باخدی. گوردوزاریلتی بو قویودان گلیر. دئدی:

-ای، کیمسن. بو قویویا نه اوچون گیریبسن؟

قویودان سس گلدی کی، بس سن کیمن؟ من بو قویویا ائلیار آدلی بیر پهلوان
اوغلانین الیندن گیرمیشم.

آرواد دئدی:

-من ائلیارین آناسیام.

سن دئمه بو قویوداکی آغ دئو ایمنش. آرواد دئدی:

-من سنه کؤمک ائدهرم.

دئو دئدی:

-آند ایچ ائلیار منه توخونمایاجاق.

آرواد دئدی:

-سن قورخما، من سنه کؤمک ائده جه یم.

دئو دئدی:

-اوندا بورا بیر بالاجا داش آت، من چیخیم.

آرواد گؤتوروب داش آتدی، دئو سیچراییب قویودان چیخدی. آرواد دئدی:

-ائله من ده تکم، اوغلوم گئدیپ اووا. اوتور، صُحبت ائدک، اوغلوم گلنده یئنه
گئدیپ قویویا گیررسن.

بئله-بئله هر گون ائلیار اووا گئندن سونرا دئو قویودان چیخیر، آروادلا صُحبت
ائدیرلر. اونلار یاواش-یاواش سئویشمه یه باشلادیلار. آرتیق اونلار عاشیق-

معشوق اولموشدولار. بیر-بیرلرینی گؤرمه ینده داریخیردیلار. بیر گون دئو دئدی:

-گل سنه ائلیاری اوزاق بیر سفره گؤنده رک. اوغلون سنی چوخ ایسته بیر، اؤزونو
وور ناخوشلوغا. اوندان سونرا سن نه دئسن اونا باخاجاق.

آرواد ائله ده ائتدی. ائلیار اوودان گلنده آناسینی ناراحت گؤردو و دئدی:

-آنا، دردین منه گل سین، سنه نه اولوب؟

آرواد دئدی:

-اوغولوم یامان ناخوشلامیشام.

ائلیار دئدی:

-آنا، بس دردینین علاجی ندیر؟

آرواد تئز حیلہ نیقایینی اؤزونه چکیب دئدی:

-من همیشه ناخوشلایاندا آتان منه فیرنگیستاندا بیر باغ وار، او باغداکی

آلمالاردان گتیرردی، من ده یئییب یاخشی اولاردیم. ائلیار دئدی:

-آنا تکی سن یاخشی اول، گئدیپ همین آلمالاردان گتیررم.

آرواد یالاندان دئدی:

-اوغول، اورا چوخ اوزاقدیر، من راضی اولمارام سن اورا گنده سن.

ائلیار دئدی:

-من راضی اولمارام منیم آنام یورغان-دؤشکده یاتسین.

گئجه یاتدیلار، سحر تئزدن دوروب خورجونونا چؤرکدن-یاوانلیقدان قویوب یولا

دوزلیدی. آز گتیدی، اؤز گتیدی، دره-تپه دوز گتیدی، گلیب فیرنگیستانا چاتدی.

بیر نئچه گون اورادا دینجلدی. دنیا گؤرموش قوجالاردان باغا گتتمه گین یولونو

اؤیرندی، قوجالار دئدیله:

-اورا گتتمک اوچون ایکی یول وار. یوللارین بیری آیلیق، بیری ایسه هفته

لیکدی. بیر آیلیق یول خطاسیز یولدور، بیر هفته لیک یول ایسه خطالی یولدور.

ائلیار تئز چاتماق اوچون بیر هفته لیک یولا گتتمه یه باشلادی. یولدا چوخ بؤیوک

مانعیره راست گلدی. هامیسینی ووروب کئچدی. آخیردا گلیب بیر ماغارا یا

چاتدی. ایچهری گوردی، گوردوکی، بورادا بیر تاخت وار، تاختین اوستونده بیر

دئو یاتیب. باشلادی دئوین آیاغی نین آلتینی خنجرله اویمانغا. دئو او یانیب او طرف بو طرفه باخدی. ائلیاری گؤردو و دئدی:

ای بنی-آدم، سن نه جرأتله بورا گیرمیسن؟ یاخین گل، سنین بو قورخمازلیغین خوشوما گلدی. مندن نه کؤمک دیله بیرسن دیله.

ائلیار دئوین بو سؤزلریندن اورکلندی و دئدی:

-ایندی کی، منه کؤمک ائدیرسن، آنام ناخوشدور. دئییر، بورادا بیر باغ وار، باغدا یاخشی آلمالار وار، اوندان یئسم، یاخشی اولارام. اودورکی، من ده گلیمش او آلمادان آپارام.

دئو دئدی:

-ای ائلیار، آنان سنی گئدر-گلمز یولا گؤندهریب کی، سن یوللاردا تلف اولاسان. گل سن گئری قایت.

ائلیار دئدیگیندن دؤنمه دی و دئدی:

-من آلمالاری آپارمالیام. یاخشی سی بودورکی، سن آلمالارین یئرینی دییه سن.

دئو چوخ دئدی، ائلیار آز ائشیتدی. ائلیاری یولا گتیره بیلمه یین دئو اونا دئدی:

-دئدیگین او باغ منیمدیر. آنجاق سؤزومه قولاق آس. سنین آنان اؤزو اوچون

معشوق تاپیب، اودورکی، سنی بورا گؤندهریب.

ائلیار بو سؤزدن حیرصلندی. دئو دئدی:

-آلمالاری آپاراجاقسان، آنجاق پشمان اولاجاقسان. دئو ائلیارا بیر کاغیذ وئردی

و دئدی:

-بو کاغیذی آپارارسان، قاباغینا نه چیخسا سنه هجوم ائده جک، قورخمازسان،

کاغیذی گؤستررسن، سنه توخونمایا جاقلار. باغا چاتاندا بیر قارا داش وار، اونو

قالدیرارسان، باغین قاپیسی او داشین آلتیندادیر. ائلیار کاغیذی دئودن آلیب یولا

دوزلدی. دئو دئدیگی کیمی قاباغینا نه چیخدیسا کاغیدی گوستریدی. گلیب همین قارا داشا چاتدی. داشی قالدیردی. باغا گیردی. باغی گزیب همین آلمانی تاپدی. بیر خورجون ییغیب یولونا دوزلدی. بونو بورادا قویاق، گؤرک آروادلا دئو نه ائتدیلر. ائلیار گئندن سونرا آروادلا دئو هر گون عیش-عیشرتله مشغول اولماغا باشلادیلار. بو منواللا آروادلا دئوین بیر اوشاغی اولدو. آرواد اوشاغی بله یه قویاندا اوشاق بلکدن دوروب قاچدی و معلق ووردو. آرواد دئدی:

-آی بالا، هارا گئدیرسن، سنه بیز هئچ آد قویمامیشیق. اوشاق دئدی:

-من اؤزوم اؤزومه آد قویدوم. منیم آدیم آلتین توپدور. قارداشیم گلیر، من اونون قاباغینا گئدیرم. دئوله آرواد بونو ائشیدیب ال-آیاغا دوشدولر، دئدیلر بیز نه ائدک. ائلیار گلسه بیزی اؤلدوره جک، اودورکی، گتیریب قاپی نین باشینا بیر اژداها قویورلارکی، ائلیار گلیب قاپیدان کئچنده اژداها ووروب اؤلدورسون، سونرا باشماغی نین ایچهریسینه عقرب قویدولارکی، ایشدیر اژداها ووروب اؤلدوره بیلمه-سه باشماقلاری گئینده عقرب وورسون، بونلار بورادا ایشلرینده اولسون، گؤرک آلتین توپ نه ائتدی.

آلتین توپ معلق وورا-وورا ائلیارین قاباغینا گئتدی. ائلیار دره لر، تپه لر آشا-آشا گلیب یئددی آغاجلیغا چاتدی. گؤردوکی، بودور قاباقدان توز گلیر. بئله باخاندا گؤردوکی، بیر قیرمیزی شی دیر، بونا طرف گلیر. آلتین توپ بیر معلقلا دوز ائلیارین قاباغینا دوشدو. ائلیار اونو گؤرچک اتی اورپندی.

آلتین توپ دئدی:

-ای اوغلان، سن مندن قورخما، من سنین قارداشینام.

ائلیار بونون سؤزونه اینانمادی.

آلتین توپ دئدی:

-آدیم آلتین توپدور. ای اوغلان، سنه بیر احوالات دانیشاجام.

اثلیر دئدی:

-دانش.

آلتین توپ دئدی:

-سن گئت، من ده گلیرم.

اثلیر گلیب قالاچانین یانینا چاتدی. آلتین توپ دا بیر معلق ووروب اثلیرین یانینا

دوشدو. اثلیر قالاچایا گیرمک ایستهدی، دی گل آلتین توپ قویمادی. اثلیر نه

قدر ائلهدی، آلتین توپ یئنه قویمادی. آلتین توپ ووروب قالاچانین بیر طرفینی

اوچوردو و اثلیرا دئدی:

-گل بورادان گئچ.

اثلیرین آناسی ائشیتیمیشدی کی، اثلیر گلیر، اودورکی، اؤزونو ناخوشلوغا ووروب

گیرمیشدی یورغان-دؤشهیه. دئوده کی، قاجیب گیرمیشدی قویویا. اثلیر

قالاچادان ایچهری گیردی کی، بس آناسی یورغان-دؤشکده دیر. اثلیر آناسینا

طرف گئندنه آلتین توپ قویمادی و دئدی:

-قوی، من احوالاتی دانیشیم، سن ده قولاق آس. آلتین توپ باشلادی صُحبت

ائلهمیه کی، قارداشیم اثلیر، سن آنانی چوخ ایسته بیردین، اونو عذابدان

قورتاریب بورا گتیردین کی، خوش گون گؤرسون، آنان ایسه بورادا دئوه-منیم

آتام عاشیق اولوب، سنی حیلله ایله اؤلومه گؤندردی. سن گئندن سونرا بونلار

بورادا آسوده یاشاییلار. بو عاشیق-معشوقدان دا من توره میشم. اونلار

ائشیدیلر کی، سن ساغ-سالامات قایدیب گلیرسن، ایندی ده باشقا تور قورویلار.

سونرادا آلتین توپ قاپی نین باشیندان اژداهانی، باشماقلارین ایچینده کی

عقربلری گؤستردی و دئدی:

-اونا گۆره من سنی قویمادیم قاپیدان کئچه سن. بودور آنامیزین و منیم آتامین سنه قارشی حيله لری. ایندی، قارداش، آنامیزا قارشی جزانی سن اؤزون وئرمه لی- سن، اونا گۆره کی، سن مندن بؤیوکسن. آتاما ایسه جزانی من اؤزوم وئره جه یم،- دییه رک گئدیپ قویودان آتاسینی چیخاردی، گتیردی و ائلیار دا آتاسینی گتیردی.

ائلیار آلتین توپا دئدی: بو آتا و آنا یاخشیلیق بیلیرلر و بیز بونلاریله یاشایایلمه- ریک، گل بونلاری بو اؤلکه دن قوواق، و ائله ده ائتدیلر.

سونرادا ائلیار آلتین توپا دئدی:

-قارداش، گل بیرلیکده یاشایاق.

آلتین توپ بونا راضی اولمادی و دئدی:

-یوخ، قارداش، من دئو اوغلو یام، سن ایسه بنی آدم، ایکیمیز بیر یئرده یاشایا بیلمه ریک. سن گئت اؤز آتاین یانیندا یاشا، من ده بو قالاچادا یاشایاجام. نئچه کی، من و آرام، سنه هئچ کس توخونا بیلمز.

یاخشینی- پیسی حاخلادیم، ناغیلی بوردا ساخلادیم. قالاچانین آچارینی ایتیردیم. کیم تاپسا ناغیلین دالینی اونا دانیشاجام.

بیلیجی قارداشلار

قدیم زامانلاردا بیر تاجیر وار ایدی. بو تاجیرین اوچ اوغلو وار ایدی. بیر گون تاجیر برک خسته نیر. اونون بیر کوپه قیزیلی وار ایدی. کیشی فیکیرلشیرکی، نئجه ائله ییم کی، من اؤلندن سونرا اوغلانلاریم بو قیزیلین اوستونده ساواشما سینلار. چوخ فیکیرلشندن سونرا بئله بیر قرارا گلدی کی، هر اوغلونو آیریجا چاغیر سین، دئسین کی، فیلان یئرده بیر کوپه قیزیلیم وار، اونو چیخاریب

قارداشلارینین آراسیندا بۇلرسن. اولجه بۇیوک قارداشی، سونرا اورتانجیل اوغلانی، سونرا ایسه کیچیگی چاغیریپ بیر-بیریندن خبرسیز دئدی کی، فیلان یئرده قیزیل باسدیرمیشام، چیخاریپ وئرسن قارداشلارینا، اوچونوز بیر یئرده بۇلوشدورورسونوز.

کیشی بونو ائله یندن بیر نئچه گون سونرا اؤلدو. کیچیک اوغلان هامیدان قاباق گئدیپ قیزیلی چیخاریپ یئرینی دیشدیردی. کیشی نین قیرخی چیخاندان سونرا بۇیوک قارداش او بیری قارداشلارینی چاغیریپ دئدی کی، آتام اؤلمه میشدن منی چاغیریپ دئدی کی، فیلان یئرده قیزیل باسدیرمیشام، چیخاریپ قارداشلارینلا بیر یئرده بۇلوشدورورسن. ایندی آتامین قیرخی چیخیب، گلین گئدک قیزیلی چیخاریپ، بۇلک. اورتانجیل قارداش دئدی کی، بس آتام اونو منه ده دئمیشدی. کیچیک قارداش دئدی کی، ائله منه ده دئمیشدی.

سونرا هامیسی بیر یئرده قیزیل اولان یئره گئتدیلر. قازدیلار، گوردولر کی، قیزیل یوخدور. اونلار بیر-بیری نین بوینونا آتدیلار. سونرا بو قارار گلدیلر کی، گئدک دونیا گؤرموش بیر آدام تاپیب بونو اونا دئیک. گؤرک، اونه دئسه، اونو دا ائدک. بیغیشیب یولا دوشدولر. خیلی گئندن سونرا قارشیلارینا بیر کیشی چیخدی. کیشی اوغلانلاردان سوروشدو کی، آی قارداش، یولدا دوه گورمه دینیز. بۇیوک قارداش سوروشدو:

-سنین دوه نین سول گوزو کور اویدو، کور دئیلدی؟

کیشی دئدی:

-هه، آی قارداش، کور اویدو، هارا گئتدی؟

اورتانجیل قارداش سوروشدو:

-دوه نین یو کونون بیر طرفینده یاغ، او بیری طرفینده بال وار ایدی، یوخ اویدو؟

کیشی یالوارماغا باشلادی:

-هه، آی قارداش، ائله او دوه دی. سیز الله هارا گتدیگینی دئین.

کیچیک قارداش سوروشدو:

-سنین دوه نین اوستونده حامیله قادین وار ایدی، ائله می؟

کیشی دئدی:

-آی باشیویزا دؤنوم، او ائله من آختاردیغیم دوه دی. هاردا گؤردونوز، دئین.

اوغلانلار دئدیله کی، بیز دوه-زاد گؤرمه میشیک. کیشی اونلاری بوراخمادی.

دئدی:

-بئله شی اولماز. گرک گئدک بیزیم پادشاهین یانینا، من دردیمی اونا دئیم. او نه

دئسه، ائله ده ائده ریک. اونلار راضیلاشیب گتدیله پادشاهین یانینا. پادشاه

اونلارین نه اوچون گلدیگینی سوروشدو. کیشی دئدی کی، قبله ی عالم، بئله،

منیم دوه م ایتیپ. اونو آختاریردیم. دوه م گئدن طرفدن بونلار گلیردی.

سوروشدوم، بوتون نامین، نشانین دئدیله. آما آخیردا دئیرلر کی، بیز دوه-زاد

گؤرمه میشیک.

پادشاه اوژونو بؤیوک اوغلانا توتوب دئدی کی، سن نه بیلدین کی، اونون دوه

سی نین گؤزو کوردور؟

اوغلان دئدی:

-من یولدا گؤردوم کی، بیر دوه گئدیپ. یولون بیر طرفی نین اوتو قیرپیلیب، او

بیری طرفی نین اوتونا دیلمه ییب. بیلدیم کی، دوه نین بیر گؤزو کورموش.

پادشاه اورتانجیل قارداشدان سوروشدو کی، بس سن نه بیلدین کی، دوه نین

یو کونون بیری بال، او بیری یاغ ایمش. اورتانجیل اوغلان دئدی:

-قبله ی عالم، من گلیردیم، گۆردوم یولدا بیر دوه اوتوروب، خئیلی دینجه لیب. او اوتوردوغو یئرین بیر طرفینه قاریشقا، او بیر طرفینه میلچک بیغیشیب. اوندان بیلدیم.

پادشاه اوزونو بالاجا قارداشا توتاراق دئدی کی، بس سن نه بیلدین کی، دوه نین اوستونده حامیله قادین وار ایتمیش؟ کیچیک قارداش دئدی:

-من ده همین کی، او یترده دوه یایلانمیشدی، گۆردوم اوردا کیمسه اوزانیب دینجه لیب، دوراندا، اول دیرسکلرینی، سونرا قولونو، سونرا دیزلرینی یتره مؤحکم باسیب. اوندان بیلدیم کی، همین شخص قادین، اؤزو ده حامیله قادین ایتمیش.

پادشاه اوزونو کیشیه توتوب دئدی:

-آ کیشی، بونلارین سنین دوه ندن خبرلری یوخدور. انتھاسی، بونلار چوخ عاغیللی آداملار اولدوقلاریندان بوتون بونلاری مشاهیده ائدیرمیشلر.

سونرا پادشاه اوغلانلاری قوناق ساخلادی. امر ائدی کی، اونلارا چوخ یاخشی حؤرمه گؤسترینلر. پادشاه قوللوچولاری یانینا چاغیریب دئدی کی، گرک اونلارا ان لذیذ یئمک وئر سینیز. بونون اوچون ان نفیس دیودن پلوو بیشیریپ، ان کؤرپه املیک قوزونو کسب اتینی قیزاردین. اؤزو ده بونلارا تک بیر اوتاق آیریپ خورک وئرین. اؤزونوز ده گودون گؤرون، نه دانیشیرلار، گلین منه خبر وئرین.

قوللوچولار ان گؤزل دیودن پلوو سوژوب، گئدیپ سوژودن کؤرپه بیر قوزو کسب گتیردیله، اتینی قیزاردیب قویدولار پلووون اوستونه، سونرا اوغلانلاری سوفره یه دعوت ائدیپ، گیزلینجه بوسماغا باشلادیلار.

اوغلانلارین هئچ بیر یئمکه یه الینی اوزاتمادی. بؤیوک قارداش دئدی:

-آما بو پلووون دیوسو غصب یئردن بیغیلیب دیر.

اورتانیجیل قارداش دئدی:

-سن دیونو دئیرسن. هئچ بیلیر سینیز کی، بو قوزو ایت سودو امیدیر؟

کیچیک قارداش دئدی:

-هله سیز اونلاردان دانیشر سینیز. پادشاهین اؤزو اصیل-نجابتلی دئییل، قاراچی

اوغلودو.

بیر خیلی کئچندن سونرا قوللو قچولار اورتالیغی بیغیشدیر دیلار و پادشاهها خبر

آپاردیلار کی، بس، قارداشلار بئله-بئله سؤزلر دئدی لر.

پادشاه ایچهری گریب دئدی:

-اگر، بو سوفره باشیندا دانیشدیقلا رینیزی بوینونوزا آلماسانیز، اوچونوزو ده

اولدوره جه یم.

اؤزونو بؤیوک قارداشا توتدو:

-سن نه بیلدین کی، دیو نه جور دور؟

بؤیوک قارداش دئدی:

-قبله ی عالم ساغ اولسون. من گؤردوم کی، دیونون رنگی ساریدیر. دئدیم کی،

قبرستانلیقدا اکیلیب. اینانمیر سیز، سوروشون.

پادشاه قوللو قچونو چاغیریب سوروشدو:

-بو دیو هارداندیر؟

قوللو قچو دئدی:

-قبله ی عالم، کؤهنه قبرستانلیقدان گؤتورموشوک.

پادشاه دئدی:

-یاخشی، سن آزاد اولدون.

اورتانیجیل قارداشا دئدی:

-بس سن نه دئمیسن؟

اورتانیجیل قارداش دئدی:

-قبله ی عالم، دئدیم کی، بو قوزو ایت سودو امیب.

پادشاه چوبانی چاغیریب سوروشدو:

-بو قوزو ایت سودو امیب، یا اممه ییب؟

چوبان دئدی:

-قبله ی عالم ساغ اولسون. دؤل قورتارانندان سونرا بیر قویون چوخ سایا دوغدو و

اؤلدو. همین وخت سورونون بیر ایتی ده دوغموشدو. قوزونو همین ایتین سودو

ایله امیزدیردیم.

پادشاه اؤزونو توتوب اورتانیجیل اوغلانا، سوروشدوکی، بس سن نه بیلدین؟

اورتانیجیل اوغلان دئدی:

-اول اتی ایچهری گتیرن کیمی بیر تورش ایی ووردو، بیر ده کؤهنه قوزو اتی نه

ایسه کؤهنه کیمی گؤرونوردو.

پادشاه دئدی:

-یاخشی، سن ده آزاد.

اؤزونو کیچیک اوغلانا توتوب سوروشدو:

-سن نه دئمیسن؟

کیچیک اوغلان دئدی:

-من ده دئمیشم کی، سنین اصلی نجابتین شاه نسلی دئیل، قاراچی اوغوسان.

پادشاه آناسینی چاغیرتدیریب دئدی:

-من کیمین اوغلو یام، تمیز دانیش. آناسی دئدی:

-آی اوغول، بئله سنین آتاین بوتون اوشاقلاری قیز اولوردو. حامیله اولاندا منه دئدی کی، بو دفعه ده اوغلون اولماسا، سنی اؤلدوره جه یم. منیم یئنه قیزیم اولدو. همین واخت قونشودا بیر قاراچی آروادین اوغلو اولموشدو. قورخومدان من دوغدوغوم قیزی و سنین آغیرلیغیندا قیزیل وئردیم قاراچییا، سنی آلیب آتانا گؤستر دیک. او، سنی اؤز اوغلو بیلدی. سنین اصیل آتا-آنان قاراچیدیر.

پادشاه کیچیک اوغلاندا سوروشدو:

-ایندی دئی گؤروم بوتون بونلاری سن هاردان بیلدین؟

کیچیک اوغلان دئدی:

-قبلی عالم، اول سن پادشاه نسلیندن اولسایدین، دوه چی یه بیر دوه و یاخود بیر قیمتلی شی بخشیش وئردین. یاخود دا اونون دوه سی نین تاپیلما سینی امر اندردین. ایکینجیسی سن دانیشاندا منیم ایچهریه گتیردیگیم شام آغاجینا چوخ باخیردین. سن اوندا فیکیرلشیردین کی، بونون مالیندان نئجه قشنگ شی لر دوزلمک اولار. اوندان بیلدیم کی، قاراچی اوغلو سان.

پادشاه امر ائلدی کی، همین قیزی بورا گتیر یلسین. قیز ایچهری گیری ب دئدی:

-من بیلیرم سن منی نه یه چاغیر میسان. بونلار اوچ قارداش دیرلار. قیزیل لارینی تاپماق اوچون سنین یانینا گلیبلر. اونلارین قیزیلی کیچیک قارداش دیر.

پادشاه تاجینی باشیندا گؤتوروب همین اوغلانین باشینا قویدو و قیرخ گون، قیرخ گنجه توی ائدی ب اوغلانلا قیزی نی ائولندیردی. آدام گؤندر دی، همین یئردن کوپه نی چیخاردیب دوه چییه وئردیلر. هامیسی دا سارایدا شاد-خرم یاشاماغا باشلادی.

پادشاهلا ایکی قارداش

بیری وارمیش، بیری یوخ اوموش، ایکی قارداش وار ایمیش. اونلار دولانیشیغین یولونو تاپا بیلمه دیکلریندن باش گۆتوروب باشقا ولایته گئدیرلر. شهر به شهر، کنبه کند گزیر، آنجاق اؤزلرینه مونسایب ایش تاپمیرلارکی، تاپمیرلار. بئله قرارا گلیرلرکی، بیر مودت قارپیز اکیب-بئجر سینلر، اونو ساتیب-سوسونلار، اگر خئیر وئرسه، ائله بو ایشی داوام ائتدیر سین لر. اونلار بئله ده ائدیرلر. ال-ایاقدان اوزاق بیر داغ اتگینده چوخلو قوون-قارپیز اکیب بئجریرلر. واخت او واخت اولورکی، قوون-قارپیز یئتیشیر. اونو بازارا چیخاریب ساتماغا باشلا بیرلار. شهرین جاماعاتی گلیب قوون-قارپیزا باخیر، ایسته دیکلرینی سئچیب گۆتورور، آما هئچ کس پول وئرمیر. قارداشلار بیر ده گۆرورکی، یئمیش قورتاردی، آما اللرینه هئچ نه گلمه دی. قالیرلار متل، بو سیردان باش آچمیرلار.

بؤیوک قارداش دئیر:

-نه مودتدی بو شهرده یاشاییریق، آما هله ده بو سیردان باش آچا بیلیمیرم. نه قدر ایش آختاردیق، تاپا بیلمه دیک، گئدیب اؤزباشیمیزا بوستان اکدیگ، سوروشان اولمادیکی، سیز کیم سینیز. او قدر قوون-قارپیز گتیردیک بیر سوروشان اولمادیکی، هاردان آلمیسینیز. هر گلن ده بیر پولسوز-پاراسیز بیرینی گۆتوروب گئتدی. ایندی یئنه بیر حصیریک، بیر ده محمدنصیر. مصلحتین ندیر، قارداش؟

کیچیک قارداش دئدی:

-سن اولان یئرده منیم سؤز دئمه یه نه حاقیم وار، آنجاق من بئله گۆرورم، بو ولایتده کیم نه ایسته بیرسه، اونو دا ائدیر.

اونلار چوخ فیکیرلشدیلر، آخیردا بؤیوک قارداش دئدی:

-دوز دئییرسن، بو اؤزباشینالیغی من ده گؤرورم. گل گئدک شهر قبرستانلیغینا. اونون یاخینلیغیندا اؤزوموزه بیر کوما دوزلدک. قبرستانلیغا گتیریلن هر اؤلوه صاحیبیندن بئش تومن آلاق. بیر تهر دولاناق. سونرا گؤرک نه ائدیریک. کیچیک قارداش راضی اولور. اونلار قبرستان لیغین کناریندا اؤزلرینه ائو تیکیر، اورا گتیریلن هر اؤلوه صاحیبیندن بئش تومن آلیرلار. بونلاردان سوروشان اولمورکی، سیز کیم سینیز؟ بو نه بئش تومندی آلیر سینیز؟ قارداشلار گؤرورکی، هئچ بونلاری دیندیرن ده یوخدو. اونا گؤره باشلارینی آشاغی سالیب اؤز ایشلرینی گؤرورلر.

گونلرین بیر گونو پادشاهین آناسی اؤلور. اونو گتیریرلر دفن ائتمه یه. قارداشلار اؤلونون کیم اولدوغونو سوروشورلار. بیر نفر دئییرکی، اؤلن پادشاهین آناسیدی.

بؤیوک قارداش ایره لی چیخیب دئییر:

-اؤلوه صاحیبی اللی تومن وئرمه لیدی.

بو خبر پادشاها چاتیر. پادشاه دئییر:

-ایسته دیکلرینی وئرین.

پولو وئریم اؤلونو دفن ائدیرلر. پادشاه وزیردن سوروشور:

-وزیر، بو نه قایدا، بو نه اؤزباشینالیقدی، بونلاری بورایا کیم تعیین ائدی؟

وزیر جاواب وئره بیلیمیر. آدام گؤندریب قارداشلاری پادشاهین حضورونا چاغیریر.

پادشاه قارداشلاردان سوروشور:

-سیز کیم سینیز، سیزی بورا کیم تعیین ائدی، بو نه اؤلوه حاقیدی ییغیر سینیز؟

بؤیوک قارداش دئدی:

-پادشاه ساغ اولسون. بیز بو ولایته ایش دالینجا گلیمیش آداملاریق. موناسیب

ایش تاپمادیق. بیر مودت قووون-قارپیز یئتیشدیردیک، اونو بازارا چیخاردیق، آما

هر گلن ایسته دیینی گؤتوروب گئتدی، حاقینی وئرمه دی. گؤردوک باشینا ولایتدی، کیم نه ایسته بیر اونو دا ائدیر. ایندی نئچه ایلدی کی، بیز بو قبرستانلیغا کئشیک چکیریک، آبادلیغینا فیکیر وئیریک. دولانماق اوچون ده اؤلوه صاحیبیندن بئش تومن پول آلیریق. ائشیتدیک کی، وفات ائدن سیزین آنایزدی، اونا گؤره ده سیزی دیگر اؤلوه صاحیب لریندن فرق لندیرمک اوچون اللی تومن پول آلدیق. قارشینیزدا گوناھکاریق. بیز بو ایشی آنجاق دولانماق اوچون ائتمیشیک. پادشاه قارداشلارین سؤزوندن فیکره گئتدی. گؤردوکی، قارداشلار کلک-کولک آدم دئیل. دولانیسیق اونلاری بو ایشه وادار ائدیب. گوناھ پادشاه دادی کی، اؤلکه نی اؤزباشینالیق بورویوب. پادشاه امر وئردی، قارداشلارا بؤیوک انعام وئریب اونلارا یاخشی ایش وئردیدی. بو حادثه دن سونرا پادشاه اؤلکه نی عدالتله ایداره ائتمه یه باشلادی.

پهلوانین ناغیلی

بیری وار ایدی، بیری یوخ اویدو، بیری قاری، بیری ده قوجا وار ایدی. بونلارین هئچ اوشاقلاری اولموردو. نذیر-نیازدان سونرا بونلارین بیری اوغلو اولدو. او دا تک وایلکجه اولدوغوندان آدینی ایلکین قویدولار. بو کیشی قویونا گئدیردی. ایلکینین دا اون ایکی یاشی وار ایدی. بیری گون دئدی کی، دده، گرک، بویون سنین عوضینه قویون اوتارماغا من گئدم. ددهسی اوغلونون تک اولدوغوندان خطرینه دیمه دی، دئدی کی، یاخشی، گئت. اوغلان قویونلاری قاباغینا سالیب باشلادی اوتارماغا. ایلکین قویونلاری گون اورتا بیری بولاغین باشینا گتیردی. اوغلان بیری قویونو توتوب یئره بیخدی، باشینی کسب، بیشیریب یئدی. آخشام اولدو، اوغلان قویونلاری گتیردی. ددهسی قویونلاری ساییب گؤردوکی، بیری

یوخدو. ایلکین دن سوروشدوکی، قویونون بیر هانی؟ اوغلان دده سینه دئدی کی، دده، قارا جامیش کیمی بیر شئی گلیب قویونو قاچیرتدی. ایلکین دده سینه دئدی کی، بوندان بئله گئت بیزو اوتارماغا. ددهسی اوغلونون خطرینه دیمه ییب دئدی، یاخشی. یئنه ایلکین دده سینه دئدی:

-بو گون من گئده جه یم. گون اورتا ایلکین مالی گتیردی بولاغین باشینا. ددهسی بو دفعه اوغلوندان خبرسیز گلیب گیزلندی. ایلکین بیر بوغانی آغاجنان ووروب یئره بیخدی، تئز تونقالدا بیشیریپ یئدی. دریسینی ده بیر آغاجین باشیندا گیزلندی. ددهسی گلیب، تئز اوغلونا بیر دینهک ووردوکی، سن بونو نییه بئله ائله- دین؟ ایلکین کوسوب گتیدی. بیر پادشاهین آشپازخاناسینا گیدی. گوردوکی، بورادا بیر آدام وار. دئدی:

-منه آش گتیر. او، بیر قاب آش گتیردی، ایلکین اونو بیر تیکه یه یئدی. دئدی کی، یئنه گتیر. آشباز او خرته گتیردی کی، بو داها ایستمه سین. بیر قازان آش قورتاردی. تئز قاچدی پادشاهین یانینا. ایلکین ده یئددی قازان آش ییب، قاپی نین دالیندا یاتدی. پادشاه ایکی پهلوان گؤندردی. پهلوانلار نه خرته ائله- دیلرسه، قاپینی آچا بیلمه دیلر. آخیریسی ایلکین اؤزو قاپینی آچیب، یئتیردی پهلوانلارین اوستونه، ایکی پهلوانی دا جَرجه نک ائله دی، اؤلدوروب بیر یانا آتدی. بو سسه یئدی پهلوان گلدی، بونلار نختر(نه قدر) ائلدیلرسه قاپی آچیلما دی. ایلکین اؤزو قاپینی آچیب، پهلوانلارین یئددیسینی ده اؤلدوردو. بو دفعه پادشاهین اؤزو گلدی. تئز ایلکین پادشاهی گؤتوروب، ایستی سویا باسادی. پادشاه دئدی:

- منی اؤلدورمه، سنی اؤزومه پهلوان گؤتوروم. پادشاه ایلکینی اؤزونه پهلوان گؤتوردو. بیر گون همن پادشاها مکتوب گؤندرديلرکی، گلین داوايا. پادشاه بو مسئله دن ایلکینی حالی ائله دی. ایلکین دئدی:

- سنین ایشین یوخدو. داوا زنگی چالیندی، باشلادیلار دؤیوشه. ایلکین ده اوتوروب او خرته گؤزله دی کی، اونا یاخینلاشدیلار. ایلکین تئز بیر قیلینج چیخارتدی، اونلارین هامیسینی قیردی. پادشاهین یانینا گئتدی. پادشاهین قیزینی آلیب آتا-آناسی نین یانینا قایتدی.

تاجیر باشی بیلگه نین ناغیلی

بیری واردی، بیری یوخدو، قدیم ایاملاردا بیر پادشاه واردی. بو پادشاه اوزدن خوش صیفت اولسا دا، باطیندن چوخ ظولمکار، قیصاص جیل و اذازیل ایدی، اونون اییی نین اوستونه اودون بیغماق اولمازدی. حیرصی توتاندا پادشاهی دیندیرمک اولموردو. او چوخ کینلی آدام ایدی.

گونلرین بیر گونو پادشاه دللگی یانینا چاغیریر. دللک اونون باشینی قیرخیر. پادشاه آینایا باخیب گؤرورکی، باشیندا بیر نئچه آغ توک وار. آغ توکلرین گؤرونمه سینی قوجالیق علامتی سایان پادشاه دریندن کؤکس اؤتوروب غوصه لیر. بونو حیس ائدن باش وزیر سوروشور:

- قبیله ی عالم ساغ اولسون، بو قدر وار-دؤولت، جاه-جلال کی، سنده وار، سن دونیانین ان خوشبخت آدامیسان، هئچ سنین کیمی آداما دا غمگین اولماق یاراشار؟

پادشاه دئیر:

- وزیر، منیم خوشبخت لیگیمدن دم وورورسان، آما هئچ بیر دئمیرسن کی، بو گون-صباح عؤمر و مو باغیشلا یاجام، اوندان منیم چیراغیمی کیم یاندیراجاق؟ کیم مندن سونرا بو وار-دؤولته صاحب اولاجاق؟ بو درد منی چوخ دوشوندورور، من غوصه لنمه ییم نثله ییم؟

باش وزیر دئییر:

- قبیله ی عالم آجلارین قارنینی دویدورسا، یئتیم- یئسیره پای وئرسه، او بیر اولان الله پایینی اوندان اسیر گه مز.

بو فیکیر پادشاهین بئینینه باتیر. او، وزیر دئییر کی، آچ خزینه نین قاپیسینی، یئتیم- یئسیره پای وئر، یئددی یول آیریجیندا قازان آسدیر، بلکه الله-تعالا منه اوز توتا، بیر شیرین پای وئر. باش وزیر پادشاهین دئدیگی کیمی ده ائدیر. او، یئددی یول آیریجیندا قازان آسدیریر، آج-یالاواجین قارنینی دویدورور، خزینه دن کاسیب و کیمسه سیزلره پای وئر دیریر. پادشاه قیرخ گونون هر بیرینی حرم خاناداکی آروادلارین بیری ایله کئچیریر. آرادان خئیلی واخت کئچیر، آما پادشاهین اؤولادی اولمور کی، اولمور. پادشاه باش وزیرین مصلحتی ایله گؤردویو ایشلره پئشیمان چیلیق چکیر، اونو لعتله ییر. باش وزیرله آراسی اولمایان ایکینجی وزیر بو فرصتی الدن وئرمیر. او، اؤزونو پادشاهین یانینا سالیب دئییر:

- قبله ی عالم، بیلین و آگاه اولون کی، باش وزیر سیزین فرمانینیزی یئرینه یئتیرمه ییب. او، خزینه نین چوخ آز بیر حیصه سینی جاماعاتا پایلایب، قالانینی ایسه اؤزو منیمسه ییب. باش وزیر قوجالدیغینیزی گؤروب اؤزونه وار-دؤولت توپلاییر کی، سیزین یئرینیزه کئچسین.

پادشاه بو سؤزلره اینانیب جین آتینا مینیر. او، باش وزیر یانینا چاغیریب دئییر:

- وزیر، من سنی ناموسلو آدام بیلیردیم. آما ایندی گۆرورم کی، سن منیم فرمانیم دان ایستیفاده ائدی، خزینهنی الینده توپلامیسان، فیکرین ده منیم یثریمه کتچمکدیر. اؤزون گۆردون کی، الله-تعالادا منی سئویندیرمه دی. ایندی یا سنین بوینونو ووردوراجام، یا دا خزینهنی نئجه داغیتمیسان، ائله جه ده یثرینه توپلامالیسان.

بو سۆزلری ائشیدن باش وزیرین اوره گیندن قارا قانلار آخماغا باشلا بیر. او چوخ دئیر پادشاه آز ائشیدیر. وزیر کور-پئشیمان ائوینه گئدیر، گومانی گلدیگی تاجیرلری بیغیب مسئلهنی اونلارا دئیر. تاجیرلر دئیرلرکی، هامیمیزین پولو پادشاهین خزینه سی نین اوندایا بیری قدر ائله مز. بو قدر پولو هئچ واخت دوزلده بیللمیک. بو پولو دوزلتسه-دوزلتسه، آنجاق اویغور شهرینده کی تاجیرباشی بیلگه دوزلده بیلر. باش وزیر تاجیرلرین سۆزونه باخیب پادشاهین یائینا گلیر، اوندان قیرخ گون روخصت آلیب، یول حاضیرلیغی گۆرور و اویغور شهرینه اوز توتور. گئجه-گوندوز یول گئدیب آخیردا اویغور شهرینه وارید اولور. کاروان سارایا گیریپ تاجیرباشی بیلگه نین ائوینی سوروشور. ائوی اونا نیشان وئریر. باش وزیر آتینی دوز بیلگه نین ائوینه سورور. نؤکر اونو ایچهری دعوت ائدیر، تئز بیلگه نین دالینجا آدام گۆنده ریر. بیلگه ائوه گلیب قوناغا خوش گلدین دئیر، گۆرورکی، ادب-ارکانیندان، گۆرکمیندن بو قوناق هر قوناغا بنزه میر. تاجیرباشی بیلگه یه سوفره آچدیریر، چای-چؤرک یئیلیب ایچیلدیکدن سونرا وزیر دئیر:

- بیلگه قارداش، کیم لیگیمی سوروشمورسان، نییه گلدیگیمی بیللمیرسن؟ آما منه ائله حؤرمت ائدیرسن کی، آدام خجالت چکیر.

بیلگه دئیر:

- بو نه سۆزدور، قوناق قارداش؟ خجالت دوشمین اولسون. سن منیم قوناغیم سان. بیلگه ائله آدام دئیل کی، باشینی قوناغیندان اسیرگه سین.

بوندان سونرا وزیر باشینا گلن احوالاتی تاجیرباشی بیلگه یه دانی شیر. بیلگه بیر آز فیکیرلشندن سونرا دئییر:

-بایاقدان دئییرم نییه فیکیرلیسن، نییه قانین بئله قارادیر. او نه پولدورکی، پادشاه اونون اوستونده سنین بوینونو ووردورور. سنه اون ائله خزینه وئررم. هئچ کیشی ده وار-دؤولت، پول اوسته چؤرک کسدیگی کیشینی باسار؟ فیکیر ائله مه، اون گون منیم قوناغیم سان، بو ائوده یئییب-ایچیپ دینجله جکسن. سونرا سنی یولا سالاجام.

باش وزیر بوردا قالیر. تاجیرباشی بیلگه هر گون اونون باشینا آداملار بیغیب قوناقلیق وئریر. او یغور شهری نین گورمه لی یئرلرینی گزدریر. آرادان دوققوز گون کئچیر، اونونجو گون تاجیرباشی بیلگه وزیر دئییر:

-سیزین یول تداروکونوز گورولوب، لعل-جواهرات، قیزیل-گوموش دوه لره یو کله نیب. آپاریب پادشاها وئرین و ائله آداملا علاقه نی اوزون. بو پوللاری من سنه باغیشلا بیرام، اونو قایتارماق حاققیندا دا فیکیر ائله مه.

باش وزیر تاجیرباشی بیلگه ایله ساغ اول لاشیب یولا دوشور و گلیب اؤز شهرینه چاتیر. او یغوردان گلیمیش قوناقلاری حورمت-عزتله یولا سالیب، پادشاهین یانینا گلیر. احوالاتی اونا دانی شیر. پادشاه خزینه یه گلیب گؤزلرینه اینانمیر. او بو پوللاری گوردوکدن سونرا اینانیرکی، دوغرودان دا باش وزیر خزینه نی اوغورلا بییمیش. یوخسا، بو قدر پولو او هارادان تاپا بیلردی؟ پادشاه باش وزیر دئییر:

-سن بو قدر پولو آلا بیلمزسن، دوزونو دئی گوروم، بو خزینه نی هارادا گیزلتمیشدین؟

باش وزیر آند-آمان ائيله بیر، آما پادشاه عینادیندان دؤنمورکی، دؤنمور. او، وزیره دئییر:

-وزیر، بو اولاسی ایش دئییل. سن منی آلدادیرسان. من ائله بیر آدم تانیمیرام کی، اونون بو قدر پولو اولسون. سن منه کلک گلیمسن، بو خزینه ائله منیم خزینمدیر. من سنین اویدورمالارینا اینانا بیلمه‌رم. گرک او آدمی بورا گتیره سن. او بوینونا آلساکی، بو خزینه نی او وئریب، اوندان سنین گوناھیندان کئچهرم. یوخ، بوینونا آلماسا، سنین بوینونو ووردوراجایام.

چاره سیز قالان باش وزیر یئنه تاجیرباشی بیلگه‌نین یانینا گئدیپ، احوالاتی اونا دانیشیر. تاجیرباشی بیلگه دئییر:

-وزیر قارداش، من قیرخ نفر تاجیرین باشچی سییام. منیم اونلارلا آل وئریم وار. بیر آزینا پول وئرمه لییم، بیر آزیندا دا آلاجاغیم وار. گرک من اونلارلا حق-حساب کسم. اوزون یولدور، گئده‌رم باشیما بیر ایش گلر، اونلاردان حالاللیق آلا بیلمه‌رم. سن راضیلیق وئر، من یئرله آدمالار گؤندریم، تاجیرلر گلین، اونلارلا حق-حساب کسیم، سونرا گئدک.

وزیر راضی اولماییب نه انده بیلردی. او، تاجیرباشی‌نین دئدیگی واختی گؤزله بیر. تاجیرباشی دئدیگی کیمی ده ائدیر. او، تاجیرلردن آلاسینی آلیر، وئره‌سینی وئریب وزیرله یولا دوشور. اونلار گلیب وزیرین شهرینه چاتیرلار. وزیر بیلگه‌نی ائوینه آپاریر، یئییب-ایچیب دینجلیکدن سونرا پادشاهین یانینا گلیرلر. پادشاه بیلگه دن سورشور:

-بو پوللاری وزیره سن وئرمیسن؟

تاجیرباشی بیلگه دئییر:

-بلی، من وئرمیشم.

پادشاه دئییر:

- بیلگه، من اینانا بیلیمیرم کی، سنین بو قدر پولون اولسون. اگر وارسا، بونلاری هاردان آلمیسان؟

تاجیرباشی بیلگه دئییر:

- پادشاه ساغ اولسون، ایجازه وئرسیدینیز، باشیما گلن احوالاتی سیزه ناغیل ائدردیم. اونداسیز بیلردینیز کی، بو پوللاری هاردان آلمیشام.

پادشاه دئییر:

- بویور.

تاجیرباشی بیلگه صُحبتَه باشلائییر:

- قبله ی عالم، معلومونوز اولسون کی، بیر واخت اویغور پادشاهلیغی ایله چین پادشاهلیغی آراسیندا داعوا دوشور. داوعادا اویغور پادشاهلیغیندان چوخلو آدم، او جومله دن منیم آتام، آنام دا اولور. خئیلی آدم، چین طرفه اسیر دوشور، من ده اونلارین ایچینده. اوزامان منیم آلتی یاشیم اولور. من صیفتدن بیر آز گؤزل، سویو شیرین اولدوغومدان چین پادشاهی نین قیزی منی اؤزونه قوللوقچو گؤتورور. بو قیز مندن بیر نئچه یاش بویوک اولاردی. اونون اؤز قوللوقچولاری واردی. من ده کیمسه سیز اولدوغومدان او قوللوقچولارین یانیندا قالیردیم، اونلارین بویروقلارینی یئرینه یئتیریردیم. واخت گلیب او وعده اولدوکی، منیم اون بئش یاشیم تامام اولدو. جاوانلیق، یئتکین لیک عشقی بئینیمه ووردو. بیر کؤنولدن مین گؤنوله پادشاه قیزینا وورولدوم. قیز ایسه منی قول صیفتینده ایشله دیردی. بیر گون قیز مندن سو ایسته دی. من ایری میس پارچی سو ایله دولدوروب، قیزا آپاردیم. او، تک ایدی، من جورعتله نوب قیزا یاخینلاشماق ایسته دیم. قیز الینده کی پارچلا باشیما ائله ووردوکی، فیرلانیب یئره دوشدوم، قان منی آپاردی.

قوللو قچولار تۆ کولوب منی آپاردیلار. خجالتیمدن هئچ یتره چیخا بیلیمیردیم. بیر نئچه گوندن سونرا قیز منی چاغیریب دئدی:

- بیلگه، اویغورلولارلا بیزیم داعوامیز چوخدان قورتاریب. ایندی آز-ماز گئدیش-گلیش وار. گئت بازارا اویغورلو تاجیرلردن بیرینی تاپ بورا گتیر.

من دینمز-سؤیله مز بازارا گتتدیم. سوراقلاشیب بیر اویغورلو تاجیر تاپدیم. تاجیر سارایا گلدی. پادشاه قیزی بو تاجیردن سوروشدوکی، اویغور ائلینه نه واخت گئده جکسن؟ تاجیر ده جاوابیندا بیلدیردی کی، اون گوندن سونرا. قیز دئدی کی، گئندنه منیم یانیما گلرسن. اویغور ائلینه بیر آماناتیم وار. بلی، آرادان اون گون کئچدی. همین تاجیر گلیب باش آیدی. بو قیز تاجیرین کیملیگینی اؤیرندی. تاپشیردی تۆوله دن بیر آت گتیردیلر. او، آتی منه وئردی، منی ده تاجیره تاپشیردی، اوسته لیک ده تاجیره بیر آز قیزیل وئریب دئدی:

-بو اوغلانی ساغ-سالامات آتا-آناسینا، یا دا قوهوملارینا وئرسن. بونون باشیندان بیر توک اسکیک اولسا، اؤزونو اؤلوموش بیل. سونرا قیز منه دئدی:

- بیلگه آتین ترکینده کی خورجوندا امانت وار، اونو دا مندن پای کیمی قبول ائله.

من خجالتیمدن دانیشا بیلیمیردیم. یولا دوشنده ده قیزا دییه بیلمه دیم کی، چۆره-گینی منه حالال ائله. خلاصه، تاجیرله یولداش اولوب، نهایت کی، گلیب اویغور یوردونا چاتدیق. تاجیر چوخ سوراقلاشدی، منیم هئچ بیر قوهوم-اقرابام تاپیلما دی. آخیردا بیر ائو توتوب اورادا یاشامالی اولدوم. هر گون سحر بازارا چیخیر، گزیب دولاشیر، آخشام دا ائوه قاییدیردیم. بو منواللا چوخ دولاندیم، آخیردا احمد آدلی بیر تاجیرله سؤوزده لشدیم کی، بیرلیکده آل وئر ائدک. احمد منیم کیمسه سیزلیگیمی گؤروب راضیلیق وئردی. بیر مودت احمدله آلیش-

وثریش اتدیک. اونونلا دییاریادییار گزدیک، مال آلیب، مال ساتدیق، وار-دؤولت آشیب داشدی. بیر گون تاجیر احمد منه دئدی:

-ای بیلگه، بیلیرسن کی، بو گئن دونیادا الله منه بیر اوولاد قیسمت ائله مه دی. سنین ده هئچ کیمین یوخدو، گل سنی اوغوللوغا گؤتوروم. آتا-بالا اولاق. من راضی اولدوم. او، سئوینجک منی ائولرینه آپاردی، آروادینی یانینا چاغیریب دئدی:

-آرواد، بو گوندن بیلگه بیزیم اوغلوموزدو. آچ کؤینگی نین یاخاسینی، بیلگه نی کؤینگیندن کئچیرت، اولسون بیزیم اوغلوموز.

ائله بیل کی، دونیانی آروادا باغیشلادین. او واختدان من اولدوم اونلارین اوولادی. احمدین اوغلو کیمی قیرخ تاجیرین ایشینی ده اله آلدیم. واخت او واخت اولدوکی، بیر گون احمد عؤمرونو باغیشلادی. آرادان بیر آز کئچندن سونرا آروادی دا وفات اتدی. بوتون ملک، وار-دؤولت قالدی منه. منی هر یئرده تاجیرباشی کیمی تانیدیلار. او واخت من یئتکینلیک یاشینا چاتمیشدیم. بو زمان یئنه او یغور پادشاهلیغی ایله چین پادشاهلیغی آراسیندا داعوا باشلامیشدی. بو داعوادا او یغورلولار قالب گلدی، چین لیلردن چوخلو اسیر آلدیلار، شهرلر، کندلر توتدولار. من ده ماراقلاندیم، اسیرلرین یانینا گئتدیم، گوروم کی، چین پادشاهی و اونون وزیرین قیزلاری دا بونلارین ایچینده دیر. من اونلارین هر ایکسینی تانیدیم، آما اونلار منی تانیمادیلار. تئز او قیزلارین ایکسینی ده ساتین آلیب ائوه آپاردیم. اونلارا دایه توتوب یئمک-ایچمکلرینی قایدایا سالدیم. هر یکی سینه ایپک، قوماشدان پالتار آلدیم، ناز-نعمت ایچهریسینده ساخلادیم. فیکریم بو ایدی کی، چین پادشاهی نین قیزی ایله ائوله نیم. بونو منه الله قیسمت ائله میشدی. آرادان بیر مودت کئچدی. بیر گون گوردوم کی، چینین کئچمیش

پادشاهی وزیر ایله درویش پالتاری گئییب قصیده دئییرلر. مارق منی گؤتوردو. حیاتین غریبه لیگینه تعجب ائلدیم. اونلاری توکانیما گتیردیم. قفه-قلیان، چای گتیرتدیم، بیر آز صُحبتدن سونرا سوروشدوم:

-بابا درویش، بورا آدامینا اوخشامیر سینیز، سیز هارا اهلی سینیز، هاردان گلیب هارا گئدیر سینیز؟

پادشاه دئدی:

-ای اوغول، هارالی اولدوغوموزو نئینیر سن؟ بیر الله قوناغیییق.

دئدیم:

-قوناق سینیز، گؤزوموز اوسته یئرینیز وار، من تاجیرباشی دا قوللوغونوزدا حاضریر. آنجاق سیزین کیملیگینیزی تانیسام پیس اولماز.

وزیر دئدی:

-نه قدر یئر گزمیشیک سه، بیزدن بیر سؤز سوروشان اولماییب، سن یاخشی آداما اوخشاییرسان. اونا گؤره دردی میزی سنه آچاجاغیق، آنجاق کیملیگیمیزی دئمه-جه بییک. آی اوغول، بیز ائله بیر درده دوشموشوک کی، الله دان باشقا هئچ کیم بو درده علاج ائله یه بیلمز. نئچه واختدیر گؤزلریمیزین یاشی پیرچین-پیرچین تۆکولور. اوره گیمیزدن قارا قانلار آخیر. دردی میزه درمان تاپا بیلمیریک کی، بیلمیریک.

من هیجانلا سوروشدوم:

-بابا درویش، او نه درد دیر کی، سیز بئله یانقلی-یانقلی دانیشیر سینیز؟ بیر دردینیزی دئین، من ده بیلیم، بلکه بیر علاج تاپیلا.

پادشاه دئدی:

-بیز اونا گۆره بئله جلائی وطن اولموشوق کی، بیزیم ایتیگیمیز وار. یئنی چین-اویغور موحاریبه سینده بیزیم قیزلاریمیز اسیر دوشوب. اونلارین اؤلدوسو، قالدیسی بیزه معلوم دئیل. اونا گۆره بئله درویش-لباس اولموشوق. سن یئرلی آدماسان، بیر سوراقلاش، او بیر گۆزگۆرونمز اللهین خاطرینه نه باجاریرسان سا بیزه کۆمک ائله.

پادشاهین بئله دانیشماغی منه یامان تاثیر ائلهدی. آخی من بیلیردیم کی، پادشاه قیزینی نئجه ایسته ییر. بیر طرفدن ده بو پادشاه منه نه لر یاخشیلیق ائله مه میشدی؟ آخی منیم یاشاماغیمین سبب کاری دا پادشاهلا قیزی اولموشدو. من بو منصبه ده اونلارین حسابینا چاتمیشام. اونون ائوینده کسدیگیم دوز-چۆره گی هئچ زامان یادیمدان چیخارمارام. اونا گۆره پادشاهی چوخ نیگاران ساخلامایب دئدیم:

-بابا درویش، من ائله بیر آدمام کی، باشیمدان کئچهرم، قوناغیمدان یوخ. نه قدر کی، بورداسینیز من سیزین قوللوغونوزدایام. منیم ائویم سیزین ائوینیزدیر. آنجاق اونو دییه بیلرم کی، من ده ایکی نفر زنان آلمیشام، گئدک اونلارلا گۆروشون، حال-احوال توتون، بلکه بیر خبر توتا بیلدینیز.

بلی، بونلاری آپاردیم قیزلارین یانینا. اونلار بیر-بیرینی تانیدیلار. بو آتا-بالالار بیر بایاتی دئییب آغلایردیلار کی، اورک لازیمیدی بونا دۆزه. من ده بونلارا قوشولوب آغلایردیم. پادشاهین قیزی آغلایا-آغلایا آتاسینا دئدی:

-آتا، الله بو تاجیردن راضی قالسین. گۆرورسن بیزی نئجه ساخلاییر؟ ائله بیل کی، قول صیفتی ایله ساتیلان بیز دئییلیک. بو نه ایشدیرسه باش آچمیریق. تاجیردن بو سیرری اؤیرن، بیزی ده تئزلیکله ائویمیزه آپار.

پادشاهین گۆز یاشلاری هله قورومامیشدی. او، قیزلاری ساغ-سالامات تاپدیقلارینا و قول آدی ایله آلینب بئله جاه-جلال ایچینده ساخلانمالارینا متل

قالمیشدی. اونلار بیلمیردیلرکی، منه نئجه میننت دارلیق ائله سینلر. بو سیرری نئجه اؤیرنسنلرکی، من بو قیزلاری نییه بئله ناز-نعمت ایچهریسینده ساخلامیشام. پادشاه منه دئدی:

-تاجیر، نه واختدان آختاردیغیمیز بو قیزلاری ساغ-سالامات تاپماغیمیز بیر مؤعجیزه دیر. بو الله-تالانین قیسمتیمیش. آما قیزلاری قول کیمی آلیب، بئله ساخلاماغین سیررینی سندن باشقا هئچ کس بیلمیر. بیز عؤمرو بویو سنین بو خجالتیندن چیخا بیلمیریک. سندن توقع ائدیرمکی، بو سیرری منه آچاسان. من دئدیم:

-بابا درویش، بوردا هئچ بیر سیرر یوخدو، من بیلیردیمکی، بو قیزلارین صاحبی هاردا اولسا، سوراقلاشیب تاپاجاق، اونا گؤره اونلاری شاها لاییق ساخلامیشدیم. ائله ائتمیشمکی، اونلار اؤزلرینی اوشاقلیقدان بؤیودوکلری سارایداکی کیمی حیس ائتسینلر.

چین پادشاهینی تعجب بورودو:

-سن نه دانیشیرسان؟ نه سارای، نه شاه قیزی، بو نه سؤزدور؟ من آغلایا-آغلایا پادشاهین اللریندن اؤپوب اونون آیاقلارینا دوشدوم. اؤزومو اونا توتوب دئدیم: -باشینا دولانیم، قوربانین اولوم، آی پادشاه، بیل و آگاه اولکی، من قول بیلگه یم سنین چؤره گینی یئییب بو منصبه چاتمیشام. قیزلاری دا، سیزی ده گؤرن کیمی تانیدیم.

قهر منی بوغدو، دانیشا بیلمه دیم. هامی قوپ قورو قوروموشدو. نه ائده جکلرینی بیلمیردیلر. پادشاه قیزی نین گؤزلریندن یاش سئل کیمی آخیردی. او، منه یاخینلاشیب باشیما میس پارچلا ووردوغو یئری تاپدی و منی باغرینا باسدی. سونرا آتاسینا دئدی:

-آتای مهربان، سن بیر اللهین ایشینه باخ، چین هارا، اویغور یوردو هارا؟ گرک من اورادا اسیر دوْشئیدیم، منی هئچ کیم یوخ، بیلگه اسیرلیکدن آلاردی؟ پادشاه بیر آز فیکره گئدیپ قیزینا دئدی:

-قیزیم، قسمت بئله ایمیش، قسمتدن آرتیق یئمک اولماز. بیلگه چوخ حلال آدممیش کی، سن اونا قسمت اولموسان. الله مبارک ائله سین، اوغوللو-قیزلی-اولاسینیز، قوشا قاریبی سینیز (قوشالیقدا قوجالاسینیز)، اوْولادلارینیز حلال سود امسین. بیلگه کیمی دوز-چۆره گی ایتیرمه سین ...

پادشاه توی ائدیپ قیزینی منه وئردی. اوْزو ایسه وزیر و وزیرین قیزینی دا گۆتوروب ائولرینه قایتدیلار. وخت گلیب کئچدی، منیم ایکی اوغلوم اولدو. بیر گون منه نامه گلدی کی، قاین آتان وفات ائدیپ. آروادی و ایکی اوغلومو دا گۆتوروب چینه گئتدیم. قاین آتاما احسان وئردیم. بیر مودت اورادا یاشادیم. من آروادیم دئدیم کی، گئدیم ائو-ائشیگی ساتیم قایدیم. آرواد ناراضی لیغینی بیلدیردی:

- بیلگه، کیشی اولان بنده آرواد قولتوغونا قیسیلماز.

من آروادین بو سؤزوندن سونرا قاین آتامین مولکونو ساتیب، اونون بوتون وار-دؤولتینی ده گۆتوروب اویغور یوردونا گلدیم.

تاجیرباشی بیلگه بو صُحبتی قورتاراندا سونرا اوْزونو پادشاه توتوب دئدی:

-پادشاه ساغ اولسون، ایندی گۆر چین پادشاهی نین وار-دؤولتی، احمد تاجیرین قیرخ ایلده قازاندیغی واردات، بیر ده منیم قیرخ تاجیریمین قازاندیغی لعل-جواهرات اول-اولا سنین خزینهنین بیر حیصه سینی وئره بیلهرم، یا یوخ؟!

پادشاه گوردوکی، تاجیرباشی بیلگه دوز دئییر. وزیر خزینه یه قیزیل-گوموشون هامیسینی بیلگه دن آلیب. اونا گۆره عدالتسیز ایش گوردویونو باشا دوشدو و اوزونو بیلگه یه توتوب دئدی:

-ایندی من سنه و باش وزیره ایناندم. الله شیطانا لعنت ائله سین. وئردیگین خزینه نی اؤزونه قایتاریرام و ایذن وئیریم کی، گلیب منیم ولایتیمده یاشایاسان، بورادا تاجیرلیگینی ائلیه سن.

تاجیرباشی بیلگه دئدی:

-پادشاه ساغ اولسون، یئره توکولن سو بیر ده قابا دولماز بیلگه او وارداتی گئری آماق اوچون وئرمه ییب. سنین باش وزیرین چوخ حالال آدامدی. بونا گۆره اونو اؤزومه بؤیوک قارداش حساب ائدیر و سندن ریجا ائدیرم کی، وزیر ی بوراخاسان منیمله اویغور یوردونا گئتسین. اوکی، قالدی منیم بورا کؤچوب گلیمه گیم، او باش توتاسی ایش دئیل.

پادشاه اؤزونو باش وزیره توتدو:

-وزیر، دوغرودان دا سنه بؤیوک ظولم ائتمیشم. الله شیطانا لعنت ائله سین. بو گوندن یئنه منیم باش وزیریم سن.

وزیر دئدی:

-قبله ی عالم ساغ اولسون، من دوستلو قدا، یولداشلیقدا هر جور ایمتاحاندان چیخدیم. ایندییه قدر سنه باش وزیرلیک ائدیپ قوللوغوندا دوردوم. آخیردا دا منه ائله دیگینی ائله دین، داها سنه اعتبار یوخدور. من بو گوندن بیلگه ایله قارداش اولاجام.

پادشاه چوخ خواهیش ائله دی، آما وزیر راضی اولمادی. او، ائو-ایشیگینی ساتیب بیلگه ایله اویغور یوردونا گئتدی. اونلار کئفی کؤک، داماغی چاغ دولاندیلار.

سیزین ده کئفینیز کؤک، داماغینیز چاغ اولسون. هر سحر حلال سود اممیش،
خئیر خواه آداملار اورجاهینیزا چیخسین. الله-تعالا همیشه سیزی شر ایشدن
اوزاق ائله سین.

تئیمور ایله مهربان سلطان

بیری وار ایدی، بیری یوخ ایدو، بیر پادشاه وار ایدی. بو پادشاهین وار-یوخو
تئیمور آدلی بیر اوغلو وار ایدی. تئیمور اوشاق واختیندان بیر اوتاقدا
ساخلانیلیردی. اوشاق گون ایشیغی گؤرموردو.

تئیمورا دایه لر باخیردی، بیر بیلجی ده اونا درس وئریردیو بیلجی بؤیوک عالم
ایدی. بیر گون نئجه اولورسا قاپی آچیق قالاندا اوتاغا گون ایشیغی دوشور.
تئیمور دوروب نه قدر ائله بیرسه ایشیغی توتا بیلیمیر. بیلجی نی گلیب گؤرورکی،
اوغلان اورا-بورا اؤزونو چیریب الدن سالیر. بیلجی ائله باشا دوشورکی،
تئیمورون باشینا هاوا گلیب. اودورکی، دئیر:

-وای، ائویم بیخیلیدی، شاه دده می یاندر اجاق.

بیلجی سونرا باشا دوشورکی، تئیمور گونون ایشیغی ایله اللشیر. بیلجی دئیر:

-اوغول، او گون ایشیغیدی، نییه اؤزونو هلاک ائدیرسن؟

تئیمور دئیر:

-گون ایشیغی نه دی؟

بیلجی اونو باشا سالیرکی، هر یئر سنین اوتاغین کیمی دئیل. آی وار، گون وار،
گؤزل اؤلکه لر، ولایتلر وار. شاه بابان سنی تاپشیریقلار قارانلیقدان ساخلادیب.

تئیمور دئیر:

-اودندیکلرین یاخشی شی لردی؟

بیلیجی دئییر:

-بلی، اونلار یاخشی شی لردی.

تئیمور حیرصله نیرکی، بس ایندییه کیمی اونلاری منه نییه گؤسترمه میسن؟ بو ساعات منی آپار دئدیکلرینی گؤستر، گوروم اونلار نه اولان شئیدی. بیلیجی تئیمورون سؤزلرینی پادشاها چاتدیریر. پادشاه ایسته بیر راضی اولماسین، آنجاق سونرا فیکیرلشیرکی، تئیمور اونون گؤزونون آغی-قاراسی بیرجه اوغلودو. قویماسا اونون قلبینی قیراجاق. اودوکی، بیر یونگول آتلی قوشون وئریب بیلیجی ایله بیرلیکده اونلاری یولا سالیر.

تئیمور دسته سی ایله گزه-گزه گلیب بیر یوردا چاتیر. گورور بوردا چوخلو چادیر قورولوب. ایلك چادیرین قاباغینا چاتاندا اون دورد گنجه لیک آی کیمی بدیرلنمیش گوزل بیر قیز چیخیر. قیز نه قیز، آیا دئییر سن چیخما، من چیخیم، گونه دئییر سن چیخما، من چیخیم. گل منی گور، دردیمدن اول. آدام دئییرکی، یئمه ییم-ایچمه ییم بونا تاماشا ائدیم. عبدوللا بیر کونولدن مین کونوله قیزا وورولدو. قیز دا باخیب گوردوکی، واللاه بو آتلی لارین ایچینده بیر اوغلان وارکی، بیغ یئری یئنیجه ترله ییب، ائله بوی-بوخونو وارکی، هئچ فیرنگی-عربی گزه سن بو نشاندا آداما راست گلمزسن. قیز دا اوغلانا وورولدو. قیزین باشینداکی قیرخ کنیز مسئله نی باشا دوشوب اونو تئز اورادان آپاردیلار. کنیزلر گئدیب قیزین قارداشینا دانیشدیلار. قیزین قارداشی تاپشیردی کی، چادیرلاری سؤکوب قفله-قاتیرا یوکلہ سینلر. قیز وضعیت ی بئله گوروب بیر نامه یازیب قویور داشین آلتینا، ایشاره ایله یئرینی اوغلانا بیلدیریر. تئیمور بیر ایسته بیر قیزی اونلاردان زورلا آلسین، آنجاق بیلیجی نی امکان وئرمیر. دئییرکی، سن امانتسن، باشینا بیر ایش گلر، من پادشاها نه دییهرم. تئیمور چار-ناچار راضی اولور. گئدیب

نامه نی داشین آلتیندان گۆتوروب اوخویور. گۆرور قیز یازیب کی، منی ایسته سن دایمجا گلرسن. آدیم مهربان سُلطاندى، کرمان بگلربگی نین قیزیام. مهربان سُلطانین قارداشی قیزین یئرینی دیشیب آیری بیر یئرده ایله نیر. مهربان سُلطانین یئرینی دیشسه لرده تئیمور ال چکمیر، بو یوللا گلیب چاتیرلار کرمان شاهى نین یوردونا.

بوردا بیلجی تئیمورا دئیر:

- تئیمور، گل بوردان قایداق. بورا کرمان تورپاغیدی. قوشونوموز دا چوخ آزدی، داعوایا دوشسک مغلوب اولاجاغیق.

تئیمور سؤزه باخمیر، گندیب کرمان شاهى نین قوشونو ایله ووروشور. لاکین قوشوندان نه قدر قیرلسا دالی قورتارمیر. کمند آتیب تئیمورو آتدان سالیب توتورلار. تئیمورو بیر صانديغا قویوب دریا یا آتیرلار. تئیمورون باشیندا اولانلاری دا اسیر ائدیرلر. دریا صانديغی آپاریب بیر قایا یا وورور، صانديق سینیر. تئیمور صانديغین بیر پارچاسی نین اوستونده قالیر. درین فیکیر، خیال ایچینده بیر ده گۆرورکی، بیر آغ قوش گلیب اونون باشینا قونور. تئیمور قوشون لگیندن بیرینی چکیر، یومورتاسی نین ساریسی ایله مکتوب یازیب قوشون بوینونا باغلایر. یازیرکی، ”عزیزیم مهربان سُلطان، دریا دا صانديق پارچاسی نین اوستونده یم. تنز بیر چاره تاپ“.

قوش مکتوبو آپاریب دوز مهربان سُلطانین پنجره سینه قونور. مهربان سُلطان قوشو توتوب مکتوبو آچیر. بیلیرکی، تئیمور داردادی، اونو چاغیریر. مهربان سُلطان زیندانبانا چوخلو قیزیل وئریب اسیرلری بوراخدیریر. اسیرلره تاپشیریرکی، تئیمور داردا اولدوغو دریانین کنارینا گئتسینلر. اؤزو ده گزمک بهانه سی ایله بیر دسته کنیزله همین یئره گلیر. مهربان سُلطانین تاپشیریغی ایله

بیر گمی دوزلدیرلر. سونرا دا گمینی دریا یا سالیملار. گلیب تئیمورون یانینا چاتیب اونو خیلاص ائدیملر. تئیمور ساحیلده مهربان سلطانلا گوروشور. خبر گلیب کرمان پادشاهینا چاتیر. شاه اونلارین دالینجا قوشون سالیملر. آنجاق اونلاری تاپا بیلمیرلر. تئیمور مهربان سلطان ایله گلیب آتاسی نین اولدوغو تورپاغا چاتیر. تئیمورون آتاسی اوغلونا قیرخ گون، قیرخ گنجه توی ووردورور، اونو مهربان سلطانلا اولندیریر. اونلار مورادلارینا چاتیرلار. سیز ده یئین، ایچین، مورادینیزا چاتین.

ترس آرواد

بیر کیشی نین چوخ ترس بیر آروادی وارمیش. یامانلیقدا ایلیخیداکی آیغیرا اوخشاییرمیش. ترس لیکده اونا چاتان اولمازمیش. چوخ عینادچی آداممیش، آغزیندان چیخان سؤز دوز اولدو، اولمادی بیر ده گئری گؤتورمزمیش. بو آروادین بیر خاصیتی ده او ایمیش کی، همیشه اری نین سؤزلری نین عکسینی دئیرمیش. اری دئسه ایدی کی، قاتیق آغدی، یوخ دییه جکدی کی، قارادی. اری چوخ گؤتور-قویدان سونرا بئله قارار گلیر کی، بو آروادین اولماسیندان اولماماگی یاخشیدی. گونو صاباحدان آپاریم اؤتوروم آتاسی نین خاراباسینا. سحر آچیلیر، کیشی آروادی گؤتوروب قونشو کنده قاین آتاسی گیله گئدیر. یولدا تزه جه بیچیلیب تایالانمیش بوغدا زمیسینه راست گلیرلر. کیشی دئیر:

- گؤر ظالیم اوشاگی نئجه گؤزل، تمیز یئر بیچیلر؟

آرواد دئیر:

- کیشی، سن بیلمزسن، بیزلرده زمینی ائله بئله بیچیرلر. بونو قایچی ایله بیچیلر.

کیشی قالیر متل، دئییرکی، آی آرواد، هئچ بوغدانی دا قایچی ایله بیچرلر. بونو کړنتی ایله بیچیلر.

آرواد دئییر:

- کیشی دوز دئمیرسن. باشین اوچون بورا قایچی ایله بیچیلر.

کیشی دئییرکی، آی آرواد، الله باخ، تانریا باخ، هئچ قایچی ایله ده زمی بیچرلر؟

آرواد دئدیگینن دؤنمورکی، دؤنمور.

کیشی جین آتینا مینیر. اؤز-اؤزونه دئییرکی، نئجه اولورسا-اولسون، گرک بو آروادی باشا سالیمکی، سؤز من دئندی. آرواد داکی، نئخ دئییب دایانیر اؤز سؤزونون اوستونده. کیشی دؤزمه ییب شیلله-یومروقا آروادین باش-گؤزونو اذیر. آرواد داکی، "قایچی ایله" دئییب سؤزوندن دؤنمور. علاجسیز قالان کیشی آروادی توتوب بیخیر یئر، دیزین ده قویور اونون سینه سینه. دئییرکی، آرواد، منی قانا باتیرما، دئی کی، کړنتی ایله بیچیلر.

آرواد دئییر:

- کیشی، سن اؤل، ائله شئی یوخدو، بورا قایچی ایله بیچیلر!

بئزیکمیش کیشی آخیردا آروادین آغزیندان دیلینی چیخاردیر، اونو بیچاقلا دیدن

کسیب آتیر. دئییرکی، ایندی گؤردون کی، کړنتی ایله بیچیلر؟

آغزینی قان گؤتورموش آرواد باشینی بولایا-بولایا بارماقلارینی قایچی کیمی

هاچالایب "قا...قا...قا" دییه-دییه قیشقیریر یئنه سؤزوندن دؤنمور. آروادین

عینادکارلیغینا دؤزه بیلمه ین کیشی باش گؤتوروب گئدیر. باشقا بیر ولایتده

عؤمور سوروب، گون کئچیریر.

تورالین ناغیلی

بیری وار ایدی، بیری یوخ اویدو، بیری کیشی وار ایدی. بو کیشی نین اوچ اوغلو وار ایدی. کیشی آرتیق قوجالمیشدی. اؤلوم آیاغیندا ایدی. او، اوغلانلارینی یانینا چاغیریب دئدی:

-آرتیق من اؤلورم. من اؤلندن سونرا گونده بیرینیز قبریمین کئشیگینی چکرسینیز. کیشی جانینی تاپشیردیقدان سونرا کیچیک اوغلو تورال، بویوک قارداشی نین یانینا گلیب دئدی کی، آتام وصیت ائدی، بو گون گل سن کئشیک چک. بویوک قارداش دئدی کی، اولو اولدو، وصیتی ده قالدی یانیندا، گئدیرسن، اوزون گئت، من گئده بیلمرم. تورال کور-پشمان ائوه قایتدی. حاضیرلاشیب، قبریستانلیغا گلدی، باشلادی گؤزله مه یه. قارانلیق دوشوردو، گؤردو، بودور، بیری قیرمیزی آتلی سؤیه-سؤیه گلیرکی، آی گورباگور، منیم بورجومو نییه قایتارمادین؟ آتلی قبری دئشمک ایسته بیردی کی، تورال قیلینجلا ووروب، آتلینی اولدوردو. آتی، لباسی، یارق-یاساغی گؤتوروب گئری قایتدی.

ایکینجی گون تورال اورتانجیل قارداشی نین یانینا گئتدی. تورال دئدی:

-قارداش، آتامین وصیتینه عمل ائت. بو گون سن کئشیک چک.

اورتانجیل قارداش امتناع ائتدی. تورال کور-پشمان گئری قایتدی. آخشام قبریستانلیغا گلیب گؤزله مه یه باشلادی. بیری ده گؤردو، بودی، گوی آتلی، گوی لباسلی آدام سؤیه-سؤیه گلیرکی، بورجومو قایتارمیرسان، قارداشیمی نییه قویمورسان گله، آی گورباگور. آتلی گلیب چاتان کیمی تورال بونو دا ووروب اولدوردو. یارق-یاساغی، لباسی دا گؤتوروب ائوه گلدی. اوچونجو گونوده قارداشلاری نین گئتمه دیگینی گؤروب، یئنه ده قبریستانلیغا یوللاندى. بیری ده گؤردو، بودور، قارا آتلی، قارا لباسلی بیری آدام سؤیه-سؤیه گلیر. تورال فورستی

بادا وئرمه‌دی. بونودا ووروب اۆلدوردو. لباسینی، آتینی، یارق-یاساغینی
گۆتوروب ائوه قایتدی.

گونلرین بیرینده خبر چیخدی کی، پادشاه قیزلارینین اوچونو ده اره وئیر.
قارداشلار تورالی ائوده قویوب توپا گتتدیلر. تورال نه قدر ائله‌دی، بۆیوک
قارداشلاری ایجازه وئرمه‌دی لر کی، تورال دا اونلارلا گتتسین. تورال ائوه قایدیب
قیرمیزی آتی یهرله‌دی، قیرمیزی لباسی گتتیدی، یارق-یاساق گۆتوروب آتی
مینی، بیر باشا سوردو توی مئیدانینا. جاماعات گۆردو، بودو بیر قیرمیزی آتلی
گلیر، هامی چکیلدی، اونا یول وئردی. تورال آتی او یانا، بو یانا سئیردیب
پادشاهین بۆیوک قیزینا چاتاندا کۆمک ائدیب آتی توتدو او آتا مینرکن اۆزو
آرادان چیخدی. قارداشلار گلنده تورال سوروشدو:

-آی قارداش، توی نئجه کئچدی؟

قارداشلار دئدی:

-بیر قیرمیزی آتلی گلیب پادشاهین بۆیوک قیزینی قاچیرتدی.

صباح یئنه قارداشلار توپا گتتدیلر. تورال گۆی آتی یهرله‌دی، گۆی لباسی
گتتیدی، یارق-یاساغی باغلایب آتی مینی. گلیب چیخدی مئیدانا، آتی او
یانا-بو یانا سئیردیب پادشاهین اورتانجیل قیزینی گۆتوروب آرادان چیخدی.

بۆیوک قارداش چاتان کیمی دئدی:

-بو گونده بیر گۆی آتلی پادشاهین اورتانجیل قیزینی گۆتوروب قاچیرتدی.

صباح کیچیک قیزین تویودور. تورال دئدی:

-قارداش، منی ده آپارین.

بۆیوک قارداش دئدی:

-اوشاقسان، قالارسان آیاق آلتیندا.

تورال تزدن دوروب قارا لباسی گئیدی، یارق-یاساغی باغلابیب، میندی آتا، گلدی جاماعات توپلانان یتره، آتینی او یانا-بو یانا سئیردی، بو دفعه پادشاهین کیچیک قیزی گؤتوروب آرادان چیخدی.

گونلرین بیرینده تورال قارداشلارینی قوناق چاغیردی. پادشاهین بؤیوک قیزی، قیرمیزی آتی، لباسی، یارق-یاساغی بؤیوک قارداشینا، گؤی لباسی، آتی، یارق-یاساغی، اورتانجیل قیزی اورتانجیل قارداشینا وئردی. کیچیک قیزی، قارا آتی، لباسی، یارق-یاساغی ایسه اؤزو گؤتوردو.

بیر نئچه مودت کئچدی. بیر گون قارداشلارین یاشادیغی ایالته گؤی گؤز، دیشی سئیرک بیر آدام گلدی. آتالار دئییب کی، گؤی گؤز، دیشی سئیرک آدامدان قورخ همیشه. اونو هئچ کس قوناق ائلمه دی. تورال بونو گؤروب ائولرینه گتیردی. قوناغی یئدیردی-ایچیرتدی، سونرا یئر سالدیلارکی، قوناق راحتلانسین. تورال اؤز ده آرخابین یاتدی. صباح دوردو، گؤردو نه قوناق وار، نه ده آرواد. تؤوله یه قاچدی، گؤردو آتی دا یوخدور.

تورال قارداشلارینین یانینا گئیدیب آت ایسته دی، آما هئچ بیر آتینی وئرمه دی. تورال کور-پئشمان قایدیب قوناغین تنبل یابیسی ایله یولا دوشدو. تورال آز گئتدی، اؤز گئتدی، دره-تپه دؤز گئتدی، گلیب بیر قالاچایا چاتدی. باخیب گؤردو بیر قوجا کیشی ایچهریده اوتوروب. تورال ایچهری کئچدی، ادبله سالام وئردی. قوجا تورالا یئر گؤستردی. تورال اوتوردو. قوجا دئدی:

-اوغول، سنین آتینی، آروادینی آپاران گؤی گؤز، دیشی سئیرک بیر دئودیر. سن اونلاری دریا آتینی کؤمگی ایله گتیره بیلرسن. تورال قوجانین دئدیگینه عمل ائتدی. بیرباش بازارا یوللاندى، قیرخ تولوق چاخیر آلیب گئری قایتدی. قوجا ایله بیرلیکده دریانین کنارینا یاخینلاشدیلار. تورال تئز سو نولارینین سویونو

آچدی، سو قورتاردیقدان سونرا نوولاری چاخیرلا دولدوردو. چکیلیب بیر کناردا گۆزلهدیلر. بیر ده گۆردولر بودور، دریا آتی اؤز بالالاری ایله سودان چیخدی. نوولارا یاخینلاشیب چاخیری سو بیلیب ایچمه یه باشلادیلار. تورال فورستی بادا وئرمه ییب تئز قولون "لارین بیرینی توتدو. گتیریپ بیر مودت آتی ساخلادیقدان سونرا تورال یولا حاضیرلاشماغا باشلادی. قوجا تورالا خئیر-دوعا وئریپ یولا سالدی. تورال گلیب دئوین یاشادیغی ماغارایا یاخینلاشدی. بیر مودت گۆزلهدی، گۆردو، بودور، دئو هاراسا گئدیر. تورال گیزلندی. دئو گئتدیکدن سونرا اؤزونو وئردی ایچهری، گۆردوکی، دئو آروادینی ساچلاریندان آسیب. تورال آروادینی آچدی. قیز دیللندی:

- تورال، بو ساعات دئو قاییدیپ سنی پارچالایاجاق، قاچ جانینی قورتار. تورال آروادینی دا گۆتوروب یولا دوشدو. دئو قاییدیپ گۆردو قیز یوخدور. اؤزونو وئردی قارا آتین یانینا، سوروشدو:

-قارا آت، یئیک گئدک، یوخسا یئمییک گئدک؟

قارا آت دئدی:

-یئسم ده، یئمه سم ده بو ساعات اونو توتاجام.

تورال بیر ده گۆردو، بودور، دئو دالدان اونلارا چاتیر، بو واخت دریا آتی دریادان چیخیب دئدی:

-ای قارا آت، منیم سودوم سنه حارام اولسون. نییه او کیچیک قارداشی نین باغرینی یاریرسان؟ اوستونده کی نی ییخ اؤلدور. قارا آت دئوی ووردو تورپاغین اون دؤرد قات ترکینه. تورال آروادینی، آتینی گۆتوروب قوجانین یانینا یوللانندی. قوجا ایله ساغ اوللاشیب اؤز مملکتلرینه روان اولدولار.

گۆیدن اوچ آلما دوشدو. بیر منیم، بیر سنین، بیر ده ناغیل دانیشانین.

تولامپاچی احمدین ناغیلی

بیری واردی، بیری یوخدو، بیر پادشاه واردی. بیر گون پادشاه وزیر، وکیل و قیزلاری ایله صُحبت ائدیردی. پادشاه بؤیوک قیزیندان سوروشدوکی، آسلانین اثر کگی غیرتلیدی، یوخسا دیشیسی. قیزی دا دئدی:

-آسلانین دیشیسی اثر کگیندن غیرتلیدیر. پادشاه غضبلندی:

-وورون بونون بوینونو. وزیر پادشاها یالواریب-یاخاردی کی، قیزی اؤلدورمه سین. پادشاه دئدی:

-ئنجه اولدو قیزیم مندن غیرتلی اولدو. وزیر شاها دئدی کی، قووقیزینی گئتسین، آما اؤلدورمه.

قیز قیزیلدان-گوموشدن گؤتوروب شهردن چیخدی. آز گئتدی، چوخ گئتدی، بیر هیسلی-پاسلی ائوه گوردی. باخدی کی، بو ائوده بیر قوجا آرواد وار، اؤزوده کیشمیش یئیر. بو آروادین احمد آدیندا بیر اوغلو دا اولور. احمد ائوه گلنده گؤردو بونلاردا بیر قیز اوتوروب.

بیر گون قیز قونشوسو اولان حاجی عمی یه پول وئیر کی، ائولرینه شئی-مئی آلیب گتیرسین. حاجی عمی نین آروادی کیشیه دئیر:

-آ کیشی، بو قیز بیردن گئدر احمده.

کیشی دئیر، یوخ، غریب قیزدیر، اونلارا کؤمک ائدیر. آرادان بیر-ایکی گون کئچندن سونرا قیز حاجی عمی نین آروادینا دئیر کی، سیز منیم وکیلیم اولون، کبینه کسین لر احمده، پول دا وئیریم توپا تداروک گؤرون. حاجی عمی احمدی گؤروب اونا دئیر:

-بو قیز سنه گلکم ایسته بیر، اؤزوده بیزی وکیل ائله ییب. اوغلان دا راضی اولور. یئددی گون، یئددی گنجه توی اولور. بیر گون احمد حاجی عمی یه

دئییر کی، تاجیر مالی آماغا گتسه نیز، منی ده اؤزونوزله آپارین. قیز احمده پول وئریب دئییر ایندی کی، مال آماغا گتدیرسن، اوندا یاخشی شی آل. گل سنه کیمدن دئییم، احمدین آروادیندان. احمد گتندن سونرا آرواد کؤهنه ائوی اوچوردوب یئرینده بؤیوک عیمارت تیکدیریر. احمدگیل مال آلیب گئری قایداندا یولدا برک سوسوزلا ییرلار. قاباقلارینا دا بیر قویو چیخیر. احمدی سالیرلار قویویا. احمد باخیر کی، بورادا دئو و یاشیل قورباغا وار. دئو دئییر:

- احمد، سنه ایکی سوالیم وار، تاپدین، سنی بوراخاجام، اؤزونه ده بیر صاندیق وئریب، دنیا مالیندان قانع ائده جهیم. بیلمه دین، یئیه جهیم. بیرینجی سوالیم اودور کی، دنیا دا نه شیرین اولار؟

احمد دئییر:

- یوخو.

- دنیا دا نه یاخشی اولار؟

- محبت.

- احمد، یئددی ایلدیر کی، من محبتیمی سالمیشام بو قورباغایا. سونرا احمدی چیخاریرلار. احمدده چیخب ایپی قویویا ساللاییر، دئو صاندیغی ایپه باغلا ییر، احمد چکیر. یولداشلاری دئییرلر:

- احمد، بو قویویا دوشن چیخمیر، نئجه اولدو سن چیخدین؟ او، باشینا گلن احوالاتی یولداشلارینا دانیشدی. بونلار اؤز شهرلرینه یولا دوشدولر. احمدگیل شهره گلیب چاتدیلار. او، اؤز ائولرینی تانیمادی. آروادی کؤهنه ائوین یئرینده یاخشی بیر عیمارت تیکدیرمیشدی. آروادی نؤکری یوللادی کی، گت آغانی گتیر، ائوی تانیمیر.

احمد آروادینا احسن دئدی. احمد دئوین یانیندان گتیردیگی صانیدیگی آچدی، گوردوکی، ایچی دولو لعل-جواهردی. گونلرین بیر گونونده قیزین آتاسی ائشیدیرکی، تولامپاچی احمد آدیندا بیر کاسیب ایندی چوخ وارلی تاجیر اولوب. قیز احمده دئیرکی، آتاما مکتوب یازکی، وزیر، وکیلی گوتوروب بیزه قوناق گلینلر. نؤکر مکتوبو آپاریب وئریر پادشاها. پادشاه اوخویوب گوردوکی، حاقیندا ائشیتدیگی آدام اونلاری قوناق چاغیریر. پادشاه گلیر گوردوکی، احمدین عیمارتی بونونکوندان دا یاخشیدیر. خوش-بئش، اون بئش، تانیشلیقدان سونرا اورتایا یئمک گلدی. بو واخت خبر گلدیکی، پادشاهین آروادینین اوّرهگی خراب اولور. پادشاه دئدی:

- احمد، باشیم چیخمیرکی، نییه آروادیمین سیزده اوّرهگی خراب اولوب. احمد دئیرکی، بلکه بیر مطلب وار. پادشاه آروادیندان سوروشورکی، بو نه ایشدی.

آرواد دئیر:

-بو قیز منیم قیزیما اوخشاییر.

قیز بو سؤزدن گولور، بوتون احوالاتلاری آچیب سؤیله ییر. پادشاه قیزینین عاغل-کاملینا احسن دئیر.

اونلار بئله جه یئیب-ایچیب یئره کئچدیلر، سیز ده یئین، ایچین، خوش گون کئچیرین.

جادیچی و ایینه قابی

بیری واردی، بیری یوخ اویدو، بیر قوجا کیشی واردی. کیشی نین اوچ قیزی واردی. بو کیشی بیر گونلری گئدیردی بازارا. دئدی:

-قیزلاریم، سیزه نه آلیم گتیریم؟

بؤیوک قیز دئدی:

-آتا، منه یایلیق آل.

اورتانجیل قیز دئدی:

-منه جوراب آل.

کیچیک قیز دئدی:

-آتا، منه ایینه قابی آل.

کیشی گتدی بازاردان قیزلاری نین دئدیگینی آلدی. گلنده یولدا بیر جادیچی یا یولداش اولدو. کیشی الینی آتدی جیبینه پاپیروس چیخاریب چکسین، ایینه قابی نی سالدی یثره، خبری اولمادی. جادیچی ایینه قابی نی گؤتوردو.

کیشی گلدی ائوه، قیزلاری سئوینه-سئوینه آتالاری نین قاباغینا قاچدیلار. کیشی بؤیوک قیزلا اورتانجیل قیزا آلدیغی شئیلری وئردی، الینی سالدی جیبینه، کیچیک قیزین دا ایینه قابی نی چیخارتسین گؤردو کی، ایینه قابی یوخدو. کیشی بیلدی کی، یولدا دوشوب، جادیچی گؤتوروب. بو جادیچی نین اوستونه آدام یوللویور کی، ایینه قابی بیر عباسی دیر، اونا دئیین ایینه قابی نی وئرسین، بیر تومن پول وئرجه یم. جادیچی دا سوراق یوللاپیر کی، بؤیوک قیزی نی وئرسین، وئریم. کند آدامی دا دئدی کی، اونون سؤزو دالا قاییتماز، وئر گتسین. آتاسی قیزی وئردی جادیچی یا. جادیچی قیزین قاباغینا بیر کیرونکه چیی ات قویدو، دئدی:

-بو اتی یسن، منه آروادلیغا قبولسان، یئمه سن اؤلدورجم.
 قیز یئمه دی. جادیچی قیزی اؤلدوردو. اورتاسی گون جادیچی آدم یوللادی کی،
 اورتانجیل قیزی دا وئرسین. کیشی اورتانجیل قیزی دا وئردی. جادیچی اونون دا
 قاباغینا بیر کیرونکه چیی ات قویدو، دئدی:
 -یئ.

قیز یئمه دی. بئلجه بو قیزی دا اؤلدوردو.
 اوچونجو قیزا آدم یوللایاندا قیز دئدی:
 -آتا، منه بیر توربا وئر.

کیشی قیزینا توربا وئردی. اونلارین بیر پیشیگی وار ایدی. قیز پیشیگی توتوب
 توربایا سالدی. کیشی کیچیک قیزی دا وئردی جادیچیا. جادیچی بونون دا قاباغینا
 چیی ات قویدو. دئدی:

-باجیلارییی اؤلدورموشم، یئمه سن سنی ده اؤلدورجم.
 قیز دئدی:

-من سندن اوتانیرام، چیخ گئت، من ده یئیم.
 کیشی ائودن چیخدی. قیز توربادان پیشیگی چیخاریب اتی یئدیرتدی. پیشیگی
 چؤلّه چیخارتدی. اؤزوده اتین قانیندان آغزینا سورتدو. جادیچی سسله دی:
 -یئدیم گل.

جادیچی دئدی:

-بو توربا نه دی؟

قیز دئدی:

-گتیرمیشم، پالتاریمی بیغام.

جادیچی بو قیزی ائوده ساخلادی، اؤلدورمه دی.

بیر گونلری بو جادیچی اوج نفر گلیب چاغیردی. جادیچی قیزا دئدی:
-من گنديرم، اوج گوندن سونرا گله جم.

سحری قیزین بیر نجار قوهوملاری وار ایدی. قیز اونا دئیر کی، تاختادان منه بیر گئیمه تیکین، هئچ بیلینمه سین بو آدمدی، یا آدم دئیل. بو دامدashi سیزه وئرهم. قوهوملاری بونا تاختادان گئیمه تیکدیلر.

قیز تاختانی گئیدی. ائی-ایشیگی ده قوهوملارینا وئردی. بیر گون گئجه یول گئیدیدی، گوردو قاباقدان بیر قارالتی گلیر. سن دئمه، بو قارالتی دا همین جادیچی دی. جادیچی قیزی تانیمایب چیخیب گئتدی. گلیب ائوینه باخدی کی، هئچ بیر شی قالمایب. جادیچی اؤز-اؤزونه دئدی:

-یقین او تاختا پالتارداکی کیچیک قیز ایمش. من تانیانمیشام.

پادشاهین اوغلو قیزا راست گلدی. اونو اؤز ائولرینه آپاردی.

بیر گونلری قیز سارای کنیزلرینه دئدی:

-سو قویون، باشیمی یویاجام.

شاهزاده دئدی:

-سو یو آپارین قویون آت طؤوله سینه. اؤز ده گئدیب گیزلندی.

کنیزلر سو یو داشیدیلار طؤوله یه. کیچیک قیز گیردی طؤوله یه، قاپی نین دالینی برکیتدی. تاختا گئیمی سویوندو. شاهزاده باخیب گوردو کی، بو گؤزل بیر قیزدی. میثلی-برابری یوخدو. قیز بارماغیندان اؤزیونو چیخاریب قویدو آخور تاختاسی نین اوستونه. شاهزاده اهمالجا اوزیو گؤتوردو. قیز بونو گؤرمه دی، تاختا پالتارینی گئینیب چیخدی طؤوله دن بایرا.

کنیزلر آخشام دوروب شاهزاده یه چؤرک آپاراندا او، دئدی:

-او تاختا پالتاردا اولان قیزی گتیرین بورا.

کنیزلر کیچیک قیزی گتیریرلر شاهزادنین حضورونا. شاهزاده دئدی:

-چیخ تاختانین ایچیندن.

قیز دئدی:

-اوغلان، من جادیچی نین نیشانلی سییام. بو پالتارلا جانیمی اونون الیندن قورتارمیشام. گلسه، گؤرسه سنی ده اؤلدورر، منی ده.

شاهزاده قیزی ایناندیردی. گؤتوردویو اوزویو قایتاریب اؤزونه وئردی. جادیچی او واخت گلیب بو ولایته چاتدی کی، کیچیک قیزین تویودو. بیر قاریدان سوروشدو کی، بو توی کیمین تویودو؟ قاری دئدی:

-پادشاهین اوغلو بیر تاختا گلین تاپمیشدی، اونلارین تویودو، بو گئجه کؤچوردورلر.

جادیچی کندده نه قدر حیوان، اینسان وار، بیر قیزدان باشقا هامیسی نین دیلینی باغلادی. آنجاق بیر آروادلا، بیر اوغلان یادیندان چیخدی. اؤزو ده گلدی قیز اولان اوتاغا. قیزا دئدی:

-دور دوش قاباغیما. اوچ دفعه هاوار چک، اگر سنه کؤمک ائلسه لر، سنی آپارما یا جاغام. یوخ، اگر کؤمگینه گلمسه لر سنی آپاراجام.

قیز هاوار چکدی. بیر آرواد اوغلونو چیمدیریردی. او دا جادیچی نین یادیندان چیخمیشدی. آرواد های وئردی کی، قیزیم، قورخما، گلدیم! اوغول، قاچ قونشونون قاپیسی نین باشینداکی بارداغی وور قیر.

اوغلان قاچدی قونشونون قاپیسینداکی بارداغی ووروب قیردی. جادیچی گتندی بیر کره گلمه دی. بو دفعه چؤل حیوانلاری نین آغزینی باغلادی، بیر قیزدان باشقا.

گلدی یئنه کیچیک قیزین یانینا. قیزا دئدی:

-دور، دوش قاباغیما.

قیز بیر-ایکی آددیم آتیب دایاندی، دئدی:

-من سندن قورخورام، سن دوش قاباغا، من ده سنین دالینجا گلیم.
 جادیچی دوشدو قاباغا. قیز آرخادان جادیچی تپیکله ووردو. جادیچی نین جیبینده
 کی قاب قیریلدی. آغزی باغلی لارین آغزی آچیلدی. جادیچی بیخیلیب بیرتیجی
 حیوانلارین ایچینه دوشدو. بیرتیجیلار جادیچی یئدیله.
 شاهزاده یوخودان آییلیب گوردو کی، قیز یوخدو. قاچدی ائشییه. گوردو قیز
 آشاغیدادی:

-قیز، اوردا نه قاییریرسان؟

قیز دئدی:

- جادیچی نی بیرتیجیلار یئیر. قوی یئیب قورتارسین گلیم.

بیرتیجیلار جادیچی نی یئیب قورتاردی. قیز گلدی ائوه. شاهزاده یه دئدی:

-ایندی داها راحتلاندم.

واخت او واخت اولدو کی، کیچیک قیزین شاهزاده دن بیر قیزی اولدو. اونا دایه
 توتدولار. قیز یئکلدی. اونو مکتبه قویدولار. بیر گون مکتبه گئندنه قوربان
 اولدوقلاریمدان اوچ نفری دایه یه دئدی کی، بو قیزین آناسی اونو بیزه نذیر ائله
 ییب. دایه دئدی کی، قوی آپاریم آتا-آناسینا دئیم، گتیریم. قوربان اولدوقلاریم
 گؤزله دیله. دایه گلیب اجازه آلیب قیزی گتیردی قوربان اولدوقلاریمین یانینا.
 قوربان اولدوقلاریم قیزا باخیب دئدیله:

-گلین اونو دعالیاق.

قوربان اولدوقلاریمنان بیر دئدی:

-من ایسته بیرم بو قیز یئرینده بیر قیچیندان قیزیل تۆکولسون، بیریندن گوموش.

ایکینجیسی دئدی:

-من ایسته بیرم بو قیزین نفسیندن عطیر قوخوسون.

اوچونجوسو دئدی:

-من ایسته بیرم کی، بو قیز گولنده گول آپسین، آغلایاندا بوران اولسون.

-دایه، ایندی بو قیزی آپار وئر آتا-آناسینا، بیز دعامیزی وئر دیک.

دایه قیزی گتیریب ساغ-سالامات آتا-آناسینا تحویل وئر دی.

آیلار، ایللر کئچدی، قیز بویا-باشا چاتدی. اونون سوراغی هر طرفه یاییلدی.

دانشدیلار کی، بس فیلان مملکتده، فیلان یئرده بیر قیز وار. یئرینده آیاغیندان

قیزیل-گوموش تۆکولور، گولنده گول آچیر، آغلایاندا بوران قوپور.

بو خبر فیرنگیستان پادشاهی نین اوغلونا چاتدی. او، ائلچیلرینی همین قیزین ائوینه

گؤندر دی. قیزین آناسی ائلچیلره "هه" جاوابی وئر دی. واخت اولدو فیرنگیستان

شاهی نین آداملاری قیزی آپارماغا گلدیلر. دایه فیکرینده توتوموشدو کی، اونون

یئرینه اؤز قیزینی وئرسین. اونا گؤره ده آنجاق دایه بو قیزین پالتارلارینی اؤز

دوغما قیزینا گئیندیریب وئر دی فیرنگ ائلچیلرینه. ائلچیلردن بیری قیزا دئدی:

-یئری گؤروم.

قیز یئریدی. ائلچی باخدی کی، قیزین یئریشیندن نه قیزیل تۆکولور، نه ده

گوموش. دئدی:

-گول گؤرک.

قیز گولدو. قیزین آغزیندان گول تۆکولمه دی. ائلچی حیرصله نیب قیزی ووردو.

باخدی کی، نه بوران، هئچ قیزین گؤزوندن یاش دا چیخمادی. امر ائله دی کی،

قیزی قایتار سینلار ائولرینه. قیزی قایتاردیلار.

سیزه کیمدن خبر وئریم، دایه دن. دایه ده آجیغیندان قیزین گؤزلرینی چیخاردیب

آتدی بیر مئشه یه. گونلرین بیر گونو بیر کیشی اؤز قیزینان مئشه یه اودونا گلیر.

بیر زاریلتی ائشیدیرلر. یاخین گلیب گؤرورلر کی، بیر گؤزل قیزدی، دی گل

گؤزلری یوخدو. کیشی نین قیزی دئدی:

-آتا، گل بونو آپاراق ائوه.

کیشی دئدی:

-ائوده کوروموز آزدی، بیرینی ده بوردان آپاراق؟

کور قیز دئدی:

-منی آپارساز، خئیریمی گؤررسیز.

کیشی قیزین الیندن توتوب ائوینه گتیردی. کور قیز دئدی:

-عمی، منی بیر آز ائوده گزدیر.

کیشی اوژ قیزینا دئدی:

-قیزیم، اونو بیر بالاجا ائوده گزدیر، یازیقدی.

کیشی نین قیزی اونون الیندن یاپیشیب گزدیردی. بیردن کیشی گؤرور کی، کور

قیزین آیاغی نین بیریندن قیزیل، بیریندن گوموش تۆکولدو. قیز دئدی:

-عمی، منی گولدور.

کیشی قیزی گولدوردو. باخدی کی، قیزین آغزیندان گول تۆکولدو. کور قیز

کیشی نین قیزینا دئدی:

-بو گولدن بیر آز بیغ قابا. آپار جوما آخشامی منیم گؤزومو چیخاردان آروادا. او،

بو گون حاماما گنده جک. قیزی ائوده تک قالاجاق. اوندان سن بو گولدن بیر نئچه

سینی چیخارت کوچه یه. دئینن آی گول آلان، آی گول آلان. اوندان قیز گله

جک، سوروشاجاق.

-نئچییه دی؟

دئینن گؤزه وئریرم. منیم گؤزلریم اوندادی.

قیز ائله ده ائله دی. گۆزلری آلیب گتیردی. کور قیز کیشیه دئدی:

-ایندی منی هاردان گتیرمیسن، آپار قوی یثریمه.

کیشی آپاریب قیزی قوید و همین یثره. بو طرفدن اوچ گۆیرچین اوچوب گلدی،
قوندو آغاجین بوداغینا. گۆیرچینلر کور قیزا دئدیله:

-باجیلی، باجیلی، یاتمیسان دور، اویاقسانسا ائشیت، بیزدن لهلک دوشه جک، او
لهلکی گۆتوروب گۆزلرینه قویوب، او بولاغین سویوندان چکرسن گۆز دریوه.

گۆیرچینلر اوچدو. قیز دوشن لهلگی گۆتوردو. کاریخدیغیندان ساغ گۆزونو سول
گۆزونه، سول گۆزونو ساغ گۆزونون یثرینه قویدو. سحری گون کیشی گلیب
قیزی آپاردی ائوینه. قیز دئدی:

-عمی، منی آپار چؤلون دوزونه. کنار بیر یثره دام تیک. آنجاق نه قاپی قویدور،
نه ده باجا.

کیشی ائله ده ائله دی. آرادان بیر نئچه ایل کئچدی. شاهزاده اووا چیخدی. چؤلون
دوزونده بیر داخما گوردو. یاخینا گلیب باخدی کی، بو بیر داخمادی، نه قاپیسی
وار، نه ده باجاسی. تپیگنن ووردو، دیواردان بیر آز اوچدو. شاهزاده گوردو کی،
داخمادا بیر گۆزل قیز وار، گل گۆره سن. آنجاق هوشسوزدو. قیزین سینه سی
اوسته بیر کۆرپه اوشاق مورگوله بیر. شاهزاده اوشاقلا قیزی گۆتوروب گلدی
سارایا. قیز سارایدا آییلدی. گوردو کی، یانیندا دا بیر اوغلان اوشاغی وار. قیز
کئچمیش گونلرینی یادینا سالدی، آغلادی. بو واخت بیر بوران قویدو. شاهزاده
اوتاغا گوردی. قیز اوشاغا باخیب گولدو. بو واخت آغزیندان گول تۆکولدو. قیز
شاهزاده دن کیملیگینی سوروشدو. شاهزاده دئدی:

-من فیرنگیستان شاهی نین اوغلو یام.

قیز بورادا باشینا گلن احوالاتی شاهزاده یه دانیشدی. شاهزاده دئدی:

-من آختاران قیز ائله سن سن.

شاهزاده قیرخ گون، قیرخ گئجه توی ووردوردو، قیزلا ائولندی. شاد-خرم
یاشادیلار.

جاهان پهلوان

بیری واردی، بیری یوخدو، بیری ارینن، بیری آرواد وار ایدی. بونلارین عیالی
اولموردو. گئجه-گوندوز درد ائله بیردیلرکی، بیری اوشاقلاری اولسون. چوخلو
نذیر-نیازدان سونرا اونلارین بیری اوغلو اولدو. آدین جاهان قویدولار. ار-آروادین
کؤنلو خیلی شاد اولدو. اوشاق بیری یاشینا چاتاندا اونا "بی اوتاغی" تیکدیلر.
اوتاغی ائله بزه دیلرکی، ایکی گؤز لازیمیدی، تاماشا ائلییه. نیت ائله دیلرکی، بو
اوتاغا گلین گتیر سینلر.

بیری گون کیشی مئشه یه اودون قیرماغا گتمیشدی، آروادی دا ائوده یئمک
بیشیریدی. اوشاق کوچه قاپیسیندان چیخان کیمی جاناوار اونو آغزینا آلیب
بایاق ها گتیدی. آرواد حیطه چیخیب اوشاغی گورمه ینده ایکی الی اولدو، بیری
باشی. بو واخت اری ده مئشه دن قاییتدی. هارای-هشیر کندی-کسسگی بورودو.
جاماعات بو ار-آروادا قوشولوب مئشه نین آلتینی-اوستونه چئویردیلر، اوشاق
تاپیلمادی. سیزه کیمدن دئییم، چوبانندان. چوبان گوردوکی، جاناوار آغزیندا
اوشاق آپاریر. تئز ایتلری هایلادی. چوبان بیری یاننان، ایتلر بیری طرفدن اوشاغی
گاوورون دیشیندن بیری تهر سالدیردیلار. چوبان اوشاغین یانچاغینداکی جاناوار
دیشی نین یئرینی قارا قویونون سودو ایله سیلیب تمیزله دی، سونرا یاغلی قارا
حاضیر لاییب اونون یاراسینی باغلادی. چوبانین دا عیالی اولمادیغینا گوره چوخ

سئوینیردی. او، اوشاغی چوخاسی نین آلتینا قویوب ائوه گتیردی. آروادی هر شئیدن حالی ائله دی. اودا چوخ سئویندی. چوبان دئدی:

-بو باره ده هئچ کیم بیلمه مه لیدی. صاباح دان قارنی نین آلتیندان بیر شی باغلا، قونشو آروادلارا دئی کی، بویلو یام. بیر مودتدن سونرا دئیرسن دوغمو شام. آنجاق یئددی ایلدی کی، عیالیم اولمادیغیندان، یئددی ایل اوشاغی هئچ کیمه گؤستره بیلمه رم. آرواد، قورخما، بئله دانیشسان سندن هئچ آتان-آنان دا اینجیمز. یئددی-سککیز ایلدن سونرا اوشاغی چؤله ده چیخاراریق، بائیرا دا قویاریق. هئچ کس ده شوبهه لئمز. آرواد چوبان اری نین عاغلینا احسن دئییب اوشاغی باغرینا باسدی.

اوشاق اون-اون یکی یاشینا دولمو شدو، شاققاواتیندن پهلوانلیق یاغیردی. تای-توشلاری نین هامیسی اوندان چکینیردی.

اوزامانلار قایدا بئلمیش کی، اؤلکه لر آراسیندا عداوت اولاندا، اولجه هر یکی طرفدن قیرخ پهلوان گوله شردی. هانسی اؤلکه نین پهلوانلاری قالب گلسیدی، مغلوب اولان اؤلکه اونلارا یئددی ایلیک باج-خراج وئردی. اودورکی، بو اؤلکه نین ده شاهی هر ولایته بیر پهلوان گؤنده ریر، تاپشیریر کی، قوللو-بیلکلی اوشاقلاردان تاپیب سارایا گتیرسینلر. اونلارلا مشغول اولسونلار. صاباحلاری پهلوانلار قوجالیب الدن دوشنده اونلارین یئرینی توتسونلار.

ایندی سیزه هاردان دئییم، جاهان گیلین کندیندن. بو کنده پهلوان گلمیشدی. اوشاقلار اونو دؤوره یه آلدیلار. جاهان مین آغاجدان پهلوانا اوخشاییردی. اونا گؤره ده شاهین گؤندر دیگی پهلوان، اوشاقلارین باشینی قاتماقدان یانا اونلارین هره سینی بیر یانا گؤندر دی. جاهانا هر شیئی باشا سالدی. جاهان راضی اولدو و ایسته دی کی، گئدیب آتا-آناسینا دئسین، پهلوان قویمادی. دئدی کی، بیردن راضی اولمازلار، قالاریق ناچار. پهلوان اونو آتین ترکینه آلیب اوخ کیمی گؤزدن

ایتدی. چوبانلا آروادی دوشدو اونو آختارماغا. نه قدر آختاردیلار، نه پهلوانی تاپدیلار، نه ده اوشاغی. ار آروادین بیر اللری اولدو، بیر باشلاری. بونلار بوردا اوشاق دردی ایله دئییمکلرینده اولسونلار، سنه کیمدن دئییم جاهاندان. جهان شاهین ساراییندا آدلی-سانلی پهلوانلاردان درس آلدی، اولدو بیر پهلوان، بیر پهلوانین دا یاریسی.

گون او گون اولدوکی، قونشو اؤلکه نین شاهی بو اؤلکه دن ینددی ایلیک خراج ایستدی و قیرخ سای-سئچمه پهلوانینی مییدانا یوللادی. دوشمن اؤلکه نین پهلوانلاری ایله گولشمک اوچون جهان دا حاضرلاشدی. آنجاق شاه اونون مییدانا چیخماسینا ایزین وئرمه دی کی، او هله جاواندی، سومویو بر کیمه ییب. نه ایسه، مییدان سولانندی، گولش باشلانندی. شاهین اوتوز دوققوز پهلوانی مغلوب اولدو، بیرجه پهلوانین گولشمه گی قالیردی. جهان شاها یالواردی کی، اونو مییدانا بوراخسین، هم پهلوانلارین قیصاصینی آلسین، هم ده اؤلکه نی باج-خراجدان قورتارسین. چوخ فیکیر-خیالدان سونرا آخیری راضیلیق وئردی. جهان رقیب اؤلکه نین پهلوانلاری نین اوتوز دوققوزونو بیخدی، قیرخینجی ایله گولشمه یه باشلادی. قایدایا گؤره مغلوب اولان اوتوز دوققوز پهلوانین ال-قولو باغلانیردی، قیرخینجی نین ایسه باشی کسلیردی. ایندی جهان قیرخینجی پهلوانین دیزلرینی یئره گتیرمک اوزه ریدی. آخیرکی، جهان پهلوان اونون کوره گینی یئره قویدو و ال آتدی خنجره کی، اونون باشینی کسه، مغلوب اولان پهلوان یاواشدان:

-منیم قیمتیم قوینومدادیر،-دئدی. جهان پهلوان تئز الینی اونون قوینونا سالدی و گؤردوکی، بو، قیزدیر. قیز یئنه یاواش جادان دئدی کی، یالاندان خنجری بوغازیما دیره، آتام قیشقیراجاق کی، ال ساخلا، او منیم قیزیمدیر. اوندان سن ده

هامی نین گۆز و قاباغیندا اونونلا شرطی کس کی، قیزی منه وئرمه لیسن و بو ایکی اؤلکه آراسیندا بیر ده باج-خراج مسئلهسی اولمویاجاق.

جاهان پهلوان قیزین دئیگی کیمی حرکت ائتدی. ایکی قونشو اؤلکه نین شاهی باریشیب دوست اولدولار و جاهان پهلوانلا قیزا قیرخ گون توی ائله دیلر. بیر گون جاهان پهلوان قیزا دئی کی، دور آتلان، گئدک گؤرک منیم آتام-آنام هایاندادی. اونلاری تاپماسام اوره گیم راحتلانماز. اونلار گئیینیب-کئچیینیب یولا دوشدولر. یئددی گون یئددی گئجه یول گلدیلر. گلیب مئشه نین قیراغیندا کی کیچیک بیر کنده چاتدیلار. جاهان پهلوان قیزا دئی:

-یورولموشوق، بو گئجه لیگه بورادا قلاق، یورغونلوغوموز چیخسین.

اونلار آتلارینی بیر حیطه سوردولر. بو حیطه کی اوتقلارین بیرین ایشیغی یانیردی. اونلار همن اوتاغا گیردیلر. گؤردولر کی، اوتاق، نه اوتاق. بیر بزکلی گلیندی. تاخچادا شام الیندن یئر یوخدو. جاهان پهلوان دئی:

-آی پهلوان آرواد، ائله بیل بورانی ائو بییه سی بیزدن یانا حاضیر لاییب. اونلار بیخیلیب یاتماقدا اولسونلار، سنه دئیم بو بیر ائوده یاتان اوغول حسرتلی ار-آرواددان. یوخودا کیشی یه عیان اولدوکی، اوغلو گلیب. دیک یئریندن قالخدی. اهمالجا آروادی یوخودان دؤرقوزدو.

-آی آرواد، بیزدن اوغوموز گلسه، سن اونو نیندن تانیارسان؟

آرواد باشلادی آغلاماغا. کیشی اونو ساکیت لشدیریب، سوالینی تکرار ائتدی. آرواد ایچینی چکه-چکه دیلندی:

-اونون بوینونون دالیندا ایکی خیردا خال وار ایدی. بیر ده کی، گولنده اوووردو باتیردی. کیشی یوخوسونو آروادا ناغی ائله ییب، اونو بی اوتاغینا گتیردی. اونلار ایچهری گیرنده گؤردوکلری منظره دن اورکلری قشش ائلدی. جاهان پهلوانلا قیز

اونلارین اؤزونه سو چیریپ آیلتدیلار. آرواد جاهان پهلوانین بوینونون دالینا باخدی و ایکی خیردا خالی گؤروب یئیندن قش ائله دی. آروادی تزه دن آیلتدیلار. کیشی حال-قضایانی دانیشیب قورتارانندان سونرا اونلار تزه دن گؤروشوب-اؤپوشدولر. جاهان پهلوان آروادییلا آتا-آناسی نین یانیندا قالدیلار. اونلار یئیپ-ایچیب یئره کئچدیله. سیز ده یئین-ایچین یئره کئچین.

چؤل قوشونون یومورتاسی

بیری وار ایدی، بیری یوخ ایدو، بیر قوجا کیشی وار ایدی. بو کیشی نین بیر آروادی و ایکی اوغلو وار ایدی. اونلار چوخ کاسیب ایدیلر. تا ائله کاسیب ایدیلرکی، یئمه یه هئچ زاد تاپا بیلمیردیله. هر گون کیشی گئیددی چؤل، اودون بیغیب گتیریدی کی، او اودونو ساتیب پولونا چؤرک آلسینلار. بیر گون کیشی یئنه ناجاغی گؤتوروب مئشه یه گئیدر، باشلا بیر اودون قیرماغا. بیردن بیر قوش گلیب قونور کیشی کسدیگی آغاجین بوداغینا. کیشی بالتانی ساخلایرکی، قوش اوچوب گئتسین، آما نه قدر ائله بیر، بو قوش ال چکیب گتیر. یازیق کیشی ناچار قالب قوشو توتوب قویور هئیه سینه. آخشام چاغی هئیه سینی ده گؤتوروب قیردیگی اودونلاری دا بیغیشدیریب، گلیر ائوه. اوشاقلارینی بیغیر باشینا دئیرکی، سیزه بیر قوش توتوب گتیرمیشم. آرواد دئیرکی، آی کیشی، گل بو قوشون باشینی کس، بیر بیزیم ده دیلمیزه ات دئسین. کیشی آروادین سؤزونه باخمیر. دئیرکی، یوخ، کسن دئیلیم. بو قوشو ساخلایاجام. سونرا کیشی بیر قفس دوزلدیب قوشو اورا قاتیر. اوشاقلارینا و آروادینا تاپشیریرکی، بو قوشا واختی-واختیندا یئمک وئرن. غرض، گونلر

کئچیر، کیشی هر گون یئنه اودونا گئدیر، بیر تیکه یاوان چؤرکلرینی یئیب یاشایرلار. هر گون ده یئدیکلری چؤره گین قیریق-قوروغونو قوشا وئریرلر. گونلرین بیر گونونده کیشی چؤلدن گلنده آروادی قاباغینا قاجیب دئییرکی، بس قوشوموز بیر یومورتا یومورتالییب. کیشی ائوه گلیر و گؤرورکی، دوغرودان دا، قوش یومورتا یومورتالییب. دئییر:

-آی آرواد، سحر بو یومورتانی آپار بازاردا سات بیرینه، پولونا صابون آل گتیر، منیم، اوشاقلارین پالتارینی یو.

سحر آرواد یومورتانی گؤتوروب بازارا گئدیر. گؤرور بیر یئرده چوخلو آدام بیغیشیب. گلیر یاخینا، باخیرکی، بورادا بیر تاجیر آل وئر ائله ییر. دئییر، ائله یاخشی اولدودا، گؤزله یهرم، هامی داغیلار، یومورتانی بو تاجیره وئهرم، بلکه بیر قشنگ شی وئردی. آرواد گؤزله ییر، آخشام دوشور، هامی داغیلیشیر. تاجیر گؤرور بو آرواد ائله سحر تئزدندن بورادا دوروب. چاغیریب دئییر:

-آی باجی، آخی سن بورادا نییه دورموسان؟

آرواد دئییرکی، بئله بیر یومورتا وار، گتیرمیشم اونو ساتام. تاجیر آلیب یومورتایا باخیر، گؤرورکی، یومورتا چوخ دیرلیدیر. آروادا دئییرکی، آی باجی، بو یومورتا چوخ باهادی. سنه لازیم اولان شییلری بیغ آپار. آرواد تاجیردن بیر توربا آلیب ایچینی دولدورور موختلیف شی لرله، سئوینه-سئوینه گلیر ائوینه. اوغلانلاری قاجیر آنالارینین قاباغینا. گؤرورلرکی، آنالاری بیر توربا شی گتیریر. اونلار چوخ سئوینیرلر. ائوده آرواد توربانای آچیر، کیشینین گؤزو چیخیر کلله سینه، بیلمیرلر سئویندیک لریندن نئيله سینلر. بوندان سونرا بیر مودت فیراوان یاشایرلار. نه واختکی، یئمکلری قورتاریر، آرواد قوشون یومورتالارینی آپاریب وئریر همین تاجیره و لازیم اولان شییلری گؤتوروب گلیر. خلاصه، گونلر کئچیر.

کیشی نین اوغلانلاری دا بؤیویورلر، تا قوشو دا قفسده ساخلامیرلار. آچیب اؤتورورلر. قوش ائوده گزیر، دولانیر، اونلارلا بیرلیکده یئییب یاشاییر. بیر گون آرواد قوشون یومورتاسینی ساتاندا تاجیر اونا دئییر کی، گل او قوشو وئر منه، سیزه نه قدر دئسنیز پول وئررم. آرواد دئییر کی، من بیلرم، قوی اریمه دئییم، او، اجازه وئرسه قوشو گتیررم. آرواد آخشام گلیر ائولرینه، تاجیرین دئدیکلرینی ارینه چاتدیریر. کیشی دئییر کی، اولماز، بیزی دولاندران بو قوشدور. بیز اونو هئچ کسه وئر بیلمه ریک.

خلاصه، آذوقه لری قورتاراندا آرواد یئنه یومورتالاری آپاریر و تاجیره دئییر کی، کیشی قویمور، دئییر، بیز قوشسوز یاشایا بیلمیریک. حيله گر تاجیر اوره گینده دئییر کی، گؤرون سیزین او قوشون باشینا نه اویون آچیرام. تاجیر یئنه آروادا خیلی شئی-مئی وئریب یولا سالیر. بیر گون کیشی یومورتادان آلدیغی پوللارلا گزمه یه گتتمک فیکرینه دوشور. اوتوروب مصلحتله شیرلر. آرواد دئییر:

-آی کیشی، ائله بیر آز گؤتور، گئت اینیمیزی-باشیمیزی تزه له. بیر گون کیشی حاضیرلاشیب یولا دوشور. او، گئندن سونرا تاجیر قوشو گورمک اوچون اونلارا گلیر. بو منواللا تاجیر بیر نئچه دفعه اونلارا گلیر. تا اوشاقلار دا یاواش-یاواش تاجیره مهرینی سالیر، اونو "عمی-عمی" دییه چاغیریرلار. تاجیر هر دفعه بونلارا گلنده آروادا بخشیشلر گتیریر، آرواد دا بونون مقابیلینده تاجیره چوخ حؤرمه ائله ییر.

تاجیر گلمه میشدن نؤو-نؤو خؤرکلر بیشیریر، چای سوفره سی، موختلیف چرزلر حاضیرلاییر، ائله کی، تاجیر گلیر، یئییب-ایچمه یه باشلاییر. خلاصه، گونلر بو منواللا داوام ائدیر. کیشی هله ده سفرده ایدی.

بیر گون تاجیر آروادا دئییرکی، سنین ارین گلن دئییل. آرواد اونا اینانیر، سونرا تاجیر آروادا دئییرکی، ارین گلنه کیمی بو قوش قالسا، هامیسینی آچیب اونا دییه جک. گل سن بو قوشو کس، اتینی ده قیزاردیب قوی پلوون اوستونه، لذتله یئیک-ایچک. اوندان بیر نچه گون سونرا آرواد تاجیرین گلشینه گۆره پلوو سوزوب، قوشون دا باشینی کسب، اتینی قیزاردیب. قویور پلوون اوستونه. تاجیر آروادا تاپشیرمیشدی کی، قوشون اورگینی و جییرینی ده قیزاردیب ساخلا منه.

آرواد تاجیر دئین کیمی ده ائله بیر. گون اورا تاجیر گلیر، آرواد اونو قارشیلایماق اوچون قاپییا چیخیر. ائشیکده اونلارین باشی قاریشیر صُحبتله. بو واخت آروادین اوغلانلاری ائوه گلیرلر و گۆرورلر کی، ایستولون اوستونده قیزاردیلیمیش ات وار. تنز گۆتوروب یئیرلر. جییری بیری، اوره گی ده بیری یئیر. تاجیر و آرواد ایچهری گیریرلر. آرواد ایشین نه یئرده اولدوغونو بیلیر و او دقیقه ده تاجیره دئییرکی، بئله ده، اوشاقلار قوشون اتینی یئیبیلر. تاجیر تنز دوشور اوغلانلارین دالیسیجا و آروادا دئییرکی، ایسته بیر نه اولور اولسون من بونلاری اولدوروب بیری نین اورگینی، او بیری نین جییرینی گۆتورمه لیم. اوشاقلار او طرف بو طرفه قاچماغا باشلا بیرلار. تاجیرله آرواد آز قالیرلار اونلاری قان-باغیر ائله سینلر. آخیردا اوغلانلار پنجره نی قیریب قاچیرلار. اونلار پنجره دن حیطه دوشوب اوز توتورلار مئشه یه. آز گئدیرلر، چوخ گئدیرلر، چاتیرلار بیر بولاغین باشینا. سو ایچیب اوزانیرلار. بیردن سس ائشیدیرلر. اویانیرلار کی، آتالاری دوروب باشلاری نین اوستونده. گۆروشوب احوالاتی دئییرلر. سونرا اوچو بیرلیکده ائوه گئدیرلر کی، تاجیرله آرواد یئیب-ایچیرلر. کیشی آروادی و تاجیری اولدورور. اوغلانلاری ایله شاد-خوررم یاشاماغا باشلا بیرلار.

چوبان قیزی

بیری وار ایدی، بیری یوخ اویدو، بیری چوبان واردی. بو چوبان چوخ کاسیبدی. اؤولاد ساریدان دا بختی گتیرمه میشدی. او، همیشه اللهدان، کور دا اولسا، اؤولاد ایسته ییردی. بیری چوخ ایلر کئچدی، آخیردا بو چوبانین قیزی اولدو. چوبانلا آروادی تا سئویندیگیندن بیلیردی لر نیله سینلر.

قیزین آدینی نازیری قویدولار. بو قیز بوی آتدیقجا گؤزللشیردی. بلی، قیز یئکه لیب اون بئش یاشینا چاتاندا گؤزلیگی دیلرده دئییلیردی. بیری باخان دئییردی، بیری ده باخیم. گؤرنلر اونون خط-خالینا، گول جامالینا تاماشا ائله مکدن دویموردو.

بیری گون نازیری قیزلارلا پئنجری بیغماغا گتمیشدی. قایداندا کندین قیراغینداکی بولاغین یانیندا اوتوروب دینجلمک ایسته دیلر. ائله بو واخت کندین خان آتین اوستونده اوردان کئچیردی. خان نسلی شورگؤز اولور، دئییرلر. بو خان داک، لاپ شورگؤز ایدی. هم ده قان سیزین بیرییدی. فیکرینه نه دوشسه ایدی، گرک اونو ائله ییدی. او، نازیرینی گؤرن کیمی بیری کؤنولدن مین کؤنوله اونا وورولدو. دئدی کی، نه تهر اولسا، گرک اونو آلام. گئجه ایلان ووران یاتدی، اما خان یاتمادی.

او، چوخ فیکیرلشدی، آخیردا قیزین آتاسینی یانینا چاغیریب اونو شیرین دیله توتماغی لازیم بیلدی. سحر تئزدن خان آدام گؤنده ریب، چوبانی چاغیرتدیردی. چوبان گلن کیمی خان اونو شیرین دیلنن دیندیریب دئدی:

-چوبان، ائشیتیمش سن چوخ آغیر حالدا یاشاییرسان. من سنه بیری یاخشیلیق ائلمک ایسته بیرم. قیزین داک، یئکه لیب، گل اونو اللهین بویروغوینان، پیغمبرین شریعتیین وئر منه. من ده سنی هر شی دن قانع ائلیه بیرم. عؤمرونون آخیرینا کیمی کئف چک.

چوبان خانین فیکرینی باشا دوشدو. آنجاق قیزی بئله قوجایا وئرمک ایسته میردی. خانین قورخوسوندان دا هئچ نه دییه بیلیمیردی. بیلیردی کی، خان چوخ قان سیز آدامدی. زورلا دا اولسا، قیزی آپاراجاق. آخیردا چوبان دئدی کی، خان ساغ اولسون، من بو ایشه سئوینیرم. آنجاق سن ایجازه وئر، گئدیم ائوه بیر قیزین آناسینان دا دانیشیم. خان ائله بیلدی کی، تا هر شئی دوزه لیب. چوبانا ایجازه وئردی. چوبان ائوه گلیب هامیسینی آروادینا دانیشدی. دئدی کی، اونسوز دا خان چوخ پیس آدامدی. دئدیگینی ائلییه جک. بیز قیزی دا گوٲوروب کئندن چیخاق. آخشام اولدو. چوباننان آروادی نازپرینی ده گوٲوروب کئندن چیخدیلار. اونلار گلیب بیر کئنده چاتدیلار. کئند خوشلارینا گلدی. بورادا قالماق فیکرینه دوشدولر. بلی، بو قالمغینان اونلار قالدیلار. آرادان بیر مودت کئچدی. گؤزه لین خبری تئز یاییلار، دئییب لر. نازپرینی گؤزللیگی بوردا دا دیلدن-دیله دوشدو. آخیردا بو سؤز گئدیپ بو کئندین ده خانینا چاتدی. خان اونلاری یانینا چاغیرتدیریب دئدی کی، گرک قیزی منه وئره سن. چوبان دا، آروادی دا خانین آیاقلارینا دوشوب یالواردیلارسا دا اولمادی. خان اونلاری قووب قیزی زورنان اللریندن آلدی.

یازیق نازپرینی هئچ بیلیمیردی کی، نئینه سین. بیر طرفدن آتا-آناسی نین دردی آلمیشدی، بیر طرفدن ده کیفیر قوجا خاننا گئتمک ایسته میردی. قیزین دردی باشیندان آشمیشدی. خان بو قیزین عهدده سیندن گله بیلیمیردی. آخیردا خان امر ائلدی کی، چوبانی دا، قیزینی دا آپاریب قایادان آتسین لار. کئندین قیراغیندا چوخ اوجا بیر قایا واردی. قایانین آشاغیسی دره دی کی، اورادان دا چای آخیردی. خان آجیغی توتدوغو آدمی او قایادان آشاغی آتدیریردی. بونلاری دا او قایانین یانینا گتیریردی لر.

چوبانی دا، آروادی دا قایادان آتدیلار. سونرا نازپرینی آتدیلار. او، گلیب دوز چایین ایچینه دوشدو. خانین آداملاری قایدیب گتدیله. نازپری بیهوش اولموشدو، گۆزونو آچاندا گۆردوکی، سو اونو ووروب چایین قیراغینا چیخاریب. یازیق قیز آناسی نین باشینا گلن لری فیکیرلشیب اؤزونون گوناهاکار اولدوغونو دوشوندو. آجی-آجی آغلادی. سونرا ووروب چایین قیراغی ایله گتتمه یه باشلادی. او، چوخ فیکیرلی گتدی، نه قدر گتدیگی بیلمه دی. باشینی قالدیراندا گۆردوکی، بیر قالاچانین قاباغیندادی. او، قاباقجا قالاچایا گیرمه یه اورک اتمه دی. سونرا هر نه اول-اولا، دئییب ایچهری گیدی. گۆردوکی، بورادا بیر قوجا کیشی اوتوروب، دیزی اوستونده ده بیر کیتاب وار. کیشی اونو گۆرن کیمی یانینا چاغیردی. باشینا گلن لری سوروشدو. سونرا قیزا دئدی کی، ائله بورادا قالارسان. تا یازیق نازپری نه بیلسین کی، اونو قاباقدا نه لر گۆزله بیر. قیز بو کیشی نین یانیندا قالدی. نازپری گۆردوکی، هر گون یئمکلری اؤز-اؤزونه حاضر اولور. سوفره ده نه دئسن اولوردو. آنجاق قیز هله ده بو کیشی نین نه ایشله مشغول اولدوغونو بیلمیردی. سونرا اونون جادیچی (جادوگون) اولدوغونو بیلدی. نازپری اوندان قاجماق ایسته بیردی. آنجاق فورصت تاپمیردی. بیر گون جادیچی دئدی کی، بیر-بیریمیزله نامحرم یاشایا بیلمه ریک. ایندی سن منیم آروادیمسان. نازپرینی دهشت گۆتوردو. ایندی او بورا گلدیگینه پشیمان اولموشدو. اؤز طالع-ایینه نیفرتلر یاغدی ریردی. نازپری گۆردوکی، بو جادیچی نین الیندن قاچا بیلمیه-جک، اونو آلداتماق ایسته دی. دئدی کی، راضیام، آنجاق سن ایجازه وئر، بیر نئچه گون حاضر لاشیم. کیشی ایجازه وئردی. قیز گئجه نی فورصته سالیب ائودن چیخدی. نازپری قاچا-قاچا گتدی، اؤزو ده بیلمیردی کی، هارا گتدیر. قیز یورولموشدو، ووروب دینجینی آتماق ایسته بیردی کی، گۆردو قوجا دالدان گلیر.

قیز قاچماغا باشلادی، قاباغینا بیر چای چیخدی. هم ده قاباغی اوجا بیر داغ کسیب. بیردن قولاغینا بیر سس گلدی. دؤنوب داغا باخاندا بیر اژداهانین اونا طرف گلدیگینی گؤردو. قیز چوخ قورخدو. جادیچی گؤردو اژداها قیزی اودماق ایسته بیر. تئز بیر سحر اوخویوب اژداهانی یوخ ائله دی. نازپری باخدی، قوجا بونو توتوب آپاراجاق. او، داشا سؤیکه نیب، الله یالواردی کی، جادیچی نین الینه دوشونجه اونو داش ائله سین. نازپری گوناھسیز اولدوغونا گؤره یالواریشی حاصل اولدو. او، داشا دؤندو. جادیچی گؤردوکی، قیز داش اولدو. تا اوندان سونرا اؤزوده یاشاماق ایستمه دی. بیر داشین اوستونده اوتوروب سحر اوخودو. اؤزونو ده داش ائلدی. او واختدان دا همین قایانین آدی اژداها برون قالدی.

سۆزلوک

نوبار: نوبر: ایلکین

خرته: قدر

اذزیل: پیس، شر

دلک: سلمانی، باش قیرخان

آیریچ: آیریم، یوللارین کسیشدیگی یئر

جین آتینا مینمک: چوخ حیرصلنمک، برک اؤفکه لنمک

کرتتی: دریا، مالاغان، بؤیوک اوراق

تولامپاچی: تولانبارچی

بویلو: گبه، حامیله

هئیبه: خورجون، چؤرک بوخجاسی

جادوکون: جادیچی (فا: جادو کن)

جؤنگه: دانا، ایکی ایللیک بیزوو (فا: گوساله دوساله).

دسترخان: سوُفره

چاغا: اوشاق، چوجوق

بیر ایمانینا تولا باغلا دیغیم جادیچی: ایمانسیز جادیچی

کوچوک: ایت بالاسی

خیشما: بیر اوووج (بیر خیشما توپراق: بیر اوووج توپراق)

ایستول: میز، ماسا، سفره دؤشه نیلن میز

هؤیج: ایکی اوچ یاشیندا ارکک قویون، اؤگج.

کتابهای منتشره از انتشارات سومر نشر

- ۱- **ارک سۆزلویو**، فرهنگ ترکی دوجلدی ارک (حاوی بیش از ۱۱۵۰۰۰ لغت اصلی، تعابیر ترکی، اسامی مکان و شخص، اسامی اشخاص نامدار و شاعران، ریشه شناسی و معادلهای فارسی و انگلیسی برای لغات اصلی)، ۲۰۴۸ صفحه.
- ۲- **دکی** (دیوانه)، ترجمه کتاب جبران خلیل جبران به زبان ترکی آذربایجانی، و ترجمه اشعار منتخب به زبان فارسی همراه با متن انگلیسی، ارگین. ۷۸ صفحه.
- ۳- **سئچیلیمیش غزلر** (غزلهای برگزیده از ۶۲ شاعر غزلسرای تُرک)، ارگین. ۹۲ صفحه.
- ۴- **بیر داغارجیق فولکلور** (یک انبان فولکلور) شامل فولکلورهای از منطقه خوی، ماکو و چاپاره، جمع آوری شده در سالهای ۱۳۴۷-۵۰، فاطمه مصطفی پور، ۱۴۴ صفحه.
- ۵- **آتیلا حکمرانی سلحشور و عادل**، (نگاهی به تاریخ ترکان هون در اروپا در قرنهای چهارم و پنجم قبل از میلاد)، ۶۴ صفحه.
- ۶- **الدرة المضية فی اللغة التورکيه** (فرهنگ ترکی، عربی، فارسی، بر اساس خود آموز ترکی عربی، نوشته شده در ۷۰۰ سال پیش، ارگین. ۱۱۲ صفحه- *ed-dürretül muziyye fil-lügütit türkiyye*)
- ۷- **فرهنگ ترکی فارسی صحاح العجم** (صحاح العجم ده تورکجه سۆزجوکلر). ۶۴ صفحه، ۱۵۰۰ تومان. *Sehahulecem türkce*
- ۸- **اسلامیتدن اؤنجه تورکلرین تاریخی** (تورکجه)، یازارلار: کامران گورون، فاروق سومر، رنه گروسه...، کوچورنلر: جعفرزاده، حسینعلی زاده، ۴۱۲ صفحه
- تاریخ ترکان قبل از اسلام.**
- ۹- **آذربایجان ناغیلاری** (قصه های آذربایجان)، جلد ۱ و ۲، فروغ خضرلو، ۵۶ ناغیل، ۲۸۴ صفحه.
- ۱۰- **بازیهای محلی آذربایجان (خوی)**، ۴۶ بازی محلی، ابراهیم صفری، ۷۶ صفحه.
- ۱۱- **بازیهای سنتی آذربایجان** (توفارقان)، ۸۴ بازی محلی، دکتر حسن-م. جعفرزاده، ۱۴۴ صفحه.
- ۱۲- **شخصیت های قصه های آذربایجان**، حسن-م. جعفرزاده، ۲۲۰ صفحه.

**Azerbaijan stories
(khoy)
(1)
furugh khezerlu**

انتشارات سومرنشر

پخش:

۱- تبریز - سومرنشر - تلفن ۰۹۱۴۳۱۱۲۶۸۰

۲- تهران ابتدای کارگر شمالی - پاساژ فیروز

طبقه دوم - اندیشه ی نو - تلفن ۶۶۴۲۷۳۷۱ - ۰۲۱

آذربایجان ناغیملاری

(نوی)

(۲)

فروع خضرو

بِسْمِ اللّٰهِ الرَّحْمٰنِ الرَّحِیْمِ

آذربایجان نامخللاری (۲)

(نوی)

۳۰ ناعیل

(قصه های آذربایجان-۲)

۲۹ قصه زبان ترکی آذربایجانی با پیشگفتار فارسی

فروع خضرلو

سومر نشر- ۱۳۹۱

فهرست نویسی بر اساس اطلاعات فیبا

سرشناسه	: خضرلو، فروغ، ۱۳۶۳ -
عنوان و نام پدیدآور	: آذربایجان ناغیللاری (۲): (قصه‌های آذربایجان ۲) بزبان ترکی آذربایجانی با پیشگفتار فارسی / فروغ خضرلو.
مشخصات نشر	: تبریز: سومر نشر، ۱۳۹۱.
مشخصات ظاهری	: ۱۴۴ص.
شابک	: دوره 1-978-600-92072-5-5: جلد ۲ 978-600-92072-7-5: بها: ۴۲۰۰۰ریال
وضعیت فهرست نویسی	: فیبا
یادداشت	: ترکی.
موضوع	: داستان‌های کوتاه ترکی -- ایران -- قرن ۱۴
رده بندی کنگره	: ۱۳۹۱ ۵۶۴ خ / ۳۱۴ PL
رده بندی دیویی	: ۸۹۴/۳۶۱۳
شماره کتابشناسی ملی	: ۲۸۶۵۴۲۶



نام کتاب :	آذربایجان ناغیللاری (۲) (قصه های آذربایجان-۲)
تهیه کننده :	فروغ خضرلو
ویرایش :	موسی محمدجعفری، اسماعیل جعفرزاده، تهیه کننده اژن سؤز: دکتر حسن محمد جعفرزاده
ناشر :	سومر نشر، لیتوگرافی و چاپ : بابک، حقیقی، ماهان، صحافی: نوبل
نوبت چاپ :	نوبت اول، تاریخ چاپ : ۱۳۹۱
تیراژ :	۵۰۰ جلد
تعداد صفحه :	۱۴۴، قطع : رقعی
شابک :	شابک دوره: 1-978-600-92072-5-5 ، شابک جلد ۲ : 978-600-92072-7-5
مرکز پخش :	تبریز، انتشارات سومر نشر، تلفن تماس: ۰۹۱۴۳۱۱۲۶۸۰
بهاء :	۴۲۰۰ تومان

صفحه	فهرست مطالب
۵	اؤن سؤز
۹	حاتمی عزیزه
۱۳	حلال چؤرک
۱۶	دیمقولاغین ناغیلی
۱۸	سئحیرلی سو
۲۰	سئحیرلی گوزگو
۲۲	سولیمان پیغمبرین ناغیلی
۳۱	شاه اسماعیل و قیزیل بالیق
۳۶	شاه عباسین صنعتی
۴۷	فلگین چارخی
۵۳	قارا قول "ون ناغیلی
۵۸	قارامان
۶۴	قوش ایله شاهین قیزی
۶۹	قولوبگین ناغیلی
۷۴	قیز و آیی
۷۶	قیسمت بئله ایمیش
۷۸	کئچلین آلمالاری
۸۵	کاسیب تاروئردی نین قیزی و تاجیر
۸۷	کؤشه بندین ناغیلی
۹۱	کیچیک قیز
۹۳	گودول دئو ناغیلی

صفحه	فهرست مطالب
۹۶	گولوقاققاهین، گول شاهنازین ناغیلی
۹۸	گونتایین ناغیلی
۱۰۵	مرجان قیز
۱۱۲	ملیک ارسلان
۱۲۳	وصیت ائدن آتا
۱۲۸	وطن و جلای وطن
۱۳۰	وی وی یومورتاسی
۱۳۵۵	یادیگارین ناغیلی
۱۳۶	یئددی قارداش
۱۴۰	یئیمجیل قیز (آدام بین قیز)
۱۴۰	سؤزلوک

اؤن سؤز

دوْنيا يازارلاری نین اونا لرجا شوهرتلی و شاه اثر ناغیلا رینی اوشاقلاریمیزا اوخویارکن آرادا گریز ووروب خالق ناغیل لاریمیزدان بیرینی اوخودوقدا، اوندا ”بیری وار ایدی، بیری یوخ اویدو. . .“ ایفاده سی نین سئحرینی دریندن حیس ائدیپ و حیران ائتدیگیمیز ناغیل لارین مؤعجیزه سینی باشا دوشوروک.

بو ناغیل لار عصر لردن-عصر لره، نسیل لردن- نسیل لره، دیلدن- دیله کئچمیش، میلیون- میلیون آذربایجان خالق نین یادداشیندا گلیب بو گوْنو بیزه چاتمیشدیر. اگر بو گوْنو مودرنیزم آدینا خالق ناغیل لاریمیز کئچمیش رولونو آلدن وئیر، بویاسیز لانیر اما بونا رغما "هله ده" بیری وار ایدی، بیری یوخ اویدو. . . " یا "سیزه خبر وئیریم آز دانیشانلاردان، قارا دینمز لردن، مرد- مرد آروادلاردان، هورومه یین ایتلردن، اولامایان چاققال لاردان، چوخ دانیشمایانلاردان، ائشیدیپ عمل ائله مه ینلردن، بیزوو مینیب چای کئچنلردن، یابا ایله دوغا ایچنلردن، خوروز بئلینده بوستان اکنلردن، کوسا ساقالی لاردان، زر زرگر لردن نه بیلم نه دن، نه بیلم نه دن، لعنت قویروقلو یا لانا، رحمت قویروقسوز دوْزه، بیر گوْز پوزانا، ایکی گوْز دوْزه نه، رحمت یازانا لعنت پوزانا، سؤز قالسین، اینسان گتسین، یاخشیلیق قالسین، پیسلیک گتسین، دوست وار اولسون، آغیللی یئسین، آغیل سیز حسابلا سین، ایندی گلک مطلبه، بیری وار ایدی بیر یوخ اویدو. . . " کیمی ناغیل لاریمیزی باشلایان اونلارلا ایفاده لرین سئحری اوشاقلاریمیزین قولاقلارینی شوشلندیریر و - کورسو باشی اولماسادا - هامینی بیرلیکده ناغیلی دینله مک اوچون بیر یئر توپلاییر. چونکو بو ناغیل لار بیزه آتا- بابا لاریمیزن دوْنيا گوْروش لرینی، تجروبه و آرزولارینی ترنم ائدیر. عینی حالدا تدقیقاتچی لارا گوْره ده آذربایجانیمیزین

فولکلور میراثی دوئیانین ان زنگین فولکلور میراث لاریندان و آذربایجان ناغیل- لاری دوئیا خالق ناغیل لاری نین شاه اثر لریندن حساب ائدیلیر.

اگر دوئیادا آلمانیاالی ایکی قارداش "جیکوب گریم" (۱۷۸۹-۱۸۶۳) و "ویلهم گریم" (۱۷۸۶-۱۸۵۹) آلمان فولکلور ناغیل لارین توپلاماقلا بو ایشین رسمی بدعتینی قویموشلار آذربایجانین گوئیینده بو رولو ایکی یولداس و همکار صمد ایله بهروز بویونلارینا آلمیشلار و تقدیرین ایجازه وئردیگی قدر آذربایجان ناغیل- لارین توپلامیشلار. آلبتده اونلاردان ایلر اؤنجه "محمدعلی شاه" ین اؤیرتمن و مشاویری کریمه لی "سرگئی مارکوویچ شاپشال" (۱۸۷۶-۱۹۶۵) بو یولا گیرمیش و آذربایجان ناغیل لارین توپلامیشدیر کی بو مجموعه لهستان دیلینده و آذربایجان تورکجه سینده- البته لهستان حرفلری ایله- میلادی ۱۹۳۳-جی ایله لهستان علملر آکادیماسی نین شرق شوناسلیق شوعبه سی طرفیندن کراکو شهرینده نشر ائدیلمیشدیر اما دئمک اولار آرازین گوئیینده بو ایش صمد و بهروز ایله تانینیر.

بو چابالارا باخمایاراق آذربایجانیمیزین بو زنگین میراثی حاقیندا و اونون آدی و سانینا لاییق ایش آپاریلمامیش و یازارلاریمیزین باشلادیغی ایشلر و حاضر لادیغی توپلولار "چؤمچه ایله دوه سووارماق" تمثیلی کیمی دیر.

هر حالدا ایندی یه کیمی آرازین گوئیینده بو قونودا ایشیق اؤزو گؤرن توپلولار بونلاردان عبارت دیر:

- آذربایجان ناغیل لاری، صمد و بهروز

- خوی ناغیل لاری، ع. ذیحق

- افسانه های آذربایجان، احمد آذر افشار

- عاشیق دئو، حبیب ساهر

- چاپ اولمامیش ناغیل لار، بهروز ایمانی، اکبر رحیم زاد فرجی

- آذربایجان ناغیل لاری (۴ جیلد)، کوچورن، علی عبادی
- ناغیل لار، سیروس علی اکبرزاده، حسن سپهر فر
- افسانه‌های آذربایجان، ابراهیم دارابی
- آذربایجان ناغیل لاری (لهستان- سرگئی مارکوویچ شاپشال، ۱۹۳۳)
- تاسوفله بو عنوانلار و آرا- سیرا مطبوعات دا نشر ائدیلن ناغیل لار هله ده خالق ناغیل لاریمیزین بؤیوک بیر حیصه سین ایحاطه اتمیر و هله ده خالق ناغیل- لاریمیزی اعتباری قدری ایله توپلایب زمانه‌نین چئشیتلی تهلیکه لرین حده‌له‌مه سیندن قورویوب ساخلایا بیلمه میشیک.
- آما بختیارلیق یئری واردیر کی بو گونو بیر سیرا یازارلاریمیز بو آغیر وظیفه نی دوشونه‌رک بو یولا گیرمیشلر و یوخاریدا باشلیقلارینی وئردیگیمز توپلولار ایله باشلانیمیش چابالار بو گونوده داوام ائدیر و آئینزده کی کیتابی ترتیب ائدن " فروغ خانیم خضولو " دا بو یولا آدیم قویانلاردان بیری دیر.
- قادین یازاریمیزین حاضرلادیغی ۲ جیلدلیک بو کیتابیندا بیز ۶۰ دانایا یاخین آذربایجان ناغیلینا قارشی گلیریک. بو ناغیل لارین چوخو " دیمقولاغین ناغیلی "، " قیز و آیی "، " سئحیرلی سو "، " اؤمید قاپیسی "، " فلگین چارخی "، " اوچ آباق آت "، " اوچ توکلو کوسا " و. . . کیمی قیرخا یاخین ناغیل ایلك دفعه اولاراق بو توپلو دا نشر ائدیلیر. اما بونون یانیندا آل بارماقلاری سایب سینا چاتمایان " حاتم عزیزه "، " ۳ صنعتکار " و " شاه عباسین صنعتی " کیمی ناغیل لار بوندان اول یوخاریدا آد آپاردیغیمیز توپلولار یادا آتداق- پیداق بعضی درگی لرده نشر ائدیلیرسه ده بو کیتابدا تکرار وئریلمه‌سی ناغیللارین اؤنمیندن هئچ اسکیتیمیر چونکو بو ناغیل لاری اوخودوقدا باشقا واریانت اولدوقلاری آنلاشیلیر. بیز بو واریانت لاردا باشقا حادیتله‌رله اؤز- اؤزه گلدیگیمزدن علاوه یئنی یئرلی سؤزلر،

مثل و ایصطیلاح لار و داها اؤنملی سی محلی لهجه حاقیندا یئنی بیلگی لرله ده قارشیشیریق.

اؤرنک اولاراق بو توپلوداکی ”بگ اوغلو ائلیار ایله آلتین توپ“ ناغیلی صمدین کیتابینداکی ”آلتین توپ“ ناغیلی نین باشقا واریانتی دیر و بیز بو ناغیلدا یئنی ماجرا لار و آیری حادیشه لرله قارشیشیریق یا مثلاً بو کیتاب دا ”سحیرلی گوزگو“ آدی ایله تانیش اولدوغوموز ناغیل، ”اؤچ باجی لار“ یا همن صمدین ”سنگ صبیر قولچاغی“ (صبیرداش قولچاق) آدی ایله وئردیگی ناغیلین باشقا واریانتی و هابئله بو توپلوداکی ”قولو بگین ناغیلی“، ”آذربایجان ناغیل لاری“ مجموعه سی نین (۲۰۰۵، باکی، ۵ جیلد) ۱-جی جیلدینده کی، ۱-جی ناغیلین یانی ”زمانه نین حو کمو“ نون باشقا واریانتی دیر.

هر حالدا فولکلورون ذاتینا گؤره یعنی آغیزلاردان آغیزا کئچدیگی اوچون هر ناغیلین واریانت لاری دا ناغیلین اؤزو کیمی اؤزل دیر داشیبیر مثلاً عومومیتله ”گؤیچک فاطمه“ آدی ایله تانیدیغیمیز آذربایجان ناغیلی، آذربایجانین چئشیتلی بولگه لرینده ”احمد“، ”فاطمه گلدی قاچ“، ”زلیخا“، ”دییلی آرواد“، ”ایلان و آرواد“ کیمی دیشیک آدلار ایله تانینیر. تازا بو ناغیل آیری شهرده یوخاریداکی آدلارین هئچ بیر ایله یوخ بلکه ”خججه خالا“ آدی ایله تانینیر و ساده جه بو ناغیلین فرقلی آدلاری، ناغیلا فرقلی باخیشلاری گؤسته ریر و بو اساسدا چاپ اولونموش ناغیل لاریمیزین واریانت لاری دا توپلانیب نشر ائدیلمه لی دیر. ساین اوخوجولارا بو توپلونون شیرین - شیرین ناغیل لارین اوخوماغی تووصیه وئره رک حؤرمتلی قادین یازاریمیزا بو یولدا باشاری لاری نین داوامینی و تازا اثرلری نین نشرینی آرزو ائدیرم.

دوکتور حسن-م. جعفرزاده، تبریز- یای ۱۳۹۱

حاتمی عزیزه

بیری وار ایدی، بیری یوخ اویدو، کاسیب بیر کیشی وار ایدی. بو کیشی بیر گون بازارا گئندنه کیچیک قیزی عزیزه خواهیش ائله بیرکی، اونا بیر داراق آلسین. کیشی بازاری چوخ گزدیکدن سونرا گلیب خیرداوات توکانی نین قاباغیندا آیاق ساخلايير. قیزی نین خواهیشینی یئرینه یئتیرمک اوچون داراقلاردان بیرینی الینه آلیر، توکانچیدان اونون قییمتینی سوروشور. توکانچی دئییر:

-ان اوجوز داراغیم اودور، اونون دا قییمتی یاریم شاهیدیر.

کاسیب کیشی داراغین قییمتینی بیر آز دا آشاغی سالماقدان یانا توکانچیلا چنه-بوغاز ائلمه یه باشلايير. بوتون بونلاری قیراقدان ایزله ین بیر کیشی اونلارا یاخینلاشیر. او، جیبیندن بیر خئیلی پول چیخاردیب، داراغین اون قات قییمتینی وئرندن سونرا، کاسیب کیشینی بیر طرفه چکیر، اونونلا صُحبت ائله یر. کیشی گوزارانی نین نئجه آغیر اولماسینی، عایيله سینی دولاندیرا بیللمه یینی اونا ناغیلايير. همین کیشی اونون عیال-اوشاغینا قییمتلی پار-پالتار و بیر خئیلک ده آیین-اویون آلیب، اونونلا بیرگه کاسیب کیشی نین ائوینه گلیر. اوتوروب چای-چؤرک یئیندن سونرا وارلی کیشی سؤزه باشلايير:

-سنین عایيله وضعیتینی نین نئجه آغیر اولدوغونو اؤز گؤزومله گؤردوم. سنین بئله یاشاماغینی ایسته میرم. سنی ده اؤزوم کیمی وارلی-کارلی ائتمک آرزوسوندا یام. اگر راضیلیق وئرسن، سنین اوچ قیزی نین بیرینی آلیب، عوضینده بئش کیسه قیزیل وئره رم. اوندان سونرا سنده کاسیب چیلغین داشینی بیر یوللوق آتارسان. کاسیب کیشی دئدی:

-منه قالسا بئشلی راضی یام، آنجاق قوی اولجه قیزلاریمی دیندیریم، گؤروم نه دئییر لر. کیشی قیزلارینی بیر یانا چکیب، اونلاری حال-قضیه دن آگاه ائلدی.

بؤیوک قیزلا اورتانجیل باجیسی، بوینوموزو وور گتتمه ریک، دئدی لر. کیچیک قیزی نین هله اون یاشی تامام اولمادیغیندان اره گتتمگین نه اولدوغونو قانیب-قانیبمیردی. اودورکی، آدی عزیزه اولان بو قیز راضیلیق وئردی. وارلی کیشی بئش کیسه قیزیلی ال بل یئرله قویوب عزیزه نی ائودن گؤتوروب چیخدی. او، شهره گلیب بیر آت آلدی، قیزی آتی نین ترکینه آلیب بو شهری ترک ائلدی. قیرخ گون، قیرخ گنجه یول گلدیکدن سونرا، اونلار چؤل-بیاباندا سالینمیش بیر عیمارته یئتیشدی لر. بو عیمارتین دؤرد طرفی حاصارلانمیشدی. قاباق طرفینده ایسه بیر باغ-باغات وار ایدی کی، اونو گؤرن جتتین باره سینده فیکیرلشمزدی.

کیشی دئدی: -بیز بو گوندن آتا-بالاییق. بو عیمارته جان درمانیدا ایسته سن وار. قال بوردا، یئ-ایچ، کئف ائله. هئچ ندن چکینمه. بو واختاجان هله بورا اینسان آیاغی دیمه ییب. اینسان آیاغی دیمه یین یئردن خطابلادا اسکیک اولار. ایندی ایسه من شهره قایدیرام. اورادا گؤرمه لی ایشلریم چوخدور. یوبانسام، ناراحات اولما.

بو منوال ایله وارلی کیشی ایله بیر دفعه اوزاق شهره گئدیب-گلیردی. هر دفعه عزیزه نی گؤرنده ده حیس ائله بیردی کی، گئتدی کجه دیشیر، حدی-بولوغونا یا ووقلاشیر. بیر گنجه قیز یاتان واخت وارلی کیشی خصوصی دامدا ساخلادیغی غیری-اینسانی وارلیغی اونون اوتاغینا سالدی. قیز هر یانی توکله اؤرتولو اولان بو حیوانی-اینساندان یاخا قورتارا بیلمه دی و اوندان حامیله قالدی. گونلر گلیب کئچدی، هفته لر دولاندی، آیلا ر بیر-بیرینی عوضله دی. ائله کی، مقامی یئتیشدی، عزیزه اوچ اوشاق دوغدو. بو اوشاقلار دا عینا همین مخلوقا اوخشویوردولار. بیر گون عزیزه پرده نین دالیندان باخدی کی، وارلی کیشی اونلارین اوچونو ده اؤلدوروب، اتلرینی تیانا تۆکوب قوورور. سونرا اونلاردان چیخان یاغی شوشه قابلارا دولدوروب قیرخینجی اوتاغا آپاردی. اوتاغین آچاری آنجاق وارلی کیشیده

اولدوغونا گؤره، قیز اورادا نه لر اولدوغوندا خبرسیز ایدی. بیر گون وارلی کیشی دئدی: -شهرده بیر قارداشیم واردی، رحمته گئدیپ. اونا بو عیمارتیمده احسان وئرمک ایسته بیرم. سن یوز نفرلیک یئمک حاضرلاماغیندا اول، من ده شهره گئدیپ تانیس-بیلیش لریمه خبر وئریم.

عزیزه یوز نفرلیک پلوو بیشیردی، ایکی جؤنگه نین قارا تیکه سیندن اوز-گؤز ائله-یب، دسترخانی آچدی. ائله بو واخت کیشی یوز نفر تانیس-بیلیش لرینن گلیب چیخدی. کیشی دئدی: سن پلوولاری چک کتیر قوی منیم اوتاغیما. اوردان من اؤزوم گؤتوروب قوناقلارین قاباغینا آپاراجام.

عزیزه فیکیر وئریب گؤردوکی، کیشی پلوولارین اوستونه همن یاغدان تۆکور. یئمگین شیرین یئرینده بو قوناقلارین هامیسی قیزیلا دؤندو. کیشی بو قیزیللاری دوغراییب کیسه لره بیغدی. سونرا دا کیسه لری بیر-بیر دالینا آلیب اؤز اوتاغینا داشیدی. عزیزه گؤز-گؤزه ووروب همن یاغدان آرجانا اوغورلادی. کیشی نین یئمگینه همن یاغی اندهریب اونون قاباغینا قویدو. کیشی ایکی تیکه یئمیشدی کی، ایشی باشا دوشدو و آیاغا قالخیب عزیزه یه ترس بیر شاپالاق دارتماغینان قیزیلا دؤنمه گی بیر اولدو. قیز اونو تیکه-تیکه دوغراییب همن اوتاقدکی قیزیللارین اوستونه تۆکدو. عزیزه اوتاغین قاپیسینی باغلایب باغی گزمه یه باشلادی. گؤردوکی، باغین لاپ قورتاراجاغیندا خیرداجا بیر دام وار. گلیب اونون قاپیسینی یانیندان ایچهری باخدی. گؤردوکی، بیر واخت گئجه اونون یاتاغینا سوخولان توکلو مخلوقات بورادادی. تئز گئری قایدیب بالتادان، چاپاچاقدان گؤتوروب اورا گلدی. دامین قاپیسینی آچیب ایچهری گپردی و اونو چاپیب اؤلدوردو. عزیزه بوردا آرخاین یاشاسا دا برک داریخردی. بیر گون او شهره یوللاندی. عاغیللی قوجایا راست گلیب، باشینا گلنلری اونا ناغیللادی و

آخیردا دئدی: -سن منه ائله بیر مصلحت وثرکی، بوتون گوناھلاریمی یویوم، تمیزه چیخیم. قوجا اونو دیقته دینله یندن سونرا دئدی:

-گرک حاتم سخاوتینده اولاسان کی، قلبین هئچ نندن اوْشْنَمِیْیه. حاتمین بؤیوک بیر یئمک خاناسی وار. اوردا گوموش قبالاردا پولسوز یئمک وثریر. اوردا یئمک یئینلر آلتی آیلیق رۇزولارینی دا آلیب گئدیرلر. هله اونو دئمیرم کی، یئمک یئدیکلری گوموش قبالاری دا اؤزلرینن آپاریرلار. ایندی اؤز حسابینی آپار، گؤر حاتم سخاوتینده اولاییلرسنسه، صاباحدان ایشه باشلا.

عزیزه قوجادان مصلحت آلدیقدان سونرا اوز قویدو آیری بیر شهره. بو شهرده وارلی کیشی نین عمارتیندن گتیردیگی قیزیلارین ثمره سینه بیر یئمک خانا تیکدیردی کی، گل گؤره سن. اگر حاتمین یئمک خاناسیندا بیر اؤینه یئمک وثریلیردیه، بوردا اوچ اؤینه یئمک وثریلیر. اگر اوردا گوموش قبالاردا یئمک وثریلیردیه، بوردا قیزیل قبالاردا یئمک وثریلیردی. اوردا آلتی آیلیق رۇزو وثریلیردیه، بوردا بیر ایلیک رۇزو وثریلیردی. الغرض، قیزین یئمک خاناسی حاتمین یئمک خاناسیندان ایکی قات-اوچ قات اوستون اویدو. قیز یئمک خانانین آدینی حاتمی-عزیزه قویدو. قیسا بیر زاماندا یئمک خانانین شوهرتی عالمه یاییلیدی. بو خبر حاتمین ده قولاغینا چاتدی. حاتم یئل آتینا مینیب همن یئمک خانانین سالیندیغی شهره گلدی، هر شئی گؤزو ایله گؤروب، ماتی-موتو قورودو. فیکیرلشدی کی، بو قیزین واری-کاری مندن اوستوندور، سخاوتده ده منی اوستله ییب. او، قیزلا گؤروشکم قرارینا گلدی. حاتمی قیزین عیمارتینه گتیردیلر. عزیزه پرده نین آرخاسیندان سسلندی:

-من وار-کاریمین سیررینی سنه بیر شرطینن آچیب دییه جه یم کی، گرک منی آلاسان. آنجاق سن اونو دا بیلمه لیسن کی، من هم دولام، هم توپالام، هم ده چوخ کیفیرم. حاتم بیر آز فیکیرله شیب راضی اولدو. عزیزه پرده نین آرخاسیندان چیخدی. حاتم گؤردو کی، توپاللیق، کیفیرلیک ندی، بو قیز بیر سو سوناسیدی. حاتم او دقیقه حیس ائله دی کی، قیز اونو سیناییرمیش. عزیزه باشینا گلنلری حاتمه ناغیللادی. حاتم اونو اؤزونه آرواد ائتدی. اونلار یئیب-ایچیب یئره کئچدیلر، سیز ده یئیب-ایچین دؤوره کئچین.

حلال چۆرک

بئله روایت ائدی لرکی، کئچمیش زامانلاردا بیر کیشی وارمیش. بو کیشی نین کولفتی چوخ اولور. اؤزو ایسه چوخ کاسیب اولور. بیر گون آروادی دئییر:
- آکیشی، بس دیر ائوده اوتوردون. گئت بیر آز دا ایشله، پول قازان. آنجاق قازاندیغین پول گرک حلال اولسون.

کیشی گئدیر- گئدیر، گونه بیر منزیل، گلیب چاتیر بیر ولایت. بو ولایتده قباغینا بیر اکینجی چیخیر. کیشی اکینجیه دئییر:
- منه بیر ایش وئر، آنجاق حلال اولسون.
اکینجی دئییر:

- یوخ، قارداش، منده حلال ایش یوخدور. من زمینی سوواراندا قونشونون آرخیندان زمیمه سوآخیب... گئت، منیم فلان کنده قارداشیم وار، ناخیر چیدیر. بلکه اوندا سنه گۆره بیر ایش اولدو.

کیشی گئدیر چاتیر همین کنده. ناخیرچینی تاپیر، اوندان اؤزونه گۆره بیر ایش ایسته بیر. ناخیرچی دئییر:

- یوخ، قارداش، من اؤکوز اوتاراندا زمیسیندن بیر آغیز اوت یئییب. گئت فلان شهره، منیم اورادا بیر تاجیر قارداشیم وار. بلکه اوندا سنه گۆره بیر ایش اولدو.

کیشی گئدیر همین شهره. تاجیری تاپیر، دئییر:

- منه بیر ایش وئر، آنجاق حلال اولسون. تاجیر دئییر:

- سنه بیر ایش وئر رم. آما ایلده بیر عاباسی پول وئر جه یم.

کیشی بونا راضی اولور.

قالیر تاجیرین یانیندا ایشلمه یه. واخت دولانیر، ایل کئچیر، بیر ایل تامام اولور. تاجیر کیشیه بیر عاباسی وئریب دئییر:

- گئت بازاردان نه ایسته بیرسن آل، گؤندر ائوینه.
 کیشی گئدیر بازارا، گؤرور بازاردا ناردان باشقا هئچ نه ساتمیرلار. سوروشورکی،
 نار نئچیه دیر. دئییرلر: -بیر عاباسییا.
 کیشی تاجیر وئردیگی بیر عاباسینی وئریر بیر دنه نار آلیر. ائشیدیرکی، اونلارین
 شهرینه بیر کاروان گئدیر. ناری گتیریر وئریر کاروان باشییا دئییر:
 -فلان ولایتده منیم عایله م وار. بو ناری وئرسن منیم آروادیم. کاروانباشی دا
 ناری گتیریر وئریر کیشی نین آروادینا. آرواد ناری گتیریر ائوه، ایسته بیر کسین،
 گؤرورکی، بیچاق کسمیر. بیر تهر ناری کسیر، گؤرورکی، ایچی دولودور قیزیل
 ایله. آرواد بو قیزیللاری بیغیر. فیکیرلشیرکی، بیر ائو تیکدیریم.
 آرواد بورادا بیر ائو تیکدیرمکده اولسون، آل خبری اریندن.
 یئنه ده بیر ایل تمام اولور. تاجیر کیشییه بیر عاباسی دا وئریر.
 دئییر:

- گئت نه ایسته بیرسن آل گؤندر ائوینه.
 کیشی گئدیر بازارا، گؤرورکی، بازاردا بالیق ساتیرلار. سوروشورکی، بالیق نئچیه
 دیر؟ دئییرلر:
 -بیر عاباسییا.
 کیشی بیر بالیق آلیر. گؤندریر ائوینه. آرواد بالیغی گتیریر تمیزله بیر. قارنینی
 بیرتاندا گؤرور ایچیندن بیر لعل چیخدی. او، لعلی وئریر ائوین چاتیشمایان شی
 لرینی آلیر. اوشاقلاری ایله فراوان یاشاماغا باشلایرلار.
 بیر ایل ده کئچیر. تاجیر کیشییه بیر عاباسی دا وئریر. کیشی دئییر:
 -من بیر وطنه گئتمک ایسته بیرم. تاجیر راضی اولور. کیشی گلیر بازارا.
 گؤرورکی، بازاردا آغ، دوژ چوبوقلار ساتیرلار.

اوندان باشقا بازاردا هئچ نه یوخدور.

سوروشور:

-چوبوق نئچیه دیر؟

دئییرلر:

-بیر عاباسییا.

کیشی بیر چوبوق آلیر، قایدیر اؤز مملکتلرینه.

باخیر گؤرور ائوی نین یئرینده عمارت تیکیلیب. بو واخت قونشوسونا راست گلیر.

قونشودان سوروشور:

-بو کیمین ائویدیر؟

دئییر:

-بس سنین ائویندیر. آروادین بو ائوی سن گؤندرديگین قیزیلارلا تیکدیریب.

کیشی گلیر ائوینه.

آرواد باشینا گله نی ارینه دانی شیر. یئیرلر، ایچیرلر. آخشام یاتیرلار. کیشی

آلدیغی چوبوغو قویور یانینا، یاتیر. سحر دورور، گؤرورکی، بو چوبوق دؤندو

اولدوبیر ایلان. ایلان سورونوب گirdی دؤوارین چاتینا.

کیشی دئییر:

-بو ایلانی بئله قویماق اولماز. اونو اؤلدورمک لازیمدی. یوخسا چیخیب

اوشاقلاری سانجا بیلر. ایلان گیرن یئری قازیرلار، گؤرورلرکی، بیر کوپ

چیخدی. باخیرلارکی، کوپون ایچی دولودور قیزیل ایله. قیزیلی گؤتورورلر.

یئیب-ایچیب شاد-خرم عؤمور سورورلر.

دیمقولاغین ناغیلی

قدیم زامانلار بیر کیشی نین اوچ اوغلو اولور. کیشی اؤلنده اوشاقلارینا وصیت ائدیرکی، هنج واخت گؤزو گؤی، ساققالی ساری، دیشی سئیرک آداما نؤکر اولمایین. وضعیت آغیرلاشیر، بؤیوک قارداش قازانج دالینجا باشقا ولایته ایشله-مه یه گئدیر. آتاین وصیتینی یاددان چیخاریب، گؤزو گؤی، دیشی سئیرک، ساققالی ساری بیر کیشییه نؤکر ایشله مه یه باشلایر. کیشی بیر گون اوغلانی چاغیریب دئیر:

-بو آلا ایت هاردان گئتسه، اورانی شوملایارسان. بیر کاسا دا قاتیق وئریب، دئیرکی، ائله یئمه لیسن قاتیغین اؤزو پوزولماسین، چؤره گی ائله یئیرسن قیراغی کسيلمه سین. گلنده ده کیچیک باجینا بیر قوش توتوب گتیره جکسن. اوغلان بونلارین هنج بیرینی انده بیلیمیر. کیشی اوغلانی اؤلدوروب، تؤوله ده باسدیریر. سونرا ایکینجی قارداش گلیر. گؤزو گؤی، ساققالی ساری، دیشی سئیرک کیشی بونون دا باشینا اولکی اویونو آچیر، اونو دا اؤلدورور.

قارداشلاری نین گلیب چیخمادیغینی گؤرن کیچیک قارداش اونلارین آرخاسینجا گئدیر. آتاسی نین وصیتی یادیندا ایدی. آما قارداشلاری نین باشینا گلنلری اؤیرنمکدن یانا گؤزو گؤی، دیشی سئیرک، ساققالی ساری کیشییه نؤکر اولور. کیچیک قارداشین آدی دیمقولاق ایدی. دیمقولاق تؤوله ده یاتیردی. تؤوله یه دیقت له نظر یئتیرن دیمقولاق بیر بوجاقدان شوبهه له نیر، قازماغا باشلایر. قارداشلاری نین ایکسی نین ده مئیدینی اوردان تاپیر. آنجاق بیر سؤز دئمیر. دیشی سئیرک، ساققالی ساری کیشی بو قارداشا دا اول کی قارداشلارا وئردیگی تاپشیریغی وئیریر. دیمقولاق چؤلده ایتی اؤلدورور. سونرادا مهارتله، قابین آلتین دئشیر، قاتیغی یئیر، چؤره گینی ده اورتاسیندان کسیر. قوش بالاسی عوضینه

سیجان بالاسی گتیریر. کیشی قورخور. اوغلانین آدینی سوروشور. دیمقولاق اؤز آدینی دئمیر. دئییرکی، آدیم کؤفته دیر. کیشی نین قیزی هر گون دیمقولاغین دالینا مینیب چاپیردی. دیمقولاق بیر گون قیزی پارچالایب ایته آتیر. دئییر، ایتلر پارچالایب. وضعیتی بئله گؤرن کیشی قاجماق ایسته بیر. اوغلان خلوتی خورجونا گیریر. یولدا چیخیر. کوسا آروادینا دئییرکی، کؤرپونون اوسته یاتاق، بونو ووروب کؤرپودن سالاریق. قایدیرلار ائولرینه. ائوده کیشینی چیمیزدیرنده آلدادیب آغاچا باغلاپیر، قاینار سویو تۆکور اوستونه. دیمقولاق کیشینی ائششگه میندیریب، دیک باغلاپیر. اوزاقدان باخانا جانلی کیمی گؤرونور. ائششگی سوروب یئنی سوواریلیمیش تاخیل زمیسینه اؤتورور. زمیده کیلر نه قدر چاغیریرکی، ائششگی سوواریلیمیش زمیدن چیخارسین، نتیجه سی اولمور. عصبله شن کیشی بئلی قالدیریب ائششگه باغلانمیش کیشی نین باشینا یئندیریر. تئز دره دن چیخان دیمقولاق یاپیشیر کیشی نین یاخاسیندان کی، دده می سن ووروب اؤلدورموسن. کیشی مجبور قالیب خیلی پول وئریر. کیشینی بیرلیکده تورپاغا باسدیریرلار. دیمقولاق قایدیب کوسانین وار-دؤولتینه ده صاحب اولور. دیمقولاق آتا وصیتینه عمل ائله مین قارداشلاری نین ایتتیمینی گؤزو گؤی، دیشی سئیرک، ساققالی ساری کیشیدن بئله آلیر.

سُحیرلی سُو

بیری وار ایدی، بیری یوخ اُیدو، کؤهنه کندلرین بیرینده بیر قوجا کیشی ایله بیر آرواد یاشایردی. بو قوجالارین هئچ کیمی یوخ ایدو. کیشی نین آدی بوْداق ایدی. آروادین آدی ایسه ترلان ایدی. اونلارین اؤولادلاری اولموردو. هر گون بوْداق چؤرک قازانماق اوچون گئدیپ مئشه دن اودون قیریر و آپاریب بازاردا ساتیردی. ترلان ایسه ائو-ائشییه باخیردی. بو قوجالار بیرتهر دولانیردیلار. گونلرین بیر گونو بوْداق همیشه کی کیمی یئنه مئشه یه اودون قیرماغا گئدیردی کی، گوردو آروادی اوتوروب آغلاپیر. گلیب آروادیندان سوروشدو کی، نییه آغلاپیرسان؟

آروادی ایسه دئدی:

-نییه آغلاماییم؟ نه اوغلوموز وار، نه ده قیزیمیز وار کی، بیز اؤلندن سونرا بو کاسیب داخمامیزدا قالا. کیشی آروادینا هئچ نه دئمه ییب کؤکس اوتورور، گئدیر ایشی نین دالینجا. بوْداق کیشی گلیب مئشه یه چاتیر. او ایسته بیر کی، بیر آغاجی کسین. گورور کی، آغاجین باشیندان قوش جیکگیلتیسی گلیر. کیشی باشینی قالخیزیب باخدی کی، آغاجین باشیندا بیر قوش وار. قوش او قدر گؤزل ایدی کی، آدام باخماغینان دویموردو. بوْداق کیشی قوشا باخان کیمی قوش اوچوب باشقا آغاجا قوندو. کیشی ائله بیلدی قوش اونو چاغیریر. کیشی ده قوشون دالینجا گتدی. بئله لیکله، قوش آغاجدان-آغاجا قوندوقجا کیشی ده اونون دالینجا گتدی. آخیردا گلیب مئشه نین سیخ بیر یئرینه چاتدی. قوشون اؤزو ایسه بورادا گؤزدن ایتدی. کیشی او طرف، بو طرفه باخدی، قوشو گورمه دی. کیشی نین علاجی کسیددی. بیر آز بورادا اوتوردو. بیردن سو شیریلتیسی ائشیتدی. کیشی بیر آز ایره لی یئردی. قاباقدا بیر بولاق گوردو. قوجا گلیب بولاقدان بیر

قورتوم سو ایچدی. گوردوکی، بئلی دوزلدی. بوداق کیشی اؤز-اؤزونه سئوینه رک دئدی:

-بو لاپ مؤعجیزه دیر. او، الینی ساققالینا چکمک ایسته دی، ساققالی الینه گلمه دی. کیشی سودا اؤز شکلینی گؤرنده داها دا سئویندی: آخی نییه ده سئوینمه سین، هئچ ندن جاوانلاشمیشدی. کیشی تئز آیاغا دوروب ائوه تلسدی کی، قاریسینی دا گتیریب، جاوانلاشدیرسین. سن ایندی ائشیت قاریدان. آرواد ارینی چوخ گؤزله دی. گوردوکی، اری گلیب چیخمادی. دوروب ارینی دالینجا گئتدی. آرواد یولدا جاوان بیر اوغلانین اونا طرف گلدیگینی گوردو، ارینی اوندان خبر آلماق ایسته دی.

جاوان اوغلان سوروشدو:

-قاری، یوخسا منی تانیمادین؟

ترلان بو ایشه متل قالدی. سونرا کیشیسینی سسیندن تانیدی. کیشی باشینا گلن احوالاتلاری، من ناغیل ائله دییم کیمی، قاریسینا دانیشدی. اونلار بیر ده دالا قایتدی یار. گلیب همین بولاغین یانینا چاتدی یار. آرواد دا همین بولاغین سویوندان بیر قورتوم ایچدی. قاری دؤنوب جاوان بیر قیز اولدو. اونلار ال-اله وئریب ائولرینه قایتدی یار. قونشوسو اولجه بونلاری تانیمادی. سونرا بوداق باشینا گلنلری قونشوسونا دانیشدی.

قونشوسو تئز همین بولاغا گئتدی، بولاقدان بیر قورتوم سو ایچدی. دؤنوب جاوان اوغلان اولدو. سونرا یئنه بیر قورتوم سو ایچدی. بو دؤنه جاوان اوغلان دؤنوب چاغا اولدو و پالتارینا بوکولو بولاغین باشیندا قالدی.

بوداق قونشوسونو چوخ گؤزله دی، آما او، گلیب چیخمادی. بوداق مجبور اولوب قونشوسونون دالینجا گئتدی.

بوڭداق گلیب بولاغین یانیندا نه گۆرسه یاخشیدی؟ گۆردوکی، قونشوسو سودان او قدر ایچیب، دؤنوب چاغا اولوب. بوڭداق چاغانی پالتارا بوکوب ائوینه گتیردی. آروادی چاغانی گۆروب سئویندی کی، داها اورگیمیزده هئچ بیر دردیمیز اولماز. اونلار اؤز اوڭلادلارینی بؤیوتمه یه باشلادیلار.

سئیرلی گۆزگو

بیر گون واریدی، بیر گون یوخ اویدو، بیر پادشاه واردی. پادشاه دا ایسته بیردی کی، اوغلونو ائولندیرسین. سارایداکی لارا دا دئیمیشدی کی، اوغلوما اوچ باجینی آلاجاغام.

بیر گون او، وزیر-وکیلی ده گۆتوروب دوشور یولا. ها بورا منیم، اورا منیم، گلیب چیخیرلار بیر کومانین آغزینا. گۆرورلر کی، ایچهریدن سس گلیر. بؤیوک باجی دئیر:

-اگر پادشاهین اوغلو منی آلسا، اونون تویونداکی قوناقلاری بیر یومورتاینان دویدورارام.

اورتانجیل باجی دئیر:

-پادشاهین اوغلو منی آلسا، اونون آیاغی نین آلتینا قیزیلدان قالی توخویارام.

کیچیک باجی دئیر:

-منی پادشاه اوغلونا آلسا، اونا قیزیل ساچلی بیر قیز، گوموش ساچلی بیر اوغلان دوغارام.

بلی، پادشاه، وزیر-وکیل گیریرلر کومایا، دئی خوش-بئش، اون بئش، پادشاه بونلارین اوچونو ده آلیر اوغلونا. بؤیوک باجینان اورتانجیل سؤزلرینی ال بل یئرینه یئتیریرلر. نؤویه چاتیر کیچیک باجییا.

دوققوز آی کئچیر. پادشاه اوغلو اوودا ایتمیش. بونا خبر چاتیرکی، بس بیر جوت اوشاغین اولوب.

بؤیوک باجی ایله اورتانجیل پاخیلیقدان بیلمه یرلر نیله سینلر. اوشاقلارین بیری قیزیل ساچلی، او بیری گوموش ساچلی ایدی. فیکیرلشیرلرکی، پادشاه اوغلو بو اوشاقلاردان سونرا کیچیک باجینی اونلارین هر ایکی سیندن چوخ ایستیه جک. بیر ایمانینا تولا باغلادیغیم جادیچی تاپیرلار، دئییرلرکی، چاره تاپ، پادشاه اوغلو گلینجه، بو اوشاقلاری یوخ ائله.

جادیچی اوشاقلاری اوغورلا بیر، یئرینه بیر جوت کوچوک قویور. پادشاه اوغلو دا ائله کی قایدیر، آروادی نین یانیندا بو کوچوکلی گؤرور، حیرصه نیب کیچیک باجینی ائودن قوور.

بؤیوک باجیلا اورتانجیل سئوینمکلرینده، کیچیک باجی دا یولدا گتمگینده اولسون، بس گورک اوغورلانان اوشاقلارین باشینا نه ایش گلیر. جادیچی اونلاری صاندیغا قویوب آتمیشدی چایا. بیر کیشی چایدا بالیق توتورموش، صاندیق ایلشیر بونون آتدیغی تورا، کیشی صاندیغی گوتوروب گتیریر ائوه. صاندیغی آچیر، گورورکی، بیر جوت آی اوزلو اوشاق وار بونون ایچینده.

ایلاهی نین یازیسیندان بالیقچی نین اوشاغی اولموردو. بالیقچی دا، آروادی دا برک سئوینیرلر، اوشاقلاری ساخلا بیرلار. اوشاقلار بؤیویورلر.

اوغلان سن بینه اووچو اولور. بیر گونلری بالیقچی نین آروادی اولور. بونلار چوخ باشلارینا، دیزلرینه دؤیورلر، ماتم ساخلا بیرلار. سونرا بالیقچی دا خسته نیر. اوشاقلارا دئییرکی، من اولندن سونرا قاپیمیزین آغزینا بیر دوه گله جک. جنازه نی قویارسینیز دوه نین بئلینه، هاردا دایانسا، اوردا دا باسدیرارسینیز.

هر شئی ده کیشی دئین کیمی اولور. باجی-قارداش بو فانی دنیا دا تک قالیرلار.

بیر گون اوغلان اوو ائدن زامان پادشاه اوغلو ایله راستلاشیر، یازیق هاردان بیلسین کی، آتاسی ائله بودور. اوغلان اطرافداکی قوشو-حیوانی ووردوغوندان پادشاه اوغلو اوودان کور-پشمان قایدیر. آروادلاری اوندان دیلخورچولوغونون سببینی سوروشورلار. اودا آچیب هر شئی سؤیله بیر.

بیر نئچه دفعه پادشاه اوغلو اوودان الی بوش، مایوس قایداندان سونرا آروادلار جادیچی نی چاغیریلار اویرنسینلرکی، بو اوغلان کیمدی. جادیچی آچیب دئیر کی، بو ائله باجینیزین اوغلودو.

باجیلار دوشورلر قورخویا، یوخولاری دا عرشه چکیلیر.

جادیچی دا اوغلان اوودا اولاندا گلیر بونلارا، قیزا دئیر کی، تک قالب داربخارسان. نییه قارداشینا دئمیرسن کی، سنه بیزیم دونیانی گؤسترن گوزگونو گتیرسین؟

قارداشی گلنده باجیسی دئیر کی، بس حال-قضیه بئله دی، سن بیزیم دونیانی گؤسترن گوزگونو منه گتیرمه لیسن.

قارداش، نئجه دئیرلر، چاریغی نین باغینی برکیدیر، چوخ قورخولو یوللاردان کئچیب همین گوزگونو تاپیر، گتیریر باجیسینا.

گوزگویه باخاندا اوژ آنالارینی گؤرورلر. جادیچی یئنه گلیر قیزین یانینا کی، بیر پادشاه وار، دئینه قارداشینا اونون قیزینی آلیب گتیرسین، قیز اولسون سنه قولاق یولداشی.

سن دئمه بو پادشاه قیزی طلسم لی ایمیش. اوغلان مین بیر ظولومنن بو قیزی دا آلیر.

جادیچی بو دفعه ده قیزین یانینا گلنده طلسم لی پادشاه قیزی الینده کی آغاجی وورور اونا، دئیر:

-ایینه اول!

جادچی ایینه اولور، قیز گؤتوروب اونو گیزله دیر. اوغلان دا اوودا یئنه آتاسی ایله راستلاشیر. پادشاه اوغلو قانی قاینادیغی بو اوغلانا دئییرکی، گل، دوست اولاق.

اوغلان راضی اولور، پادشاه اوغلو نو قوناق چاغیریر.

پادشاه اوغلو اونلارا گلنده گؤرورکی، بو ائوین ایچینده سارایدا اولمایان اشیالار وار. یئیب-ایچیرلر، یاتیرلار. گتجه نین بیر وعده سینده گلین چیخیر حیطه، باشیندان یایلغینی آچان کیمی جین لر ییغیشیر. گلین اونلارا تاپشیریرکی، بو کومانین آغزیندان پادشاهین سارایینا جان یول سالین.

بلی، سحر آچیلیر، سیزین ده سحرینیز خئیرله آچیلین، سالینمیش یولو گؤروب متل قالیرلار.

بو ایش پادشاه اوغلونا لاپ الله سیرّی کیمی گؤرونور، اونلاری سارایا قوناق چاغیریر. قیز ایینه نی، گلین ده گوزگونو گؤتوروب گئدیرلر. گلین گوزگونو پادشاه اوغلونا گؤسته ریر. پادشاه اوغلو باخیرکی، گوزگوده گؤرسه نن اونون ائودن قوودوغو آرواد ایدی.

گلین طلسملی ایدی آخی، هر شئیدن ده خبرداردی. بوتون اولانلاری پادشاه اوغلونا سؤیله بیر. او دا بؤیوک باجیلا اورتانجیلی چاغیریر، اونلار دا باشا دوشورلرکی، وضعیت پیسدی. یئمه یه زهر قاتیرلار. بو دمده ائودن قوولان باجی ایله کوچوکلری ده گتیریرلر. گلین یئمکدن کوچوکلرین قاباغینا قویور، کوچوکلر یئین کیمی زهرین گوجوندن پارتلا بیرلار.

پادشاه اوغلو هر شئی باشا دوشور. گلین ایینه نی آتیر یئره دئییر:

-جادچی اول!

بینه جادیچیا چئوریلیر، آچیب هر شیئی دانیشیر.
 پادشاه اوغلو بؤیوک و اورتانجیل باجیلاری قیرخ دلی سوو قاتیرین قویروغونا
 باغلاتدیریب، ظولم نن اؤلدورتدورور.
 پادشاه اوغلو بالالارینی دا، آروادینی دا عزیزله ییب یانیندا ایلشدیریر، شاد-خرم
 عؤمور سورورلر.

سولیمان پیغمبرین ناغیلی

دئیله نه گؤره، داوود پیغمبرین قیرخ اوغلو واریمیش. هر ناماز قیلاندا قیرخ اوغول
 آرخاسیندا پئش ناماز دورارمیش.
 بیر گون داوود پیغمبر نامازدا باخیر اؤز-اؤزونه دئییرکی، ”ای تانری گؤره سن
 دنیادا منیم کیمی خوشبخت یارانمیش اولارکی، قیرخ اوغول آرخاسیندا پئش
 ناماز دایانسین؟
 داوود پیغمبر نامازی قیلیب قورتارانان سونرا آرخایا دؤنور و گؤرورکی، اوغلان
 لاری نین هئچ بیرى باشین قالدیرمادی. هانسی نین باشین قالدیریر، گؤرور او لوب.
 پیغمبر یانیر-یاخیلیر. بو واخت الله دان صدا گلیرکی، داوود پیغمبر، گؤزوندن
 بیر گیله یاش چیخسا، سنی پیغمبرلیکدن سالارام.
 داوود پیغمبر آغلامیر، آما توستوسو تپه سیندن چیخیر. منملیک ائله دیگینه مین
 دفعه پئشمان اولور. جبرائیل داوود پیغمبرین یانیندا نازیل اولور. دئییرکی، داوود
 پیغمبر، غم ائله مه، الله سنه ائله بیر اوغول وئره جک کی، سنین قیرخ اوغلونا
 عوض اولسون. یاشی اؤتموش اولسا دا، الله-تعالا داوود پیغمبره سلیمان
 آدلی بیر اوغول وئیر. اوشاق آیینان، گونون بؤیویور. چوخ عاغیللی، فراصلتی
 بیر اوشاق اولور.

ایکی-اوج یاشیندا سولیمان دووارین دیینده قولونان اویناییرمیش. گورور بیر کاسیب کیشی گلیر. الینده بیر داغارجیق اؤن. سلیمان کیشیه چوخ دیقتله باخیر، سونرا ائله امر ائله ییر، بیر برک کولک باشلاییر. کیشینی اورا چیرپیر، بورا چیرپیر، داغارجیغی کیشی نین الیندن آلیب داغیدیر. کیشی باشلاییر آغلاماغا.

سولیمان کیشیدن سوروشورکی، آی عمی، نییه آغلا ییرسان؟

کیشی دئییرکی، گورمه دین یئل اونومو داغیتدی؟ بالالاریم آج قالدی.

سولیمان دئییر:

-آغلاما، گئت پیغمبردن اونونو ایسته، آل.

کیشی گئدیر پیغمبره دئییرکی، یئل اونومو داغیتدی. منیم اونومو وئر.

پیغمبر کیشی نین داغارجیغینی دولدورور، اونان وئریر. چیخیب گئدیر کیشی.

سلیمان آرخادان کیشینی چاغیریب سوروشورکی، عمی، آلدین؟

کیشی دئییرکی، بلی، آلدیم.

سولیمان دئییر:

-عمی، گئت پیغمبره دئن سنین اؤز اونونو وئرسین. او بیزیم روزی میزدی سن

آپارییرسان. کیشی قایدیر پیغمبره دئییرکی، منیم اؤز اونومو وئر. من سیزین

روزونوزو ایسته میرم. پیغمبر دئییرکی، سنین اونونو یئل داغیدیب، من او اونو

هاردان آلیم؟ داغارجیغی گتیر بیر آز دا آرتیریم گؤتور گئت.

کیشی دئییر:

-یوخ، قاپیدا بیر اوشاق وار. او دئییرکی، بو اون بیزیم روزوموزدو. منیم اؤز اونومو

وئر آپاریم. پیغمبر چیخیر چؤله، گورور کیشینی گئری قایتاران سلیمان دی.

پیغمبر دئییر:

-آی بالا، بو کیشی نین اونونو یئل داغیدیب. ایندی من هاردان آلیم بونون اؤز اونونو وئریم؟

سولیمان دئیر:

-آتا، بو کیشی نین اؤز اونون وئریمک لازیمدی. او وئرديگین بیزیم روزودو. پیغمبر دئدی:

-آی اوغول، نه تهر وئریمک لازیمدی؟

سولیمان دئدی:

-آتا، باخ گؤر نئجه وئرلر.

سولیمان یئنه امر ائلدی. همن کی یئل باشلادی. بورولدو، بورولدو اونو تورپاقدان آیردی، بیغدی بیر یئره.

پیغمبر گؤردوکی، اون ائله ترمیزدی، ائله بیل، دیرمانداکی اوندو. کیشی اونو بیغدی داغارجیغا، چیخدی گئتدی.

پیغمبر گؤردوکلرینه اینانمیردی. صلوات چئویریب شوکر ائله دی کی، الله، چوخ شوکور، سنین مین بیر آدینا. دوغوردان دا، سلیمان قیرخ اوغولا برابر دی.

بیر گون ده سلیمان کوچه ده اوینایردی. حؤکمدار دا اؤز آتلی لارینان گلیب همین کوچه دن کئچیردی. اوشاغی گؤردوسه ده فیکیر وئرله دی.

سولیمان آرخادان چاغیردی:

-حؤکمدار ساغ اولسون، نییه منه سالام وئرله دین؟ آخی سالام بؤیوکدن کیچییه دی. اوشاغین جسارتی حؤکمدارین خوشونا گلدی. اونون آدین سوروشدو، هم

ده اوشاغا بیر قیزیل وئردی.

سولیمان همین قیزیلی تورپاغا باسدیریر، سونرا دا چیخاردیب اوینادیردی.

شهرین قاضی سی کناردان گوردوکی، اوشاغین الینده بیر پاریلدایان دمیر وار. یاخین لاشیب سولیمانان سوروشدوکی، اوندی اوینادیرسان؟ سلیمان دئدی کی، هئچ، دمیردی.

قاضی گوردو اوشاغین الینده کی قیزیلدی. اودوکی، باشلادی سلیمانی دیله توتماغا:

-آی اوغول، سن او دمیری نئینه ییرسن؟ ایتیرسن. نه دئیرسن وئریم، او دمیری وئر منه.

سولیمان دئدی:

-آنقیر، وئریم.

قاضی باخیب گوردوکی، یاخیندا هئچ کیم یوخدو. باشلادی آنقیرماغا. سونرا دئدی کی، دی قیزیلی وئر.

سولیمان دئدی:

-آی قاضی، سن ائششک اولا-اولا بیلیرسن کی، بو قیزیلدی، من آدم اولا-اولا بیلیم؟ قاضی پرت اولور. اوشاغین حرکتینه متل قالیر. باخدی کی، بو اوچ یاشیندا اوشاق یئرین آلتینی دا بیلیر، اوستونو ده. چیخدی یولوینان گئتدی.

سولیمان دا باشلادی تورپاغینان اویناماغا. قیزیلی تورپاغا باسدیراندا ایتیردی. باشلادی آختارماغا. بیر نچه ساعات کئچندن سونرا حؤکمدار گئری قایدیردی، گوردو سلیمان تورپاقدانسه آختاریر. سوروشدوکی، بالا، نه آختاریرسان؟ سولیمان دئدی:

-حؤکمدار، سن وئر دیگین قیزیلی آختاریرام.

حؤکمدار دئدی:

-گونون آلتیندا اوزونو هلاک ائله مه، گل بیرینی ده وئریم.

سولیمان دئدی:

-یوخ حؤکمدار منی ناراحات ائله بین اودوکی، سنین سیکه ن تورپاغین آلتیندا
قالماسین، اونا گؤره آختاریرام. سلیمانین سؤزو حؤکمدارین او قدر خوشونا
گلدی کی، اونا بیر اوووج قیزیل وئردی.

سولیمان قیزیلی گؤتوروب آتاسی نین یانینا گلدی. قیزیلی آتاسینا گؤسته ریب
دئدی:

-آتا، گؤر نه قدر قیزیلم وار. نه قدر خرج ائله سک قورتارماز. سن ده
قوجالمیسان. بسدی بئله اذیتن ایشله دیگین. من بؤیوینه قدر بو قیزیلنان
باشیمیزی دولانديراریق.

آتاسی سوروشدوکی، بالا، بو قیزیلی سن هاردان آلمیسان؟

سلیمان دئدی:

-آتا، حؤکمدار منه سالام وئرمه دی، من بئله دئدیم، بو قیزیللاری وئردی.

داوود پیغمبر یئنه الله ینا شوکر ائلدی و اوغلوینان ائوه قایتدی.

گونلرین بیر گونو پادشاه وزیرینن دریانین قیراغیندان کئچیردی. گؤردو دریادا بیر
جوت بالیق باشینی سودان چیخاردیب اونلارا باخیر. پادشاه وزیردن سوروشدو:

-وزیر، گؤره سن او بیر جوت بالیغین اثر کگی هانسی دی، دیشیسی هانسی دی؟

پادشاه بئله دئنده بالیقلار قویروقلارینی چیرپدی بیر-بیرینه، گوله-گوله
جومدولار دریانین دیبینه.

پادشاه دئدی:

-وزیر، او بالیقلار نه یه گولدو؟

وزیر دئدی:

-پادشاه ساغ اولسون، من هاردان بیلم نه یه گولدولر؟

پادشاه دئدی کی، وزیر من بیلیمیرم، سنه اوچ گون مهلت وئریم. او بالیقارین نیه گولدویونو اؤیرنمه سن بوینونو ووردوراجام. وزیر چوخ دوشوندو، چوخ داشیندی، گلدی قاضی نین یانینا کی، بلکه قاضی عاغیلا باتان بیر سؤز دییه.

قاضی دا سن دئمه هئچ اوستاد گورمه ییب میش. اودوکی، دئیر:

-سن گئت، من فیکیرلشیم.

قاضی سلیماندا گوردویونو گورموشدو. گلدی سلیمانین یانینا کی، بلکه اوندان بالیقارین نیه گولدویونو اؤیرنه.

سولیمان دا بیلیدی کی، بو قاضی آج گوزون، ساوادیسین، قانمازین بیری دی. قاضی یا دئدی:

-قاضی، سن پادشاه چاتدیر بؤیوک بیر مجلس قورسون، چوخلو قوناقلار چاغیرسین. سن ده گئت همین مجلسه، دی کی، بالیقارین نیه گولدویونو منیم باشماق گؤتوره نیم ده بیلیر. من ده قاپی نین دالیندا سنین باشماقلارینی ساخلایاجام. پادشاه سندن بالیقارین نییه گولدویونو سوروشاندا منی چاغیرارسان. قاضی چوخ چالیشیدی بالیقارین نیه گولدویونو سلیماناندا اؤیرنسن. سلیمان دئمه دی. قاضی علاجسیز قالب راضی لاشدی. پادشاه خبر گؤندردی. وزیر سئویندی کی، پادشاهین الیندن جانی قورتاراجاق. وخت تامام اولدو. مجلس قورولدو. قوناقلار بیغیلدی. قاضینی دا چاغیردی لار. قاضی دا سلیمانی اؤزینن گتیردی. دئدی کی، بو منیم باشماق گؤتوره نیم دی. سلیمان قاپی نین دالیندا اوتوروب قاضی نین باشماقلارینی ساخلامیشدی.

مجلسین آخیریندا پادشاه قاضی یا دئدی کی، قاضی، ایندی سن عرض ائله گورک بالیقار نییه گولوردو؟

قاضی دئدی:

-پادشاه ساغ اولسون، او سۆزو منیم باشماق گۆتوره نیم ده بیلیر. اذن وئر گل سین دئسین.

پادشاه اذن وئردی. سلیمان مجلسه گلدی. بیر قاضی یا باخدی، بیر پادشاها دئدی:

-پادشاه ساغ اولسون، من بو یاشیمدا باشماقدان باشقا نه گۆرموشم کی، نه ده بیلیم؟ زحمت چکسین، بیلیرسه قاضی نین اؤزو دئسین.

قاضی نین ال-آیاغی یئردن-گۆیدن اوزولدو. قالدی متل. پادشاه امر ائله دی، قاضی نی آتدی لار زیندانا.

سولیمان پادشاها یاخینلاشیب دئدی:

-پادشاه ساغ اولسون، من دیهرم بالیقلار نه گولوردو. آنجاق بیر شرطیم وار. گرک اونو یئرینه یئتیره سن.

پادشاه سوروشدو کی، نه دی شرطین؟

سولیمان دئدی:

-صباح سارایدا کی حرملرین هامی سینی گتیرتدیر فیلان چابین قیراغینا، اوردا دییه جه یم.

سحر آچیلدی. پادشاهین قیرخ حرمی واریدی، هامی سین گتیردی، چابین قیراغینا.

سولیمان دئدی کی، ایندی حرملره امر ائله سویونوب چایدان کئچسینلر.

پادشاه امر ائله دی، حرملرین هامی سی قیچین چیرمالی ییب چایدان کئچمه یه باشلادی.

پادشاه دیقتنن باخیردی، گۆردو کی، حرملردن بیرین قیچلاری ائله توکلودو، ائله یئکه دی کی، هئچ آرواد قیچینا اوخشامیر. پادشاه شوبهه لندی. همن حرم

سودان چیخاندا اونون اوزونده کی رویندی گؤتوردو. گؤردو بو بیر بیغی بورما کیشیدی.

سولیمان دئدی:

-پادشاه ساغ اولسون، باخ بالیقلار بونا گولوردوکی، پادشاه اؤز حرملرینین ایچینده کی اثرگگی تانیمیر، بیزیم اثرکک-دیشی لیگیمیزی آختاریر. پادشاه حرملرین ایچینده کی کیشی نین بوینون ووردوردو. اؤز وزیرینی قوودو. سلیمانی اؤزونه وزیر تعیین ائلدی.

شاه اسماعیل و قیزیل بالیق

بیری وار ایدی، بیری یوخ ایدو، بیر پادشاه وار ایدی. بیر گون بو پادشاهین گؤزلری توتولور. دونانین دؤرد بیر یئریندن سای-سئچمه لوغمانلار گتیریرلر و اونلارین هامیسی دئیر کی، اونون درمانی بالیقلار پادشاهی قیزیل بالیغین یاغیدیر. بالیقچیلار دریا دئیر، دنیز دئیر، چای دئیر، تور آتیرلارکی، قیزیل بالیغی توتسونلار، آما قیزیل بالیغی توتا بیلیمیرلر. پادشاهین اوغلو اسماعیل دا آتین بئلینده بو بالیقچیلارین یانینجا دولانیردی کی، آتاسی نین دردی نین درمانی تئز تاپیلیر. قوجا بالیقچی گؤله تور آتیب گؤزله بیردی. بو واخت اسماعیلی گؤروب آیاغا قالخدی:

-شاه اوغلو، تورو سنین بختینه آتمیشام، اللهینی چاغیر. سنین آتانین دردی هامیمیزین دردیدیر.

اسماعیلین آتین بئلیندن ائنه کی ایله قیزیل بالیغین تورا دوشمه گی بیر اولدو. بالیقچی سئوینجیندن آغلاماغا باشلادی. شاه اوغلو اسماعیل قیزیل بالیغی الینه آلب دیقتله اونون گؤز لرینه باخدی. سانکی او گؤز لر دئیردی:

-آی شاه اوغلو، اونسوز دا آتان قوجالیب، او اؤلندن سونرا سن اونون یئرینه شاه اولاجاقسان. من ایسه بوتون بالیق‌لارین شاه‌ی یام و من اؤلندن سونرا بالیق‌لار شاه‌سیر قالاجاق، چونکی ایکینجی بیر قیزیل بالیق یوخدور و بوندان سونرا دا اولمایاجاق. اسماعیل قیزیل بالیغی سویا آتدی. بالیقچی هارای-هشیر قوپاردی کی، بو ساعات گتدیرم شاهین حضورنا. اونا دییه‌جه‌یم کی، اوغلون اسماعیل سنه خیانت ائتدی. اسماعیل آرتیق اونون بو اؤلکه‌ده یاشاماغی نین مومکون اولمادیغینی گؤروب باش آلیب آیری بیر دیارا گتتدی. یولون قیراغیندا بیر آغاج وار ایدی. اسماعیل آتدان دوشوب اونون کؤلگه سینده دینجینی آلان واخت اورایا بیر یولچو دا گلدی. آدی محمود اولان بو یولچو ایله اسماعیل خیلی دردلشدی. محمود دئدی:

-قارداش ایکیمیز ده درد اهلی‌بیک. بوردا اوتورماقدان بیر شئی چیخماز، دور دوشک یولا، شهره ده لاپ آز قالیب. اوردا منیم بیر خالام وار ایدی. اؤلندن سونرا ائو-اتشیکینی، وار-دؤولتینی منه وصیت ائدیب. سن ده منیمله بیرلیکده او ائوده قالارسان، گؤرک باشیمیزا نه گلیر.

اسماعیل محمودلا بیرلیکده همین شهره گلدیلر. محمودون خالاسی نین وصیت ائله‌دییی ائوی تاپیب اوردا قالماغا باشلادیلار. بیر گون شهره خبر یاییلدی کی، پادشاهین قیزی نین دیلی توتولوب، کیم اونو ساغالتسا پادشاه قیزی نی اونا وئره جک. ساغالدا بیلمه‌یه‌نین ایسه بوینو وورولاجاق. محمود اسماعیلا دئدی:

-اسماعیل، قارداش، او قیزی ساغالتسان، سن ساغالدا بیلرسن. بو فرصتی الدن وئرمک اولماز. اسماعیل نه قدر اعتراض ائلسه ده محمود دئدیگیندن دؤنمه‌دی.
-اسماعیل، قیزین دیلینی سنین گؤزلیگین آچاجاق. سن منه اینان. بیر ده اینان کی، دوست داشی باش یارماز.

اسماعیل چاره سیز قالب پادشاهین حضورونا گلدی. اونون قیزی
ساغالداجاغینی بیلدیردی. شاه اونونلا دا شرطینی کسدی کی، باخ، قیزی
ساغالدایلمه سن بوینون فرماندی. اسماعیل راضیلاشدی.

اسماعیلی قیزین یانینا گتیردیله. او، قیزا سلام وئرن کیمی قیز سلامی آلدی.
پادشاه و وزیر حیرت بووردوکی، بیر سالاملادا دیل آچیلارمیش. اسماعیل ائوه
بیر آز گؤز گزدریب دووارداکی خنجری گؤردو. اوزونو خنجره توتوب دئدی:

-آی خنجر، بیر صُحبت ائله قولاق آساق.

خنجر دوواردان او یانا بو یانا ترپه شیب صُحبت باشلادی:

-دؤرد قارداش وار ایمیش. اونلاردان بیرین بیر قیز عیالی، او بیر
قارداشلارینین ایسه هره سی نین بیر اوغلان عیالی وار ایمیش. بو اوچ عمی
اوغلونون اوچو ده عمی قیزییا وورولورلار. قیز اونلارین قارشیسیندا بئله بیر شرط
کسیرکی، اوچ ایلییه سفره چیخین. هرهنیز بیر پشه اؤیره نیب قایدین. هانسی
نیزین صنعتی خوشوما گلسه، اونا اره گنده جهیم. عمی اوغلانلاری شرطی قبول
ائله ییب سفره چیخیرلار. بیر اوره گنده فیکیرلشیرکی، یاخشی رمال اولوب
قایدارام، بیرینی فیکیر آلیرکی، مندن هئچ نه اولمایاجاق، بو سفری هاوایی
ائدیرم. بو منوال ایله اونلار اوزاق بیر اؤلکویه گلیب چاتیرلار. اوره گنده
حکیملیک صنعتینی توتان عمی اوغلو کامیل بیر لوغماندان درس آلیر. آخیردا
لوغمان اونا بیر آلما دا باغیشلا بیر و دئییرکی، بو آلمانی ان آغیر خسته یه
یئدیرسن شفا تاپاجاق. رمال اولماق ایسته ین عمی اوغلو ان مشهور رمالدان بو
صنعتین سیرلارینی بیله نیر. آخیردا اوستادی اونا بیر آینا دا باغیشلا بیر و
دئییرکی، اوره گنده کیمی فیکیرلشسن اونون عکسینی بو آینادا گؤره جکسن.
اوره گنده هئچ بیر آرزوسو اولمایان تنبل عمو اوغلو ایسه اونا-بونا نؤ کرچیلیک

ائله ییب بوغازینی آنجاق دولانديرير. بيرگون يادينا دوشوركي، وطنه قاييتماق واختی چاتيپ. او، تله سيك يولا دوزه لير وها دابان باسير، گوروركي، يولو هئچ ياري دا ائلمه ييب. اونو دار آيقدا گورن قيرغي آغزينداكي سئحيرلي خالچاني اونون قاباغينا آتير. تنبل عم اوغلودا خالچايا مينيب "سوليمان پيغمبر عشقينه عمو اوغلانلاريم ايله راضيلاشديغيم داغين يانيندا اولماق ايسته بيرم" - دئمه گي ايله همن يترده اولماغي بير اولدو. گوردوكي، هله عمو اوغلانلاري گليب چيخماييبلار. بير آزدان اونلار دا گليب چيخديلار. حكيم عم اوغلو اوزونو بير خيلي اويندن سونرا نؤويه رمال عمو اوغلويا چاتدي. او، آيناني چيخاريپ عمي سي قيزيني كؤنلوندن كئچيردي و باخدي كي، او، جان اوسته دير. حكيم عمي اوغلو دئير:

- پهو! بو آلما اونا چاتسايدى، او اولمزدى. آنجاق بو دار ماجالدا اونا نئجه يئتيشه بيلرم؟

تنبل اوغلان اونلارين ايكيسيني ده سئحرلي خالچايا مينديرير، بير گوز قيرپيميندا اونلار قيزين يانيندا اولدولار. قيز آلمانى بين كيمي شفا تاپير. ايندى، آي منيم صئبتيمي دينله ينلر، دئين گورك قيز بو اوچ عم اوغلونون هانسينا چاتماليدير؟
خنجرين سوالينا اولجه پادشاه جاواب وئردى:

- قيز رمالا چاتماليدير. چونكى اونون آيناسى اولماسايدى، قيزين جان اوسته اولماغيني بيلمزديلر.

وزير دئدى:

- منيم تعبيريمجه قيز سئحرلي خالچاسى اولان عم اوغلويا چاتماليدير. چونكى اونون سئحرلي خالچاسى اولماسايدى، اونلار قيزين قيرخي چيخانا قدر آنجاق گليب چاتارديلار.

پادشاهین قیزی دئدی:

-یوخ، سیز ایکینیز ده دوز دئمیر سینیز. قیز حکیم عم اوغلو یا چاتمالیدیر. اونون آلماسی اولماسایدی، قیز شفا تاپمازدی.

خنجر پادشاهین قیزی نین سؤزونو تصدیقله ییب صُحبتینی قورتاردی. اسماعیل آیاغا قالخیب قیزا بیر آز درمان وئریب دئدی:

-صاباح یئنه گلیب خسته یه باش چکه جه یم. ایکی گونه کیمی قیز تامام-کامال ساغالاجاق.

شاهلا وزیر اسماعیلی یولا سالدیلار. اسماعیل گلیب هر شیئی دوستو محمودا ناغیللادی. سحر یئنه اسماعیل پادشاهین قیزینا باش چکمه یه گلدی. خسته ایله حال-احوال توتدوقدان سونرا اوتاغا گؤز گزدیریب، اوزونو دوواردان آسیلمیش خالچایا تودو:

-خالچا، بیر صُحبت ائله قولاق آساق.

خالچا دوواردان بیر آز سیلکله نیب صُحبتله باشلادی:

-بیر دولگر، بیر درزی، بیر حکیم سفره چیخیلارمیش. اونلار بیر مئشه ده گئجه له-مه لی اولورلار. راضیلا شیرلارکی، هرهمیز اوچ ساعات اویاق قالب کئشیک چکک کی، قورد-قوش بیزی یئمه سین. درزی ایله حکیم یاتیر، دولگر کئشیک چکیر. دولگر باخیر کی، اونو کور یوخو آپاریر. باشی قاریشسین دییه بوخچاسینی آچیب آراجلارینی گؤتورور و باشلا بیر آغاجدان قیز هئیکلی دوزلتمه یه. هئیکلی ائله یونوب دوزلدیر کی، ایکی گؤز ایسته بیر کی، تاماشا ائده. بو واخت دولگرین کئشیک چکمک واختی قورتاریر. او، درزینی یوخودان اویادیر کی، اونون یئرینده یاتسین. درزی باشلا بیر کئشیک چکمه یه. بیردن گؤزلری دولگرین دوزلدیگی هئیکله ساتاشیر. درزی ائله بیلیر کی، بو حقیقتن قیزدیر. آنجاق قیز

چیلپاق اولدوغو اوچون اونا یاخینلاشماغا اوتانیر و قرارا گلیرکی، اونا پالتار تیکسین. تئز درزی بوخچاسینی آچیب ایینه-ساپ، پارچا گؤتوروب اونا یاراشیقلی بیر دون تیکیر. دُونو اُونون آیینه گئیندیرنده گؤرورکی، بو قیز هئیکلیدیر. او دقیقه باشا دوشورکی، بو هئیکلی دولگر دوزلتمیش ایمیش. درزی نین ده کئشیک چکمک واختی قورتاریر. او دا حکیمی یوخیدان دورقوزورکی، اونون یئرینده یاتسین. حکیم باشلا بیر کئشیک چکمه یه. بیردن گؤزوبو "قیزا" ساتاشیر، هاییل-ماییل اولور. یاخینا گلیب اونو دیندیریر، گؤرورکی، بو قیز هئیکلیدیر. حکیم فیکیرلشیرکی، بوردا منیم ایشیم، درمانیم کارا گلمز، یوخسا بو هئیکله جان وئردیم. حکیم گؤزه گؤرونمزه یالواریرکی، قیز هئیکله جان وئرسین. حکیمین دوغاسی قبول اولونور. بو واخت دولگرله درزی ده اویانیر. قیزین اوستونده موباحیثه ائدیرلر.

ای قولاق آسانلار، سیز دئیین گؤرک، قیز کیمه چاتمالیدیر؟
پادشاه دئدی:

-اساس ایشی دولگر باشلایب. دولگرین ال قابیلیتی نین حئسابینا قیز ائله گؤزل اولوب. اونا گؤره ده قیز دولگره چاتمالیدیر.

وزیر ایچینی آریتلایب سؤزه باشلادی:

-منجه، قیز درزییه چاتمالیدیر. آخی موسلمانیق. قیزی آیرا سالان درزی اولوب.

پادشاهین قیزی دئدی:

-سیز یئنه یانلیرسینیز. قیز حکیمه چاتمالیدیر. چونکی او، حکیمین دوغاسی ایله جانا گلیب. جانسیز هئیکل حوری ده اولسا، کیمه لازیمدیر؟ دووارداکی خالچا قیزین جاوابینی دوغرو ساییب صُحبتینی تاماما یئتیردی.

اسماعیل آیاغا قالخیب پادشاهین قیزینا درمان ایچیرتدی و دئدی:

-پادشاه ساغ اولسون، صباح دا گلیب قیزینیزا باش چکه جه ایم. صباح
آخرینجی گوندور. قیزینیز تامام-کامال ساغالاجاق.

اسماعیل گلیب هر شئی دوستو محمودا ناغیللادی. سحری گون اسماعیل
پادشاهین قیزی نین یانینا گلدی. اوتاغا گۆز گزدیردی، اوزونو چیراغا توتدو:
-آی چیراق، بیر صُحبت ائله، قولاق آساق.

چیراق ایشاریب صُحبتینه باشلادی:

-بیر کیشی قیزینی زورلا سئومه دیگی بیر آداما اره وئیر. توی گئجه سی قیز
دردینی آچیب اره گلدیگی اوغلانا دئیر. اوغلان قیزین آیری بیر آدامی سئومه
سینی بیلیر پرت اولور. او، قیزا دئیر کی، سنه توخونمارام، منی سئومه ین آدامی
اؤزومه زورونان آرواد ائدئمهرم. قاپی آچقیدی، هارا ایسته بیرسن گئت. قیز باش
آلیب ائودن چیخیر. یولدا بیر آصلان قیزا هوجوم ائدیر. بو یاندان بیر پهلوان
چیخیب آصلانی بوغور و قیزی خیلاص ائدیر. قیزین سئودگیگی اوغلان دا بو
بیری طرفدن چیخیر. قیزا قاپی نین آچیق اولدوغونو گؤسته رن اوغلان دا قیزین
اونون کینلی آروادی اولدوغونو یادینا سالیب تئز اونون دالینجا یووردو.
الغرض، بو اوغلان دا گلیب اونلارین یانینا چاتدی. قیزین اوستونده اوچ اوغلان
ائجشمه یه باشلادی. ای صُحبتله قولاق آصلانلار، سیز دئین گؤرک قیز کیمه

چاتمالیدیر؟

پادشاه دئدی:

-پهلوان اولماسایدی، قیزی شیر بیبه جکدی. اونا گؤره ده پهلوانین اولمالیدیر.

وزیر دئدی:

-قیز اره وئریلن اوغلانین اولمالیدیر. چونکی، شریعتله گؤره، اونلارین آراسیندا
کین کسلیب.

پادشاهین قیزی دئدی:

-سیز یئنه ده یانلیرسینیز. قیز نه اره گتدیگی اوغلانی، نه ده پهلوانی سئومیر. قیز اونو سئون اوغلانین اولمالیدیر.

چیراق ایشاریب قیزین جاوابی نین دوغرو اولدوغونو تصدیقله دی و صُحبتی تاماما یئتیردی.

اسماعیل یئنیدن قالخیب پادشاهین قیزینا درمان ایچیردیب دئدی:

-پادشاه ساغ اولسون، تا قیزینیز تامام ساغالیب. من بورجومو یئرینه یئتیردیم. بوندان سونرا کی مصلحت سنیدیر.

پادشاه دئدی:

-گئت حاضرلاش. صاباحدان قیزی می سنه وئریب قیرخ گون، قیرخ گئجه توی ائلییه جه یم.

اسماعیل گلیب هر شیئی دوستو محمودا ناغیلادی. محمود دئدی:

-تویدان سونرا قیزا توخونما. سببینی سونرا دییه رم.

پادشاه قیرخ گون، قیرخ گئجه توی ائله ییب، قیزینی اسماعیلا وئردی. اسماعیل دوستونون تاپشیریغینا عمل ائله ییب قیزا توخونمادی. بیر گون اسماعیل محمودون مصلحتی ایله سفره چیخماق اوچون پادشاهدان اذن آلدی. اسماعیل، پادشاهین قیزی و محمود یولا دوزلدیلر. اونلارین یانیندا چکیدن یونگول، قییمته آغیر دؤرد آت دا وار ایدی کی، داش-قاشلا یو کلنمیشدی. اونلار گلیب بیرینجی دفعه گؤروشدوکلری آغاجین یانینا چاتدیلار. محمود دئدی:

-اسماعیل، قارداش بو آغاج سنه تانیش گلیر؟

اسماعیل الینی آغاجین بوداغینا آتیب دئدی:

- آی قارداش، نئجه گلیمیر؟ بیز بو آغاجین آلتیندا عهد-پئیمان باغلایب دوست اولموشوق.

محمود دئدی:

- ایندی ده بیز بو آغاجین آلتیندا آیریلمالییق. آنجاق آیریلمامیشدان قاباق هر شئی یاری بؤلمه لی بیک.

اسماعیل دئدی:

- محمود، قارداشیم، سن منیم یولومدا چوخ زحمت چکمیسن. پادشاهین قیزیندان باشقا یئرده قالان هر شئی سنه وئریب گئدیرم. حالال خوشون اولسون.

محمود دئدی:

- سن نه دانیشیرسان؟ من دئدیم کی، هر شئی یاری بؤلمه لی بیک، داش-قاشلاری دا، پادشاهین قیزینی دا. اؤزوم ده فیکیر وئیریم کی، سن بو پادشاهین قیزیندان قوپماق بیلیمیرسن. بیرینجی ائله اونو یاری بؤلجه بیک. یادیندامی، سنه دئمیشدیم قیزا توخونما. محمود سؤزونو قورتاران کیمی قیلینجی سیبیریب قیزین باشی نین اوستونه قالدیراندا قیزین آغزیندان بیر قارا ایلان قیژیلتی ایلا چیخیب آغاچا دولاشدی. محمود قیلینجی بئلینه تاخیب اسماعیلی قوجاقلادی.

- من اؤزوم ائله ائتدیم کی، قیزین قارینداکی ایلاندان اونون یاخاسینی بیردغه لیک قورتارام. داها بو قیزا زاوال یوخدور. قیزی دا گؤتور، داش-قاشلاری دا، بیرباشا گئت گؤزلری توتولموش آتانین یانینا. آل بو بیر خیشما تورپاغی دا سورت اونون گؤزونه، قوی دنیا ایشیغینا حسرت قالماسین.

اسماعیل دئدی:

- محمود، قارداشیم، دئدیکلرینی یئرینه یئتیره جهیم، آنجاق منی بو سیردان حالی ائت گؤروم سن کیمن؟

محمود دئدی:

-من سنین الین له ایکینجی دفعه حیاتا قایدان قیزیل بالیغام. سؤزو تاماما یئتیریب یوخ اولدو. اسماعیل پادشاهین قیزی دا گؤتوروب آتاسی نین یانینا گلدی. اووجونداکی تورپاقدان اونون گؤزلینه سورتدو. هاندان-هانا کیشی نین گؤزلی آچیلدی. او، اوغلو اسماعیلی تانییب باغرینا باسدی. اسماعیل باشینا گلنلرین هامیسینی آتاسینا ناغیللادی. آتاسی اسماعیل ایله پادشاه قیزینا تزه دن قیرخ گون، قیرخ گنجه توی ائلدی. اونلار یئیپ ایچیب خوشبخت یاشادیلار. سیز ده یئیپ ایچیب خوشبخت اولون.

شاه عباسین صنعتی

بیری وار ایدی، بیری یوخ ایدو. عاغیلی بیری شاه وار ایدی. اونا شاه اوغلو شاه عباس دئیردیلر. بیری گون شاه عباس الله وئردی وزیر یانینا چاغیریب دئدی:

-وزیر، یادیندامی سنینله خصوصی حرفلردن عبارت اولان بیری الیفبا دوزلتمیشدیک. او دا یادیندادیرکی، بو حرفلری ایکیمیزدن ساوایی هنج کیم اوخویا بیلیمیر. صاباحدان لباس دیشدیریب اوزاق سفره چیخیرام. چتین لیه دوشسم سنه همین الیفبا ایله مکتوب یازاجام. من قایدانا کیمی اولکه نی عدالتله ایداره ائدرسن. شاه عباس سؤزونو تاماما یئتیریب لباس دیشدیردی. آز گئتدی، چوخ گئتدی، یئددی شهر، یتمیش یئددی کند کئچدی، گلیب بیری قالاچایا گوردی. گوردوکی، بورادا بیری قوجا کیشی ایله گؤزل بیری قیز وار. شاه عباس کیشیدن روخصت آلیب بیری گنجه لیگه اوردا قوناق قالدی. اما شاه عباس اورگینده کیشی نین قیزینا برک وورولموشدو. سحر کیشی اونو یولا سالاندا شاه عباس دئدی:

- آی کیشی، منیم آدیم عباسدیر. شاها برابر واریم - کاریم وار. سنین قیزیوی
گوروب، اونا وورولدوم. اذن وئرسن، اونونلا ائوله نهرم، سن ده بیر گون گوررسن.
کیشی دئدی:

- من راضیام، آنجاق قوی بیر قیزی می دیندیریم، گوروم نه دئیر. صاباح گلرسن
هن - یوخونو دئیرم.

شاه عباس کیشی نین دئدی کلرینن راضیلاشدی. کیشی گلیب هر شئی قیزینا
سؤیله دی. قیز چوخ عاغیللی ایدی. اودورکی، آتاسینا دئدی:

- آتا، اویرن گور او آدام نه صنعتین صاحابیدی. اگر بیر صنعتی اولماسا، من اونا
اره گتتمهرم. سحری گون شاه عباس گلدی. کیشی قیزی نین دئدی کلرینن اونا
چاتدیردی. شاه عباس دئدی:

- آی کیشی، من صنعتی نئیرم. آغزیمدا سنه دئیرم کی، شاها برابر آدامام، وار-
کاریم یئددی نسلیم، کؤکوم یسه قورتارماز. گتت قیزی نین باشا سال. آل بو بیر
کیسه قیزیلی دا، وئر اوژونه جهیز-مهیز آلسین. کیشی قیزی نین یانینا قایتدی. هر
شئی یئیدن اونا باشا سالدی. آنجاق قیز یئنه راضیلیق وئرمه دی کی، او، بیر
صنعت بییه سی اولمویونجا اونا اره گتتمیه جک. ایسته بیر بئله وار-کاری دنیا
بویدا اولسون. شاه عباس شاه اولماغینی گیزلندیگیندن کیشی اونا عباس کیمی
موراجعت ائدیردی. اودورکی، قوجا گلیب گوناهاکار آداملار کیمی اونون
قباغیندا دایاندی:

- عباس، اوغول، قیزیم دئیر او بیر صنعت صاحیبی اولماسا، خئیری یوخدو، اونا
آرواد اولمارام. باخ قیزیلی دا دالا قایتاردی. منیم ده سنه بیر دنیا گورموش آدام
کیمی مصلحتیم بودورکی، گئدیب بیر صنعتی اویره نیب گله سن. اوندا قیزیمین
بهانه سی کسیر. شاه عباس کیشی نین مصلحتینه قولاق آسیب یولا دوزلدی.

گلیب تبریز شهرینه چاتدی کی، همن شهره صنعتکارلار شهری دئییردی لر. شاه عباس بو شهرده کئچه چیلیک صنعتینی کامیل بیلن بیر اوستادان درس آلمایا باشلادی. بو صنعتی اؤیرندیکن سونرا ائله ناخیشلی کئچه لر توخودوکی، اؤز و ده حیران قالدی. شاه عباس سئوینجک قیزین آتاسی نین یانینا قایتدی. قیز اونا بزکلی بیر کئچه توخوتدوردو قدان سونرا اونون صنعتینی بئندی و اونا اره گتتمه یه راضیلیق وئردی. شاه عباس بو قیزلا ائولندی. بیر نئچه آی بو شهرده قالدیقدان سونرا یادینا دوشدوکی، اؤلکه نی الله وئردی وزیرین اومیدونا قویوب گلدیگی واختدان خیلی زامان کئچیب. اودورکی، قیزا دئدی:

-منیم بیر سفریم وار، گرک گئدم. قیزیم اولسا هئج، اوغلوم اولسا سنه وئردیگیم بازویندی باغلارسان قولونا، گلیب منی تاپار. شاه عباس سؤزونو تاماما یئتیریب یولا دوشدو. گئدیب بیر شهره چیخدی. دلک توکانی نین قاباغیندان کئچنده یادینا دوشدوکی، گور نئچه واختدیر اوزومو ووردورمامیشام. تئز دلک توکانینا گریب ایلشدی. دلک آیاغی ایله یئرده کی قارا میخی نئجه ترپشدیردیه او، کلله معلق توکانین آلتینداکی زیرزمیه دوشدو. باخدی کی، پهو، بوردا اونون کیمی اون-اون بئش نفر ده وار. اونلاردان اؤیرندی کی، بورا سالینانلاری بیر-بیر حیوان کیمی کسب اتینی قاهیره ده یاشایان بیر تاجیره باها قییمته ساتیرلار. همن تاجیرین خسته قیزی آنجاق اینسان اتینی یئمگین حسابینا یاشاییر. شاه عباس اولان-قالان قیزیلارینی کندچی قیزی نین یانیندا قویوب گلدیگیندن جیبینده آنجاق قییک-قوروش قالمیشدی. زیرزمین بیر کونجونه چکیلیب چاره اختارماغا باشلادی. اؤیرندیگی کئچه چیلیک صنعتی یادینا دوشنده بیر آز توختادی. قولدورباشی زیرزمین قاپسینی آچیب ایچهری گیرنده شاه عباس اونا یان آلدی.

-منیم اتیمدن یوخاری باشی مین تومن قازاناسان، یا قازانمایاسان. آنجاق منیم الیمدن ائله بیر ایش گلیرکی، سن هر هفته مین تومن پول قازانارسان. من کامیل کئچه چیم، توخودوغوم کئچه لرین سوراغی هیندیستاندان بئله گلیر. قولدورباشی بیر آز فیکیرله شیب اونو زیرزمین آلتیندا اولان بیر اوتاغا گتیردی. قاباغینا خیلی یون تۆکوب لازیم اولان لوازماتلاری دا حاضرلادی. سونرا اوزونو اونا توتوب دئدی:

-گؤستر هونرینی. بوردان قاچماغی عاغلینا بئله گتیرمه. شاه عباس بیر کئچه توخودوکی، حیران قالان قولدورباشی دئدی:

-سن، دوغوردان دا، ماهیر توخوجوسان. سنی اؤلدورمه جه بیک، آنجاق عؤمر وون آخیرینا جان بوردان قالیب کئچه توخویا جاقسان. شاه عباس ناعلاج قالیب راضی اولدو. اونون توخودوغو کئچه لر تاجیرلرین اللرینده گزدی. بیر گون او کئچه توخویان زامان الله وئردی وزیرله آرالاریندا اولان حرفلر یادینا دوشدو. شاه عباس بوندان سونرا توخودوغو کئچه لرین هامیسی نین اوستونده الله وئردی خانا همین حرفلره مکتوب یازیب، حال-قضیه نی تصویر ائتدی. همین حرفلردن هئچ کیمین باشی چیخمادیغینا گؤره اونلار گؤزل ناخیش کیمی گورونوردو.

گون او گون اولدوکی، همین کئچه لردن بیرینی الله وئردی وزیرین قیزی تاجیردن آلیب قاپی نین آغزینا آسدی. الله وئردی وزیر ائوه گیرنده کئچه دیقینینی جلب ائتدی. دیقته باخاندا گوردوکی، ای دل غافیل، شاه عباس اونا مکتوب یازیب. الله وئردی وزیر کئچه نین اوستونده یازیلانلارین هامیسی اوخویوب هر شئیدن حالی اولدو. سحریسی گون قوشون گؤتوروب گئتدی. همین یترین آلتینی اوستونه چئویردی. شاه عباسی گؤتوروب ساغ-سالامات گئری قایتدی. شاه عباس لباسینی دیشیب تاختیندا ایلشدی. او، الله وئردی وزیرله دردلشمه بینده

اولسون، سنه کیمدن دئییم، کندچی قیزینان اوغلوندان. اوغلان بیر گون آناسینا دئدی:

-آی آنا، دئییردین کی، بؤیوینده بازویندی وئرجه یم گئدیب آتانی تاپارسان. ایندی بؤیوموشم بازویندی گتیر وئر منه، گئدیم آتامی سوراقلایب تاپیم. آرواد بازویندی گتیریب اونا وئردی:

-اوغول، سنه یاخشی یول. آنجاق یادیندان چیخارتماکی، آتاوون آدی عباسدیر. اوغلان آناسی ایله گؤروشوب اوپوشدو کدن سونرا یولا دوزلدی. یئددی شهر گزدی، یتمیش یئددی کند کئچدی. آخیردا گلیب بیر شهرده آیاق ساخلادی. بیر توکانین قباغیندا دوروب اونون نورانی صاحبینی دوغما آدام کیمی سئیر ائلهدی. قریب اوغلانین حرکتی توکان صاحبینی نین دیقیتندن یاینمادی. او، اوغلانین یانینا گلیب اونون کیملیگینی، هاردان گلیب هارا گئتدیگینی سوروشدو. اوغلان دئینده کی، عباس آدیندا بیر کیشی اونون آناسیدیر، ایندی اونو آختارماغا چیخیب توکان صاحبینی گولمک توتدو. دئدی:

-آی اوغول، بو اوّلکه ده او قدر عباس وارکی، گل توکانا بیر دردله شک. اگر راضی اولسان یانیمدا قالب توکانیمی ایشلمکده منه کؤمک ائدرسن. اوغلان اونون یانیندا قالماغا راضی اولدو. اوغلان باشلادی یاواش-یاواش توکانی ایشلمه یه. بیر گون جارچیلار جار چکدیلرکی، توکان-بازار صاحبیلری توکانلارینی آچیق قویوب اوّلری ائولرینه گتسینلر. الله وئردی وزیرین قیزی توکانلاری گزه جک. هامی ائو-ایشیگینه داغیلشدی، بیرجه اوغلاندا ساوایی. اوغلان اولکی قایدایلا توکاندا ماللاری چئشیدله بیردی. بو واخت الله وئردی وزیرین قیزی قیرخ اینجه بئل قیزلا ایچهری گپردی. اونلار اوغلانی گؤرن کیمی حیرتلندیلرکی، بو بویدا شهرده الله وئردی وزیرین امرینه بیرجه بو اوغلان عمل

اتمه ییب. الله وئردی وزیرین قیزی اوغلانی گؤرن کیمی بیر کؤنولدن مین کؤنوله اونا وورولدو، آنجاق بونو قیزلارا بیلدیرمه مک اوچون قصدن اوغلانا آجیقلاندی.

-آتامین امرینه عمل اتمه دیگینه گؤره ان آغیر جزا آلاجاقدان. شجاعیتینی آسیلاندا گؤسته ررسن.

الله وئردی وزیرین قیزی بو سؤزلری دئیرکن گؤز-قاشیلا حیم-جیم ائله دی. اوغلان قیزین قصدن آجیقلی دانیشدیغینی باشا دوشونجه اؤزوندە توختاقلیق تاپدی. الله وئردی وزیرین قیزی ائوه قایداندا همن بیر کنکان تاپدیردی. قیز کنکانا ایکی کیسه قیزیل وئریب اؤز اوتاغیندان همن توکانا قدر لاغیم آتماغی تاپشیردی. کنکان بیر گونه اؤز ایشینی گؤروب قورتاردی. الله وئردی وزیرین قیزی اونا بیر خیلی انعام دا وئریب تاپشیردی کی، بو باره ده هئچ کیمه دانیشماسین. قیز قاراواشینا لاغیملار اوغلانین توکانینا گؤندردی. چوخ کئچمه دی کی، قاراواش اوغلانی گؤتوروب گئری قایتدی. قاراواش الله وئردی وزیرین قیزی نین حضوروندان آزاد اولدوقدان سونرا یئیب ایچدیله، اوتوروب دردلشدیلر. بو منوال ایله اونلار اوچ گوندن بیر گؤروشوردولر. بیر گون شاه عباسلا الله وئردی وزیر لباس دیشدیریب اولوب شهری گزمه یه چیخدیله. اوغلان اونلاری اؤز توکانیندا درویش کیمی قارشیلادی. بو واخت قاراواش لاغیمدان چیخیب اوغلانا دئدی:

-توکانی باغلا، گئدک، یارین سنی قوناق چاغیریب.

اوغلان اؤزونو ایتیرسه ده، اؤزونو او یئره قویما ییب دئدی:

-گئت خانیم دئی کی، قوناغیم وار، بو گون گله بیلیمه جه یم.

قاراواشین آشاغی آیلمه سینن گؤزدن ایتمه گی بیر اولدو. شاه عباسلا الله وئردی وزیر فیکیر آپارمیشدی کی، بو نه اولان ایشدیر. اوغلان "درویشلر" بیر تیکه چؤرک وئرمک ایسته بیردی کی، قاراواش ایکنجی دفعه لاغیمدان چیخیب دئدی: -خانیم دئیر کی، اونون قوناغی منیم ده قوناغیمدیر. قوناقلارینی دا گؤتوروب گلین، یاخشیجا فیسینجان پلوو حاضرلامیشام. اوغلان چاره سیز قالب درویشلری ده گؤتوروب لاغیما گوردی. قیز اؤز اوتاغیندا قوناقلاری قارشیلارکن آتاسینی و شاه عباسی تانییب ایسته دی کی، نه ایسه اتتسین، الله وئردی وزیر قیزینا ایشاره ایله قاندردی کی، آرتیق-اسکیک دانیشسا، بوینونو ووردوتدوراجام. یئمک-ایچمکدن سونرا اوغلان درویشلری ده گؤتوروب همین لاغیملار توکانا قایتدی. اونلار رحیمی گلیب بیر-ایکی شئی ده پای وئریب یولا سالدی. شاه عباسلا الله وئردی وزیر سارایا قایدان کیمی لباسلارینی دیشیب مصلحت لشمه یه باشلادیلار. شاه عباس دئدی:

- الله وئردی وزیر، حیس ائله بیرم کی، سن قیزینی اؤلدورمک ایسته بیرسن. اؤزونو اله آل. قیزیندا گوناہ یوخدور، گوناہ توکانچی اوغلانلادی. اونو اؤلدورمکله بو ایشی سیل-باتیر ائلمک اولار. قیزیوین دا آدی دیله-دیشه دوشمز، سنین ده آدین لکه لئمز. الله وئردی وزیر شاه عباسین تکلیفینی بئندی. توکانچی اوغلونو توتوب گتیردیله. مئیدان سولاندی، دار آغاجی قورولدو. شاه عباس اوغلانا سون سؤز وئردی. اوغلان دئدی:

-شاه ساغ اولسون، من توکانچی نین اوغلو دئیلیم. من بو شهرده قریب بیر آدامام. آتامی آختارا-آختارا گلیب بورا چاتمیشام. شاه عباس اوغلانین دانیشیقلا ریندان شوبهه لندی. سوروشدوکی، آتاوین آدی ندر؟ اوغلان جیبیندن بازویندی چیخاردیب دئدی:

-بو بازویندی او واختلار آنا ما او وئریب و دئییب کی، آدی عباسدیر. اوغلان سؤزونو تاماما یئتیرنده آز قالدی شاه عباسین اوره گی خراب اولا. اولوم حؤ کمونو لغو ائدیپ، جاماعاتا داغیلیشماغا امر ائتدی. سونرا اؤزونو آله وئردی وزیره توتوب حال-قضیه نی اونا دانیشدی. شاه عباس اوغلونو باغرینا باسدی. بیر سووار گؤندریب اونون آناسینی دا سارایا گتیردی. آله وئردی وزیرین قیزی نی اوغلونا آلیب، قیرخ گون، قیرخ گئجه اونلارا توی ائله دی. اونلار یئیپ-ایچیب یثره کئچدی لر. سیز ده یئیپ ایچیب دؤوره کئچین.

فلکین چارخی

بیر آیبک شاه وارمیش. بو آیبک شاه چوخ معتبر، ساییلان شاهلاردان حئسابدی. اؤزو ده الله چوخ یاخین آدامیدی. ایش ائله گتیریر کی، همن آیبک شاهین یانینا بیری گلدی کی، سن دئیرسن پیغمبری من چوخ ایسته بیرم. اونون خاطرینه بو گوندن اوچ گونلویه پادشاهلیغی وئر منه. شرط کسیددی. دئیر کی، نئینیک. پادشاه همیشه تئزدن گئردی، آخشام چاغی گلردی. بو دفعه گون اورتادان گلدی. پادشاهین خاتونو خبر آلدی کی، نییه بئله تئز گلمیسن؟ دئدی:

-بو گوندن خیدیرنبی نین یولوندا پادشاهلیغی وئرمیشم بیر شخصه.

اوچ گون کئچندن سونرا بو گئتدی کی، وخت تامامدی، گل گئت. دئدی:

-جاماعاتی بیغاق، سنی ایسته بیر تاختدا سن اوتور، منی ایسته بیر، من اوتوروم. بو جاماعاتی او اوچ گون عرضینده اؤزونه طرف چکمیشدی، اودوکی، جاماعات

اونو ایسته‌دی. آییک شاه‌ی تاختدان سالدیلار. اونون بیر باش حرمی واردی، چوخ گۆزلدی، اؤزو ده ملیکه خاتون آدیندا. بو ملیکه خاتونون گۆزلیگی نین سس-سوراغی عالمه یاییلمیشدی. بونون دا بیر وزیر ی واردی. آدینا قام دئییردی. قام همیشه بو پادشاه لیقدا اولاردی، آیری یثره گتمزدی. بیر گونلری گتدی بازارا. گۆردو هر یثره آییک شاهین آروادی نین گۆزلیگی نین دئییرلر. گلدی ائوینه. دئدی کی، والللاه، گرک من ده گئدم گۆرم او، تعریفه گۆره وار، یا یوخدو. ملیکه خاتونون بیر عیمارتی واردی، اوردا یاشایردی. اؤزده خاصیتیدی، صوبح نامازیندان سونرا چیخاردی کولافیرنگی یه، تاماشا ائدر، حظ آلاردی. گۆردو وزیر قام دورویدو باغین داروازاسی نین قاباغیندا. کنیزی واریدی آغجاقیز آدیندا. دئدی کی، آغجاقیز، گئت او وزیر گتیر بورا. وزیر گلدی گۆردونه تهر جاماعات دانشیرسا، یوخ، بلکه اون دفعه آرتیق بو خاتونون گۆزلیگی وار. ملیکه خاتون قام دئدی:

- وزیر، خوش گلیمسن. نه عجب گلیمسن؟

دئدی:

- دوزو، دونن سنی چوخ تعریفله دیلر، من ده دئدیم گۆروم اونا لاییق سن، یا یوخ.

دئدی:

- عاغلین نه کسدی، من لاییق اولارام، اولمانام؟

دئدی:

- البته.

بئله دینده ملیکه خاتون آغجاقیزا دئدی:

- گئت منه قیرخ متیر کندیر آل، گل.

وزیر قورخویا دوشدو. دئدی:

-یقین منیم سؤزوم بونا آجیق گلدی.

قام گلدی ائوینه. آروادینا دئدی کی، آرواد، ائوده نه قدر کی، اشیا وار، هامیسینی بیغ، منی اؤلدوره جکلر.

دئدی: آ کیشی، سنه نه اولوب؟

دئدی: -یوخ ائی، من بیلیرم کی، منی اؤلدوره جکلر. بیله لیکله قام اورادان گئتدی، ایندی قام گتتمکده اولسون، سیزه دانیشیم آیبک دن.

آیبگی پادشاه لیقدان سالدیلار، او واخت هانسی پادشاهی کی، هانسی پادشاه شاه لیقدان سالیردی، سورگون ائله بیردی باشقا ولایتلره کی، گتتسین باشینی دولاندیرسین.

آیبکی سورگون ائله دیلر. ملیکه خاتونو دا کنیز ساتیلان بازارا گؤندر دیلر کی، ساتیلسین. قام دا بو شهردن چیخدی، آیری شهرده اؤزونه مسکن سالدی. تاجیر صیفتینده باشلادی دولانماغا. بیر گون کنیز ساتیلان بازارا گتتمیشدی گوردوکی، یازیبیلار:

”میصیر شاهی آیبک شاهین باش حرمی ملیکه خاتونون کنیز بازاریندا ساتیلماسی اعلان اولونور.“

قام بونو گؤرنده حالی دیشیلدی. دئدی:

-وای، آیبک شاهین آروادی ملیکه خاتون کنیز حسابینا ساتیلیر. بو نه دی؟ او قدر دوردوکی، بیر ده گوردو کجاوه گلیر. ملیکه خاتونو کجاوه دن یئندیر دیلر. بونا موشتی چوخ چیخدی. اوندا بئله بیر عادت واریدی کی، سن دئییردین کی، بئش مانات وئریرم، او بیری دئییردی، یوخ، اون مانات وئریرم. بئله-بئله، او قدر دئدیلر کی، تا آخیرینجی قییمتی وئرن اولمادی. اولمویاندا بو قام او ساعات پولو

وئردی، ملئیکه خاتونو آلدی، گتیردی ائوینه. چاغیردی آروادینی، دئدی کی، بیر اوتاغی بوشالدىن، بزه دین، ایکی کنیزله وئرین حیمایه سینه. بونلار بوردا قالسین، آما ملیکه خاتون وزیرى تانیمیر، ائله بیلیر بو، تاجیردی. تاجیر بیر گون گئدیردی، گوردو بیر سائل دولانیر. گوردو همن آیبک شاهی. یاخینلاشدی، دئدی:

-نه گزیرسن؟

دئدی:

-سائل آدامام دا، گزیرم.

جیبیدن چیخارتدی بونا خئیلی پول وئردی.

دئدی:

-آ سائل، بو شهرین عادتى پیسدى. سنى توتاجاقلار، قاتاجاقلار زیندانا. گل سنى من آپاریم ائویمه. گلندن سونرا بیر اوتاغی دا دوزلتدی، بزتدی، دئدی:

-اوردا منیم قارداشیمین توکانی وار. قارداشیملا هر گون آل وئر ائلییرسن. بو قارداشیملا آل وئر ائدیر. ملیکه خاتونا دا کنیزلر یاخشی یاخشی باخیر. آخیر نهایت بیر گون چاغیردی تاجیرلری. دئدی:

-جاماعات، گلین بورا، یاخشی خئیر ایشیم وار.

گلدیلر بیغیشدیلار. یاخشی قوناقلیق دوزلتدی. یئدیلر، ایچدیلر.

تاجیر دئدی:

-بیلیرسینیز نه وار؟

من بو قوناقلیغی دوزلتمیشم اونا گوره کی، منیم بیر قارداشیم قیزی وار، اونو وئره جه یم قارداشیمین اوغلونا. هامی یئر بیئردن دئدی:

- الله مبارک ائله سین، الله مبارک ائله سین.

سونرا بیر خیلی کئچدی. بیر گون یئنه جامعاتی چاغیردی. دئدی:

-جامعات، ییغیشین بورا، منیم بیر خئیر ایشیم وار.

دئدی:

-بوگون قارداشیمین قیزینان، قارداشیمین اوغلونون شیرین چایینی ایچه جه بیک.

یئردن هامی دئدی:

- الله مُبارک ائله سین، الله مُبارک ائله سین.

یئنه بیر خئیلی کئچدی. سونرا چاغیردی جامعاتی، دئدی:

-ییغیلین بورا، بوگون من پالتار بیچدیره جه یم قیزا، هامینیز مُبارکدارلیق وئرین.

هامی یئر بیئردن دئدی کی، مُبارک اولسون، یاخشی اولسون.

بیر گون چاغیردی، دئدی کی، جامعات من قارداشیم قیزینین، قارداشیم

اوغلونون کبین کسدیره جه یم. کبین کسدیردی، راستلادی، هر شئی دوزلندی.

سونرا گلین اوتاغینین اورتاسیندان بیر پرده آسدیردی. او پرده نین دالیندا گلین

اوتوراجاق، بری سینده ده اوغلان اوتوراجاق. ایکی ده قاراوول قویدو قاپییا. دئدی:

-اونلارا یاخشی فیکیر وئرین، گؤرون شادلیق اولاجاق، یوخسا مایوسلوق

اولاجاق. قاراووللار باخیرلار کی، اوغلان بریده اوتوروب، گلین ده او یاندا- پرده-

نین دالیندا. بونلار چوخ مایوس اولدولار، چوخ آغلادیلار.

اورگینده ملیکه خاتون دئدی:

-اٹوین بیخیلماسین، اٹوین تیکیلسین سنین آیک. گؤر نه حالا قالمیسان کی،

سنین ملیکه خاتون کیمی گؤزه لین آخیردا کیمه گلدی قسمت اولدو. تاجیرین

قارداشی اوغلونا. منیم آخیریم هارا گلدی دایاندی. آیک ده بری ده فیکیر ائله دی.

دئدی:

-آییک کیمی شاه تاختیندان دوشوب آخیردا گلیب بو یثره چاتیب کی، تاجیرین قارداشی قیزی نی آیرام.

بو گنجهنی چوخ مایوسلو قلا کئچیرتدی لر. سحر تاجیر سوروشدو. قاراووللار دئدی کی، چوخ بدین لیکله کئچدی. آخشام اولدو. یئنه گلین اؤز یئرینده اوتوردو، اوغلان اؤز یئرینده. گنجهدن بیر خئیلی کئچمیشدی. ملیکه خاتون دئدی: -آی اوغلان، سن منی نییه دیندیرمیرسن؟ سن بیلیرسن من کیمم؟ من میصیر شاهی آییک شاهین باش حرمی ملیکه خاتونام. گؤر منه نولدوکی، سنه قسمت اولدوم. اوغلان دا دئدی کی، آی ملیکه خاتون، سن کی، حيله دئییرسن، بیلیرسن من ده کیمم؟ میصیر پادشاهی واردی کی، آییک شاه، ائله او آییک شاه منم،- دئدی، پرده نی قوزادی.

سحر باخدی لار قام گلیر. قاراووللار دئدی لر:

-چوخ شادیق کئچدی.

تاجیر جاماعاتی بیغدی، دئدی:

-جاماعات، من توی ائلییه جهیم. گلینی ده کؤچوره جهیم باشقا عیمارته. توی باشلادی. وورهاویر، توت ها توت، آخیرکی، ملیکه خاتونو کؤچوردو همین عیمارته. جاماعاتی بیغدی. اورتادان پرده آسدی. آییک شاها دئدی:

-ای تاجیر، به سن بیر بئله کی، عذاب-اذیت چکدین، آخی بونون معناسینی من باشا دوشمه دیم. دئدی:

-شاه، منه واخت وئر.

گئتدی، او تاجیر لباسین چیخارتدی، وزیر لباسینی گئیدی. آییک باخدی کی، بو قام دی. بئله اولاندا هوشو گئتدی. دولدولار بونون باشینا، اؤزونه گتیردی لر. آییک سوروشدو، بو نه ایشدی؟

تاجیر دئدی:

-باش حرمین ملیکه خاتوندان سوروش قیرخ متیر کندیری ئئینیردی؟

شاه دئدی:

-بو نه حاق-حئسابدی؟

ملیکه خاتون دئدی:

-من او قیرخ متیر کندیری اونا گؤره آلیردیم کی، فلگین چارخی وار، بیر اوجونو باغلیام فلگین چارخینا، بیر اوجونو ساخلیام الیمده کی، دؤنمه سین، من دونیادا همیشه لیک یاشاییم. آما فلگین چارخی دؤندو. من آخیردا گؤردوم کی، باشیمیزا نه اویون گلدی. بوردا ناغیل قورتاردی. سیز ساغ، من سالامات.

قارا قول "ون ناغیلی"

بیری وار ایدی، بیری یوخ اویدو. قدیم زامانلاردا بیر پادشاه وار ایدی. چوخ عادل، مرحمتلی اولان بو پادشاه اؤلکه سینده یاشایانلارین قیدینه چوخ قالدیدی. گونلرین بیر گونونده بو پادشاه گنجه گئدیر چوخ اوزاق محلله لردن بیرینه کی، گوروم جاماعات نه ایشله مشغول اولور. پادشاه بیر اوچوق ائوین یانیندا کئچنده گورور کوچه قاپیسیندا بیر قولو چیرمالی، الینده قارا قلم، قارا کاغیز اولان کیشی چیخدی. پادشاه فیکیر وئریب گوردوکی، کیشی نین الینده کی قارا کاغیزا نه ایسه آغ جیزما-قارا ائدیلیب. او، کیشینی ساخلایب سوروشدو:

-دئ گوروم کیمن و خالقین ائوینده نچه واختدیر نه ایشین وار؟

کیشی دئدی:

-ای پادشاه، ال چک گئت. منیمله ایشین اولماسین.

او، چوخ دئدی، بو آز ائشیتدی، آنجاق پادشاه کیشیدن ال چکمه دی. آخیری کیشی دئدی:

-من یازی یازانام. بو ائوده بو دقیقه بیر اوغلان دونیا یا گلدی کی، او، چوخ عیبه-جر و قارادیر. آدینا قارقول دییه جکله. او، سنین قاپیندا قوللوق ائده جک. ایندی گلدیم سنین قیزی نین قیسمتینی بونا یازدیم.

پادشاه غضبله نیب دئدی:

-کیشی، نه بوش-بوش چرنله بیرسن؟ منیم قیزی می بیر کاسیبا تایمی ائدیرسن؟ سن بیلیرسن کی، بو عؤمر ونده اولایلمز؟

کیشی دئدی:

-اونو بیل کی، هر نئجه اولورسا-اولسون، منیم یازیم پوزو یوخدور.

پادشاه دئدی:

-من سنین او یازینی پوزارام، سن ده گؤررسن.

کیشی دئدی:

-یاخشی، گؤروشهریک. نه واخت کی، سن قیزینلا بو قارا قولون اوشاقلارینی اویناداجاقسان، اوندان من گلیب سنه دیهرم.

کیشی بونلاری دئییب یوخ اولدو. پادشاه ائولرینه گلیب خیلی فیکیرلشدی. گونلرین بیر گونونده پادشاهین اوغلو خسته نیر. پادشاه جار چکدیریر کی، بس کیم اوغومون دردینه علاج ائلهسه، اونون قیزی می آلماقدان باشقا، بوتون ایستکلرینه عمل ائده جگم. پادشاهین اوغونون دردینه چاره تاپان اولمور. همین واخت قارا اوشاق آرتیق بؤیوموشدو. او، گئجه یوخو گؤرور. یوخودا اونا دئییرلر کی، گئت شهرین کناریندا قایانین دؤشونده بیر ساری چیچک وار. اونو در، قوروت، دؤی، تۆک پادشاهین اوغونون آغزینا. سونرا اوغلان ساغالاجاق.

پادشاه سندن سوروشاجاق کی، ایسته گین ندیر. اوندا دئیرسن کی، سنه قول اولماق.

اوغلان اوینیر. ائله ده ائدیر. غرض، پادشاهها قول اولور. پادشاه بیلیر کی، بو، همین قولدور. گونلر کئچیر، واخت دولانیر، پادشاهین قیزی دا، قارا قول دا عرصه یه گلیر. پادشاه فیکیرلشیر کی، نئجه اولورسا- اولسون، گرک بو اوغلانین باشینی اکم کی، قیزیم بونا قیسمت اولمایا.

بیر گون پادشاه بیر کاغیز یازیب قارا قول وئریر و دئیر کی، گئدرسن گوندوغان پادشاهی نین یانینا، بو کاغیزی وئررسن اونا، او، اؤز مؤهورونو ووراجاق بو کاغیزدا، سونرا گتیررسن. یازیق اوغلان دینمز- سؤیله مزجه کاغیزی جیبینه قویوب ائودن چیخیر. آز گئدیر، چوخ گئدیر، بیر قوجا کیشیه راست گلیر. قوجا سوروشور کی، آی اوغول، هارا گئدیرسن بئله؟ قارا قول دئیر:

- گئدیرم گوندوغان پادشاهی نین یانینا.

کیشی دئیر:

- اوندا، آی اوغول، اونا دئن کی، بیر کیشی وار، دئیر دوز یئددی ایلدی بیر ساحه آلیب، هئی اکی- بئجه ریر، بیر محصول گؤتوره بیلیر. بس اونه اتسین؟ قارا قول کیشینی آرخاین سالیر کی، مطلق دییه جه یم.

سونرا قارا قول یئنه یولونا داوام ائدیر. گئدیر چاتیر بیر دریانین کنارینا، گؤرور دریادان کئچه بیلیمه جک، بیر خیلی دوروب فیکیرلشیر. ائله بو واخت دریادان بیر قیزیل بالیق چیخیب اوغلانا دئیر:

- بیلیرم سن گوندوغان پادشاهی نین یانینا گئدیرسن. گل سنی بو دریادان کئچیریم. آما گرک منیم دردیمی ده اوندان سوروشاسان. اوغلان دئدی:

- دئی گؤرورم سنین دردین ندیر؟

بالیق دئدی:

-منیم باشیمدا بیر آغری وار. آغری توتاندا آز قالیرام اولم.
اوغلان راضیلاشدی. بالیق اونو بئلینه آلیب دریانین او طرفینه آپاریر. اوغلان یئنه
یول آلیب گئدیر. خیلی گئندن سونرا گؤرور بیر کیشی اوتوروب قایانین
اوستونده. کیشی بونو گؤرجک گولومسه ییب دئدی:

-هه، قارا قول، آخیر کی، گلیب چیخدین یانیم. اول-اول گت بو قایانین دالیندا
سو آخیر، اورادا یویون، گل سونرا دانیشاق.

اوغلان قایانین دالینا کئچیب یویوندو، آغاریب گلدی کی، گوندوغان پادشاهی
مؤهورون ووروب. سونرا او، اوغلانا دئدی:

-ای قارا قول، گئدرسن بالیغا دیرسن سنی دریانین او طرفینه کئچیر. ائله کی،
بالغین بئلیندن ساحیله دوشدون، اونون بورنونون اوستونه بیر تپیک وور. او ائله
بیله جک سن قصدن ائدیرسن، سنه حیرصلنه جک. آما اونون بورنوندا کی لعل
یتره دوشن کیمی سن اونو گؤتور. لعل دوشندن سونرا بالغین باشی نین آغریسی
دا کسه جک. آپاریب او لعلی وئرسن یولدا گؤردویون کیشیه، یئری آلاسان.
کیشی چوخ سئوینه جک کی، محصول وئرمز ساحه یه سن لعل وئیرسن. سونرا
همین یئری قازدیریب تورپاغین آلتیندا کی قیزیل یاتاغینی چیخارارسان. اوردا بیر
گؤزل عیمارت و باغ-باغچا سالارسان. همین باغچانین محصولوندان آپارارسان
پادشاه سوقات. سونرا ایسه قیزینا ائلچی گئدرسن. پادشاه قیزین سنه وئره جک.
آما سن کیملیگین حاقیندا اونا هئچ نه دئمه.

اوغلان یولا دوشوب گلدی. پادشاه دئدیگی کیمی ده ائلدی. قارا قول چوخ
گؤزل بیر ائو تیکدیردی. سونرا ائوینده کیندن سوقات توتوب آپاردی پادشاه.

پادشاه بئله قییمتلی سوقاتلاری گؤروب حیرتلندی و اوغلان گئندن سونرا آروادینا دئدی:

-باخ، بئله بیر منیم قیزیما ائلچی گله، او دقیقه وئررم.

سونرا پادشاه خیلی فیکیرلشدی. اونون مقصدی او ایدی کی، همین اوغلان قیزی آلسین. پادشاه دردینی داغیتماق اوچون سیره چیخدی. او، گئدیب بیر گؤزل باغچا گوردو. بیر آز دا گئندن سونرا گوردو بیر بویوک عیمارت وارکی، اؤز عیمارتی اونون یانیندا بیر هئچ دیر. سوروشدو بو عیمارت کیمیندی؟ دئدیلمر، بیر اوغلانین. پادشاه اوغلانی یانینا چاغیرتدیریب گورمک ایسته دی. اوغلان گلنده پادشاه باخدی کی، بو ائله همین اوغلانیدی. پادشاهین دردنی ایکی قات آرتدی. او، ائوه گلیب درین فیکیرلره غرق اولدو. بیر نئچه گون کئچندن سونرا پادشاه گوردو اوغلان اونلارا گلدی. پادشاه تئز تداروک گورمه یه باشلادی. آخیردا اوغلان دئدی کی، من گلیمش سنین قیزینا ائلچی لییه. پادشاه سئوینجیندن بیلمه دی نه اتسین. او، راضیلیق وئردی و توی خرجینی ده اؤز اوستونه گؤتوروب قیرخ گون، قیرخ گئجه توی ائدیب قیزی قارا قولا وئردی.

گونلرین بیر گونونده پادشاهین بیر جوت نوه سی اولدو. اونلارین هر ایکسی اوغلان ایدی. تا پادشاهین سئوینجی آشیب-داشیردی. بیر گون گئجه پادشاهلا آروادی نوه لرینی گورمک اوچون قیزی گیله گئتدیلمر. پادشاه نوه سینی قوجاغینا آلیب اوینادیردی. بیردن قاپی آچیلدی. پادشاهین بیرمی ایل اول گئجه کؤهنه محله ده گوردویو قوجا کیشی ائوه گیردی. پادشاه اونو تانیدی. اؤزوندن آرخاین حالدا گولومسه بیردی. کیشی یاخینلاشیب پادشاه دئدی:

-قبله ی عالم، بس دئیردین سنین یازینی پوزاجام. قیزیمی قارا قولا وئرمیه جه-یم. گورورسن کی، یازیا پوزو یوخدور.

پادشاه دئدی:

-من کی، قیزیمی قارا قولا یوخ، بیر بگلربگینه وئرمیشم.

کیشی گوله رک دئدی:

-سهو ائدیرسن، قبله ی عالم، بو ائله همین قارا قولدور. ایسته بیرسن اؤزوندن

سوروش. ائله بو واخت اوغلان پادشاه یاخینلاشاراق دئدی:

-دوغرودان دا، قبله ی عالم، سن وئردیگین کاغیدی چوخدان مؤهورله دیب

گتیرمیشم.

پادشاه آلیب کاغیذا باخدی. اونون گؤزلری کله سینه چیخدی. بو واخت قوجا

کیشی یوخ اولدو. قارا قول ایسه بوتون باشینا گلنلری بیر-بیر نقل ائتمه یه

باشلادی. پادشاه هر شیئی بیلندن سونرا یئیندن بؤیوک قوناقلیق ائتدی. سونرا

اونلار شاد-خرم یاشاماغا باشلادیلار.

قارامان

بیری وار ایدی، بیری یوخ اویدو، بیر قاری وار ایدی. بو قاری نین گؤزونون آغی-

قاراسی بیر اوغلو وار ایدی. اوغلونون آدی قارامان ایدی. بیر گون قارامانین

دوستلاری گلیب دئدیله:

-قاری ننه، قوی قارامان دا بیزنن مئشه یه اودونا گئتسین.

قاری دئدی:

-اوغول، منیم گؤزومون آغی-قاراسی، وار-یوخ بیرجه اوغلوم وار، قورخورام.

قارامانین دوستلاری دئدیله:

-قورخما، قاری ننه، هئچ نه اولماز، قوی گئتسین.

قارامانین دوستلاری مئشه یه اودون ییغماغا گتدیلر. اونلار مئشه ده بیر قویو گوردولر. قارامان دوستلارینا دئدی:

-اوشاقلار، گوره سن بو قویودا نه اولاییلر. گلین دوشک بو قویویا.

اوشاقلاردان بیر سینی قویویا سالدیلار. او، قویویا دوشن کیمی چاغیردی:

-هارای، منی چیخاردین!

اوشاقلار اونو چیخارتدیلار.

قارامان دئدی:

-منی ساللایین قویویا. نه قدر های-هارای قوپارسام، سؤزومه باخمایین.

اوشاقلار اونو قویویا ساللادیلار. قارامان قویویا دوشن کیمی قیشقیردی، اونا محل

قویماییب، قویونون دیینه ساللادیلار. قویونون تکیندن قارامانین سسی گلدی:

-اوشاقلار، بورادا نه قدر ایسته سنیز شان بالی وار، قاب ساللایین، کسیم چکین یوخاری.

اوشاقلار قاب ساللادیلار. قارامان شان بالیندان کسب قبا قویدو. اوشاقلار قابی

یوخاری چکدیلر. بالی گوتوروب قاچدیلار. قارامان قویودا قالدی. او اوتوروب

قویودا چوخ گوتور-قوی ائله دی. بیر ده گوردو کی، بیر قاریشقا قویونون دوواری

ایله گئدیر. قارامان بیچاغی چیخاریب دیواری اویمایا باشلادی. خیلی اویموشدو

کی، بیردن اورادان یول آچیلدی. قارامان گوردو کی، بیر گوزل باغچادی.

باغچانین ایچینده گوزل بیر عیمارت وار. قارامان اوتاغا گریب گوردو کی،

اوتاقلار بوشدو. اوتاقلاری بیر-بیر گزیب ائشیکه چیخدی. گوردو بودو، بیر یوغون

ایلان گلیر. تتر قاجیب تاختین آلتیندا گیزلندی. ایلان ایچهری گوردی، اونون

دالینجا دا بیر سورو ایلان ایچهری دولوشدو. قارامانین قورخودان آز قالدی باغری

یاریللا. ایلانلارین بؤیویو، شامیران ایلان چیخیب اوتوردو تاختین اوستونده. سونرا دئدی:

-ائی تاختین آلتیندا گیزله نن قارامان، گل یانیم، من سنه هئچ نه ائله مییه جه یم. او بیری ایلانلاردان دا قورخما، گل اوتور یانیمدا. قارامان یئریندن ترپنمه دی. شامیران ایلان بیر ده دئدی:

-ائی قارامان، دور گل یانیم، قورخما. سنینله ایشیم یوخدو. علاجسیز قالان قارامان قورخا-قورخا شامیران ایلانین یانینا گلدی. قارامان دئدی:
-واللاه، من بورا قصدن گلمه میشم، منی یولداشلاریم قویودا قویوب گئتدیلر. من ده قویونون دووارینی اؤیدوم، گلیب بورا چیخدیم. ایلان دئدی:

-هئچ عیبی یوخدو، گل سنه بیر احوالات دانیشیم. اوندان سونرا سنی بورادان چیخاردارام. قارامان ساکتلشدی. شامیران ایلان قارامانا بیر احوالات دانیشدی. بو صحبت دوؤز یئددی ایل چکدی. آنجاق قارامان ائله بیلدی کی، جمعی بیر گون کئچیب. اودو کی، ایلانا دئدی:

-من دونندن بورادایام. ایندی آنام من سیز داریخیر، ایجازه وئر گئدیم. شامیران ایلان دئدی:

-نه بیر گون، دوز یئددی ایلدی کی، سن بورداسان. قارامان دئدی:

-بو نئجه اولان شئی دی؟ ایلان دئدی:

- سن منی اؤلدوره جکدین. اودو کی، من ائله بیر احوالات دانیشدیم کی،
عؤموردن یئددی ایل گلیب کئچسین.

قارامان آند-آمان ائله دی کی، اؤلدورمک فیکرینده دئیلم.

شامیران ایلان دئدی:

-بونو سن بیلمیرسن، آنجاق منه عیان اولوب. ایندی دور گئدک، سنی آپاریب
قویودان چیخاریم.

شامیران ایلان قارامانی بئینه میندیریپ قویودان چیخارتدی. اونلار گؤروشوب
آیریلدیله. شامیران ایلان دئدی:

-ائی قارامان، گئت آنجاق سن بیر ده منیم یانیم گله جکسن. اؤزوده منی اؤلدوره
جکسن.

قارامان دئدی:

-ئنجه اولاییلر کی، بو یاخشیلیقدان سونرا من سنی اؤلدوروم؟ هنج الیم گلرمی؟
شامیران ایلان دئدی:

-بیر سؤزدو دئدیم، یادیندا قالسین.

قارامانلا شامیران ایلان مئهریبانلیقلا آیریلدیله. ایلان قویویا دوشدو. قارامان دا
اؤلرینه گئتدی.

قارامان آناسینی گؤروب تانیمادی. آناسی چوخ قوجالمیشدی. یئددی ایل ایدی
کی، آنا اؤز اوغلونو گؤرمه میشدی. اودو کی، قاراماندان خبر آلدی:

-اوغول، ایندی یه کیمی هارادایدین؟

قارامان دئدی:

-سوروشما آنا، باشیما قضا-قدر گلیمیشدی. بو یئددی ایل عرضینده ایلانلارلا بیر
یترده قالمیشام. بدنیم ایلان کیمی قابیق قویوب.

آناسی بیر سوژ دئمه‌دی. آنا-بالا بیر یئرده یاشاماغا باشلادیلار.
قارامان گیلین شهرینده بیر پادشاه وار ایدی. آزارلامیشدی. طیبیلر شامیران ایلانین
یاغینی اونون دردینه درمان دئمشدیله. وزیر-وکیل بوتون شهرین جماعتینی بیر
یئره ییغیب دئدی:

-گرک شامیران ایلانی تاپیب گتیره سیز، یاغینی چیخاراق. پادشاهین بدنینه ووراق
کی، ساغالا.

یئر-یئردن دیلندیله:

-بونو کیم انده بیلر؟ هئچ کس او ایلانی تاپا بیلمز.

بیر چوغول وار ایدی. او دئدی:

-بس فیلان قاری نین اوغلو قارامان شامیران ایلانلا یئددی ایل بیر یئرده قالیب. بو
ایشین عؤده سیندن گلسه ، او گلر.

امر اولوندو کی، قارامانی تاپیب گتیرسینلر.

اونو تاپیب گتیردیله. وزیر-وکیل قارامانا دئدی:

-گرک سن گئدیپ شامیران ایلانی گتیره سن.

قارامان بویون قاجیرتدی. بئله ده اونو حده‌له‌دیله کی، تاپیب گتیرمه‌سه ، بویونو

وورولاجاق. قارامان چار-ناچار راضیلاشدی. دوروب شامیران ایلانین یاشادیغی

قویونون باشینا گلدی، ایپله قویویا دوشدو. همین یئره گلدی. ایلانلاری گؤرمه

دی. بیر آزدان شامیران ایلان گلدی، قارامان اونو گؤرن کیمی تاختین آلتیندا

گیزلندی. شامیران ایلان تاختدا ایلشدی. دئدی:

-ائی قارامان، دور گل یانیم، سنه دئدیم کی، منی اولدوره جکسن؟ گؤردون ائله

ده اولدو.

قارامان دوروب ایلانین یانینا گلدی. یانیندا اوتوروب آغلاماغا باشلادی. ایلان دئدی:

-آغلاما، دور گئدک. آنجاق من هئچ کیمه ال وئرمیه جه یم کی، منیم باشیمی کس سین، تک سندن ساوایی. آنجاق منیم باشیمی کسندہ بیر قاریش باشیمدان، بیر قاریش دا قویروغومدان کسب دسمالین آراسیندا گتیریب بو قویویا سالارسان. من دؤنوب اولاجاغام یئنه همینکی ایلان. آنجاق منیم یاغیمی پادشاهین بئلینه ووران کیمی اوله جک.

قارامان اونو گؤتوروب پادشاهین مئیدانینا گتیردی. مئیدان سولاندی، جماعات بیغیلدی، هئچ کس یاخینا گله بیلمه دی. کیم ایلانا ساری گئتدیسه، ایلان اونون اوستونه سیچرادی، دئدیله:

-بونو هئچ کس اولدورنمز، اولدورسه قارامان اولدورر.

قارامان مئیدانا گیردی. شامیرانین بویونو قوجاقلایب آغلاماغا باشلادی. جماعات بو ایشه مات قالدی. قارامان شامیران ایلانین دئدیگی کیمی ائله دی. ایلانین بیر قاریش باشیندان، بیر قاریش دا قویروغوندان کسب گتیریب قویویا آتدی. ایلانین یاغینی چیخارتدیله. پادشاهین بدنینه ووران کیمی پادشاه گبریب اولدو.

جماعات بیغیلدی کی، تزه دن پادشاه سئچسینلر. شاهلیق قوشونو اوچوردولار. قوش هرلندی-فیرلاندی، گلیب قارامانین باشینا قوندو. اونو پادشاه سئچدیله. قارامان قوجا آناسینی دا گتیزدیریب سارایدا شاد-خرم یاشاماغا باشلادی. اونلار یئیپ-ایچیب یئره کئچدیله، سیز ده شاد-خرم یاشایب دؤوره کئچین.

قوش ایله شاهین قیزی

بیری وار ایدی، بیری یوخ اویدو. بیر پادشاه وار ایدی. بو پادشاهین بیر دردی وار ایدی کی، اودا اؤولاد دردی ایدی. گونلرین بیر گونو بیر درویش گلیب پادشاها بیر آلما وئریب دئییر:

-بو آلمانی یاری بؤل. یاریسینی اؤزون یئ، یاریسینی دا آروادین یئسین. اوندان اؤولادینیز اولاجاق.

پادشاه ائله بئلهجه ده ائتدی. آلمانی بؤلوب یاریسینی اؤزو یئدی، یاریسینی دا آروادینا وئردی.

گونلرین بیر گونو پادشاهین آروادی یاتیب یوخودا گوردو کی، اونلارین بیر قیزی اولوب، قیز بؤیودو کدن سونرا اونو بیر قوش گؤتوروب قاچیریر.

آرواد یوخودان اویانیب یوخوسونو پادشاها ناغیللادی. آیلا، گونلر کئچدی، پادشاهین بیر قیزی اولدو. قیز آیینان-گونون بؤیودو. تنزلیکله قیرخ اینجه بئل قیزا قوشولدو.

بیر گون قیز آتا-آناسیندان خبرسیز کینزلرله باغا گزمه یه چیخدی. او، ائله تزهجه باغی گزیردی کی، بیردن بیر قوش یئره شیغیب، اونو جایناغینا آلیب، گؤیه قالدی.

قوش قیزی گؤیون اوزونده کی ائوه گتیردی. اونلار بیرلیکده عؤمور سورمه یه باشلادیلار. آنجاق گئجه اولاندا قوش کاسادا قیزا نه ایسه وئیردی. قیز بونو ایچیب یوخویا گئدیردی. او، هله ده قوشون سیرینی بیلمیردی.

گونلر، آیلا کئچدی. گونلرین بیر گونو قیزین یادینا آتا-آناسی دوشور. اوتوروب آغلاماغا باشلاییر. قوش ائوه گلیب گؤرور کی، قیز آغلایر. قیزین نه سببه آغلادیغینی سوروشور. قیز دئییر کی، بس، اوره بیم آتا-آنامی ایسته بیر.

قوش قیزا بئش گون مؤهلت وئریر، دئیر کی، سنی بئش گوندن سونرا آغاجین آلتیندا گؤزلییه جم. قوش قیزی گتیریب همین آغاجین آلتینا قویدو. آتا-آناسی قیزلاری نین گلمه سینی گؤروب چوخ سئویندیلر. یئمک-ایچمه یه باشلاندی، شنلیک دوزلدی. اونلار قیزلاری ایله بیرلیکده یئیب-ایچیب شنلنمه یه باشلادیلار. آناسی قیزیندان سوروشدو:

-بس او قوش کیمدی؟

قیز نه اولموشدوسا، هامیسینی آناسینا دانیشدی.

آناسی قیزینا دئدی:

-قیزیم، آل بو پارچا پامبیغی آپار. او سنه نه وئرسه، سن اونو آغزیندان تئو کرسن، پامبیغی دا سینه یه قویارسان. پامبیق سویو اؤزونه چکه جکدی. بو مینواللا بئش گون کئچدی. قیز همانکی آغاجین یانینا گلدی. قوش اونو گؤتوروب یئنه گؤیه قالخدی.

بیر نئچه گون کئچدیکدن سونرا، بیردن قیزین یادینا آناسی نین سؤزلری دوشدو. ائله کی، گئجه اولدو، قیز پامبیغی سینه سینه قویوب گؤزله مه یه باشلادی. قوش یئنه اولکی کیمی سویو گؤتوروب قیزا وئردی. قیز ایچدیکده سو آغیزی نین بؤیروندن تئو کولدو، اؤزونو یوخولوغا ووردو. گؤزونون آلتینجا باخماغا باشلادی کی، گؤرسون آخیری نه اولاجاق. بیر ده گؤردو کی، قوش جیلدینی دیشدی، گؤزل-گؤیچک بیر اوغلان اولدو. گلیب قیزین یانیندا اوزاندی. قیزی بیر آز اوخشادیقدان سونرا یوخویا گئتدی. قیز اوغلانی یوخویا وئردیکدن سونرا آیاغا قالخدی. او، اوغلانا تاماشا ائتمه یه باشلادی. اوغلان او قدر گؤزل ایدی کی، قیزین آز قالدی عاغلی باشیندان چیخسین. آنجاق اوغلانین گؤبه بینده بیر قیفیل،

باشیندا ایسه بیر آچار وار ایدی. قیز آچاری گۆتوروب قیفیلی آچدی. اونون قارشیسیندا گئیش، منظره لی، بؤیوک بیر شهر آچیلدی.

قیز شهری گزمله یه باشلادی. گۆردو کی، بیر درزی اوشاق پالتاری تیکیر. قیز درزیدن سوروشدو:

-درزی، او پالتاری کیمه تیکیرسن؟

درزی جاواب وئردی:

-قوشپاشانین اوغلو اولاجاق، اونون اوغلونا تیکیرم.

قیز بیر آز گئتدیکدن سونرا بیر بئشیک قاییرانا راست گلدی.

قیز سوروشدو:

-بو بئشیگی کیمه دوزلدیرسن؟

جاواب وئردی:

-قوشپاشانین اوغلو اولاجاق، اونون اوچون قاییریرام.

قیز بئله لیکله بوتون شهری گزیب قورتاردی. کیمدن سوروشدو کی، نه

قاییریرسینیز، بونلاری کیمه قاییریرسینیز، هامی بیر آغیزدان جاواب وئریب دئدی

کی، قوشپاشانین اوغلو اولاجاق، اونون اوچون قاییریریق.

قیز گلیب قاپی نین آغزینا چاتدی. قاپی نین هر طرفینه بیر سبد اوزوم قویولموشدو.

قیز ایسته دی کی، بیر سالخیم اوزوم گۆتوروب یئسین. ائله الینی بیر گیلله یه وورماق

ایسته ییردی کی، بیردن قوشپاشا سیچراییب یئریندن قالخدی. دئمه بو سبدده کی

اوزوملر اوغلانین جانی ایمیش.

قوشپاشا گۆردو کی، قیز اونون بوتون سیرلارینی اؤیره نیب. هم ده اونو بوتون

شهرین آداملاری گۆروب. او، قیزی ائولرینه گۆندرمک قرارینا گلدی.

قوشپاشانین اوج باجیسی وار ایدی. بؤیوک باجیسی نین کنیزلری ایله اورتانجیل باجیسی نین کنیزلری قورد، کیچیک باجیسی نین کنیزلری پیشیک ایدی.

قوشپاشا اؤز چلیگینی قیزا وئریب دئدی:

-یول ایله گئندنه قاباغینا بیر دسته ایت، بیر دسته قورد، بیر دسته ده پیشیک چیخاجاق. سن بو چلیکله اونلاری قووارسان، اوندا اونلار قاییدیب گئنه جکلر.

قیز یولا دوشوب گئتمه یه باشلادی. بیر آز گئتمیشدی کی، بیر چشمه نین باشینا گلیب چیخدی. گوردو کی، بیر دسته ایت اونا طرف گلیر. قوشپاشانین دئدیگی سؤزلر اونون یادینا دوشدو. او، چلیگی ایتلره طرف توتوب دئدی:

-آی اللهین حیوانی، چیخیب گئدین، منیم اؤز دردییم اؤزومه بسدی.

بونو دئین کیمی ایتلر چیخیب گئتدیلر. دئمه بو ایتلر قوشپاشانین بؤیوک باجیسی نین کنیزلری ایمیش. اونلار گئدیب خانیم خبر وئردیلر کی، بس قوشپاشانین آروادی یول ایله گئدیر. بؤیوک باجیسی دئدی:

-ایشینیز یوخدو، قویون یولو ایله چیخیب گئتسین.

قیز بیر آز دا گئدیب بیر مئشه لیگه چیخدی. یئنه گوردو کی، اوزاقدان بیر دسته قورد اونا طرف گلیر. او، یئنه اولکی کیمی چلیگی اونلارا طرف توتوب دئدی:

-آی اللهین حیوانی، چکیلیب گئدین. منیم اؤز دردییم اؤزومه بسدی.

قوردلار گئدیب خانیم خبر وئردیلر کی، قوشپاشانین آروادی یول ایله گئدیر. اورتانجیل دئدی:

-ایشینیز یوخدو، قویون یولویلا چیخیب گئتسین.

قیز بورادان دا کئچیب، یولونا داوام ائدیر. گلیب بؤیوک بیر چؤللو یه چیخیر. یئنه گوردو کی، بیر دسته پیشیک اونا طرف گلیر. بو پیشیکلر ده قوشپاشانین کیچیک

باجیسی نین کنیزلری ایتمیش. پیشیکلر گلیب قیزا یاخینلاشیر. قیز یئنه چلیگی اونلارا طرف توتوب، دئییر:

-آی اللهین حیوانی، چکیلیب گئدین. منیم اؤز دردیم اؤزومه بسدی.

پیشیکلر گئدیپ خانیما خبر وئردیلر کی، قوشپاشانین آروادی یول ایله گئدیر. کیچیک باجی کنیزلرینه دئییر:

-گئدین اونو بورا گتیرین. گؤرک نه ائدیپ کی، قوشپاشا اونو قووب.

کنیزلر گئدیپ قیزی خانیمین یانینا گتیردیلر. کیچیک باجی ایله قیز بیر یئرده یاشاماغا باشلادیلار. قیز دا باشینا گلن لرین هامی سینی اونا دانیشدی.

آیلار، گونلر کئچدی. قیز یاتدی. اونون بیر اوغلو اولدو. اوغلونون دا گؤبه بینده بیر قیفیل، باشیندا بیر آچار اولدو.

بونلار بوردا یاشاماقدان اولسونلار، گؤرک قوشپاشا قیزی قوواندان سونرا نه فیکره دوشور.

بیر نئچه آی کئچندن سونرا قوشپاشا پشمانلا بیر. یادینا دوشور کی، آروادی گئندنه بویلو اویدو. بئله فیکره گلیر کی، گئدیپ باجیلاریندان سوراقلاشسین. بلکه اونلار آروادان بیر خبر وئردیلر.

او، یولا دوشوب بیرینجی بویوک باجیسی نین یانینا گلیر. باجیسیندان آروادینی گؤروب-گؤرمه دیگینی سوروشور. بویوک باجی دئییر کی، اونو گؤردوک، آما بیلمه دیک هارا گتتدی. قوشپاشا بوردان چیخیب اورتانجیل باجیسی نین یانینا گلیر.

بو باجیسی دا بویوک باجیسی نین دئدیگینی دئییر. قوشپاشا بوردان دا چیخیب، دوز بیرباشا کیچیک باجیسی نین یانینا گلیر. کیچیک باجیسی اونو ایچهری چاغیریر. بیر آز یئیب-ایچدیکن سونرا، اوشاغینی گتیریب قوشپاشایا وئیر.

قوشپاشا گۆرورکی، اوشاغین دا گۆبگینه قیفیل، باشیندا آچار وار. قوشپاشا کیچیک باجیسینا راضیلیق ائدیپ آرواد-اوشاغینی دا گۆتوروب ائوه قایدیر. بو گوندن قوشپاشا قوش جیلدینه گیرمه‌دی. آرواد-اوشاغیلا بیرلیکده خوش، فیراوان عؤمور سوروب یاشاماغا باشلادی.

گۆیدن اوچ آلما دوشدو: بیر منیم، بیر ناغیل دئییه نین، بیر ده اؤزومون. سیز ساغ، من سالامات.

قولوبگین ناغیلی

بیری واردی، بیری یوخدو. قدیم زامانلاردا قولوبگ آدلی بیر کیشی واردی. قولوبگ اوغول-اوشاقدان بول، آما وار-دؤولت ساریدان چوخ کاسیب ایدی. او، عایله سینی گوجلّه دولانديریردی. بیر حصیردی، بیر محمدنصیر. بیر یاندان دا قوجالیق اونا آمان وئرمیردی. بیر گون قولوبگ اوشاقلاری نین آجیندان آغلادیغینی گۆروب دؤزمه دی، اؤزونو اؤلدورمک قرارینا گلدی. او، داغین باشینا چیخیب اؤزونو آتماق ایسته بیردی. بیردن گۆردوکی، ایکی داغ بیر-بیرله قووشوب آرالانیر. قولوبگ فیکیرلشدی کی، اؤزومو بورادان آتسام داها یاخشی اولار. جانیم دا بو عذاب-اذیتدن قورتارار. او، اؤزونو قایادان آتدی، آما اؤزو ده اینانا بیلمیردی کی، ساغ قالیب. قولوبگ اؤلمه دیگی اوچون تأسوف لنسه ده، چار-ناچار آیاغا قالخیب یولا دوزلدی کی، آرخادان سس ائشیتدی:

- قولوبگ، آی قولوبگ.

قولوبگ آرخایا چئوریلنده گۆزلرینه اینانمادی. گۆزل بیر ایلان اینسان کیمی دیل آچیب اونو سسله بیردی. قولوبگ فیکیرلشدی کی، قیسمتیم ائله بورا قدرمیش.

یقین ایلان منی اؤلدوره جک. یا الله، دئییب ایلانا طرف گتدی. او، ایلانین یانینا چاتان کیمی ایلان باشلادی اینسان کیمی دانیشماغا:

-آی قولوبگ، من سنی یاخشی تانییرام. بیلیرم کاسیبچیلیق سنی بورایا گتیریب چیخاریب. آما غم یئمه، دینلری دینله، سونرا عمل ائت. اگر منی دینله ییب عمل ائسن اوندا بوتون آرزولارینا چاتارسان. باخ، بو یوللا دوز گئدرسن، بیر آز گئتمه میش گؤره جکسن کی، پادشاهین آداملاری پادشاهین یوخوسونو یوزماق اوچون تعبیرچی آختاریر. پادشاه اوتوز دوققوز تعبیرچی نین بوینونو ووردوروب، چونکی اونلاردان هئچ بیر اونیون یوخوسونو یوزا بیلمه ییب. ایندی شهرده هئچ کیم قورخوسوندان پادشاهین سارایینا یاخینلاشا بیلیر. آما سن قورخما، اونلارا دی کی، پادشاهین یوخوسونو یوزماق ایسته بیرم. اونلار سنی پادشاهین یانینا آپاراجاق. پادشاهی گؤرن کیمی دئیرسن:

-ای قبله ی-عالم، سن یوخودا گؤرموسن کی، گؤیدن جاناوار یاغیر. پادشاهین یوخوسونو یوزوب دئیرسن کی، سنین مملکتینده آجلیق اولاجاق، اینسانلار بیر-بیری نین اتینی یئیه جک، اوغورلوقلا بیر تهر گون کئچیره جکلر. پادشاهین یوخوسونو یوزدوغون اوچون سنه خیلی قیزیل-گوموش وئره جک. قیزیل-گوموشو گتیرسن، منیمله یاری بؤلرسن، یاریسی ایسه سنین عؤمرونون سونونا قدر بس ائدر.

ایلان بو سؤزلری دئییب یوواسینا چکیلدی. قولوبگ ائله بیلردی ایلان اونو آلدادیب، آما بیر آز گئتمیشدی کی، گؤردو ایلانین دئدیگی کیمی پادشاهین آداملاری یوخو یوزماق اوچون تعبیرچی آختاریر. او، پادشاهین حضورونا گلیب ایلانین دئدیکلرینی سؤیله دی.

قولوبگ یوخونو یوزاندان سونرا پادشاه اونا خیلی قیزیل-گوموش وئریب یولا
سالدی. اونون یولو ایلانین یوواسی نین یانیندان کئچیردی. او یوویا یاخینلاشاندا
گوردو ایلان یوانین آغزیندا قیوریلیب یاتیب، یوانین ایچهریسی ایسه لعل-
جواهراتلا دولودور. طاماح قولوبگ کیشیه گوج گلدی. او، ایلانین
یوواسینداکی لعل-جواهراتی دا گؤتوروب یولا دوشدو. بیر گون پادشاه یئنه
یوخو گؤرور، یوخوسونو یوزماق اوچون قولوبگین دالینجا آدام گؤندهریر،
قولوبگین جانینا قورخو دوشور، فیکیرلشیر کی، داها آخیریم چاتیب. کئچن دفعه
پادشاهین یوخوسونو ایلان یوزوب، منی بو قدر وار-دؤولت صاحیبی ائتدی. من
ایسه نانکورلوق ائدیپ ایلانین یوواسیندان اوغورلوق ائتدیم. ایندی داها هئچ کیم
منه کؤمک ائتمیه جک، پادشاه ایسه بوینومو ووردوراجاق. ایلانین یانینا گتتمه یه
اوزوم یوخدور. پادشاهین وئردیگی قیزیل-گوموش بیر یانا دورسون، ایلانین دا
وار-دؤولتینی تالان ائتمیشم. قولوبگ اوشاقلاری ایله گؤروشوب، حالاللاشیب
یولا دوشور. اونون یولو ایلانین یوواسی نین یانیندان کئچیردی. قولوبگ یوانی
تئزجه آدلاییب کئچمیشدی کی، گوردو ایلان یئنه اونو سسله ییر:

قولوبگ، آی قولوبگ، کئچن دفعه وعدینه خیلاف چیخدین. آما قورخما، من
سنی اؤلدورمیه جه یم. بیلیرم یئنه پادشاهین یوخوسونو سن یوزمالیسان. گئدرسن
پادشاهین یانینا، یوخونو یوزوب دئیرسن کی، پادشاه ساغ اولسون، یوخودا
گؤرموسن کی، گؤیدن یاغیش عوضینه قیلینج یاغیر. بونون معناسی اودورکی،
سنین مملکتینله باشقا مملکتلر آراسیندا آرامسیز موحاریبه لر اولاجاق، قان سو
یئرینه آخاجاق، هامی بیر-بیرینی قیلینجدان کئچیره جک. پادشاه بو دفعه ده سنه
خیلی بخشیش وئر جک. بو دفعه ده بخشیشین یاریسی منه چاتمالیدیر.

ایلان بو دفعه سۆزونو قورتاران کیمی یوواسینا چکیلدی. قولوبگ کیشی ده یئنه اولکی کیمی خیلی بخشیش آلیب گئری قاییتدی. او، ایلانین یوواسی نین یانینا چاتاندا گۆردوکی، ایلان باشینی یووادا، قویروغونو چۆلدله قویوب یاتیب. بو دفعه ده طاماح قولوبگه گوج گلدی. او، یئنه اولکی کیمی وعدینه خیلاف چیخاراق ایلانین قویروغونو قیلینجلا ووروب و پادشاهین وئردیگی بخشیشی گۆتوروب ائوینه قاییتدی. آرادان خیلی واخت کئچمیشدی. بیر گون پادشاهین یوخوسونو یوزماق اوچون یئنه قولوبگی چاغیردی. قولوبگ بو دفعه ایسته دی بو ایشدن بویون قاچیرسین، آما گۆردوکی، بونولا او اؤزونو خلاص ائده بیلیمه جک. کور-پشمان یولا دوزلدی.

ایلانین یوواسی نین یانیندان کئچمک ایسته بیردی کی، ایلان یئنه اونو سسله مه یه باشلادی. او، قولوبگی یانینا چاغیریب دئدی:

-ایکی دفعه منی آلداتدین. آما بو دفعه قایداندا بورادان کئچرسن، سنه دئیله سی سۆزوم وار. هم ده گتیره جه بین قیرخ دوه قیزیل-گوموشو منیمله تن بۆله جکسن. بو دفعه پادشاه یوخودا گۆروب کی، گۆیدن قویون یاغیش کیمی یاغیر. پادشاهین یوخوسونو یوزوب دئیرسن کی، پادشاه ساغ اولسون، یوخودا گۆرموسن کی، یاغیش عوضینه گۆیدن قویون یاغیر. قویون ایسه بوللوق، ساکیت لیک، خوشبخت لیک رمزیدیر. سنین مملکتینده بوندان سونرا هامی مهربان، ساکیت دولاناجاق. خوشبخت لیک یئر اوزوندن اسکیک اولمایاجاق. هامی فیراوان، خوش عؤمور سوره جک. پادشاه بو سۆزلری ائشیدن کیمی سنه قیرخ دوه یو کو قییمتلی هدیه لر وئره جک، بو دفعه هدیه لری تن یاری بۆلمه لی بیک. آما یادیندا ساخلاکی، بیر داها مندن قاچا بیلمزسن. قولوبگ بو دفعه ده ایلانین دئدیگی کیمی خیلی وار-دؤولت، لعل-جواهراتلا گئری قایدیدردی. او، ایلانین

یوواسی نین یانینا چاتان کیمی دوه کاروانینی ساخلایب ایلانی سسله مه یه باشلادی. ایلان یووادان چیخان کیمی قولوبگ دیللندی:

-بیلیرم، بو دفعه سن منی ساغ بوراخمایاجاقسان. ایکی دفعه سنه خیانت ائتدیگیم اوچون بو دفعه بونلارین هامیسینی سنه وئیرم. ایلان قولوبگین سؤزلرینه گولوب دئدی:

-منه سنین وار-دؤولتین لازیم دئیل. او پادشاهین یوخوسو دا ساده یوخو دئیل. پادشاه بوتون مملکتی اداره ائتدیگی اوچون خالقین، رعیتین، دؤورون، زمانه نین فیکرینی چکدیگی اوچون بوتون بونلاری یوخودا گؤروردو. سنین منه خیانت ائدیپ منی آلداتماغین ایسه سندن آسیلی دئییلدی، چونکی زمانه، دؤوران اؤزو بونو سندن طلب ائدیردی. پادشاهین بیرینجی دفعه یوخودا گؤردویو جاناوارلا علاقه دار اولاراق هامی بیر-بیری نین وارینی اوغورلادیگی کیمی سن ده منیم یووامداکی وار-دؤولتی اوغورلایب قاچدین. سنه گوناہ یوخ اویدو، چونکی زمانه بئله ایدی. ایکینجی دفعه ایسه پادشاه یوخودا قیلینج گؤرموشدو. بونا گؤره ده سن منیم قویروغومو یارالایب یئنه ده وار-دؤولتیمی الیمدن آلدین. بو دفعه ایسه پادشاه یوخودا قویون گؤروب. قویونسا ساکیت لیک، خوشبخت لیک رمزی اولدوغوندان هامی خوشبخت یاشاییر، اولکه ده بوللوق، فیراوانلیق حؤکم سورور. باخ سن ده زمانه نین طلبینه گؤره بو وار-دؤولتی منه وئیرسن. منه ایسه بونلارین هئچ بیر لازیم دئیل، چونکی من ایلانلار پادشاهی نین قیزی یام. ایندی بونلارین هامیسینی گؤتور قایت، اوشاقلارینلا خوشبخت یاشا. من سنی باغیشلا بیرم، چونکی گوناہ سنه یوخ، زمانه ده ایدی.

قیز و آیی

بیری واردی، بیری یوخدو، بیری کیشی ایله بیری آروادین تاتی آدلی بیری قیزی واردی. اونلار اؤز قیزلارینی چوخ سئویردیله. قیز دا نه قیز... یئمه، ایچمه، خط-خالینا، گول جامالینا حیران قال. آیا دئییردی سن چیخما، من چیخیم. گونلرین بیری گونو قیز یاخینلیقدا اولان چایا پالتار یوماغا گئدیر. چایدا بیری آیی اونو گورور. قیزین گؤزلیگینه واله اولان آیی اونو گؤتوروب اؤز ماغاراسینا آپاریر. قیز چوخ قورخور، لاکین آیی قیزا هئچ نه ائله میر، او، قیزی سئویر. قیز گورورکی، آیی اونو عزیزله بیری، داها اوندان قورخمور.

گونلر کئچیر، قیز و آیی بیری-بیرلرینی سئومه یه باشلایر، قیز آیی یا دانیشماق اؤیره دیر. آیی قیزین آدینی و بعضی باشقا سؤزلری اؤیره نیر.

قیز ائوده (ماغارادا) قالیر، ماغارانی سلیقه یه سالیر. آیی ایسه یئمک آختارماغا گئدیر، گتیردیگی حیوان ات لرینی قیز بیشیریر. آیی یا بیشیریلیمیش ات یئمه گی اؤیره دیر. تاتی موختلیف اوتلاردان آیییا و اؤزونه پالتار حاضرلایر. آیی و تاتی بئله بیری حیات سورورلر. آییلر، ایللر گلیب کئچیر. تاتی نین بیری اوغلو اولور. اونلار چوخ شاد اولورلار. آییلر کئچیر. بؤیودوکجه اوشاق گؤزلله شیر. هر گون آیی چؤلدن بیری آز بوغدا سونبولو بیغیب گتیریر. تاتی بوغدالاری تمیزله بیری، دؤیوب اون حاضرلایر و آیی یا دئییر:

-ایندی بوندان دادلی و عطیرلی چؤرکلر بیشیره جگم، یئسن، لذتیندن دویمایا جاقسان.

تاتی بوندان خمیر یوغورور، گورورکی، ائوده سو قورتاریب آیی یا دئییر:

-نه واختا قدر من دوستاق کیمی یاشایا جغام، اذن وئر سو گتیرمه یه گئدیم. یولدا فیکیرلشیرکی، نئچه ایلدیر آیری دوشموشم، تئز گئدیم آتا-آنامی گوروم گلیم.

تاتی ائولرینه گئدیر. چوخدان بری اؤز قیزلارینی ایتیرن آتا-آنا قوجالیب درد-قوصه دن تانینماز اولموشدولار. اونلار تصادوفا ایچهری گیرن قیزا طرف باخیر، هئچ گؤزلرینه اینانمیرلار. تاتی سئوینجک اونلارلا گؤروشور. گئری قاییتماق ایسترکن آتا-آناسی اجازه وئرمیر. قیزین دردینی سوروشوب بیلیمک، بس نه اوچون ایندییه قدر بیر خبر وئرمه دیگینی اؤیرنمک ایسته بیرلر. قیز نه قدر چالیشیر، آتا-آناسی اونو بوراخمیر.

آیی چوخ گؤزله بیر، تاتی گلیب چیخمیر. آیی گؤرورکی، اوشاق آغلا بیر، خمیر ده آجیبیب، پیق-پیق ائده-ائده شیشیر. آیی ماغارادان با بیرا چیخیب چاغیریر: -آی تاتی، اوشاق آغلا بیر، خمیر پیق-پیق ائله بیر. آیی بیر نئچه دفعه چاغیریر، قیزدان سس گلمه بیر. آیی ماغارایا قایدیر، بیر آغلایان اوشاغا، بیر ده قیزین بوش یئرینه باخیر. تاتینی حدسیز محبتله سئون آیین اوره گی سیخیلیر، چوخ داربخیر. بیر-ایکی گون گزیب مئشه نی آختاریر. قیزی تاپا بیلیمیر. ماغارایا گلیب اوشاگی اؤپور، سونرا اوره گی پارتلایب اؤلور.

آتا-آناسی تاتینی فیکرینی اؤیرندیکدن سونرا اونو دوستاق کیمی ائوه قاتیب قاپینی کیلیدله بیرلر.

آیلار، ایللر اؤتور. تاتینی آتا-آناسی اؤلور. تاتی مئشه یه آیینی آختارماغا گئدیر. گلیب ماغارایا چاتیر، گؤرورکی، ماغارا اوچوب، کؤهنه لیب، ایچهری گیریب چوخ آختاریر، بیر نئچه سوموک و دمیر پارچاسیندان باشقا بیر شی تاپمیر. دوشونورکی، یقین آیی اؤلوموش، سوموکلر ده اونونکودور. تاتینی ده اوره گی پارتلایب و همین ماغارادا اؤلوب قالیر.

قیسمت بئله ایمیش

بیری وار ایدی، بیری یوخ اویدو. کئچمیش زاماندا آدلی-سانلی بیر پادشاه واردی، اونون اؤولادی اولموردو. پادشاه بیر گون آروادیندان ایجازه آلیرکی، باشقاسی ایله ائولنسین، آروادی راضی اولور. پادشاه یئنه بیر آرواد گتیریر. آیلا، گونلر اؤتوشور. یئنی گلن آروادین بیر اوغلو اولور. امر ائدیرکی، گرک او بیری آروادینی اؤلدورتدوره سن. پادشاه ناعلاج قالیر، جلادی چاغیریب دئیرکی، آپار بو آروادی اوزاق بیر یئره اوزاق آرواد نه قدر یالواریرسا، اولمور. جلاد اولجه اونون قوللارینی وورور. سونرا یازیغی گلیر اؤلدورمور. قانا بولاشمیش پالتاری گؤتوروب شاهین حضورنا آپاریر. دوشونورکی، بونو بورادا قورد-قوش یئیه جک، پادشاه ائله بیله جک کی، من اؤلدورموشم. آرواد یارالی حالدا زاریلدا بیر. بو واخت یاخینلیقدان کئچن بیر چوبان سسی ائشیدیر، آختارا-آختارا گلیب بو قادینی تاپیر. گؤرورکی، بیر چیلپاق قادین یارالی حالدا زاریلدا بیر. تئز کورکونو چیخاریب قادینی بورویور، گؤتوروب آپاریر. داوا-درماندان سونرا قادین ساغالیر، آنجاق فیکیر-خیالدا گئجه-گوندوز آغلا بیرکی، داها قوللاری یوخدور. دوشونورکی، نه ایش گؤره بیلرکی، بیر تیکه چؤرک قازانسین.

چوبان بیلدیریرکی، اونو سئویر، اونونلا ائولنمک ایستیر. چوبانین آروادی چوخدان اؤلموشدو. قادین راضی اولور. باشینا گلنه نی دانیشیر. چوبانلا ائوله نیرلر، نهایت، بو قادینین بیر اوغلو اولور. اوغلانین آدینی قادین اؤزو قویور: "قیسمت بئله ایمیش". اوغلان بؤویویور، بويا-باشا چاتیر. بیر گون آتاسی ایله قویون آختارماغا گئدیر. اورادا قامیشدان اؤزونه بیر یاخشی نئی قاپیریر. هر گون بو نئی له گؤزل هاوالار چالیر. بیر گون همین پادشاه ولایتی گزه-گزه گلیب

بورایا چاتیر. گؤرورکی، بیر بالاجا اوغلان ائله نئی چالیرکی، آدام واله اولور. بیر آز دینله دیکدن سونرا اوغلانا بیر نئچه قیزیل وئریب گئدیر. اوغلان ائوه گلیب گؤردوکلرینی آناسینا ناغیل ائدیر. آناسی نیشانه لریندن تانییرکی، اوغلونا قیزیل وئرن اونون کئچمیش اریدیر. تئز دم-دستگاه دوزلتدیریب چوبانی ائوه چاغیریب دئییرکی، پادشاهیمیز گلیب بورا، گئت اونو بیزه قوناق گتیر. چوبان راضیلاشیر. اوشاق دا آتاسی ایله گئدیپ پادشاهی ائوه دعوت ائدیر. اوشاق پادشاهین چوخ خوشونا گلدیگی اوچون اونون سؤزونو یئره سالمیر. اونلارا قوناق گئدیر. آرواد اؤزو پردهنین آرخاسیندا اوتورور، چوبان و اوغلو خؤرک، جوربه جور یئمکلری گتیریب سوفره یه دوزورلر. یئمک-ایچمکدن سونرا چوبان سوفره نی ییغیشدیرماق اوچون اوغلونو چاغیریر:

-قیسمت بئله ایمیش-اوغلو گلیر. ایستولو ییغیشدیریرلار. چوبان دئییر:

-قیسمت بئله ایمیش، گئت بیزه چای گتیر-اوغلان درحال چای گتیریر. پادشاه دئییر:

-منی باشا سال گؤروم اوغلانین آدینی نه اوچون "قیسمت بئله ایمیش" قویموسان؟ چوبان ایسته ییر دئمه سین. بو واخت قادین پردهنین آرخاسیندان چیخیر و اوزونو پادشاه توتوب دئییر:

-منی تانییرسان، یا یوخ؟

پادشاه تامام متل قالیرکی، بس بونو اؤلدورموشدوم، نئجه اولوب دیریلیب؟ قادین باشینا گلنلری دانیشیر.

ایندی بیلرسن کی، نه اوچون اوغلو موزون آدینی "قیسمت بئله ایمیش" قویموشام. پادشاه کور-پشمان چیخب گئدیر.

کئچل "ین آملاری"

بیری وار ایدی، بیری یوخ اویدو. بیری کئچل وار ایدی. بیری گون نئجه اولورسا کئچل پادشاهین قیزی اوزاقدان گوروب اونا وورولور. آناسینی مجبور ائله بیری، بو ساعات پادشاهین قیزینا ائلچی لیه گئت. آرواد گوروب کی، اوغلونو عینادیندان دؤندرہ بیلیمه جک، مجبور قالیب ائلچی گئدیر. پادشاه دئیر:

- کئچل اولاندا نه اولار، بیری قیز بیری اوغلانیدیر. آنجاق گرک قیزیما اون دوه، اوتوز دانا، یوز قویون باشلیق گتیره سینیز. آرواد گلیب پادشاهین قویدوغو شرطی کئچله سؤیله دی. کئچل دئدی:

- آنا، یولوما چؤرک قوی، گئدیرم پول قازانماغا. الیمی باشیما بیغیب او قیزی آلاجام. آناسی دئدی:

- آی اوغول، آتان رحمتلیک دئیردی کی، من اولندن سونرا بیری چتینلی بینیز اولسا، دامین ساغ کونجونو قازارسیز.

آناسی سؤزونو تاماما یئتیرمه میش کئچل بایاق ها کولونگو گوتوروب دامین ساغ کونجونو قازانماغا باشلادی. کولونگون آغزینا بیری پول کیسه سی گلدی. کئچل پول کیسه سینی آچیب گوردوکی، ایچی بوشدو. باشلادی آناسی نین دالینجا دئینمه یه. بیردن عاغلینا آناسینی آلداتماق گلدی، داشلاری دولدوردو پول کیسه سی نین ایچینه کی، قیزیل آدیلا آناسینا وئرسین. کئچل ایچی داشلا دولو پول کیسه سینی آناسی نین قباغینا قویوب دئدی:

- گوتور بو دا سه نین ائوی نین قیزیلاری ...

آرواد پول کیسه سی نین آغزینی آچیب چئویرنده قیزیلار یتره تئو کولدو. کئچله ائله گلدی کی، اونو قارا باسیر. تئز بیری آزا داش گتیریب پول کیسه سینه قویدو

و اونو آغزی اوسته چئویرنده یئنه قیزیل تۆکولدو. بیر نئچه دفعه بونو تکرار ائلدیکدن سونرا خئیلی قیزیل ییغیلدی. کئچل دئدی:

-آنا، هله لیک بو قیزیلار بس ائله بیر. کیسه نی ده چوخ زورا سالما یاق، جیریلار ائلییر. صاباح شاهین دئدیکلرینی حاضیر لاییب حضورنا گؤندرجه یم. گۆرک ایندی سۆزونه اولاجاق. کئچل شاهین دئدیکلرینی آرتیقلاماسیلا آلیب، اونون حضورنا گؤندردی. شاه بهانه تاپا بیلمه دی، اودورکی، قیزی نین کئچله نیشانلی اولدوغونو اعلان ائلدی. پادشاهین قیزی چوخ آتیلیب دوشسه ده، آتاسی سۆزونون اوستونده دایاندی.

آرادان بیر-ایکی گون کئچندن سونرا کئچل پادشاهین قیزینا سفاریش ائله-دی کی، صاباح اونون گؤروشونه گله جه یم، حاضیر لیکلی اولسون. قیز حیله یه ال آتدی. کئچلی چوخ مهربان قارشیلادی. بیر آز اونونلا ظارافاتلاشانان سونرا دئدی:

-آی کئچل، اگر منی دوغوردان دا سئویرسن سه بو قدر وار-کارا صاحب اولماغی نین سیررینی منه آچ سؤیله، یوخسا، باشین حاقی، اینجیه رم. کئچل تنز جیبیدن پول کیسه سینی چیخاریب دئدی:

-باخ بو پول کیسه سی نین ایچینه داشی ییغیب یئر تۆکنده قیزیل اولور.

پادشاهین قیزی باشلادی کئچه لی کئشه چکمه یه:

-بو پول کیسه سینی بیر نئچه گونلویه نیشانلیوا اعتبار ائدرسنمی؟

کئچل لووغالاندی:

-اونه سۆزدور، آل گؤتور سنه پئش کئشدیر. کئچل گئندن سونرا قیز پول کیسه

سینی صاندیغا قویوب آتاسی نین یانینا گلدی:

- آتای مهربان، سن نئجه روا گؤرورسن کی، من گؤزلیکده قیز قوتور کئچه لین آروادی اولوم؟ یا اونو منیم باشمدان رد ائله، یا دا اؤزومو اؤلدورجه یم.

اؤولاد محبتی شاها اوستون گلدی. شاه کئچله سفاریش ائلهدی کی، بیر ده منیم قیزیم آدینی چکسه، اؤزونو اؤلموش بیلسین. کئچل باخدی کی اؤدوزوب، قیز اونو یامان آلدادیب. آناسی باخدی کی، کئچل چوخ فیکیرلیدی، اونا توختاق لیق وئرمه یه باشلادی. بیر گون آناسی کئچلی یانینا چاغیریب دئدی:

- اوغول، رحمتلیک آتان دیردی کی، دامین سول کونجونده نه ایسه وار.

کئچل سئوینجک کولونگو گؤتوروب دامین سول کونجونو قازماغا باشلادی. بیر آز قازمیشدی کی، یئردن بیر پاپاق چیخدی. پاپاغی گؤتوروب آناسی نین باشینا قویدو و گؤردوکی، آناسی گؤزه گؤرسن میر، پاپاغی اونون باشیندان چیخاریب دئدی:

- ایندی او اولسون پادشاه قیزی، من ده اولوم کئچل. گؤر اونون باشینا نه اویون آچیرام. کئچل پاپاغی باشینا قویوب بیر باش دابان آلدی پادشاهین سارایینا. بوتون قاپیلاردان کئچیب گوردی قیزین اوتاغینا. گؤردوکی، قیز یئمک یئیر. کئچل قیزین قاباغیندا بارداش قوروب داراشدی یئمگین جانینا. قیز ایکی تیکه یئمهمیش گؤردو یئمک قورتاریب. قیزا ائله گلدی کی، باشی آغرییر. اودورکی، اوزانیب یاتدی.

قاراباش گلیب قیزین سوفره سینی بیغیشدیراندا گؤردوکی، او یاتیب، آما اوزونده ایز وار. قاراباش قیزی اویاتدی:

- آی خانیم، بو نه ایشدیر، ائله بیل، سنی اؤپوبلر،- دئدی.

قاراباش گؤزگونو گتیریب پادشاهین قیزی نین اؤزونه توتدو. قیز گؤزگوده صیفتینی گؤروب آز قالدی هاوالانسن. تئز اؤزونو جر جمع له ییب قاراباشا دئدی:

-گئت ایشینده اول، یقین یتمکدن اولوب.

قاراباش گئندن سونرا قیز هونکور-هونکور آغلاماغا باشلادی. کئچلین اورگی تابلامایب پاپاغی باشیندان چیخارتدی. قیز کئچلی گورجک اوزونو لاپ ایتیردی. کئچل دئدی:

-ایندی سوزون ندیر، منه گلیرسن، یا یوخ. اونسوز دا سن روسوای اولموسان. قیز کئچلین سوزونو یاریمچیق کسدی. کئچل، سنه، قوربان اولوم، تا من اولدوم سنین. آنجاق سندن بیر ریجام وار، او پاپاغی بیر نچه گونلویه وئر، قویوم باشیما، منیم اوز-گوزوم گورونمه سین. کئچل قیزین شیرین دیلینی ائشیدیب یئنه سوئولدو. پاپاغی اونا وئردی. قیز پاپاغی صاندیغا قویوب قیشقیرماغا باشلادی و الینی الینه ووران همن قاراباش-نؤکر حاضر اولدو. قیزین تاپشیریغی ایله کئچلی او قدر دؤیدولرکی، گل گوره سن. سونرا پادشاهین قیزی نؤکرلره قیزیل وئریب تاپشیردیکی، بو باره ده بیر کلمه ده دانیشماسینلار، کئچلی ده بیر کیسه یه قویوب سارایین دؤواریندان او طرفه آشیرسینلار. نؤکرلر پادشاهین قیزی نین تاپشیریغینی یئرینه یئتیردیلر. قیز روسوای اولماغیندان قورخدوغونا گوره نؤکرلره دوباره قیزیل وئردیکی، بو صحتی آچیب-آغارتماسینلار. قیز بوردا قورخو ایچینده فیکیرلشمکده قالسین، سنه کیمدن دئییم، کئچلندن. کئچل هاندان-هانا اوزونه گلیب کیسه نین ایچیندن چیخدی، کور-پشمان ائولرینه گلدی. آناسی حال-قضیه دن خبر توتوب پرت اولدو. بیر نچه گوندن سونرا آناسی کئچله دئدی:

-اوغول، آتان دیردیکی، دامین اورتاسیندا دا نه ایسه لازیملی بیر شی وار. کئچل بایاق ها کولونگو گوتوروب دامین اورتاسینی قازماغا باشلادی. بیر خئیم قازمیشدیکی، بیر توتک چیخدی. کئچل دیلخور اولدو. ائله بیرجه توتگیمیز

چاتمیردی،-دئدی و توتگی آغزینا آپاریب پوله ین کیمی جین لر پادشاهی اونون حضوروندا دایاندی. کئچل، جینلر پادشاهینا گۆره نه قوللوغون دئییب سوروشدو. کئچل دئدی:

-پادشاهین قیزی ایت قوسلو گۆتور، گتیر بورا. بیر قورتوم سو ایچیم زامانیندا جین لر پادشاهی، قیزی کئچلین حضورونا گتیریب گۆزدن ایتدی. کئچل دئدی:
-کۆپک قیزی، ائله بیلیردین کی، الیمدن قورتارارسان. تئز اول، حاضیرلاش، توپوموز اولاجاق. کئچل توتگی بئلیندن چیخاریب تاخجایا قویدو و باشلادی چاریغینی سویونماغا. بو دمده قیز تئز توتگی تاخچادان گۆتوروب پوله دی، جین لر پادشاهی حاضیر دایاندی:

-پادشاه قیزی، منه گۆره قوللوق؟

قیز دئدی:

-بو کئچلی ان اوزاق بیر مئشییه آت.

جین لر پادشاهی قیزین امرینی یئرینه یئتیردی. قیز گئیینیب توتگی یئیندن چالیدی و بیر گۆز قیرپیمیندا جین لر پادشاهی امره منتظیر دایاندی. قیز امر ائتدی کی، ایندی اونو آتاسی نین عیمارتینه آپارسین. جین لر پادشاهی قیزین بو ایستگینی ده یئرینه یئتیردی. قیز بورادا راحت نفس آلماغیندا اولسون، سنه کیمدن دئییم، جانی یانمیش کئچلدن. کئچل اؤزونه گلیب باشلادی بو مئشه ده گزمه یه. گۆردوکی، بیر آما آغاجی وار، بوداغی نین بیرینده ساری، بیرینده قیرمیزی، بیرینده ایسه گۆی آملار ساللانیر، آما آما دئییرم سنه، شاواغی گۆز قاماشدیریر. کئچل برک آجمیشدی. اولجه ساری آلمادان یئدی. بیر آز کئچمیشدی کی، باخدی بوندان بیر قویروق چیخدی کی، هؤیج "ین قویروغو اونون یانیندا هئچ ندی. کئچل قویروغونون آغیرلیغیندان اؤزونو ترپشدره بیلمه

دی. کئچل اورگینده فیکیرلشدی کی، منیمکی ائله بوراجانمیش، جهنم قوی ائله قیرمیزی آلمادان یئیم. کئچل قیرمیزی آلمادان بیرینی یئمیشدی کی، باشلادی باشی قاشینماغا. الینی آپاردی باشینی قاشییین، گوردوکی، پهو، بیر قوشا بوینوز چیخیب کی، گل گوره سن. کئچل بیر قویروغونا باخدی، بیر بوینوزونا ال سورتدو، دئدی، تا اولدوم بیر وحشی، قالدیم بو مئشه ده. کئچل دئدی کی، منیمکی مندن کئچیب، قوی گوی آلمانین دا دادینا باخیم. کئچل گوی آلمادان بیرینی یئین همن قویروغو دا، بوینوزو دا چکیلیب گئتدی. کئچل چوخ سئویندی. دئدی، سن اولمیه سن، بو آلمالارلا پادشاهین قیزی نین باشینا بیر اویون آچاغام کی، گل گوره سن. کئچل شالواری نین، کؤینگکی نین قولونو بوغدو، بو آلمالارین اوچوندن ده او کی وار ییغیب قویون-قولتوغونا دولدوردو. بیر آز دینجینی آلمانان سونرا اوز قویدو ائولرینه. چوخ گلدی، آز دایاندی، آز گلدی، چوخ دایاندی، بیر ده گوردو، بودور، چاتیب ائولرینه. آناسی ایله گوروشوب اوپوشدو کدن سونرا دئدی:

-آنا، اولمایا اولمایا، سن بو آلمالاردان یئیه سن. صاباحلاری بیر خونچا ساری آلمادان توتارسان، بیر خونچا دا قیرمیزی آلمادان. آپاریب وئرسن نیشانلیما. دئنن کئچل سفرده اولدوغوندان نیشانلی سینا باش چکمه یه گلدیم کی، اوغلوم قوربتده یوخوسونو خوش گؤرسون. آرواد اوغلونون دئدیگینی آت اوستو یئرینه یئتیریب قایتدی، تندیر سالیب چؤرک یاپماغا باشلادی. سنه کیمدن دئیم، پادشاهین قیزی ایله قیرخ اینجه بئل قیزدان. اونلار آلمالارین شاواغینا آلدانیب بیر-بیری نین بحثینه باشلادیلار آلمالاری یئمه یه. بیر ساعاتین ایچینده هامیسی قویروقلانیب، بوینوز چیخارتدیلار. باشلادیلار بوینوزلاشماغا. اوتاقدکی شاققا-شوققا وزیر گلدی. وزیر قیزلاری بو تپیده گوروب بیر اون تپدی پادشاه ائشیدیب ائله

بیلدی کی، اونو ایلان ووروب. پادشاه گلیب هر شیئی گۆزلری ایله گۆرنده وزیردن ده بتر واهیمه یه دوشدو. پادشاه عاغلینی جم ائلیندن سونرا امر ائلدی کی، یاریم وحشی قیزلارین هر بیرینی توتوب آیری-آیرلیقدان زنجیرله سینلرکی، بیر-بیرلرینی قیرماسینلار. پادشاه قیزی نین دردینی هئچ چکه بیلمیردی. نه قدر لوغمان، طبیب گلیمشیدسه بو دردین علاجینی تاپا بیلمه میشدی. آخیردا دا بوینو وورولموشدوکی، بو سیر آچیلما سین. کئچل تا باخدی کی، گۆزله مه بین یثری دئیل. اودورکی، گۆی آلمالاردان بیر نچه سینی گۆتوروب شاهین حضورنا گلدی.

-شاه ساغ اولسون، من سنین شرطینی بیلیرم. سن ده منیم شرطیمه عمل ائله. قیزیون اوتاغی آیریدی. اذن وئر او قویروقلو-بوینوزلو مخلوقلاردان بیرینی اورا آپاریم. اولجه موعالیجه نی اونون اوستونده آپاریم، قوی قیزین دا اؤز گۆزلری ایله گۆرسون. اگر موعالیجم نتیجه وئرسه، باشلا بیلیم سنین قیزی نی ساغالدیم. سونراکی مصلحت سنیدیر. پادشاه کئچلین شرطینن راضیلاشدی. کئچلین گۆستریش اییله پادشاهین قیزی باغلانان اوتاغا آیری بیر قیز دا گتیریب اوندان آرا لی داکی یثره زنجیرله دیلر. قیز کئچلی تانییب ایچینی یئیردی. کئچل آریا سالیب او بیری قیزا دا بیر دیلیم آلمانی ائله وئردی کی، پادشاهین قیزی گۆرمه دی. گۆی آلمانین دیلیمینی یئن کیمی، قیزین قویروغو ایله بوینوزو چکیلیب یوخ اولدو. پادشاهین قیزی بونو گۆرجک آیاقلارینی یثره دؤیوب یالواردی:

-کئچل، سنه قوربان اولوم، منی ده ساغالت.

کئچل قیمیشیب دئدی:

-سنین دردین آغیردی. ساغالتماغینا ساغالداجام، آما اوزون چکه جک. ساغالان قیزی پادشاهین یانینا آپاردیلار. پادشاه گۆزلرینه اینانمادی. دیک قالخدی آیاغا، گلیب کئچل "ین اؤزوندن اؤپدو:

-گؤروم دا، منیم قیزیمی نئجه ساغالدارسان. سنی دونیا مالینا غرق ائلییه جم. قیزیم داکى، حالالجا نیشانلیندی. هانسی گونو دئسن توی ائله مه یه حاضر ارام. کئچل دئدی:

-پادشاه ساغ اولسون، سنین قیزیون مو عالیجه سی اوچ گون چکه جک. بو اوچ گون عرضینده هئچ کیم بو اوتاغا گلیب منیم ایشیمه مانع اولماسین. پادشاه راضیلاشیب اوتاقدان چیخدی. کئچل آرزوسونو آچیب قیزا دئدی. قیز چاره سیز قالیب کئچلین آروادی اولماغا ایجازه وئردی. اودورکی، گوی آلمادان بیر دیلیم ده اونا وئردی. پادشاهین قیزی دؤندو اولکی قییاغه سینه. کئچل او پیری قیزلارا دا آلمادان وئردی. اونلارین قیرخ گون، قیرخ گئجه تویو چالیندی. کئچل آروادینی، پول کیسه سینی و توتگی گؤتوروب آناسی نین یانینا قاییتدی.

کاسیب تاروئردی نین قیزی و تاجیر

بیری وار ایملش، بیری یوخویموش، قدیم ایاملاردا بیر تاجیر وار ایملش. بو تاجیر چوخ آختاریر، اؤزونه بیر عاغیللی قیز تاپا بیلیمیر. بیر گون یوخسول تاروئردی نین قیزی پری ایله قارشیلان شیر. قیز بو تاجیرین چوخ خوشونا گلیر. تاجیر بونون عاغلینی یوخلاماق ایسته بیر. بیر قاری چاغیریب اونا تویوق، بیر نئچه یومورتا وئیریرکی، آپاریب وئرسین همین قیزا. قاری گلیب قیزا دئیر کی، تاجیر دئیر، بو تویوغو بیر گونده باسدیرسین، بیر گونده جوجه چیخارسین، بیر گونده بؤیوتسون، گتیرسین منه، من اونلاری قوناخلارا کسه جم. قیز قارییا دئیر کی، آل

بیر چاناق بوغدانى وئر تاجیره. دئى كى، بونو بیر گونده اكسین، یئتیشدیرسین،
بیغیب دینی گؤندرسین.

تاجیر دئیر:

-احسن بو قیزا !

تاجیر دوروب قیزگیله گلیر. قیزدان سوروشور كى، آتانلا قارداشین هانی؟ قیز
دئیر:

-قارداشیم نه یترده دى، نه گؤیده. یعنی دام اوستونده دى. آتام دا سویون هییلدی
یترینده دى. ینی دیرمانین دونوزلوغوندادى.

تاجیر چیخیب گئدیر، یئنه همان قارینی گؤندهریر قیزین ائوینه. قاری گلیب دئیر
كى، تاجیر سنی ائوینه چاغیریر. دئیر كى، نه پالتارلی گلسین، نه چیلپاق، نه الی
دولو گلسین، نه الی بوش. نه ایچهریده دورسون، نه ائشیکده. قیز بیر قوش
توتوب سالیر توربايا. گلیر تاجیرین ائوینه. آیاغینی بیرینی قاپپیا قویور، بیرینی
ائشیکده ساخلایر. اورا چاتان کیمی قوشو بوراخیر. تاجیر بونون عاغلینا حئیران
قالیر. تاجیر بو قیزلا ائوله نیر. قیزا دئیر كى، سن گرک آتانى دانشدیرمایاسان.
پری راضی اولور. بیر مدت بونلار مئهریبان یاشایرلار.

بیر گون قیز یولون قیراغینداكى باغلارینا دینجلمه یه گئدیر. بو زامان آتاسی
اوردان کئچیرمیش. آتاسی قیزینی گؤروب دئیر كى، منی دانشدیرمیرسینیز، بارى
مادیان آتیم سیزده دى، گؤندهرین گلسین. قیز گلیب بو سؤزلری ارینه دئیر.
تاجیر حیرصله نیب دئیر:

-ایندی كى، دده نی دانشدیریبسان، چیخ گئت. اوره بین نی ایسته بیرسه گؤتور
گئت.

قیز دئیر:

-اوندا قوی بیر آیریلیق خۇره گی پیشیریم.

قیز آش بیشیریب اونون ایچینه بیهوشدارو تۆکور. کیشی آشی یئییب هوشونو ایتیریر. قیز تاجیری سورویه-سورویه آتاسی نین ائوینه گتیریر. تاجیر گۆزلرینی آچیب گۆرور کی، تختین اوستونده دی. قیشقیریر:

-هانی منیم ائویم، منی بورا کیم گتیردی؟

قیز دئیر:

-اوانوده منیم اوره ییم ایسته ین سن ایدین، سنی ده گتیرمیشم.
اونلار باریشیر، خوشبخت یاشاماغا باشلاپلار.

گۆشه بند "ین ناغیلی"

بیری واردی، بیری یوخدو، الله واردی، شریکی یوخدو. کاسیب بیر کیشی واردی. اونون دا آمان-زامان بیر اوغلو واردی. آدی ایلقار ایدی. لاپ اوشاقلیقدان آناسی اؤلور، اوشاخی آتاسی ساخلاپیر. بیر گون کیشی تاخیل بیچینه گئدرکن اوغلو ایلقاری دا اؤزو ایله آپاریر. کیشی کۆلگه لیک اولسون دییه، بیر کولون دیینده اوشاغا یئر دوزلدیر. اوشاق یاتیر. گونون ایستی سینده تر تۆکه-تۆکه ایشله ین کیشی هم دینجینی آلماق، هم ده اوشاغا باخماق اوچون کولون یانینا گئدیر. کیشی دهشته گلیر. اوشاغین اوستونده نهنگ بیر ایلان یاتمیشدی. قورخودان نه ائده جهینی بیلمه ین کیشی اؤزونو ایتیریر. ایلانی اؤلدوره بیلمزدی. ایلان ایلقاری وورا بیلردی. آخیردا کیشی گندیب بیر کاسا سو، دوز و بیر چۆرک گتیریب، اوشاغین یانینا قویور. کیشی آغلا یا-آغلا یا دئیر:

-آی الله ین حیوانی، بالاما دیمه، سوسوزسان، سو ایچ، آجسان چۆرک یئ،
دوزومو داد.

بونو دئییب، کیشی کنار چکیلیز. بیر مودتدن سونرا گلیب گؤرورکی، ایلان سویو ایچیب چیخیب گئدیپ. اوشاق ایسه هله ده یاتیر.

آیلار، ایللر اؤتور، ایلقار بؤیویور، کیشی وفات ائدیر. ایلقار چؤرک پولو قازانماق اوچون باشقا ولایته گتتمه لی اولور. هئیبه سینه چؤرک، سو قویوب، چاریغی نین باغین برکیدیپ یولا دوشور. یولدا کؤشه بند آدلی بیر اوغلانا راست گلیر، اونونلا دوستلاشیر. عالیم“ین یانینا گئدیپ صیغه قارداشی اولماق دوغاسین اوخوتدوروب، صیغه قارداش اولورلار. کؤشه بند دئییرکی، گل قیراغا گتتمیک، آتاین تورپاغی چوخ محصول داردیر. الله بیزیم روزوموزو اورادا دا وئر. ایلقار دئییرکی، بؤیوک قارداش سنسن، سن نه دئسن، او دا اولاجاق. قایدیب ال-اله وئریب ایشله بیرلر. خیلی قازانچ الله ائدیرلر. یاخشی دام-داش تیکیرلر.

بیر گون کؤشه بند دئییرکی، نه واختا قدر سوبای قالا جاقسان، سنی ائولندیرمک ایسته بیرم. ایلقار دئییرکی، اؤزون بیلرسن. کؤشابد گئدیپ پادشاهین ائلچی داشی نین اوستونده اوتورور. پادشاهین قیزین صیغه قارداشی ایلقارا ایسته بیر. پادشاه راضیلیق وئیر. چونکی پادشاه ایندییه کیمی قیزی بیر نئچه اصیللی-نسیللی آداما اره وئرمیش، لاکین ایلک گئجه ارلری اؤلموشدو. قیز آغلا یا-آغلا یا آتا ائوینه دؤنموشدو. اونا گؤرده شاه فیکیرلشیرکی، قوی قیز اره گتتسین، سونرا نه اول، اول.

قیزی گؤتوروب ایلقارین ائوینه گتیریرلر. کؤشه بند دئییرکی، هامی ائوینه گتتسین، قارداشیم ساغدیش-سولدیش من اولاجام. کؤشه بند کئشیک چکیر. گؤرورکی، گئجه بیر ایلان سورونوب بئله گلینین اوتاغینا گلیمک ایسته بیر. کؤشه بند ایلانی خنجرله اؤلدورور، هئچ کیمه دئمه دن آپاریب دره یه آتیر. سحر پادشاها موژده وئریلرکی، اوغلان اؤلمه ییب. شادلیق ائدیرلر. لاکین قیز اؤزونو

بیرتهر آپاریردی. بیر گون کۆشه بند دئییرکی، قارداش، ایلقار، گلینی ده گۆتور، گندیب منیم آتامین تورپاغیندا یاشایق. ایلقار راضی اولور. وار-دؤولتی، مال حیوانی گۆتوروب یولا دوشورلر. گلیب ایلک دفعه قارشیلشدیقلاری یئره چیخیرلار. کۆشه بند دئییر:

-قارداش، سینله بوردا تاپیشمیشیق، گل بورادا دا آیریلایق، هره اؤز آتاسی نین تورپاغینا گندیب اورادا دا یاشاسین. وار-دؤولتی بۆلمه لی ییک. ایلقار دئییر:

-بؤیوک سنسن، نئجه دئییرسن، ائله ده اولسون.

الته، ایلقار دا اؤز آتا یوردونا قایتماق ایسته ییردی. نلری واردیسا بۆلمه یه باشلادیلار. اورتادا بیر آت آرتیق قالدی. کۆشه بند دئدی:

-قارداش، آتی دا اورتادان بۆلمه لی ییک.

ایلقارین دا، آروادی نین گۆزو قاباغیندا قیلینج چکیب آتی بیر ضربه ایله ایکی پارچایا بۆلدو. سونرا دئدی:

-قارداش، ایندی بۆلونمه لی بو قادیندیر. اودا ایکییه بۆلونمه لیدیر.

قورخودان گلین زاغ-زاغ اسیردی. بیر قیلینجلا آتین ایکییه پارچالانماسی گۆزو قاباغیندا اولموشدو.

کۆشه بند قیلینجی گۆتوروب اولکی تک گئری چکیلیب، سورعتله گلینین اوستونه هوجوم چکدی. قورخودان هارای قوپاران گلینین آغزیندان گۆیومتول زهره اوخشار مایع کیسه سی ایله گلیب یئره دوشدو. گلین هوشونو ایتیردی.

کۆشه بند ایلقاری قوجاقلایب ایلان احوالاتینی دانیشدی. گلینین اول گئتدیگی کیشیلرین همین ایلان طرفیندن اؤلدورولدویونو دئدی و قئید ائله دی کی، همین ایلان بو گلینه بیچلمیش ایمیش. گۆزلرینی گلینین گۆزلرینه دیکدیگینه گۆره اونون بطنینده بو زهر عمله گلیمیشدی، او دا گلیندن گلیب تۆکولدو. اونا گۆره

ائله خسته حال ایدی. ایندی ساغلام اولدو. الله ایکنیزی ده خوشبخت ائله سین. قاییت، قیزی دا دورقوز، آتا یوردونا گئت. ایلقارین آرخایا دؤنمه سی ایله کؤشه بندین یوخا چیخماسی بیر اولدو. مثل قالان ایلقار گؤردوکی، بیر ایلان داشین آراسینا گیریر. تئز ایلانی قویروقلادی. ایلان نه قدر چالیشدی، ایلقارین الیندن قورتارا بیلمه دی. ایلان دیله گلیب دئدی:

-ال چک، اؤتورمه سن ائله چالاجام کی، سوموکلرین توزا دؤنه جک. ایلقار دئدی:

-اؤلسم ده اؤتورمه رم. سن کؤشه بندسن، بو سیرری منه آگاه ائله.

ایلان دؤنونا اولان کؤشه بند دئدی:

-سن اوشاق اولاندا آتان بیچین واختی سنی کولون دیینه قویموشدو، من ده اوزاق سفردن گلیردیم. سوسوزلوقدان اؤلوردوم. سنی کولون دیینده گؤرنده گلیب اوستونه چیخدیم کی، سنین تریندن یالایب آتشی می سؤندوروم. آتان گلیب وضعیتتی گؤردو، سو گتیردی، چیخیب گئتدی. من سویو ایچیب اؤلومدن قورتولدوم. اونا گوره سنه بو یاخشیلیغی ائتدیم کی، آتانین یاخشیلیغی نین عوضینی چیخیم.

بونو دئییب کؤشابند یوخا چیخدی. ایلقار آروادی ایله آتا یوردونا قاییدیپ یاشاماغا باشلادی. هامییا یاخشیلیق ائدیردی، یاخشی اینسان کیمی آد چیخارمیشدی.

کیچیک قیز

بیری وار ایدی، بیری یوخ اویدو، بیری پادشاه وار ایدی. اونون اوچ اوغلو اوچ قیزی واردی.

هر گون بو پادشاهین خزینه سینی یاریردی. او، خزینه سینی یارانسی تاپا بیلیردی کی، بیلیردی. بیری گئجه پادشاهین بویوک اوغلو خزینه نین قاراوولونو چکمه یه باشلاپیر. گئجه دن بیری آز کئچمیش اوغلانی یوخو توتور، گلیب خزینه نی یاریرلار. خبر پادشاه چاتیر. پادشاه چوخ مایوس اولور. او بیری اوغلانلاری دا بویوک قارداشلاری کیمی یاتیب، خزینه نی آپارتدیریرلار. پادشاه بیلیر کی، نه ائله سین. بیری گون پادشاهین کیچیک قیزی آتاسینا دئییر:

-آتاجان، قوی من گندیب خزینه یه قارا اول دوروم.

پادشاه راضی اولماییب دئییر:

-اوغلانلاریم گندیب قورویا بیلمه دیلر، سن نه ائله یه بیلرسن؟

قیز ال چکمه ییب دئدی:

-من گندیب قورویا جاغام.

پادشاه بیری تهر راضیلیق وئردی. آخشام اولدو، قیز گئتدی. بیری آز کئچندن سونرا گوردوکی، یوخوسو گلیر، بارماغینی کسب یئرینه دوز تۆکدو، بیری آز کئچمیشدی بیری ده گوردو کی، ایچهری بیری باش اوزاندی. قیز اونو ووروب یئره سالدی، ایکینجیسی اوزاندی، ووروب سالدی، اوچونجوسو اوزاندی، ووروب سالدی. بئله-بئله آلتی باش ووردو. سحر آچیلدی، خبر گلدی کی، اوغرو لاری قیزی اولدوروب. پادشاه قیزینا احسن دئدی.

دئمه، بو شهرده قارا اولی آدیندا بیری اوغلان واریمیش، اوغرو لارین باشچیسو بو ایمیش. بونلار یئددی قارداش ایمیشلر، آلتیسینی قیز اولدورور، قالیر قارا اولی.

قاراوولی قارداشلاری نین قانینی آلماق اوچون پادشاها ائلچی گلیب قیزی ایسته بیر. پادشاه بؤیوک قیزی وئریر بونا. قارا ولی قیزی آپاریر، گؤرور کی، قارداشلارینی اؤلدورن بو دئیل، آپاریب قویور ائوی نین یانینا. سحری گلیر، اورتانجیل قیزی آپاریر. گؤرور کی، بو دا دئیل. بونو دا قایتاریر، قویور پادشاهین ائوینه. اوچونجو دفعه گلیر کیچیک قیزی آپارماغا. کیچیک قیز آتاسینا یالواریر کی، منی وئرمه اونا. او، قاراوولی دی. اؤلدوردیوم اوغرو لارین قارداشیدی. منی آپاریر اؤلدورمه یه.

قیز چوخ یالواریر، آما آتاسی باخمیر، اونو دا وئریر قاراوولی یه. قاراوولی قیزی گؤتوروب مئشه یه آپاریر. محکم-محکم بیر آغا جا باغلا بیر کی، گئدیب آغاجدان-زاددان گتیر سین، اوجاق قالایب قیزی یان دیر سین. قیز چوخ یالواردی کی، اونو اؤلدورمه سین. قاراوولی اونا محل قویمادی:

-سن منه داغ چکیسن، گرک سنی دیری-دیری یان دیرام.

قاراوولی اونون یالوار-یاخارینا باخمایب گئدیر اودونا. بو واخت بیر پادشاهین اوغلو اووا چیخیر. گلیب گؤرور کی، بیر گؤزل قیزی باغلا ییلار آغا جا. قیزی آغاجدان آچیب اؤزینن آپاریر. قیز اوغلانا دئیر:

-گرک سن ائله بیر ائو تیکدیره سن کی، قیرخ مرتبه لی اولسون. قاپیلارا دا آصلان باغلا یاسان. یوخسا قاراوولی گلیب منی اؤلدورر.

اوغلان قیزین دئدیگی کیمی ده ائله بیر. قیرخ گون، قیرخ گنجه توی ووردوروب عؤمور سورمه یه باشلا بیر. بونلار یاشاما قدا اولسونلار، سنه کیمدن دئیم، قاراوولی-دن. قاراوولی گلیب گؤرور کی، قیز یوخدور. دینچی پالتاری گئیپ، شهر لری دولاشما غا باشلا بیر، گلیب چیخیر قیز یاشایان شهره. بیر گؤزل عیمارت گؤرور.

اؤیره نیر کی، قیز بورادا یاشاییر. گئجه اولور، بیر فندینن اؤزونو سالییر ایچهری، چیخیر قیرخینجی مرتبه یه، گؤرور قیزلا اوغلان یاتیب.

قیز بیردن گؤزونو آچیب گؤردو کی، قاراوی دوروب بونلارین باشی نین اوسته. تئز ارینی اویاتدی. اوغلان قاراوی نن توتاشدی. قیز جلد توپپوز گؤتوروب قارا ولی نین باشیندان ائله توتوزدوردو کی، او، اؤزونو ساخلایا بیلمه ییب صندله دی. اوغلان قاراوی نی ایتله ییب یئر آشیردی. قاراوی گومبولتوینان گلیب دوشدو اصلانلارین قاباغینا. اصلانلار اونو پارچالادیلار.

قیزلا اوغلان داها قورخوسوز، شاد-خرم یاشادیلار. اونلار یئییب-ایچیب مورادلارینا چاتدیلار، سیز ده مورادینیزا یئتین.

گؤدول دئو ناغیلی

بیر پادشاه اولور. بو پادشاهین دا قیرخ آروادی اولور. بیر گون بو پادشاه اؤلور. وزیر اونون یئرینه پادشاه اولور، اؤلن پادشاهین دا آروادلارینی آلیر. قیرخینجی آرواد گلمیر. وزیر نؤکره دئییر کی، آپار، بو آروادی اؤلدور، قانلی کؤینه یینی منه گتیر. نؤکر آروادی آپاریر مئشه یه. بو زامان بیر شیر مئشه دن چیخیب، نؤکری پارچالاییر، چیخیب گئدیر. آرواد قالیر مئشه ده. اؤزونه بیر کوما قاییریر. آروادین بیر اوغلو اولور. آدینی قویور جلاوی وطن. جلاوی وطن اون سککیز یاشینا چاتاندا هر شیئی آناسیندان سوروشور. آناسی باشینا گلن احوالاتلاری اوغلونا دانیشیر. اوغلان گونده اووا گئدیب، اووا اولاییر، گتیریب آناسینان یئیرلر.

بیر گون اوغلان سفره گئدیر. قاباغینا بیر عیمارت چیخیر. بو عیمارتین ایچینی گزیر. قیرخینجی اوتاغی آچیر، گؤرورکی، بیر دنه گؤدول دئو وار. سونرا گلیر ائوه، آناسینا دئییر کی، گئدک، بیر ائو تاپمیشام. اونلار گلیرلر عیمارته. اوغلان

آناسینا تاپشیریر کی، مبادا قیرخینجی اوتاغین قاپیسینی آچاسان. بیر مودت کئچیر. آرواد دؤزمه ییب، قیرخینجی اوتاغا گئدیر، گؤرورکی، بورادا بیر دئو وار. بونلار بیر-بیرینی سئومه یه باشلا بیرلار. آروادین دئودن بیر اوغلو اولور. آپاریب آتیر اوغلونون یولوناک، اوغلو اوشاغی گؤتوروب گلکین. اوغلان ائوه گلنده گؤرورکی، بیر اوشاق وار. اوشاغی گؤتوروب گتیریر آناسینا. آدینی دا قویورلار تاپدیق. اوشاق یئکه لیر. قارداشیینان اووا گئتمه یه باشلا بیر. بیر گون آروادین دئودن یئنه اوغلو اولور. دئو آروادا دئیرکی، جلائی وطنی اؤلدورک. آرواد سوروشور:

- نئجه اؤلدورک؟

دئو دئیر:

- اؤزونو وور خسته لیگه، دئی کی، گئتسین آغ دئوین مکانیندان آلما گتیرسین. گئدیب اورادا اؤلر.

اوغلان اوودان گلیر کی، آناسی خسته نیب دیر. آناسی دئیر:

- اوغلوم، منیم ساغالماغیمی ایسته بیرسن سه، گئت آغ دئوین باغیندان منه آلما گتیر.

اوغلان آز گئدیر، چوخ گئدیر، بیر قوجایا قوناق اولور. قوجا اوندان هارا گئتدیگینی سوروشور. اوغلان آغ دئوین باغیندان آلما گتیرمه لی اولدوغونو قوجایا دانیشیر. قوجا دئیر کی، هارا گئدیرسن گئت، گلنده ده منیم ائویمه دوش، گئندنه ده. بیر آز گئدرسن، بیر بولاق وار، بولاغین یانیندا بیر آلما آجاجی وار. آلمادان نه قدر بیغیرسان بیغ، آما سس گلسه باخما. قاییداندا گل یانما.

اوغلان قوجانین دئدیگی کیمی ائدیر. گلیر قوجانین ائوینه. قوجا گئجه او آلمانین یئرینه باشقاسینی قویور. اوغلان ائولرینه گلیر، آلمانی آناسینا وئریر، آرواد یاخشی اولور.

بیر مودت کئچدیکدن سونرا، آروادین یئنه بیر اوغلو اولور. آرواد یئنه اؤزونو خسته لیگه وورور. آرواد دئییر:

-اوغول، منیم درمانیم ساری دئوین مکانیندادر، اصلان سوتونده دیر.

اوغلان بونو ائشیدیب یولا دوشور. گلیب دوشور قوجانین ائوینه. قوجا یئنه اونون حالینی سوروشور. سونرا قوجا دئییر:

-بیر آز گئدرسن، بیر مئشه وار، مئشه ده قوجا اصلان وار، بیر نئچه ایلدیر آیاغینا کؤتوک باتیب، اونو چیخاردارسان، سوتو آلیب آنانا گتیررسن.

اوغلان قوجانین دئدیگینی یئرینه یئتیریب، گلیر گئجه له بیر قوجانین ائوینده. قوجا اوغلانین سوتونو دیشدیریر. اوغلان سوتو آپاریب وئریر آناسینا.

آروادین دؤردونجو اوغلو اولور. دئوین تاپشیریغیلا آرواد اوغلانندان سوروشورکی، اوغول، سنین گوجون هارادادیر؟ اوغلان دئییرکی، بیلگیمده. زنجیر گتیریرلر، قیریر، یای، کیریش باغلاپیرلار، اوغلانین بونا گوجو چاتمیر، اتینه کئچیر. آناسیندان کؤمک ایسته ییر. آناسی گئدیب دئوی گتیریر، اونو اؤلدورورلر، بئشیکه قویوب آتیرلار دره یه. بئشیک گئدیب چیخیر قوجا کیشی نین ائوی نین یانینا. قوجا بئشیکه آچیرکی، اوغلان دیر. بونون هر اعضاسینی قویور اؤز یئرینه. سوتو سورتور اوغلانین اعضاسینا. آلمانی توتور بونونا. اوغلان آیلیر. قوجا احوالاتی اوغلانا دئییر. اوغلان دوروب گئدیر ائولرینه. قارداشینا دئییر:

-گئت منیم اوخومو گتیر، گئدک اووا.

اونلار اووا گئدیرلر. اوودان قایداندا آناسی گورورکی، جلاي وطن ساغدی. دئو آروادا دئیرکی، اوغلانین خورگینه زهر قاتسین. تاپدیق بونو ائشیدیر. آناسی خوره گی گتیریر. اوغلان یئمک ایسته ینده تاپدیق قویمور یئسین کی، گرک آنام یئیه. آناسی یئمک ایستمه دیکده تاپدیق آناسینی مجبور ائدیر. آناسی یئمک یئدیکن سونرا اولور. تاپدیق قارداشینا دئیر:

-آنان سنی اولدورمک ایسته ییردی.

تاپدیق دئوی اولدورور. بوندان سونرا شاد یاشاماغا باشلا ییرلار.

گولوقاقاهین، گول شاهنازین ناغیلی

بیری واریمیش، بیری یوخویموش، بیر کاسیب یئتیم اوغلان، بونون دا بیر باجیسی واریمیش. اوغلان مین-مین موصیبتین بیر تیکه چورک قازانیر و باجیسینی دا دولاندریردی.

بیر گون بیر کؤپک قاری اونون باجیسی نین یانینا گلیب دئیرکی، آی قیز، سن چوخ گوزلسن، آنجاق گولوقاقاهین اولسا، لاپ یاخشی اولار. او، قاقیلدا یار، سن قاقیلدا یارسان. بو سوز قیزین عاغلینا باتیر. قیز باشلا ییر آغلاماغا. گئجه قارداشی گلیر و باجیسینا دئیرکی، سن نییه آغلا ییرسان بئله؟ باجیسی دئیرکی، گرک منه گولوقاه قاه تاپاسان. سحر آچیلان کیمی اوغلان گولوقاقاه آختارماق اوچون دمیر چاریغینی گئینیب یولا دوشور. یولدا بیر قاری ایله راستلا شیر.

قاری دئیر:

-اوغلوم، هارا گئدیرسن؟

اوغلان دئیر:

-باجیم گولوقاقاه آختاریر. اونو تاپماغا.

قاری دئییر:

-اونو تاپماق چوخ چتیندیر. گرک گنده سن، بیر دئو وار و یئددی اوغلو، اونون یانینا. همین دئو الی ایله ایش گؤررکن، ساچی ایله ائوی سوپورور. قارییا کؤمک ائت کی، سنه یاخشیلیق اتمک فیکرینه دوشوب، گولوقاقاهین وئرسین سنه. اوغلان گئدیپ دئوین ائوی نین اوستونده گیزلندی. گؤردو دئو تندیری سالدی، اللری یانا-یانا تندیردن چؤرک چیخارماق ایسته دی. اوغلان گؤیدن تئز بیر شیش آتدی. دئو سئویندی و دئدی کی، اوغلانلاریم یئددی ایدیسه، ایندی اولدو سککیز. سونرا دئو ائوی سوپورمک اوچون ساچلارینی دسته له دی. اوغلان تئز بیر سوپورگه آتدی. دئو یئنه سئویندی، الینی گؤیه توتوب:

-ای بنی -آدم، گل سنی اوغوللوغا گؤتوروم،-دئدی.

اوغلان تئز آشاغی ائندی. بو واخت دئوین اوغلانلاری گلدی. دئدیلر کی، آدم-مادام اییی سی گلیر، یاغلی-بادام اییی سی گلیر. آناسی اوغلانلارا دئدی کی، سیز داها سککیز قارداش اولدونوز. بو اوغلان منه سوپورگه و شیش گتیریب، عذابدان جانیمی قورتاریب.

دئولر بو اوغلانلار سوروشدولار کی، نه اوچون گلیمسن و آدین ندیر؟ اوغلان دئدی کی، بیر کاسیب اوغلانام، آدیم طوغرول دور. بیرجه باجیم وار، او دا گولوقاقاه ایسته بیر، اونو آختاریرام. دئولر گؤزدن ایتدیلر. بیر آزدان اللرینده گولوقاقاه گتیردیلر. اوغلان گولوقاقاهی گؤتوروب باجیسی نین یانینا گلدی، گؤردو کی، قیز آغلا بیر. دئدی کی، سن نییه آغلا بیرسان؟ باجیسی دئدی کی، سن گئندندی گونوم-گوندوزوم گؤز یاشی ایچینده کئچیر. سونرا قیز گولوقاقاهی گؤروب چوخ سئویندی و اونو گؤتوروب اویناتماغا باشلادی.

بیر گون کوپک قاری یئنه اؤزونو وئردی قیزگیله. دئدی کی، چوخ گؤزل قیزسان، قارداشین سنین خوش گونونه چالیشیرسا نییه گول شاهنازی گتیرمه بیر. اونو گتیرسه، سنین گونون چوخ خوش کئچر. قیز بو سؤزدن سونرا باشلادی آغلاماغا. او قدر آغلادی کی، قارداشی گلنده چوخ ناراحات اولدو و دئدی:

- عزیز باجی، بس سن نییه بئله آغلا بیرسان- دییه سوروشدو. قیز قارداشینا دئدی:
- گرک گئدیپ گول شاهنازی منه گتیره سن.

اوغلان سحر یولا دوشوب دئوین یانینا گئتدی. دئو طوغرول و گؤروب چوخ سئویندی، گئدیپ باشقا دئودن اونلاری آلیب گتیردی. طوغرول دا گتیریب باجیسینا وئردی. باجیسی چوخ شاد اولدو. بیر گون کوپکین قاری یئنه گلدی کی، قیزین عاغلینی اوغورلایب آیری بیر شئی دییه. قیز اونو قوودو. قارداشی ایله فیراوان یاشاماغا، شادلیقلا گون کئچیرمه یه باشلادیلار.

گۆنتای "ین ناغیلی

بیری وار ایمیش، بیری یوخ ایمیش، بیر باجی، بیر قارداش وار ایمیش. قارداش گونده گئدیپ آزدان-چوخدان اوولایب گتیریر، یئیرمیشلر. بیر گون گئدیپ اوو ویریب گتیریر. بو اووون اووره گینی چیخاریب اوددا پیشیرنده گؤرورکی، بیر ایلان گلیب اونون اورتاسینا دولانندی. اوغلان قورخوب دئییرکی، من سنه نئیه میشم، منی اؤلدورورسن: ایلان دئییر:

- باجین پرینی منه وئردین، وئردین. وئرمه دین، سنی اؤلدوره جه یم.

اوغلان دئییر:

- گئدیم باجیما دانیشیم. راضی اولسا، سنه دییه رم.

ایلان دئییر:

-اگر پرینی منه وئرمه سن، یئرین ترکینه ده گیرسن، گوئی ده چیخسان، تاپیب سنی اؤلدوره جه یم.

اوغلان تئز ائوه گلیر، باجیسی اونو قارشیلاییر، دئییر:

-بوی، قارداش، اووون اوغورلو اولسون.

قیز گؤرورکی، قارداشی قان آغلایر، سوروشورکی، قارداش سنه نه اولوب؟ اوغلان احوالاتی اونا دانیشیر. قیز ایسه دئییرکی، یوز منیم کیمی باجی سنه قوربان اولسون. آپار، منی وئر ایلانا. آپارماسان، چؤلّه، بایرا چیخسان، ایلان سنی اؤلدورر، چیراغیمی سؤندورر.

سحر گئدیملرکی، ایلان بولاغین باشیندا قیوریلیب یاتیب. اوغلان باجیسینی ایلانین یانیندا قویوب قایدیر. ناغیلین دیلی یویورک اولار. اوغلان اون گوندن سونرا فیکیرلشیرکی، گئدیم، گؤروم، باجیم نئجه اولدو. او گلیب گؤرورکی، بولاغین باشیندا بیر قالاچا وار. اوغلان قالاچایا آغلا یا-آغلا یا گیریر. بو واخت باجیسی اونونلا گوله-گوله گؤروشور. پری دئییر:

-قارداشیم، او ایلان دئیل، گؤتای آدلی بیر اوغلان دیر. ایلان جیلدینه گیرمیشدی. اوغلان دئییر:

-نئجه ائلیک کی، اونون جیلدینی یاندیراق؟

باجی-قارداش گتیریب تندیری سالیرلار. ایسته بیرلر گؤتایین جیلدینی یاندیرالار. بو واخت گؤتای اؤزونو یئتیریب دئییر:

-منیم جیلدیمی یاندیرماین، سونرا پشمان اولارسیز. اوغلان گئدیر، بیر آی کئچیر یئنه گلیر. بو دفعه تندیری سالیب جیلدی اوددا یاندیریرلار. گؤتای تئز اؤزونو یئتیریر، آنجاق بو دفعه جیلدی آتیب یاندیرمیشدی. گؤتای قیزا

دئییرکی، سن منیم اوّزومو گؤرمیه جکسن. پری، سن الیوه دمیر عصا آلاسان، چاریق گئییه سن، دمیر عصانین آخیری چاتاندا، بلکه منی تاپاسان. پری قارداشینا:

-قارداش، ائوین بیخیلماسین. یامان-یاخشی دولانیردیق، قویمادین،-دئییب گئدیر. اوّزونه چاریق تیکدیریب، عصا قاییرتدیریب دوشور یولا. هر یانی گزیر، گلیب چیخیر بیر بولاغین باشینا. گؤرورکی، بیر قیز قارا آفتافا الینده قان-تر ایچینده گئدیب گلیر. پری قیزدان سوروشور:

-باجی، بو سویو هارا آپاریرسان بئله؟

قیز دئییر:

-بنی-آدمین ائوی بیخیلسین. گؤتای آدلی بیر اوغلان وار ایدی. بنی-آدمی سئویردی. اونون قارداشی، گؤتای ین جیلدینی یاندیریب. ایندی گؤتای ین اوّره-گی یانیر. بو آفتافا ایله اونا سو آپاریب وئریم.

پری گؤتای ین اونا باغیشلادیغی اوّزیو بارماغیندان چیخاریب آفتافانین ایچینه سالیر. قیز سویو آپاریر. گؤتای سویو ایچنده پری نین وئردیگی اوّزیو گؤرور. آناسینا دئییرکی، اگر بیر بنی-آدم گلسه اونو یئمزسن کی؟ آناسی آند ایچیرکی، یوخ، یئمیه جه یم.

گؤتای سویو گتیرن قیزدان سوروشورکی، بو سویو کیم دولدوروب؟ او دئییرکی، بیر قیز دولدوروب. گؤتای دئییرکی، گئت او قیزی گتیر بورا. قیز گلیب پرینی گؤتای ین یانینا آپاریر. گؤتای گؤرورکی، بو، پریدیر. آناسی آند ایچدییینه گؤره پرینی یئمیر، آما ایستیه بیرکی، اونو موختلیف یوللارلا اوّلدورسون. او، پرینی یانینا چاغیریب دئییر:

-بو قایچینی آپار داغین دیینه، دئن کی، بو قایچی کسمز، ماشین تیکمز. قیز دوروب گئدیر. گوتای تئز قیزین قاباغینا چیخیب سوروشور:

-هارا گئدیرسن؟

پری دئیر:

-آنان بئله دئیر... .

گوتای دئیر:

-داغ دیینه یئتیرجک دئن کی، گوتای ین آناسی دئیر کی، قایچی کسمز، ماشین تیکمز. اوندا مجمئی نین ایچینه ده دورد دست پالتار گله جک، قایچینی آت گل. پری داغین دیینه گلیر، بو سؤزلری دئییب قاجیر. داغین دییندن چوخ سسلر گلیر، کیم لرسه قیشقیریشیر کی، توت، قوو، آی قیز، دایان من ده گلیم. پری هئچ هارا باخمیر، گلیر ائوه. گوتای ین آناسی سوروشور:

-پالتاری گتیردین؟

پری دئیر:

-هه، گتیرمیشم.

آرواد دئیر:

-بو سنین ایشین دئیل، بو اولموش گوتای ین ایشیدیر. سنی او اؤیره دیب.

گوتای ین آناسی یئنه پرییه دئیر:

-بالتانی گوتور، گت مئشه دن قیرخ دوه یوکو اودون گتیر. گوتای ین تویوندا قازانین آلتینا قویاجام. پری بالتانی دا گوتوروب گئدیر. گوتای اونون قاباغینا چیخیب سوروشور:

-هارا گئدیرسن؟

پری دئیر:

-آنان تاپشیردی کی، گئت مئشه دن اودون گتیر.

گوئتای دئییر:

-گئت، مئشه یه چاتاندا چاغیر کی، آی مئشه بگی، گوئتای ین آناسی دئییر گوئتایا
توی انده جه یم، قیرخ دوه یو کو اودون لازیمدی. سونرا بالتانی تولازدیرما آت،
گل. قیز بو سؤزلری مئشه یه چاتارکن دئییر و قیرخ دوه یو کو اودون ایله ائوه
قاییدیر. آرواد دوروب گؤرور کی قیرخ دوه یو کو اودون حاضیردیر. حیرصله نیر.
حیرصیندن هئچ کسه هئچ نه دئمه ییب بوتون اودونو اؤزو تکجه داشیییر. سونرا او
یئنه پری خانیمی یانینا چاغیریب دئییر:

-گئت، باجیم گیله، اونلاردان توی دسترخانی و توی تاواسینی آل گتیر. پری
خانیم یولا دوشور. گوئتای یئنه اونون قاباغینا چیخیب دئییر کی، گئدرکن یولدا
قاباغینا بیر قاراچالی کولو چیخاجاق، دئیرسن کی، بوردا قویون ساغاسان، چای
قویوب دینجله سن. بو نه قشنگ کولدو. من گئدیرم. گوئتای ین آناسی منی
دانلایار، یوخسا قالب ایستیراحت ائدریم. گئدرسن، قارشینا بیر آغ چای
چیخاجاق، چایی تعریفله، دئنه نئجه قشنگ سودو، ائله بیل، بولوردو. گئدرسن،
سونرا قاباغینا قاپقارا سو چیخاجاق، دئیرسن، نه قشنگ سودو، او سودان قاشینا،
گؤزونه، ساچلارینا چکرسن، دئیرسن، تلسمه سه ایدیم، بو سودا چیمردیم. پری
خانیم گئدیر، گوئتای دئدیگی کیمی ائدیر، گلیب خالاسی گیله چاتیر.
گؤرور کی، گوئتای ین خالاسی اوتوروب. قیزی گؤرجک اوزوندن اؤپور، دئییر کی،
دور بوردا گلیرم. آرواد گئدیب دیشلرینی ایتیلدیب گلیر کی، پری خانیمی یئسین.
بو واخت پری خانیم دسترخانی و تاوانی گؤتوروب چیخیر. گوئتای ین خالاسی نه
قدر چیغیریر دایان، من ده گلیم، پری دایانمیر. گوئتای ین خالاسی قیشقیریب
دئییر کی، آی قاراچالی، توت. قاراچالی دئییر:

-نییه توتوم؟ سن منه همیشه، آی قاراچالی پیس کولکی، دئییردین، منی پیسله
ییردین، آنجاق او منی تعریفله ییر. آرواد دئییر:

-آی آغ سو، اونو توت.

دئییر:

-یوخ، توتمارام، سن منی پیسله ییردین، او ایسه تعریفله دی.
بئله لیکله، قیز گلیب ائوه چاتیر، اونو هئچ نه توتمور. گوتتایین آناسی دئییرکی،
آبالا، دئدیگیم شئیلری گتیردین؟

دئییر:

-هه، گتیرمیشم.

گوتتایین آناسی ناعلاج قالب، گوتتایا توی ووردورور. آنجاق گوتتایین آناسی
پری خانیمین عوضینه باجیسی قیزی گتیریر، پری خانیمین باشماقلارینی ایسه
شام ائله ییر. دئییرکی، باجیسی قیزی گوتتای ایله یاتاجاق، پری خانیم ایسه
باشماقلاری ایله اونلارا ایشیق سالاجاق. گوتتای اوزونو یوخولوغا ووردور. پری
خانیم باشماقلاری یاندیغیندان اوفولدا ییر. بو واخت گوتتای دوروب خالاسی
قیزی نین باشینی اوزوب آتیر اوتاغین کونجونه، پری خانیمی دا گوتتوروب قاچیر.
سحر آچیلیر، گون چیخیر. گوتتایین آناسی بویوک قیزی گوندیریرکی، گت
گور، پری خانیم اولوب؟ قیز گلیب گورورکی، خالاسی قیزی نین باشی بیر
طرفده، بدنی بیر طرفده دیر. قاچا-قاچا گلیب آناسینا دئییر:

-ائوین بیخیلسین، آنا، قارداشیم قیزی اولدوروب، پرینی ده گوتتوروب قاچیب.
گوتتایین آناسی گلیب گورورکی، حقیقتا ده قیزی دئدیگی کیمیدیر. آناسی
بویوک قیزی نا دئییر:

-سوتوم سنی توتسون پرینی اۆلدورمه سن. سئحر اوخویور، گئدیرلر گوتتای گیل اولان یئر. گوتتای گؤرورکی، باجیسی گلیر. پری خانیمی بیر سورو جوجه ائله- بیر، اؤزو اولور آناسی. قیز هانسی نین قارداشی، هانسی نین پری خانیم اولدوغونو آیرا بیلمه ییب گئری قایدیر. آناسی سوروشورکی، قیزیم، پرینی اۆلدوردون؟ قیز دئییر:

-آنا، بیلمه دیم، جوجه لر هانسیدیر، آنالاری هانسی؟
آناسی دئییر:

-جوجه لر پری ایدی، آناسی ایسه گوتتای ایدی. بو دؤنه کیچیک قیزینا دئییر:
-سوتومو سنه حالال ائله مهرم، پرینی اۆلدورمه سن.
گوتتای کیچیک باجیسی نین گلدیگینی گؤروب سئحر اوخویور، پری خانیمی ائو، اؤزونو ایسه ائوین بییه سی ائدیر. کیچیک باجی نه قدر چالیشیرسا هانسی نین پری خانیم، هانسی نین قارداشی اولدوغونو آیرا ائده بیلمه ییب گئری قایدیر. آناسی سوروشانداکی، تاپدین، دئییر، یوخ. بو دؤنه آروادین اؤزو حیرصه نیب گلیر پری خانیم گیل اولدوغو یئر. گوتتای گؤرورکی، بودور، آناسی بیر توز-دومانان گلیر کی... بو دؤنه پری خانیم اولور بوستان، گوتتای اولور بوستانچی. آرواد نه قدر فیکیرلشیرسه، تاپا بیلیر، هانسی پری خانیمدی، هانسی گوتتای دی. گئندنه پری خانیم دئییر:

-سنی گؤروم، یاتاندا الین دیزینده قالسین. پری خانیم یاتاندا الی دیزینده قالدی.
گوتتای پری نین دیلیندن آناسینا بیر مکتوب یازیر، مکتوبو وئیر یئله. یئل مکتوبو باجادان گتیریب آروادین یانینا سالیر. آرواد مکتوبو اوخویور:
-آی بالا، دئییب دیزینه وورور. پری خانیمین الی دیزیندن قورتاریر.

جانلاری دا گونتایین آناسیندان قورتاریر. اونلار دا یئیرلر، ایچیرلر، مطلبه یئتیشیرلر. سن یوز یاشا، من ایکی اللی. هانسی چوخدور، سن گؤتور. سن ساغ، من سالامات.

مرجان قیز

بیری وارمیش، بیری یوخموش، بیر اؤلکه نین بیر پادشاهی وارمیش. بو پادشاهین دا گؤزونون آغی-قاراسی، گؤزل-گؤیچک، مرجان آدلی بیر قیزی وارمیش. هله خیردا واختیندان پادشاه بو قیزی اؤز قارداشی اوغلونا آد ائله میشدی. گونلرین بیرینده بو پادشاها قونشو اؤلکه نین پادشاهیندان بئله بیر سفاریش گلیر کی، بس سنه قوناق گله جم، حاضر لاش. پادشاهین الی آشاغی اولدوغو اوچون بو خبر اونون قانینی قارالدير. فیکیرلشیر کی، نئيله ییم-نئجه ائله ییم. اؤلکه سینده سئودایار آدیندا وارلی-کارلی بیر تاجیر وار ایدی. قارار گلیر کی، بو تاجیردن اون مین تومن پول آلسین. بئله لیکله، سئودایاری حضورونا چاغیریر. مسئله نی اونا دانیشیر. سئودایار دئییر:

-قیبیه ی عالم، راضیام، آنجاق ایکی شرطله. بیرینجی، یا پولو بیر گوندن آرتیق گئجیکدیرمه یه سن، یا دا قیزی منه وئرمه لی سن.

پادشاه دئییر کی، یاخشی. غرض، سئودایار دوروب گئدیر ائولرینه. پادشاه دا قوناقلیغین وئرب قورتاریر. آنجاق پولو قایتارا بیلیمیر. سئودایار دا اوتوروب ائولرینده بیر خبر گؤزله ییر، آنجاق گؤرور کی، بیر سس-سوراق یوخدور. اودور کی، اؤزو گلیب پادشاهین ائوی نین قاباغیندا کی ائلچی داشی نین اوستونده اوتورور. پادشاها خبر گئدیر کی، بس سئودایار گلیب، اؤزوده اوتوروب ائلچی داشی نین اوسته. پادشاه دئییر:

- گئدین، اونو چاغیرین گلین.

سئودایار گلیر، بیر خئیلی مصلحت-مشورتدن سونرا قرارا گلیر لر کی، پادشاه قیزی سئودایارا وئرسین.

خبر گئدیپ چاتیر پادشاهین قیزی مرجانا. مرجان بوندان چوخ حیرصله نیر. فیکیرلشیر کی، یاخشی، من جاوان، قوچاق عم اوغلومو قویوب، سئودایار کیمی بیر کافتارا گئدیم؟ نه دی-نه دی آتامین اونا اون مین تومن بورجو وار. چوخ گؤتور-قویدان سونرا قیز قرارا گلیر کی، هئچ واخت عمی سی اوغلونا وفاسیز چیخما یا جاق. سئوگیلیسینه ده خبر گؤنده ریر کی، توی گونونون سون گئجه سی گؤزلرسن فیلان یئرده، بیر-بیریمیزه قوشولوب بو ولایتدن قاچاریق.

توی گونو گلیب چاتیر. مرجانی سئودایارین ائوینه گلین کؤچورور لر. مرجان سئودایاری یوخویا وئرمک اوچون اونا کلک گلیر. تاجیره دئیر کی، من اورگیمده عهد ائله میشم کی، هر کیمه اره گئتم، ایلک گئجه اونا بیلدییم ناغیلارین هامیسینی دانیشیم. سئودایار چوخ بیلمیشلیکندن بو کلکدن دوپوق دوشور، آنجاق اوزه وورمور. مرجان چوخلو ناغیل دانیشیر، آنجاق گؤرور کی، سئودایار یوخویا گئتمیر، قورخویا دوشور. سئودایار دا تنگه گلیب دئیر:

-مرجان خانیم بئله توی گئجه سی اولماز. گئجه دن خئیلی کئچیب، یئرلری سال یاتاق.

مرجان اؤزونو بیلمه مزلییه قویوب، یاتاغی آچیر، سونرا دا دئیر کی، من بایرا چیخماق ایسته ییرم. سئودایار دئیر کی، چیخاجاقسانسا چیخ، آنجاق من سنین بئلینه ایپ باغلامالیام. قیز راضیلیق وئیر، الینه آفتافا آلیب ائشییه چیخیر. ایپی بئلیندن آچیب حیاطدا کی آغاچا باغلا ییر، آفتافانی دا اونون یانینا قویور. اؤزونو چاتدیریر وعده یئرینه. عمی سی اوغلونا قوشولوب همان مملکتدن قاچیر لار.

سئودایار ائوده خئیلی گؤزله بیر، قیز قایتیمیر، آخیردا دوروب حیاطا چیخیر. گؤرور کی، قیز قاچیب. چار-ناچار ایچهری قایدیر. فیکیرلشیرکی، قیزی آختاریب تاپمالییام، یوخسا ائل آراسیندا بی آیر اولارام. ائوی نین آچارلارینی دا قونشوسونا وئریب تاپشیریر کی او گلینجه، ائودن گؤز اولسون.

سئودایار درویش لیباس اولوب شهربه شهر مرجانی آختارماغا باشلاپیر. سئودایار آختارماقدا اولسون، ائشیت خبری بو بیر یاندان. مرجانلا عمی سی اوغلو بیر خئیلی گئندن سونرا بیر دریا راست گلیرلر. گمییه مینیب بورادان اوزاقلاشماق ایسته بیرلر. ائله بورادا اؤزوکلرینی دیشدیریب اولورلار حاللجا نیشانلی. اوغلان الینی یوماق اوچون اوزویو بارماغیندان چیخاریب داشین اوستونه قویور. باشلاری شیرین صُحبتله قاریشدیغیندان اوزویو اونودورلار، بئلهجه گمییه مینیب اورادان اوزاقلاشیرلار. بیر قدر گئندن سونرا اوزوک اوغلانین یادینا دوشور. قایدیب اوزویو گؤتورمک اوچون گمیدن آتیلیب سودا اوزمه یه باشلاپیر. بو، گمیچی نین لاپ اورگیندن اولور، سن دئمه، اونون دا قیزا گؤزو دوشوبموش. بونا گؤره ده اوغلانی گؤزلمه ییب یولونا داوام ائدیر. مرجان مسئله دن حالی اولور. گمیچییه اؤزونو یاخین گؤسترمک اوچون اونون یانیندا اوتوروب، گیزلینجه گمی سورمه یی اؤیره نیر. نهایت، گمیچی نین ولایتینه چاتیرلار، گمیچی اونونلا ائولنمک ایسته دینی بیلدیریر. مرجان راضیلیق وئیریر. توی گئجه سی سئودایارین باشینا گتیردیکلرینی اونوندا باشینا گتیریر، ائودن چیخیب گمییه مینیر، بوردان اوزاقلاشیر. گمیچی ها گؤزله بیر قیز گلیب چیخمیر. بائیرا چیخیب گؤرورکی، گمی دریادا گؤزدن ایتیر. ایشی باشا دوشوب بارماغینی دیشله بیر. های-هشیر قوپاریر کی؛

-اده، قیزین اؤزو جهننم، بس منیم چؤرک آغاجیمی نییه آپاریر؟ تئز اولون، بیر قایقدان-زاددان گتیرین، گنڈیب گمییه چاتیم.

آنجا قایق تاپیلانجان ایش-ایشدن کئچیر، گمی چوخ اوزاقلاشیر. گمیچی ده تغیرلیباس اولوب باشلایر قیزی آختارماغا. مرجانین عمی سی اوغلو دا نشان اوزویونو تاپاندان سونرا سئوگیلیسینی آختارماغا باشلایر. مرجان دا اونو آختاریب تاپماق اومیدیه گمینی دریانین بیر قیراغیندا ساخلایر. یئر دوشوب باشلایر گئتمه یه. آخیردا گلیب بیر مئشه لیگه چاتیر. گؤرور بوردا بیر اوچوقوش اولاییر. بوندان چؤرک آلماق اوچون یاخین گلیب اوچویا دئییر:

-بی، من سنی گؤر نه قدر آختارمیشام، سنی اؤز ساراییمدا یاتیب یوخودا گؤرموشم، داینامیب باشلامیشام سنی آختارماغا. آج قالمیشام، آما یولومدان دؤنمه میشم، گؤرورسن پالتاریم دا جیریلیب.

اوچوقوخام-خام اونا باخیب دئییر:

-یاخشی، منه گلکم ایسته ییرسن سه، گنڈک کنده، آتام-آنام بیزه توی ائيله سین.

پادشاه قیزی دئییر:

-یوخ، شاه قیزی نین بئله پالتاردا جماعات آراسینا چیخماغی آیبیدی. سن گئت کئندن باجیلارینی گتیر، پالتارلیق، بر-بزک گتیر سینلر. بوردان توینان-دستگاهینان گنڈک.

اوچوقو راضی اولور. ائولرینه گلیب احوالاتی آناسینا دانیشیر. آناسی بونا چوخ اینانماسا دا، اوغلونون دئدیگیندن دؤنمه دیگینی گؤروب راضی اولور. کئندین قیزی اوچونون باجیلارینان شاه قیزینی قارشیلایماغا گنڈیرلر. گلیب گؤرورلر کی، قیز نئجه کی، اوغلان دئییر ائله جه اوتوروب گؤزله ییر. اوپوش-گؤروشدن

سونرا دسترخان آچیلیر، بیغیشیلیر. سونرا مرجان دئییرکی، بس هامیسی بیر بیچیمده، بیر رنگه قیرخ بیر دست دون تیکین. دونلار تیکیلیب قورتاریر، گئییلیر. مرجان گزمک بهانه سینن بونلاری گمینی ساخلادیغی یئره گتیریب سوروشور:

-اوی، آی قیزلار، بو نه دی بئله؟...

قیزلار عؤمورلرینده گمی گؤرمه میشدیلر. اونا گؤره ده دئدیلر:

-گؤرمورسن، دنیزین اوستونده اوتاقدی. گلین اوتوراق ایچینده هاخیشتا دئیک.

قیزلار گمییه دولوشدو. مرجان دا سوککانا یاخین بیر یئرده اوتوردو. قیزلارین باشی اویناماغا قاریشاندا مرجان گمینی ایشه سالدی. قیزلار او واخت آیلدییلار کی، گمی دریانین اورتاسیندادی، چیغیریب-باغیرماغا باشلادیلار. مرجان دئدی:

-سسینیزی کسین، یوخسا سیزی دنیزده باتیرارام.

قیزلار قورخودان سسلرینی کسدی. بونلار گتتمکده اولسون، اووچو، آناسی، کند اهلی اؤز قیزلارینی آختاریرلار، تاپا بیلمیرلر. اووچونون اوستونه دوشورلرکی، بیزیم قیزلاریمیز هاردا اولسا، تاپ وئر. اووچو علاجسیز قالب درویش پالتاری گئیینیب قیزلاری آختارماغا باشلاییر.

مرجان خانیملا قیزلار گلیب بیر ساحیله یان آلدیلار. گمیدن دوشوب، تورپاغا چیخدییلار. سن دئمه، بورادا دنیز قولدورلاری وارمیش، بورایا گلن گمیلری سویوب غارت ائدیرمیشلر. بونلار گؤردولر کی، گمیدن بیر دسته قیز دوشدو، هامیسی دا بیر-بیرینه اوخشاییر. قولدورباشی یولداشلارینا دئدی کی، بوندان یاخشی شیکار اولماز. بلی، مرجان دا دیوق دوشدو کی، بیر دسته قولدور اونلاری احاطه ائتدی. قیزلاری باشا سالیب دئدی کی، من نه دئسم، سیز یئرینه یئتیرین. قولدورلار قیزلارا یاخینلاشیب سالام وئردیلر. بیر خئیلی سؤز-صحبتدن سونرا، قیزلاری آلماق ایسته دیکلرینی بیلدیردیلر. هر ایکی طرف راضیلیق الده

ائتدی. مجلس دوزلدیرلر، دسترخان باشینا اوتوروب، چۆره یه ال اوزاداندا مرجان دئییر:

-من اورگیمده عهد ائله میشم کی، بیرینجی تیکه نی هامی بیردن آغزینا قویسون. قولدورلار اونون دئدیگی کیمی ائله دیلر. ائله بیرینجی تیکه دن هامیسینی یوخو توتدو. سن دئمه، قیزلار خؤراک حاضیرلایارکن، مرجانین امریله قولدورلاردان خبر سیز خؤره یه بیهوشدارو تۆکوبلر میس.

بونلار تئز قولدورلارین پالتارلارینی سویوندوروب اؤزلری گئیندیلر. او ساعات دا قاچماغا اوز قویدولار. قولدورلار آیلیب اؤزلرینی لوت-عریان گۆردولر. قولدورباشی اورگینده آند ایچدی کی، بو قیزلاردان حاییف چیخماسام آتامین اوغلو دئیلم. وقیزلاری آختارماغا باشلادی.

قیزلار اوچ گونلوک یولدان سونرا بیر شهره چاتدیلار. گۆردولر، شهر اهلی بیغیشیب بیر یئره دؤلت قوشو اوچورور. بللی اولور کی، شهرین پادشاهی اؤلوب تزه پادشاه سئچیرلر. دؤلت قوشو هرلندی-فیرلاندی گلیب مرجان خانیمین باشینا قوندو.

دئدیلر: ”اشی (آ کیشی)، بو گلمه اوغلانندان بیزه پادشاه چیخماز، قوشو تزه دن اوچوردون.“ قوش یئنه گلیب مرجانین باشینا قوندو. آجیقلا نیب مرجانی بیر داخمایا سالدیلار. آنجاق قوش ال چکمه دی، بیر دئشیک تاپیب ایچهری گوردی، یئنه مرجانین باشینا قوندو. شهر جماعتی علاجسیز قالب اونو پادشاه سئچدی. مرجان قیزلارین هره سینه بیر وظیفه وئردی. اونلار باشلادیلار کیشی قییافه سینده اولکه نی ایداره ائتمه یه. بیر گون مرجان وزیره دئدی کی، شهرین ان یاخشی رسامینی تاپ، آروادیمین شکلینی چکسین. ان یاخشی رسام گلدی. مرجان حرم اوتاغینا کئچیب قادین قییافه سی گئیدی، اؤزونه زینت وئریب گلیب

رسسامین قارشی سیندا دایاندی. رسسام بونون شکلینی چکدی. مرجان بو شکلی وئردی وزیره کی، بونو آپارسینلار فیلان بولاغین ائله بیر یئریندن وورسونلار کی، شکلین عکسی سویا دوشسون. هر کیم بو شکله باخیب آه چکسه، اونو توتون منیم یانینما گتیرین. دئدیگی کیمی ده ائله دیلر. گونلرین بیر گونو بیر قوجا، الدن دوشموش کیشی گلیب شکله باخدی، اؤزونو ساخالایا بیلمه ییب، آه چکدی. ”آه پادشاهین قیزی، بیرجه سنی گؤرسیدیم!“ بونو تئز توتوب مرجانین یانینا آپاردیلار. مرجان باخیب گؤردو کی، سئودایاردی. امر اتندی کی، بونو آپاریب زیندانا سالسینلار. بیر نئچه گوندن سونرا یئنه بیر نفر گلیب بولاقدان سو ایچنده سوداکی عکسینه باخدی، سونرا آه چکیب دئدی:

—عمی قیزی، اؤلمییدیم، سنی گؤریدیم.

بونو دا مرجانین یانینا آپاردیلار. مرجان امر ائدیر کی، آپارین بونا قوللوق ائله یین. بیر نئچه گوندن سونرا بیر نفر ده گلیب بو شکله باخیب آه چکدی. بونو دا مرجانین یانینا گتیردیلر. بیر نئچه گوندن سونرا یئنه بولاق باشیندا بیر نفر آه چکدی. بونو دا پادشاهین یانینا آپاردیلار. ان آخیردا دا قولدورباشی گلیب چیخدی. بونلاردان سونرا مرجان خانیم بوتون شهر اهلینه جار چکدیردی کی، صاباح شاه سارایی نین قاباغینا بیغیش سینلار. سحر بوتون شهر اهلی جم اولدو سارایین قاباغینا. شاه قیزی بو احوالاتی جماعاتا دانیشدی. اونلارین قراری ایله سئودایارین بوینو وورولدو، گمیچی اؤلدورولدو، اووچوینان قولدورباشینی ایسه کؤتکله ییب بوراخدیلار. مرجان خانیملا عمی سی اوغلونا قیرخ گون، قیرخ گئجه توی ائله ییب ائولندیردیلر. اونلار مورادلارینا چاتدی. سیز ده مورادینیزا چاتین.

ملیک ارسلان

بیر پادشاه وار ایدی. پادشاهین اوچ اوغلو وار ایدی. بؤیوک اوغلونون آدی ملیک مۇراد، اورتانجیل اوغلونون آدی ملیک مورشود، کیچیک اوغلونون آدی ملیک ارسلان ایدی.

پادشاه دؤورانینی سوروب، گونونو کئچیرمیشدی. تامام قوجالیب الدن دوشموشدو. بیر گون او، وزیر-وکیلینی یانینا چاغیریب دئییر:
-منه بیر مصلحت وئرین، تختی-تاجی کیمه تاپشیریم؟
وزیر-وکیل تدبیر تۆکوب بئله دئییرلر:

-شاه ساغ اولسون، گرک سیز اوغلانلارینیزی بورا چاغیراسینیز، اونلارا دئییه سینیز کی، سیزی گؤندهریرم قازانجا، هانسینیز چوخ گتیرسه نيز، تختی-تاجی اونا وئره جم.

بو تدبیر شاهین چوخ خوشونا گلیر. اوغلانلارینی یانینا چاغیریب دئییر:
-سیزی گؤندهریرم قازانجا، هانسینیز چوخ قازانچ گتیرسه نيز، قیزیل تاجیمی اونون باشینا قویاجام.

بلی، شاه نؤکر-ناییه تاپشیریر کی، اوغلانلارینا یول آذوقه سی دوزلتسینلر. تدارک گؤرولدو، اوغلانلار یولا دوشدولر. اوغلانلار بیر آز یول گئنددن سونرا یولون آیریجیندا یئکه بیر داش گؤردولر. باخیب گؤردولر کی، داشین اوستونده اوچ یازی وار. بیرینده یازیلیب "گندر-گلمز"، بیرینده یازیلیب "گندر گلر ده، گلمز ده"، بیرینده ده یازیلیب "گندر گلر". قارداشلار یازینی اوخویب باشلادیلار آغلاماغا. کیچیک قارداش ملیک ارسلان دئدی:

- گلین اوچوموز ده اؤزویوموزو چیخاریب قویاق بو داشین آلتینا. سونرا دوشوب یولا گئدک. قاییدیپ گلنده باخاریق گؤرک هانسیمیز ساغ-سالامات گئری دؤنوب.

بیر آز گؤتور-قوی ائله دیلرکی، کیم هانسی یوللا گئتسین. یئنه ملیک ارسلان دئدی:

- ملیک مۇراد، سن بؤیوک قارداشسان. گل سن گئت بو "گئدر-گلر" یوللا. قاییدیپ حؤکمدار اول.

سونرا اورتانجیل قارداشی ملیک مورشوده اوز توتور:

- گل سن ده گئت بو "گلر ده، گلمز ده" یوللا.

ملیک ارسلان اؤز و دوشدو "گئدر-گلمز" یولا. گئت هاگت گئیدیپ گؤرور کی، بیر دنه قازان وار، یانیندا دا بیر قوجا کیشی. قازان شاققور-شوققور قایناییر.

باخیب گؤرور کی، قوجانین قیچلاری اوجا قدا یانیر، قازان دا اونون اوستونده قایناییر. گئنده دوروب باخیر. بیر آز باخیب اؤز-اؤزونه دئیر:

- یاخشیزی بودو قاباغا گئدیم، قوجا یا سلام وئیریم.

ملیک ارسلان آتی سوروب قوجانین یانینا گلیر، سلام وئیر. قوجا سالامی آلیب دئیر:

- په، سن سن ملیک ارسلان، من بؤیوک بیر طیلسیم ایدیم، سن منی سیندیردین،

نه نیتله گئدیرسن گئت، بوندان بئله یولو من سنه گؤستره جم. بیر آز گئدرسن،

قباغینا بیر گؤی چمنلیک چیخاجاق، گئدیپ یاتارسان اوردا. بیر سورو آو گلیب

اوردا اوتلایاجاق. اونلاردان ایکیسینی وورارسان. هر بیرینی ایکی شاققا ائدرسن.

دریلرین ده تولوق چیخارارسان. ایکی شاققانی آتیوین بیر طرفینه، ایکیسینی ده بیر

طرفینه آسارسان. تولوقلاری دا سو ایله دولدورارسان، هره سین آتین بیر طرفینه

آسارسان. سونرا دوشوب یولا گئدرسن. یولدا ایکی اژداها چیخاجاق سنین قاباغینا. بیر یولون آلتیندا، بیر ده اوستونده اولاجاق. اونلار قالخیب سنی یئمک ایستییه جک، او زامان اتین ایکی شاققاسینی بیرینه، ایکی شاققاسینی دا بیرینه آتارسان. سونرا اونلار سندن سو ایستییه جکلر. سویون بیر تولوغون بیرینه، بیر تولوغون دا او بیرینه وئرسن. اوندان او یانا یولو سنه اونلار گؤستره جک. قوجا نئجه دئمشدیسه، ملیک ارسلان ائله ده ائله دی. اژداهالار اوندان راضی قالیب یولون قالانینی بئله باشا سالدیلار.

-گئدرسن، یولون قورتاراجاغیندا قارشینا بیر داغ چیخاجاق. داغی بیر ظولمون چیخارسان، آتی دا ائله یئرده باغلارسان کی، بیر اینس-جینس بیلمز. کناردان دوروب قولاق وئرسن، ایشدی داش میشلداسا کئچمزسن، میشلداسا کئچرسن. داشین اوستوندن کئچیب او طرفده دورارسان، اوندان او طرفه یولو سنه داش گؤستره جک.

بو دفعه ده ملیک ارسلان اژداهالارین دئدیگی کیمی ائله ییب، داشین او بیر ی اوزونه کئچیر. داش دیل آچیب دئیر:

-ملیک ارسلان، من بؤیوک بیر طیلسیم ایدیم، سن منی سیندیردین. گئت نه نیته گئدیرسن، نیتین حاصل اولسون.

سونرا داش یولون قالانینی بئله باشا سالیر:

-بیر خئیلک یول گئدرسن، قارشینا بیر قالاچا چیخاجاق. قالاچانین دؤرد طرفینی گزرسن. قاباغینا بیر سو گیلیفی چیخاجاق. گیلیفی خنجریوین اوجوینان یئکلدرسن. سونرا ایچهری گیرسن. ایچهریده اؤزووه ائله بیر یئر دوزلدرسن کی، هئچ کس سنین یئریوی بیلمه سین. یئری قازیب گیرسن اورا، سونرا اوستونو اؤترسن. ائله کی، یئر دوزلتدین، گئدیب گزرسن، گؤردون قارانلیق دوشور،

گیرسن همین یثره. بیر دنه چالیب-چاغیران آغاج گۆروب بیچاقلا اونون اوجونا وورارسان. آغاجین سسینه یئر-گۆی آداملا دولاجاق، سنی آختارماغا باشلا یا جاقلا.

ملیک ارسلان گلیر، داش نئجه دئمیشدیسه ائله ده ائدیر. باخیب گۆرور کی، یئر-گۆی آداملا دولودو. ایینه سالماغا یئر یوخدو. ملیک ارسلان احوالاتی بئله گۆروب قاجیب گیزله نیر. ائله کی، آرا سئهنه ییب ساکتلیک یارانیر، چیخیب آتی نین یانینا گئدیر، اورادا راحتلانیر. صاباحیسی یئنه ده آخشام دوشنده گئدیب آغاجی بیچاقلا وورور. گۆرور کی، جماعات بو دفعه ایکی قات آرتیر، اونو آختاریرلار کی، گۆرسونلر کیمدی بو آغاجا الینی ووران. اوچونجو گئجه یئنه آغاجی بیچاقلا وورور. بو دفعه هئچ کس گلیمیر. گئجه ایله آغاجدان ییغیب خورجونونو دولدورور. داش اونا دئمیشدی کی، اوچونجو گئجه هئچ کس اولمایاجاق، نه قدر ایسته سن آغاجدان ییغارسان. ییغیب یوکونو توتدوقدان سونرا خورجونو گۆتورور کی، یولا دوشسون. سونرا اؤز-اؤزونه فیکیرلشیر کی، گلیب بئله گۆزل یئری، بساطی گۆره سن، بیلمه یه سن کی، بورانین صاحیبی کیمدی؟ بیر آز گئتدیکدن سونرا دوققوز اوتاقلی بیر ائو گۆرور. باخیر کی، بو، بیر گۆزل عیمارتدی، دوققوز اوتاغی وار، اوتاقلار بیر-بیری نین ایچهریسینده دی. ایچهری گیریپ گۆرور کی، بیرینجی اوتاقدا بیر جوت قاراواش اوتوروب ساققیز چئینه-بیرلر. گئدیب قیزلارین ایکسی نین ده آغزیندان ساققیزی چیخاردیر. بیرچکلرینی آغیزلارینا وئریب اونلاری یوخلادیر.

سونرا ایچهریده کی اوتاغا باخیر. گۆرور کی، بو اوتاقدا بیر دانا نازنین صنم اوتوروب، آیا دئیر سن چیخما، من چیخاجام، گونه دئیر سن چیخما، من چیخاجام. ملیک ارسلان او طرف بو طرفه باخیر، یئمک آختاریر، گۆرور بیر

مئجمئی پلوو وار، اوستونده ده بیر قیرقوول. مئجمئی قباغینا چکیب دیونجا یئیر. سونرا گلیر نازنین صنمین یانینا. باخیرکی، قیزین هر طرفینده بیر قیزیل شامدان یانیر. دؤنور نازنین صنمدن اؤزونه توخونور. اؤز اؤزیون چیخاریب سالیق قیزین بارماغینا. قیزین اوزویونو ده اؤز بارماغینا. اؤز دستمالین قیزا وئیر، قیزین دستمالین اؤزونه گؤتورور. سونرا بئلیندن قیزیل کمرینی آچیر. اونلارین هامیسینی دستمالی نین ایچینه ییغیب باغلایر. بیر-ییغیش ائله دیکدن سونرا آتینی مینیب یولا دوشور. گلیب چیخیر همین اوزوکلرینی قویدوقلاری یئر. اوچ یولون آیریجینا چاتیب، داشی قالدیریر، باخیرکی، اوزوکلرین اوچو ده اوردادیر. بیلیر کی، قارداشلاری نین هئچ بیری گلمه ییب.

دوشور بؤیوک قارداشی گئدن یولا. راست گلدیگی آداملاردان بیر-بیر قارداشینا سوروشور. بیری دئیر گؤرمه میشم، بیری دئیر گؤرموشم. غرض هر ه بیر سؤز دئیر. آخیردا گئدیر کندین لاپ ایچه ریسینه، بیر آدامدان سوروشور. او دئیرکی، بو نامدا، بو نشاندا آدام گلیب عسگر تاجیره آشچی ایشله ییر. سوراقلاشا- سوراقلاشا گئدیب چیخیر عسگر تاجیرین عیمارتی نین قباغینا. تاجیرین قاپیسینا چاتاندا گؤرور کی، قارداشی بوردادی، اؤزوده آشچیلیق ائله ییر. گؤرمزه-بیلمزه ال وئریب قارداشینان گؤروشور. دئیر:

-من سنین قارداشینام.

ملیک موراد اونو ایتله ییب دئیر:

-من اون ایلدی قارداشیمدان آریلمیشام. الله بیلیر، اونون باشینا نه ایش گلیب.

ملیک ارسلان دئیر:

-من سنین قارداشینام، فیلان پادشاهین اوغلو یوق. فیلان واخت او بیزی قازانجا گؤنده ریب بیز اوچوموز ده گلیمشیک اوچ یولون آیریجیندا اؤزوکلریمیزی

قویموشوق داشین آلتینا. من قایدیب گۆردوم کی، اوزوکلریمیز اوردادی،
دوشوب سیزی آختاردیم. سوراقلاشا-سوراقلاشا گلیب سنی تاپدیم.
بو سۆزلری دئیندن سونرا قارداشی اونا اینانیر، گۆروشوب، اؤپوشورلر. ملیک
ارسلان قارداشینا بیر تزه پالتار آلیر. اونو حاماما آپاریر. سونرا عسگر تاجیرین
یانینا گئدیب دئییر:

-بو منیم قارداشیمدی. گلیمیشم آپارام. نه ایشله ییب حاقینی وئر.
حاق-حساب چکدیکدن سونرا بونلار اوز قویورلار کی، گتسینلر اؤز ولایتلرینه.
آما بو ولایتین آداملاری اؤز شاهلارینا خبر آپاریرلار کی، بورا غریب اوغلان
گلیب، ائله گۆزدی، ائله گۆزدی کی، تایی-برابری یوخدو. گلیب عسگر
تاجیرین ده آشچی سینا قارداش چیخیب، ایندی اونو دا گۆتوروب اؤز مملکتلرینه
گئدیر. پادشاه قارداشلارین یئرینی اؤیره نیب اونلاری قوناق چاغیریر. قوناقلیقدا
شاه اوغلانین آدینی سوروشور، اؤیره نیر کی، آدی ملیک ارسلان دیر. شاه دئییر:
-منیم بیر قیزیم وار، گرک اونو آلاسان قارداشینا، او چالیب-چاغیران آغاجین
بیرینی ده وئر سن منه.

ملیک ارسلان راضیلاشدی. سحر تئزدن چالیب-چاغیران آغاجدان بیرینی قویدو
مئجمئی یه، وئردی بیر قوللا. دئدی:

-بونو آپار پادشاه.

پادشاه قیزینا قیرخ گون، قیرخ گنجه توی چالدیریب اونو ملیک ارسلانین
قارداشینا وئردی. دوهلری یوکلە ییب گلینی کئجاوایا میندیردیله. قارداشلار گلدیلر
همین داشین یانینا. گۆردولر کی، اورتانجیل قارداشین اوزویو یئنه ده داشین
آلتیندادی. کیچیک قارداش دئدی:

-بو هئچ ده اینصافدان دئیل. سیز بورادا گۆزلهیین، من گئدیب قارداشیمیزی
تاپیم.

سونرا ملیک ارسلان دوشدو اورتانجیل قارداشی نین یولونا. گلیب منزیل باشینا
چاتدی. گۆردو بوردا بیر اوغلان وار، عینن اونا اوخشاییر، بیلدی کی، قارداشیدی.
چییننده بیر کؤسو وار، ناخیر اوتاریر. ایرهلی یه یئرییب دئدی:
-من سنین قارداشینام.

اورتانجیل قارداش دا اولجه اینامادی، دئدی:

-من نییه سنین قارداشین اولورام. من نئچه ایل بوندان اول قارداشیملا آیریلیمیشام.
کیم بیلیر، هاردا ایتیب-باتیبیلار.

ملیک ارسلان اونون یادینا سالدی کی، فیلان داشین دیینده اوزوک باسدیرمیشیق.
آتامیز فیلان کسدی. قارداشی بونا ایناندی، گۆروشوب، اوپوشدولر. سونرا
آپاریب ناخیری پایلا بیرلار. ارسلان قارداشینا دئیر:
-نه آلاجاغین وار، آل، چیخیب گئدک.

ملیک مورشود آلاجاغینی آلیر. ملیک ارسلان ده گئدیب اونا بیر دست پالتار آلیر،
آپاریر حاماما. یولا دوشن زامان ائشیدیرلر کی، بو ولایتین پادشاهی جار
چکدیریر کی، بس کیم شاها بیر دانه چالیب-چاغیران آغاج وئرسه، قیزیمی اونا
وئرهجم. ملیک ارسلان گلیب بازاردان بیر قول توتور. چالیب-چاغیران آغاجین
بیرینی قویور مئجمئی یه، گۆندهریر پادشاهین یانینا. پادشاهین آداملاری گۆرورلر
کی، بودو بیر اوغلان گلیب، باشیندا مئجمئی، مئجمئی ده ده بیر دانه چالیب-
چاغیران آغاج. خبر گئدیر پادشاهها. پادشاه آدام گۆندهریر قولو ائوینه چاغیریب
احوالاتی اویره نیر، سؤزونون اوستونده دوروب قیزیمی ملیک مورشوده وئیر. قیرخ
گون، قیرخ گئجه توی چالدیریر. دوهلر یوکله نیر، گلیرلر همین داشین یانینا.

اوردا یثیب-ایچیرلر. دینجلرینی آلیب آتالاری نین ولایتینه یولا دوشورلر. یولدا قاباقلارینا بیر قویو چیخیر. قارداشلار دا سوسوز اولورلار. ملیک ارسلان دوشور قویودان سو چیخارتماغا. قارداشلار ملیک ارسلان ین ایپینی کسیرلر. او دوشور قویونون دیینه. قارداشلار اوردا دورمایب گئدیرلر. یولونان بیر تاجیر کئچیرمیش. بو تاجیرین قفله-قاتیری چوخ سوسوز اولور. تاجیر قاب ساللایر کی، قویودان سو چکسین، قفله-قاتیری سوواریسین. گورور قاب سویا باتمیر. تاجیر قارا قولونا دئیر:

-آ قول، گل سنی قویویا سالیم، دنیا مالی اولسا سنین، بنی آدم اولسا منیم اولسون.

قول باش اوسته دئیب ساللاندی قویویا. قارا قول باخیب گوردو بورادا بیر اوغلان وار، بیر اوغلان وار کی، گوزللیکده تایی-برابری یوخدو. اوزانیب سویا، نفسی گوجله گلیب-گئدیر. سس ائله دی کی، تاجیر ساغ اولسون، سودا بیر اوغلان وار، آیا، گونه دئیر سن چیخما، من چیخاجام. تاجیر ایپی قویویا ساللادی، اوغلانی چکیب سودان چیخارتدی. سونرا قارا قولو چکیب ائشیه چیخاردیلار. سویو چکیب بوتون قفله-قاتیری سولادیلار. تاجیر باخیب گوردو بو اوغلان بیر اوغلاندی، بیر اوغلاندی، آدم دئیر یئمه ییم-ایچمه ییم، خطی-خالینا، گول جامالینا تاماشا ائله ییم. تاجیر قیرخ گون قویونون قیراغیندا قالب ملیک ارسلان دن موغایات اولدو، اونو یئدیردیب جانا گتیردی. ملیک ارسلان دیرچه لیب آیاغا دوردو. سونرا تاجیر اونو ائوینه گتیردی.

ایندی سیزه کیمدن خبر وئیم، پادشاهین اوغلانلاریندان. پادشاه خبر وئیرلر کی، اوغلانلارینی قارشیلایسین. پادشاه بویوک بیر قوناقلیق وئیر.

اونلار اوردا یئیب-ایچمکده اولسونلار، سنه کیمدن خبر وئیریم، چالیب-چاغیران آغاجین صاحیبیندن. همین آغاجین صاحیبی گولناز خانیم یوخودان دوروب گئدیر اوزونو یویور. باخیب گؤرور بارماغینداکی اوزوک اؤز اوزویو دئیل. دیشیب یئرینه آیری اوزوک سالیبار. اوزونو یویور، گلیب دستمالا ال آتیر. گؤرور دستمالینی دا دیشیلر. الینی آتیر کی، کمرینی باغلا سین، گؤرور کمری یوخدو. دورور گؤزگونون قاباغیندا، گؤرور ایکی اؤزونه ده لکه دوشوب. سونرا قیزلارین یانینا گلیب دئیر:

-سیزی آساجام، دئین گؤرور بورا کیم گلیب؟

قیزلار شیون سالیب دئیرلر کی، بورا هئچ کس گلمه ییب.

گولناز خانیم دئیر کی، دؤزونو دئینلر، بورا بنی-اینسان گلیب، یا گلمه ییب؟

قیزلار بویونلارینا آلیرلر کی، گلمیشدی. دئیلر:

-بیز بورادا اوتورموشدوق، بیز اوغلان گلیب بیزیم ساققیزیمیزی آغزیمیزدان

چیخارتدی، بیز چکیمیزی ده آغزیمیزا وئردی.

گولناز خانیم بو سؤزلری ائشیدیب دئیر:

-داها منیم یاشاماغیم هئچدی. من عهد ائله میشدیم کی، منیم وار-دؤولتیمین

سیرینی کیم بیلسه، گرک اونا گئدم. ایندی من او آدمی هاردان تاپیم؟ گولناز

خانیم دورور آیاغا، گونه بیز منزیل دوشور یولا. گئت هاگئت گئدیب داشی

کئچیر، اژداھالاری کئچیر، گلیر همین داشین یانینا. گؤرور داشین اوستونده

یازیلیب کی، بردان اوچ قارداشین هره سی بیز یولا گئدیب. گولناز خانیم

اولجه دوشور " گندر-گلر " یولا. آختاریر کی، گؤرسون اونون تورپاغینی کیم

آیاقلا ییب. گئت هاگئت گئدیب چیخیر بؤیوک قارداش اولان شهره. گؤرور کی،

اوردا چالیب-چاغیران آغاجین بیز بوداغی وار. گئدیر همین ولایتین پادشاهی نین

یانینا. آخشام یئییب-ایچیر، سونرا صُحبتی آچیر. دئییر، بو آغاجی نه جور گتیردینیز؟ هره بیر سؤز دئییر. گولناز خانیم گؤرور دوز دئمیر لر. اوردان قایدیر گلیر گئنه همین داشین یانینا. بو دفعه ده اورتانجیل قارداش گئدن یوللا گئدیر. گؤرور بورادا دا همین آغاجدان وار. گلیب بو اؤلکه نین ده پادشاهینا قوناق اولور. اوندان دا بو آغاجین بورا نئجه گلدیگینی سوروشور. اونلار دا هرهسی بیر سؤز دئییر. گؤرور یوخ، آغاجی گتیرن بونلار دئییل.

سونرا اؤز توتدو ملیک ارسلانین آتاسی نین مملکتینه. سوراقلاشیب پادشاهین سارایینی تاپدی. گئدیپ اوتوردو ائلچی داشی نین اوستونده، دئدی، گرک پادشاه بو گئجه منی قوناق ائله یه. پادشاه خبر وئیر لر کی، بیر غریب آدم گلیب، دئییر پادشاه منی قوناق ائله سین. پادشاه دئییر، قوناق الله قوناغیدی، بویوروب گله بیلر. پادشاه قیزی ائوه دعوت ائتمکده اولسون، سنه کیمدن خبر وئیریم، ملیک ارسلان دان.

ملیک ارسلان ساغالمیشدی، یاواش-یاواش ائشیکه چیخیردی. تاجیرین قاپیسی نین یانیندان چای آخیردی. پادشاهین آتلاری گلیب بورادا سو ایچیردی. بیر گون ملیک ارسلان خلوتجه گلیب قارقولا دئدی کی، پادشاه منی اؤزونه مئهر ائلیرمی؟ بو همان گونویدی کی، گولناز خانیم دا پادشاهین قوناغیدی. قارقول گلیب پادشاه دئدی کی، بیر جاوان اوغلان گلیب دوروب قاپیدا، دئییر شاه منی اؤزونه مئهر ائله سین، غریب بیر آدمم. پادشاه دئییر کی، گت دئین گل سین. ملیک ارسلان ایچهری گریب گؤردو کی، بوتون اوتاقلار دولوبدو آداملا. او دا گلیب بیر قیراقتا اوتوردو. بو زمان قیز پادشاهین اوغلانلاریندان خبر آلیردی کی، چالیب-چاغیران آغاجی هاردان آلیب سیز، بوندان بیر دانادا وئیرن من آپاریم.

اوغلانلار اؤزلرینی چکدیلرکی، بئله گئتدیک، بئله گتیردیک، دوشوب دالیمیزا
بیزی قوودولار.

قیز دئدی:

-یوخ، یالان دئییر سینیز، سیز دئییل سینیز.

ملیک ارسلان اؤزونو ساخلایا بیلمه ییب دئدی:

-اجازه وئرین، بیر کلمه ده من دانیشیم.

اوغلانلار اونا محل قویماق ایستمه دیلر، دئدیلر، او کیمدی دانیشا؟

قیز دئدی:

-پادشاه ساغ اولسون، ایذن وئرین دانیش سین.

پادشاه ایذن وئردی. اوغلان دئدی:

-بیز اوچ قارداش ایدیک. آتامیز پادشاه ایدی، اونون گونو کئچمیشدی. آتامیز

وزیر، وکیلی چاغیریب کؤمک دیله دی. بیزی سیناغا چکیب گؤندردی قازانجا.

پادشاه بو سؤزلری ائشیدیب ملیک ارسلانی لاپ یاخینا چاغیردی. ملیک ارسلان

باشینا گلن حال-قضیه لرین هامیسینی بیر-بیر دانیشدی.

سونرا ملیک ارسلان گولناز خانیمین اؤلکه سینه گئتمه سیندن، آغاجی نئجه ییغیب

گتیرمه سیندن دانیشدی. ملیک ارسلان دئدی:

-آغاجی ییغاندان سونرا گئتدیم بیر نازنین صنم وار ایدی، اونون یانینا، کمرینی

آچدیم، اوزیوموزو، دستمالیمیزی دیشدیم، سونرا قیزدان یانقلارینا توخونوب

یولا دوشدوم. گلیب قارداشلاریمی تاپدیم، اونلار دا منی بو حالا سالدیلار.

اوغلان سؤزونو قورتارانندان سونرا پادشاه کیچیک اوغلونو تانیدی. جلالاد

چاغیریب خیانتکار قارداشلارین بوینونو وورماغی امر ائله دی.

ملیک ارسلان اؤزونو ایره لی وئریب دئدی:

- آتاجان، اونلارین بوینونو ووردورما، قوی عؤمور بویو توتدوقلاری عملدن پشمان اولوب عذاب چکسینلر.

پادشاه بیر قدر فیکره گئندن سونرا راضیلاشدی، اونلارین بوینونو ووردورمادی. سونرا شاهلیق تاجینی اؤز الیه کیچیک اوغلونون باشینا قویدو. او گوندن ملیک ارسلان مملکتین پادشاهی اولدو.

پادشاه ملیک ارسلان لا گولناز خانیم قیرخ گون، قیرخ گئجه توی چالدیردی. اونلار یئیب-ایچیب یثره کئچدیلر. بیز ده یئیب-ایچک، دؤوره کئچک. مطلب-مورادیمیزا چاتاق.

وصیت ائدن آتا

بیری وار ایدی، بیری یوخ ایدو، بیری کیشی وار ایدی. بو کیشی اؤزونه گؤره وارلی-کارلی ایدی. اودورکی، هئچ کیمه مؤحتاج اولمازدی. بیری گون کیشی احوالی نین قاریشدیغینی گؤروب اوغلونو یانینا چاغیردی.

-اوغول، نه قدر وار-کاریم وار، سنه قالیر. آنجاق ایش وار-کاردا دئیل، گرک هم ده عاغیللی اولاسان. سنه اوچ وصیتیم وار. بیرینجی وصیتیم اودورکی، هئچ کیمدن بورج پول آلماسان. ایکینجی وصیتیم بودورکی، مالیوی گؤزوندن قیراغا قویمازسان. اوچونجو وصیتیم ده بودورکی، آروادی اؤزباشینا بوراخما. ایلر اؤتدو. بیری گون اوغلانین یادینا آتاسی نین سؤزلری دوشدو. اورگینده گؤتور-قوی ائله دی کی، بو سؤزلری آتام ائله-بئله دئمه ییب، گرک اونون دئدیکلرینی سیناقدان کئچیرم. اوغلان همیشه بیری یثرده یئیب-ایچدیگی دوستوندان مین تومن بورج ایسته دی. دوستو باش اوسته دئیب، سحریسی گون مین تومن پولو دسمالا قویوب دیونله دی. اوغلانین ائوینه گتیردی. بو اوغلانین بیری اوتاغی وار ایدی کی،

اورا هنج کیم گیره بیلمزدی و همیشه اوتاغین قاپیسینی باغلاب آچاری اؤزویله دولاندیراردی. اوغلان دوستونون گتیردیگی پولو همن اوتاقددا دؤوارداکی میخچادان آسدی. بیر گون قونشوسو آت اوچون اونا آغیز آچدی.

-قونشو، آتی وئر، دییرمانا یاریم پود بوغدا آپاراجاغام، آخشام اوستو آتی قایتاریب گتیررم.

اوغلان دئدی:

-آتی وئرمه ینه وئریم، آنجاق اونو چوخ یو کله مه، بالالیقدیر.

اوغلان آتی گتیریپ قونشوسونا وئردی و اؤزوده باشلادی قاراباقارا اونو گودمه-یه. گؤردو، سن اؤلیمه سن، گاوورون اوغلو آتین بئلینه ایکی تای بوغدانی بیردن قویدو و پیس-پیس سؤیوشلری آت صاحبینی نین عنوانینا یاغدیریب، اوسته لیک اؤزوده آتی میندی، یولا دوشدو. اوغلانین آز قالیردی باغری چاتلایا، آنجاق علاجی یوخ اویدو، آتاسی نین سؤزونو سیناقدان چیخارتدیغی اوچون دؤزمه لی-ایدی. اودورکی، یانا-یانا قونشوسونو ایزله دی. آت بیر آرخدان هوپپاناندا بالا سالدی. مرتد بالاسی تئز آتدان دوشوب آرخین کناریندا بیر چالا قازدی، آتین بالاسینی اوردا قویلاب یولونا داوام ائتدی. اوغلان گلیب آتین بالاسی نین اؤلوسونو اوردان چیخاردی، تپه دن دیرناغا اونو یاخشیجا سؤیدو، ائوه گتیریپ یاخشیجا دوزلاب، اونو دا همین اوتاغیندا آیری بیر میخچادان آسدی. بیر گون اوغلانین بورج پول آلدیغی دوستو قاپینی کسدی:

-آی قارداش، خطا ساتین آلمادیم کی، سنه بورج پول وئردیم. بو قدر ده بورج بیغیلار؟ ایندی پول منیم اؤزومه لازیمدی، قالمیشام دؤرد گؤز.

اوغلان دئدی:

-دوستوم، آخی بیز آغیرلیغیمیز قدر دوز-چؤرک یئمیشیک. ایندی مین تومندن یانا منی بو قدر قیسنا بیرسان. الیمه پول گلن کیمی بورجونو قایتاراجام. اوغلانین دوستو دئینه-دئینه قاپیدان اوزاقلاشدی. بو دمده اوغلانین قایناسی گلدی.
-باشیوا دؤنوم، آی بئله کوره کن. بالدیزیوین تویودور، آرواد-اوشاغی دا گؤتور گئدک. فایتون کوچه ده منتظیر دایانیب.

اوغلان دئدی:

-منیم ایشیم وار، قیزینا ایجازه وئریرم، اوشاغینی دا گؤتوروب سنینه گتسین. توی قورتارانندان سونرا اونلاری گتیررسن. آرواد قیزینی و نوه سینی گؤتوروب فایتونا میندی و اوغلانا ال ائله ییب یولا دوشدولر. اونلار یولدا اولسونلار. سنه کیمدن دئیم، اوغلانندان. اوغلان قییافه سینی دیشدی، بیر خیلی پول گؤتوروب، پاپاغینی گؤزونون اوستونه کئچیردی، آتلانندی اونلارین دالینجا. اوغلان تویدا او قدر پول خرجه دی کی، هامی نین آغزی آچیلماقالمیشدی. قیز ائوی اونو اوغلان ائوی نین، اوغلان ائوی ایسه اونو قیز ائوی نین آدامی بیلیردی. اوغلان گؤز قویوب گؤردوکی، آروادی ایلا قایناسی اوندان گؤز چکمیر، اونون پولو اونلارین دا عاغلینی باشیندان آلیب. اودورکی، اوغلان تنبلیک ائله مه دی، یاخینلاشدی قایناسینا، آروادینی نشان وئریب اونلاری گؤرشدورمگی اوندان توقع ائله دی و آروادین اوجونا سیفته کیمی بیر دسته پول باسدی. آرواد قیزی ایله نه پیچیلداشدی، نه پیچیلداشمادی، قاپیدان اوغلانا دئدی:

-قیز راضیدی، آنجاق دئیرر گرک ال-آیاق چکیله، هامی داغیلیشیب گئده، سونرا.

اوغلان راضی اولدو. هامی داغیلیشانندان سونرا قارانلیق بیر اوتاقدان قیزلا بیر آز ظارافاتلاشدی، عوضینده ایسه بیر خیلی پول وئریب قاپیدان چیخدی و قاپی نین

آستاناسیندا مله یین اوشاغینی گؤروب تتر اونو قوجاغینا آلدی، هایدی میندی آتینا. ائله کی، ائوه چاتدی، اوشاغینی اؤز اوتاغینا قویوب، قاباغینا اولمازین یئمهللی تؤکدوکی، اوشاغین هم باشی قاریش سین، هم ده آج قالماسین. اوغلان اوتاغین قاپیسینی باغلایب، آچاری جیبینه قویدو. سحری گون اوغلانین دوستو پولون دالینجا دابان باسما گل میشدی. اونلار بوردا پول اوستونده سؤز لشمکده اولسونلار، سیزه کیمدن دئییم، اوغلانین آروادیلا قایناناسیندان. اونلار اوشاغی نه قدر آختاردیلار، تاپا بیلمه دیلر. قیز دایانمادان گؤزونون یاشینی آخیدیردی کی، اریم منی اؤلدوره جک. قیزین آناسی اونا توختاقلیق وئردی:

-قورخما، دور گئدک ائوینه. من کوره کنی ایناندر اجایام کی، اوشاق بیر گئجه نین ایچینده خستله نیب اؤلوب.

اوغلان حیطده آتین قوشقوسونو دوزلد رکن گؤردو، بودور، آروادی ایله قایناناسی سولاری سوزوله-سوزوله حاصار قاپیسیندان گیر دیلر. آرواد دیل بوغازا قویموردو: -کوره کن، سنین باشینا دؤنوم، قوربانین اولوم، اؤزونو توختاق توت، بیر سؤز دئییم. اوشاغین توپا گئتدیگیمیز گونون گئجه سی خستله نیب اؤلدو. بیر دقیقه نین ایچینده ائله بیل بیر چیراق ایدی، پوفله دین کئچدی. دئدیم، قیزی می باجیسی نین توپوندا سئویندیرم، او یازیق پئشمان اولدو.

اوغلان قایناناسینی سؤزونو داوام ائتمه یه قویمادی:

-آی کیشی نین قیزی، بوندان یانا نییه بو قدر ناراحت اولورسان، آغاجین کؤکونه زیان دیمه سین. اوغلانین جاوابیندان راحتلانان قایناناسی اونو باغرینا باسدی. اؤزونو قیزینا توتوب دئدی:

- گۆردون، قیزیم، من دئییردیم آخی، کۆره کئیم عاغیلیدی، دۆزوملودو. دونیادا اونون تایی-برابری اولای بیلمز. اوغلان شیرین دیلیله اونلاری بیر آز دا آرخاین سالیب ائوه گتیردی و دئدی:

- آی آرواد، یاخشی کی، بو گون آنان بورادادی. کؤمکلہ شیب یاخشی بیر یئمک حاضیرلایین، آخشام ایکی نفر قوناق گلہ جک.

آنا-بالا تامام-کامال راحتلانیب، باشلادیلار یئمک تداروکونه. اوغلان گئدیپ بورج پول آلدیغی دوستونو و قونشوسونو قوناق گتیردی. بیر آز یئیب-ایچدیکن سونرا اوغلان آروادینی چاغیریب دئدی:

- آی آرواد، بونلاردان عزیز قوناغیم اولمایاجاق کی، آل بو آچاری، گئت منیم اوتاغیمی آچ. اورادا بیر قارپیز وار، اونو گؤتور گل.

آروادی آچاری آلیب آناسی ایله بیرلیکده ارینین اوتاغینین قاپیسینی آچیب ایچهری گیردیله. اوشاغی بورادا گؤروب قشش ائله ییب بیخیلیدیله. اوغلان بیر خیلی گؤزله ییب گؤردوکی، بونلار گلیب چیخمادی.

- آی قونشو، سن بو عاییلہ یه محرم آدامسان. دور، گئت، گؤر آرواد نییه گلیب چیخمادی.

قونشوسو تنبلیک ائله مه ییب آیاغا قالدی. گلیب اوتاغا گیرنده گؤردوکی، پاهو، دونن قویلادیغی آتین بالاسی مَقْوَوایا دُونوب دُوواردان آسلیب. آریندان گئری دُونَمه دی. اوغلان اونوندا قاییدیپ گلمه دیگینی گؤروب دوستونا دئدی:

- دور، گئدک، گؤرک، بونلارا نه درد اوؤ وئریب کی، هامیسی او اوتاقدان باتیب قالیبیلر.

اوغلان اوتاغین قاپیسی آغزیندا دوستونو قاباغا وئردی. دوستو ایچهری کئچن کیمی همین اوؤ دسمالینی تانیدی. گؤردوکی، پولو نئجه وئریب ائله ده دورور،

هئچ دویونو ده آچیلمایب. او دا خجالت ایچینده قالب تر تۆکدو. اوغلان آتاسی نین وصیتینی اونلارا دئدی. اولجه دوستونون پولونو همن دسمالدا اونا وئریب، قاپیدان قوودو. سونرا قونشوسونون پیس-پیس سؤیوشلرینی اؤزونه قایتاریب قاپیسیندان رد ائلدی. قالدی آروادی، اونو دا بوشایب کؤرپه سی نین تربیه سییله مشغول اولماق اوچون بیر دایه توتدو. آتا-بالا خوش گون گؤردولر. سیز ده خوش گون گؤره سینیز.

وطن و جلاى وطن

بیری وارمیش، بیری یوخموش، حیدر آدلی بیر کیشی وارمیش. بو کیشی پهلوان کیمی ایمیش. آنجاق نه فایداسی، ایش یوخ، گوج چوخ. بیلیمیش نیله سین. بیر گون آروادینا دئیر:

-من ایش آختارماق اوچون سفره گئدیرم. اوغلوم اولسا، ائوده کی پولاد بیلرزیگیمی بؤیوینده باغلا قولونا. قوی گلیب منی تاپسین. حیدر سؤزونو تاماملایب یولا دوشدو. آز گئتدی، چوخ گئتدی، گلیب بیر قویویا راست اولدو. قویونون آغزیندا ایری بیر دیرمان داشی واریدی. او، الینی داشا آتدی، نه قدر گوج وئردی، اونو یئریندن اوزممه دی. مجبور قالب داشین یانیندان بیر اویوق آچیب قویویا دوشدو. گؤردو قویونون ایچیندن بیر لاغیم آچیلیب. حیدر لاغیمینان گلیب بیر باغا چیخدی. آغزیمدا سنه باغ دئیرم ها، ائله اول، قال بوردا. باخ باغ ائله باغدی. جان درمانی آختارسایدین، او باغدا تاپاردین. باغدان بیر آغاج آرالیدا بیر اوتاق واریدی. حیدر اوتاغا گیرنده گؤردوکی، قوجا دئو پامبیغین ایچینده خشله نیب اوزانیب حیدری گؤرچک دئدی:

-آناوا قوربان اولاسان، بورا قوش گلسه، قاناد سالار، قاتیر گلسه، دیرناق. اوغلوم
 آغ دئو ایندی هاردا اولسا گله جک، قاچ جانوی قورتار.
 قوجا دئوین آغزیندان سؤز قورتارماغینان آغ دئوین گلمه یی بیر اولدو. اونلار بیر
 خئیلی توتوقلاشدیلار. آخیردا آغ دئو اونو اوستله ییب اؤلدوردو. ایندی سنه
 کیمنن دئیم، حیدرین آروادیندان. او، بیر اوغلان دوغموشدو. آتاسی وطندن
 دیدرگین دوشدویونه گؤره اوشاغین آدینی جلائی وطن قویموشدو. جلائی وطن اون
 یئددی اون سیکگیز یاشینا دولاندا آتاسی پولاد بازویندی اونون قولونا باغلایب
 اری نین دئدیکلرینی اوغلونا دانیشدی. جلائی وطن یولا دوشدو. گلیب هم
 قویونون یانینا چاتدی. الینی داشا آتان، هم بایاق ها داشی دیک قالدیریب
 کنارا توللادی. قویونون ایچینه گریب عئینی آتاسی کیمی همین لاغیما گلدی.
 باغی گؤروب عاغلی باشیندان اوینادی. بیردن گؤزلری اوتاغا ساتاشدی. بایاق ها
 قاپسینی تپیکله آچیب ایچهری گوردی. قوجا دئو پامبیغین ایچیندن باشینی
 قالدیردی:

-آنان اؤلسون، ایندی اوغلوم آغ دئو دم هادمدی گله، واختی ایکن قاچ جانوی
 قورتار. نئچه ایل بوندان اول سنین کیمی بیر پهلوان دا گلیمشدی، سؤزومه قولاق
 آسمادی. آغ دئو گلیب اونو پارام-پارچا ائلدی. گلسه سنی ده تیکه-قولاق ائلییه
 جک. جلائی وطن اورگینده فیکیرلشدی کی، سن اؤلمیه سن، آغ دئوین اؤلدوردیو
 پهلوان ائله منیم آتام ایمیش. ائله بو واخت آغ دئو نریلدهیه-نریلدهیه اؤزونو
 یئتیردی. اونلار توتوشدیلار. آغ دئو نه قدر نریلدهدی، نه قدر گورولدادی، جلائی-
 وطنه اوستون گلممه دی. جلائی وطن دارتیب اونون ساغ قولاغینی خارتیلتی ایله
 چیخارتدی. آغ دئو بایاق ها تیرئیمش یئرہ بیخیلیدی. جلائی وطن اونون باشینی
 بدنندن قوپارتدی. جلائی وطن اورگینده گؤتور-قوی ائله دی کی، بورا چوخ یاخشی

یئردی، گئدیب آنامی دا گؤتوروب گتیریم. جلائی وطن دئو قالان اوتاغین قاپیسینی باغلابیب آناسی نین یانینا قاییتدی. ناغیلچی دیلی یویورک اولار، دئییرلر. اوغلان آناسینی دا گؤتوروب گلدی. آناسی دا باغی گؤروب هاییل-ماییل اولدو. جلائی-وطن دئوین قالدیغی اوتاغین قاپیسینی آچیب اونو آناسینا گؤستردی. اونلار کئف-داماغان عؤمور سوروب، گون کئچیردیلر. سیز ده خوش گونلر گؤروب، اوزون عؤمور سوره سینیز.

ویوی یومورتاسی

بیری وار ایدی، بیری یوخ اویدو. بیر پادشاه واردی. بو پادشاهین اوولادی اولموردو. بیر گون بو پادشاه عهد ائله بیرکی، منیم اوغلو اولسون، بیر دییرمان تیکدیره جه یم، همیشه یاغلا-باللا ایشله سین. آیلا کئچیر. پادشاهین اوغلو اولور. پادشاه همین دییرمانی تیکدیریر.

بوتون شهره جار چکدیریرکی، جاماعات یاغی، بالی دییرمانا داشیسین. بیر قاری کوپه سینی دولدوروب یولون کنارینا قویور. بو زمان پادشاهین اوغلو دوستلاری ایله همین دییرمانا باخماغا گئدیرلر. یولدا پادشاهین اوغلو میندیگی آتین آیاغی قاری نین کوپه سینه توخونور، کوپه داغیلیر. قاری چوخ حیرصله نیر و اوغلانا دئییرکی، سنی گؤروم ویی-وی یومورتاسینا حسرت قالاسان. اوغلان قاری نین سؤزونو ائشیدیب گئری قایدیر و بو یومورتانین نه اولدوغونو آناسیندان سوروشور. سونرا اوغلان ویی-وی یومورتاسینی تاپماق اوچون سفره چیخماغا حاضیر لاشیر. آناسی چوخ آغلابیر. یالواریکی، اوغلو بو سفره گئتمه سین. لاکین اوغلو اوژ عینادیندان دؤنمور. حاضیر لاشیب یولا چیخیر. اوغلان آز گئدیر، چوخ گئدیر، بیر دوزه چیخیر. باخیرکی، بیر نورانی قوجا یولون کناریندا اوتوروب.

قوجا اوغلانی یانینا چاغیریب سوروشورکی، هاردان گلیب، هارا گئدیرسن؟ اوغلان جاواب وئیرکی، من ویی-ویی یومورتاسی نین دالینجا گئدیرم. قوجا اوغلانین چوخ گؤزل، هم ده جاوان اولدوغونو گؤروب دئییرکی، اوغول، او یول چوخ قورخولو یولدور. گل بو فیکری باشیندان چیخارت. اوغلان یئنه عینادیندان دؤنمور. قوجا اوغلانا دئییرکی، ایشدی کی، گئدیرسن، اوتور سنه بیر-ایکی مصلحت وئیریم. گئدرسن-گئدرسن، قاباغینا بیر قاپی چیخاجاق. قاپیدان ایچهری گیرسن. اورادا بیر آت، بیر ایت گؤره جکسن. آتین قاباغیندا ات، ایتین قاباغیندا اوت وار. سن بونلارین یئرینی دیشدیریب، اوتو آتین، اتی ایتین قاباغینا قویارسان، بوندان سونرا بوتون قاپیلار آچیلماق. تئز ایچهری گیرسن. اورادا بیر تاخچا وار. یومورتالار اوردادیر، تئز گؤتوروب قاچارسان. چیخاندا دالینجا چوخ قیشقیراجاقلار، آنجا سن هئچ واخت گئری دؤنوب باخمازسان. یئنه گلرسن منیم یانینا. اوغلان قوجانین سؤزلرینه دیقله قولاق آسیب یولا دوشور. گلیب قوجا دئدیگی یئر چاتیر و قوجانین دئدیکلرینی صبرله یئرینه یئتیریر. یومورتالاری گؤتوروب قوجانین یانینا گلیر. قوجا اونا دئییرکی، بو یومورتالاری ائله یئرده سیندیرمالیسان کی، اورادا هم چؤرک، هم ده سو اولسون. اوغلان قوجایا اؤز راضی لیغینی بیلدیریب اؤز وطنینه یولا دوشور.

اوغلان آز گئدیر، چوخ گئدیر، بیر سوسوز صحرایا چاتیر. اوره گی دورمور. یومورتادان بیرینی سیندیریر، ایچیندن گؤزل بیر قیز چیخیر. قیز ائله گؤزل ایدی کی، آیا دئییردی سن چیخما، من چیخیم، گونه دئییردی سن چیخما، من چیخیم. قیز یومورتادان چیخان کیمی سو ایسته بیر، اوغلان سو تاپا بیلیمیر، سونرا چؤرک ایسته بیر. چؤرک ده اولمور. قیز سوسوزلوغا دؤزه بیلیمیر. اؤلور. ایندی اوغلانین قالیر ایکی یومورتاسی. اوغلان فیکیرله شیرکی، بونو گرک سولو-

چۆرکلی یئرده سیندیرسین. اوغلان بیر آز دا یول گئدیر. یولدا بیر چوبانلا راستلاشیر. چوباندان بیر آز چۆرک آلیر. اوغلان یومورتالارین بیرینی ده سیندیریر. بو قیز چیخان کیمی چۆرک ایسته بیر. بو بیرینجیندن ده گۆزل ایدی. اوغلانین چوباندان آلدیغی چۆرگی یئیندن سونرا سو ایسته بیر. یئنه سو اولمور. بو دا بیرینجی قیز کیمی سوسوزلوغا دؤزمور، اؤلور. ایندی اوغلاندا بیر یومورتا قالیر. اوغلان گلیر بیر بولاغا چاتیر. بورا چاتان کیمی یومورتانی سیندیریر. بو قیز اول کیلردن داها گۆزل ایدی. قیز سو ایسته بیر. اوغلان اونا سو وئریر، آنجاق چۆرک اولمور. اوغلان قیزی آغاچا چیخاردیر. اؤزو ایسه یاخین کئندن چۆرک آماغا گئدیر. اوغلان گئتمکده اولسون، سیزه کیمدن دئییم، قاراچی دسته سیندن. اوغلان گئنددن سونرا بیر قاراچی دسته سی همین بولاغین یانینا گلیر. قاراچیلار چالیب اویناییرلار. بو زامان بیر قاراچی قیز بولاقدان سو ایچمک ایسته بیر. سودا گۆزل بیر قیز شکلی گؤرور. باخیرکی، قیز اوتوروب آغاجین باشیندا. قاراچینین قیزا پاخیللیغی توتور. اونو زورلا آغاجدان ائندیریب پالتارینی سویوندوروب اؤزو گئینیر. اؤز جیندیر پالتارینی ایسه قیزا گئیندیریر، همین یئردن اوزاقلادیریر. اؤزو ایسه آغاچا چیخیب قیزین اوتوردوغو یئرده اوتورور. پادشاهین اوغلو چۆرک آلیب قایدیر. باخیرکی، قیزی نئجه قویوب گئدیب هئچ یئریندن ده ترپنمه ییب. قیزی آغاجدان یئندیریب چۆره گی اونا وئریر. پادشاهین اوغلو باخیرکی، بو قیز همین قیزا اوخشامیر. بو چوخ چیرکیندیر. آنجاق اوغلان اوره گینده کی لری اوزه وئریر. قیزی گؤتوروب یولا دوشور.

بونلار گئتمکده اولسونلار، سیزه کیمدن دئییم، وی-وی یومورتا سیندان چیخان قیزدان. بو قیز آز گئدیر، چوخ گئدیر، بیر کنده چاتیر. قیز چوخ یورولموشدو، آجلیق، سوسوزلوق اونو طاقتدن سالمیشدی. قیز بیر ائوه یاخینلاشیب قاپیسینی

دؤیور. ائودن بیر قاری چیخیر. قیز قارییا دئییرکی، بیر گئجه لیگه اونو قوناق ساخلا سین. قاری ایسته بیر راضی اولماسین. قیز چوخ یالواریر. دئییرکی، اگر منی قبول اتسن، خئیردن باشقا هئچ نه گؤرمیه جکسن. قاری نین قیزا یازیغی گلیر. اونو ائوه بوراخیر. قیز باشینا گلن لرین هامی سینی بیرجه-بیرجه قارییا دانیشیر. صباح آچیلیر، قیز گتتمه یه حاضر لاشیر. قاری قیزی هئچ یانا بوراخمیر. اونو قیزلیغا گؤتورور. قیز قاری نین بوتون ایشلرینی گؤرور. گونده ده الله دان بیر پای یئمک گلیر میس. قاری ایله قیز یئیب الله ا دوعا ائدیر لرمیش.

بیر گون شهره سس یایی لیرکی، پادشاهین اوغلونون تویودور. قاری فیکره گئدیرکی، تویا نه آپاریم. قیز قاری یا دئییرکی، هئچ فیکیر ائلمه، سنه ائله هدیه حاضر لاییم کی، هئچ کسده اولماسین. قیز بیر کؤینک توخویوب قارییا وئیر. قاری کؤینگی گؤتوروب تویا گئدیر. پادشاهین اوغلو کؤینگی گؤرن کیمی وی-وی یومورتا سیندان چیخان قیز یادینا دوشدو. تویدان سونرا چوخ فیکیرلی دولانیر، آنجاق اوره گینده اولان شوبه نی هئچ کسه آچمیردی. آیلا، ایلر کئچیر. بیر گون شهره جار چکیر لیرکی، پادشاهین ایلخی سینا قیرغین دوشوب. گرک هره پادشاهین آتلا ریندان بیرینی ساخلا سین. قیز بو خبری ائشیدیب قارینی گؤندیریرکی، بیر آت دا سن گتیر. قاری بوندان ناراضی اولوب دئییر:

-بیز آتی نه یینن ساخلا یاجاییق؟

قیز دئییرکی، او منیم ایشیمدیر. آتا اؤزوم باخا جام. چوخ گؤتور-قویدان سونرا قاری گئدیر، آت گتیرمه یه. پادشاهین ایلخیچی لاری قارینی گؤروب گولور لیرکی، آی قاری، سنی ده ساخلائان گرکدیر ده، سن آتی نئجه ساخلا یاجاقسان. پادشاه دئییرکی، بیر آریق یابی وئرن اونا، اؤلسه ده جریمه وئرمه سین. قاری یابینی گؤتوروب ائوه قایدیر. آتی تؤوله یه باغلا ییر لار.

هر گون قیز سحر ال-اوزونو آتین یانیندا یویارمیش. ال-اوزونو یویاندان سونرا همین یئردن اوت قالخارمیش. هر گون بو تکرار ائدیلمیش. نهایت، قیرخ گون تامام اولور. پادشاهین آداملاری آتلاری ییغماغا باشلایلر. آنجاق قارینین آتینی آپارمیلر. اونلار گومان ائدیلمیش، او آت ایندی چوخدان اولوب. قیزین اؤزو قارینی گؤندهریرکی، پادشاهین آداملاری گلیب آتی آپارسینلار. پادشاهین آداملاری چوخ تعجوبله نیرلرکی، آت هله ده ساغدير. نه ایسه، پادشاهین آداملاری گلیرلر آتی آپارماغا. تؤوله یه گیرنده گؤزلینه اینانمیلر. همین او آریق آتی تانیمیلر. آداملار نه قدر ائدیلمیش آتی تؤوله دن چیخاردا بیلیمیلر. گندیب پادشاها خبر وئیرلرکی، آت بیر آت اولوبکی، گل گوره سن. هئچ تؤوله دن بایرا چیخمیر. پادشاهین اوغلو دا آتلا چوخ ماراقلانیر. اکینجی دفعه اوغلان اؤزو گئدیر. اوغلان دا آتی گؤروب چوخ تعجوبله نیر. نه قدر چالیشیر آتی ائشییه چیخارا بیلیمیر. اوغلان قاریدان سوروشورکی، بو آتی کیم بئله بسله ییب؟

قاری دئیرکی، باشیوا دؤنوم، منیم بیر قیزیم وار، آتی او بسله ییب. اوغلان دئیرکی، قیزین هاردادیرسا، چاغیر گلین، آتی ائشییه چیخارسین. قیز گلیب تؤوله یه گیرن آت ایله مه یه باشلایلر. پادشاهین اوغلو قیزی گؤرن کیمی تانییر. اوغلان بوردان قایدان کیمی قاراچی قیزینی بیر قاتیرا باغلایب بوتون شهری دولاندیریر. سونرا ایسه قارینین یانینداکی قیزی سارایا گتیریر. تزه دن قیرخ گون، قیرخ گنجه توی چالدیریر. بئله لیکله ده ناغیل قورتاریر. قازان آشلا دولور، توخلار یئیر، آجلار دویور.

یادیکارین ناغیلی

بیری واریدی، بیری یوخودو، کئچمیش زمانلاردا خالقین قایغیسینا قالان بیر پادشاه واردی. بو پادشاهین گؤزل بیر مالیکانهسی و جاه-جلالی واردی. بیر گون پادشاه اؤز آداملاری ایله سفره چیخیر. پادشاهین دا هم گؤزل، هم ده عاغیللی بیر آروادی واردی. او، بویلوایدی. پادشاه سفردن قاییداندان سونرا برک خسته لندی، اؤلوم یورغان دؤشگینه دوشدو. پادشاه وزیرینی یانینا چاغیریب وصیت ائله-دی کی، من آرتیق اؤلورم. نئچه ایللردی کی، سن منیم یانیمدا وزیرلیک ائله بیرسن، سندن بیر پیسلیک گورمه میشم. همیشه ده منه صادق قالمیسان. من اؤلندن سونرا تاختیما سن چیخارسان. آنجاق بیلیرم کی، منیم بیر اوغلوم اولاجاق. اونون آدینی یادیکار قویارسان. او بویویندن سونرا پادشاهلیغی اونا وئرسن. پادشاه بو سؤزلری دئییب دونیاسینی دیشدی. سیزه کیمدن دئییم، وزیردن. وزیر تاختا چیخان کیمی باشلادی اؤز پیس عملرینی آچیغا وئرمه یه. او، اؤزونه وزیر توتدو. بیر گون وزیرینی یانینا چاغیریب امر ائتدی کی، پادشاهین اوغلو آنادان اولمامیش اونو آرادان گؤتورسونلر. وزیر بونا راضی اولماسادا، قورخوسوندان دینمه دی. وزیر پادشاهین آروادینی مئشه یه آپاردی. اونون آروادا یازیغی گلدی. اونا گوره ده آروادی اؤلدورمه دی، مئشه یه قویوب گلدی. گلرکن بیر قوش ووردو، آروادین یایلیغینی قوشون قانینا بولادی. پادشاه وئردی کی، آروادی اؤلدوردوم. پادشاه باشلادی آرخابین عدالت سیزلیکلرینی ائله مه یه. بیر نئچه گون کئچندن سونرا وزیر مئشه یه گتتدی، گؤرک آرواد نئجه اولدو. او، گلیب نه گورسه یاخشیدی: بیر اوشاق آغلا بیر، یانینا گلیب گوردو کی، آرواد دونیاسینی دیشیب. او، اوشاغی بیر اسگییه بوکوب، بیر پارچا کاغیذ یازیب، ایچینه ده بیر لعل قویوب، اوشاغی گتیریب یولون کنارینا قویوب گتتدی. ایندی سیزه کیمدن

دئییم، اوزاق مملکتلردن بیرینده یاشایان بیر شاه دان. شاه عاغیللی و عدالتلی ایدی. او، بعضی واختلاردا اؤز وزیرینی ده گؤتوروب سیاحته چیخاردی. بئله واختلارین بیرینده شاهلا وزیر گلیب یولدان کئچرکن بیر ده گؤرورلرکی، یولون کناریندا بیر اوشاق آغلا بیر. اونو دا دئییم کی، شاهین اؤولادی یوخ اویدو. الله تعالا اونا اؤولاد وئرمه میشدی. شاهلا آروادی نئچه ایللردی کی، اؤولاد حسرتی چکیردی. شاه اوشاغی گؤرجک فیکیرلشدی کی، ائله الله تعالا بو اوشاغی منه گؤنده ریب. اونلار اوشاغیدا گؤتوروب سارایا قایتدی. شاهین آروادی بونا چوخ سئویندی. اونلار اوشاغی گؤز بیکلری کیمی ساخلادی. اوشاغین قوجاغیندا کی کاغیذا یازیلانلارا گؤره اوشاغی یادیگار دییه چاغیردی. آیلار کئچدی، ایلر اؤتدو، یادیگار بؤیوک بیر اوغلان اولدو. اؤز ایگیدلیگی، قوچاقلیغی، مردلیگی ایله سارای داکی بوتون اوغلانلاری اؤتوب کئچدی. هله اونون آتینی هئچ بیر آت گئچمه میشدی، قیلینج اویناتماقدا، گولشمکده هئچ کیم اونا چاتمازدی. تئزلیکله اونون صُحبتی بوتون مملکتلره یاییلدی. یادیگاری ایسته ینرله یاناشی اونون دوشمنلری ده پیدا اولدو. بیر گون یادیگار اؤز یولداشلاری ایله اووا چیخاندا بیری اونو اوچورومون باشیندان غفلتدن ایتله دی. خوشبختلیکدن او بیر آغاجا ایلشیب قالدی. آنجاق کیچیک آغاج بو جانلی جثه لی اوغلانین آغیرلیغینا تاب گتیرمه دی. اونو اؤزو ایله برابر اوچورومون دیینه آپاردی. یادیگارین یولداشلاری گئدیب شاهلا دئدی، اوغلون اوچورومدان هئلندی، مئیدینی ده قارغا قوزغون یئدی. شاه ساراییندا یادیگارا یاس ساخلاماقدان اولسون، ایندی سیزه کیمدن دئییم، یادیگاردان. یادیگار چوخ گوجلو اولدوغوندان، ساغ قالمیشدی. او واخت گؤزلرینی آچدی کی، اوچورومون دیینده دی. سورونه-

سورونه گلیب گلیب یولون کنارینا چیخدی. ائله بو واخت یولدان بیر کاروان گلیب کئچیردی.

کاروان باشی کاروانی ساخلاتدیریب یادیگاری دا اؤزو ایله آپاردی. سن دئمه، بو کاروان یادیگارین دوغما آتاسی نین واختی ایله شاهلیق اتدیگی مملکته گئدیر. کاروان باشی دا ائله یادیگارین یاشاماسینا سبب اولان، اونون آتاسینی اولدورمه یین وزیر ایدی. شاهین ظولملرینه دؤزه بیلمه ییب، وزیرلیکدن چیخیب. نه ایسه. یادیگار ساغالاندان سونرا شهره چیخدی، باشلادی اؤزونه ایش آختارماغا. شاهادا نؤکر لازیم ایدی. اونو شاهین یانینا آپاردیلار. شاه یادیگاری گؤرن کیمی گؤزلری چیخدی کله سینه. بو اوغلان اول کی شاها نئجه ده اوخشاییر. شاهین سومویو سیزیلدادی. فیکیرلشدی کی، یقین وزیر بو اوشاغی اولدورمه ییب. او، امر اتدی کی کئچمیش وزیر منیم یانینا چاغیرتدیرین. وزیر ایندییه کیمی یادیگارا فیکیر وئرمه میشدی. اؤز ده چوخ قوجالمیشدی. گؤردوکی، بو اوغلان دوغوردان دا اولکی شاها چوخ اوخشاییر. وزیر اولانلاری آچیب دانیشدی. شاه اولارین ایکیسینی ده زیندانا سالدی کی، اوچ گوندن سونرا بویونلاری وورولاجاق. وزیر سارای دا چوخ قالمیشدی. سارایین بوتون یوللارینی بیلیردی. یادیگار بیر-ایکی گون اللشدیکدن سونرا زیندانی قاپیسینی قیرا بیلدی. اولار کتشیک چیلری اؤلدوره-اؤلدوره گلیب چیخدیلار شاهین اوتاغینا. یادیگار شاهی اؤلدوردو. سونرا کئچمیش وزیر جامعاتی توپلادی. بوتون احوالاتی اولارا دانیشدی. جامعات یادیگاری اؤزونه شاه سئچدی. وزیرین قیزی ایله ائولندی. اولار باشلادیلار خوشبخت عؤمور سورمه یه.

یئددی قارداش

بیری واردی، بیری یوخدو، بیری وارلی-کارلی کیشی واردی. بو کیشی نین یئددی اوغلو واردی. بیری گون یئددی قارداش آتالاری نین حضورونا گلدی. بویوک قارداش دئدی:

- مهربان آتا، بیز یئددی قارداش سؤز قویموشوق کی، یئددی باجی ایله عایله قوراق. اذن وئر سفره چیخاق. آتا راضی اولوب اونلارا خئیر-دوعا وئردی. قارداشلار یولا دوشدولر. آز گئتدیلر، اوز گئتدیلر، دره-تپه دوز گئتدیلر، گلیب بیری مئشه ده آیاق ساخلادیلار کی، دینجلرینی آلسینلار. گؤردولر کی، بیری اوجاق اؤلزیگیر. تئز اونون اوستونه اودون ییغیب اوجاغی آلولاندیردیلار. شرط کسدیلر کی، هر گئجه بیریمیز یاتماییب اوجاغا کشیک چکه جه بیک کی، سؤنمه سین. بو منوال ایله قارداشلار آلتی گون اودو قورویوب ساخلادیلار. کیچیک قارداشین نؤویه سینده اود سؤندو. کیچیک قارداش چوخ گؤتور-قوی ائله دی کی، قارداشلاریم یوخودان دورمامیش، نه تهر ائله ییم، اود تاپیم. مئشه دن بیری آز کنارا چیخدی، گؤردو کی، بیری یاماجدان ایشیق گلیر. تئز دابان آلدی ایشیق گلن طرفه. ائوین قاپیسینی آچیب ایچهری گیدی و گؤردو کی، بیری آرواد وار، آلت دوداغی یئر سوپورور، اوست دوداغی گؤی... اوغلان حال-قضیه نی قاریا ناغیلاییب اوندان اود ایسته دی. قاری دئدی:

-من یئددی دئوین آناسیام. اوغلانلاریم پادشاهین یئددی قیزی نی آماق اوچون بو گون جنگه گئدیرلر. سن اینسان اولدوغونا گؤره عاغیللی سان. اگر گئدیب منیم اوغلانلاریم عاغیللی مصلحت وئرسن، اوغلانلاریم دؤیوشده قالب گلیب پادشاهین یئددی قیزی نی گتیره بیلسه لر، سنه اود وئهرم. اوغلان دئدی:

-بس منیم مئشه ده کی قارداشلاریم نئجه اولسون؟

قاری دئدی:

-اونلاری طلسمه سالمیشام. دئدیکلریمی یئرینه یئتیرمه سن قارداشلارین دا اوله جک... ایندی گل واخت ایتیرمه. یئددی کلین قاویرماسینی بیغدیغیم قازانی دا گؤتور، گئت منیم اوغلانلاریمین دالینجا... اوغلان مجبور قالب قازانی دا گؤتوردو، دئولرین دالینجا گئتدی. بیر خئیلی یول گئتدیکن سونرا دئولری بیر خندکده تاپدی. دئولر اولجه ایسته دیلر اونو اولدورسونلر، آنجاق قازانی تانییب اونا ایناندیلار. دئولر داراشدیلار اتین جانینا. اوغلان اوره گینده کلگی نئجه قورماسی باره ده فیکیرلشدی. اوغلان دئدی:

-بوردا بیر اوچوروم وار. سیجیمین بیر اوجونو داغا، بیر اوجونو ایسه بئلمیزه باغلایب بیر-بیر اوچوروما یئنگ و سحرین گؤزو آچیلمامیش پادشاهین قوشونونا آرخادان ضربه ووراق. دئولر تکلیفی بیندیلر. بیرینجی اوغلان اوچوروما یئندی... دئولر بیر-بیر یئندیکجه اونلارین باشینی قیلینج لاییب اوست-اوسته بیغدی. اوغلان اوچورومدان چیخیب قارینین یانینا گلدی.

-موشتولوغومو وئر، اوغلانلارین پادشاها قالب گلدی، یئددی باجینی دا گؤتوروب گلیرلر. منی قاباقدا قاچیرتدیلارکی، سنی موشتولوقلایم. بیر ده کی، آی قاری، منیم قارداشلاریمین دا طلسمینی آچ. قاری دئدی:

-بو مومکون دئیل. اوندا گرک جییریمی چیخاریب وئر سنه. سن اونو بیشیریپ قوخوسونو قارداشلاریوین بورنونا توتاسان. قارینین آغزیندان سؤز قورتارمامیش اوغلان بایاق ها الینی آتیب اونون جییرینی چیخارتدی. اوجاقدان دا خئیلی اود گؤتوروب گؤتورولدو قارداشلارینین یانینا. اوجاغی قیزیشدیریپ قارینین جییرینی بیشیردی، قارداشلارینین بورنونا توتدو. قارداشلاری او ساعات آیلدیلار. اوغلان باشینا گلنلری بیر-بیر اونلارا ناغیل ائلدی. قارداشلار یئددی

قیزی اولان پادشاهین عیمارتینه اوز توتدولار. پادشاهین آداملاری اونلاری حؤرمتله قارشیلاییب سارایا گتیردیله. کیچیک قارداش اوزونو پادشاها توتوب دئدی:

-پادشاه ساغ اولسون: سنین دوشمنین اولان یئددی دئوی اؤلدورموشوک. سن یئددی قیزی بیز یئددی قارداشا وئرسن، هامی نین اوره گیندن اولار...
پادشاه اونلارین یئددی دئوی، دوغوردان دا، اؤلدوردوکلرینی یقین اتدیکن سونرا قیزلارینی بو قارداشلارا وئریب، قیرخ گون، قیرخ گنججه توی ائلهدی. قارداشلار آروادلارینی دا گؤتوروب آتالاری نین یانینا قایتدیله. آتالاری دا اونلارا قیرخ گون، قیرخ گنججه توی ائلدی. اونلار شاد-خوشبخت یاشادیلار، سیز ده شاد-خوشبخت اولاسینیز.

یئیمجیل قیز (آدام بین قیز)

بیری واردی، بیری یوخدو، بیر یئتم اوغلان واردی. آنالیغی اونا گون وئرمیردی. بیر گون آنالیغی خمیر ائلهدی، کؤرپه قیزی بئشیگه قویوب دئدی:
-تندیری یاندیریرام، اوتوروشسون، چؤرک یاپاجام. قیزی ییرقالا، آغلاسا، سنی تندیره آتاجام.

اوغلان بئشیگی ییرقالایاندا آج اولدوغوندان اریک آغاجیندان اوچ اریک قیردی، ایستهدی یئتم، باخدکی، اؤگئی باجیسی بئشیکدن دوشوب خمیر یئتم. اوغلانین بوغازی قورودو. اریکلری جیبینه قویدو، هن-هون ائله ییب قیزا یاخینلاشانان او، خمیرین هامیسینی یئتم قورتاردی. اوغلان اورگینده فیکیرلشدی کی، آنالیغیم بونو بیلسه منی اؤلدوره جک. اودور کی، اوغلان باش آلیب کئندن چیخدی. اوغلان بیر بولاغین باشینا چاتاندا باخدکی کی، دیزینده

طاقت قالماییب. جیینده کی اریکلری یئییب دنه سینی بولاغین یانینا اکدی کی، واخت گلر، گره گیم اولار. اوغلان دابان آلدی یولونا. اینسان آیاغی دیمه ین بیر یثره چاتدی. گۆردوکی، داغین اتکینده بش قویون اوتلاییر. ها گۆز گزدیردی، قویونلارین هندورینده آدام گۆرمه دی. شر قاریشاندا قویونلار یولا دوزلدی. اوغلان اوره گینده گۆتور-قوی ائلدی کی، قویونلارین دالینجا گئتسین، گۆرک آخیری نه اولور. قویونلار گپردی بیر حیطه، اوغلاندا اونلارین دالینجا. اوغلان گۆردوکی، تاولانین قاباغیندا یکی ار-آرواد دئو دایانیب، اونلارین ایکسی ده کور اؤیدو. کیشی دئو تؤوله نین قاپیسینی کسب ایچهری کچن قویونلاری بیر-بیر سام لاییردی. اوغلان آخیرینجی قویونون بؤیرونه قیسلیب ایچهری کچنده، دئو اونا دا ال گزدیریپ آروادینا دئدی:

-دیه سن، قویونون بیری دوغوب.

اوغلان نفسینی ایچینه چکیب دینمه دی. سحر دئو تاولانی آچیب قویونلاری چؤله اؤتورنده اوغلان دا بیر قویونون بؤیرونه قیسلیب چیخدی. اؤز-اؤزونه اؤرک-دیرک وئردی کی، بو ار-آرواد دئولر کوردو، توتا بیلمز لر. یاخشی سی بودورکی، حال-قضیه نی اونلارا سؤیلویوم، بلکه رحملری گلیب منیم اونلارلا قالمایما راضی اولدولار.

اوغلان ار-آرواد دئوه هر شئی ناغیللادی. کیشی دئو دئدی:

-اونسوز دا بیز کوروق، قال بوردا، بیزه اوغوللوق ائله. آزدان-چوخدان یئه، قال یانیمیزدا. سنین ان چتین ایشین قویونلاری اوتارماق اولاجاق. اوغلان چوخ سئویندی. چوماغی گۆتوروب قویونلارین دالینجا گئتدی. ائله بیل قویونلارین سای آرتماغا باشلادی. بو حئسابینان بش قویون بیر سورویه دؤندو. دئولر اونان

فرحله نیردیله. او گون اولمازدی کی، اونا کباب یئدی رتمه سینلر. اوغلان داکی، ماشاللاه، ماشاللاه شاققواتلی پهلوانا دؤنموشدو.

بیر گون اوغلان سورونو اوتاران واخت بیر اوخ تاپدی. اوخو قایانین آلتیندا گیزلندی کی، گره گیم اولار. بو واخت اوزاقدا بیر سوروقویون گوردو. تئز اونلاری دا های لایب اؤز سوروسونه قاتدی. آخشام چاغی سورونو چؤلدن گتیرنده دئو قویونلاری سایماغا باشلادی، گوردوکی، قویونون سایبی یوخدور.

اوغلان دئدی:

-بیر سورو واریدی، اونو دا های لایب اؤز سوروموزه قاتمیشام.

دئو دئدی:

-اؤزوو گؤزله، اوغورلادیغین آغ دئوین سوروسودور. احتیاطلی اول و یادیندا ساخلاکی، آغ دئو گون چیخاندا، اونون قارداشی قارا دئو ایسه گون باتاندا مسکن سالیب. سحر اوغلان داوار اوتاراندا گوردو بودو آغ دئو نریلده یه-نریلده یه گلیر. اوغلان تئز اوخو قایانین آلتیندا گؤتوروب دوز اونون آلتی نین اورتاسیندا ووردو. دئو خیریلدایب یثره سریلدی. اوغلان چؤلدن قایداندا احوالاتی اونلارا دانیشدی. کیشی دئو دئدی:

-آمان گونودور، گون باتان طرفه گتتمه ها. اونون قارداشی قارا دئوین یاخا قورتارانمازسان. اوغلان هر دن بیر سورونو گون باتان طرفه آپاردی. قارا دئوین قالاسیندا کئشیک چکن آسلانی قاپلانی اله آلماق اوچون اونلارا بیر-ایکی قویون کسب آتدی. بو وحشی حیوانلار تئز بیر زاماندا اوغلانا ایسینیشدیله.

بیر گون یئنه اوغلان سورونو گون باتانا سوردو. آسلانلا قاپلانا بیر-ایکی قویون کسب آتدی. اونلار ات یئمیه مشغول اولارکن اوغلان قالاچایا گوردی، گوردو قارا دئو خوررام یاتیب. اوغلان تئز اوخو یایا قویوب اونون آلتی نین اورتاسیندا

ووردو. قارا دئو باغیرا-باغیرا اؤلدو. اوغلان آسلانی قاپلانی یانینا آلیب سورویه طرف گلنده گؤردوکی، بیر آز آرالیدا قارا دئوین داوارلاری بولود کیمی یاتیشیب. تئز اونلاری دا هایلابیب اؤز سوروسونه قاتدی. او، آسلانی-قاپلانی دا یانینا آلیب سورونون دالینجا دئولرین یانینا گلدی. هر شیئی اونلارا ناغیل اتندی سؤزونو خواهیش له تاماما یئتیردی:

-سیز منه آتا-آنا اولموسوز. من سیزدن چوخ راضییم. ایندی ایذین وئرین گئدیب آنا لاغیمدان قیصاصیمی آلیم. هم ده آتامدان خبر توتوم. دئولر آغلابیب اوغلانی یولا سالدیلار. اوغلان آسلانی-قاپلانی دا یانینا سالیب اؤز ولایتلرینه اوز قویدو. گل هاگل گلیب بیر بولاغین باشینا چاتدی. گؤردوکی، اکدیگی اریک دنه لری گؤیه ریب قوللو-بوداقلی آیری آغاج اولوبلار. اوغلان گؤردوکی، کندلرینه آز یول قالیب. اودورکی، آسلانلا قاپلانی اریک آغاجلارینا باغلابیب دئدی:

-بوردا دینجه لین، من بیر آزدان قاییدارام. سیزی اؤزومنن کنده آپارماق ایسته-میرم، دئییرم جاماعات گؤروب قورخار. آسلانلا قاپلان آغاجلارین کؤلگه سینده اوزاندیلار. اوغلان دابان آلدی کندلرینه. کنده گیرنده گؤردوکی، هئچ کس یوخدو. اوغلان متل قالدی. ائولرینین قاپیسیندان ایچهری گیرنده اؤگئی باجیسینی گؤردو. اوغلان اونو دوداقلارینین آیری لیگیندن تانیدی. قیز نه قیز، لای بیر دووار، دیشلری بالتا بویدا. اوغلان شوبهه لندی کی، بلکه ائله بو کندین جاماعاتینی یئییب قورتاریب. ایسته دی قاچا، قیز بایاقها اؤزونو قاپییا سالدی.

-آجیندان اؤلوردوم، سنی الدن بوراخمارام.

اوغلان دئدی:

-ئنجہ اولسا، سن منیم اؤگئی باجیمسان، منه قییمما.

آدام یئین قیز دئدی:

-ایراست کی، بئله دیر اؤگئی باجینا رحمین گل سین. اونا اذیت وئرمه. اوزان قاباغیمدا سنی راحتجا یئیم.

اوغلان باخدی آدام یئین قیزین اوندان ال چکمک فیکری یوخدور. اودورکی، حیلہ یه ال آتدی:

-باجی، قوی سن دئین اولسون. آنجاق قوی چیخیم دامین اوستونه، آیاقلاریمی باجادان ساللایم. سن ده منی آیاقلاریمدان یئمہ یه باشلا، نه من سنین اؤزونو گؤروم، آغلایم، نه ده سن منیم اوزومو گؤروب حئی فالن.

آدام یئین قیز اوغلانین دئدیگینه راضی اولدو. اوغلانین چؤله چیخماغی ایله قاچماغی بیر اولدو. آدام یئین قیز تئز اونون دالینا دوشدو. اوغلان اؤزونو قاپلان لا آسلانا چاتدیردی، اونلاری اریک آغاجیندان آچدی. آسلانلا قاپلان آدام یئین قیزی تیکه-پارچا اتدیلر، ایلیگیندن سومویونه جن یئدیلر. اونلاریندا جانی قورتاردی. بوردا گؤیدن اوچ آلما دوشدو، بیری منیم، بیری اؤزومون، بیری ده ناغیل دیه نین.

سؤزلوک اوچون بیرینجی جیلده (آذربایجان ناغیللاری ۱) باخینیز.

**Azerbaijan stories
(khoy)
(2)
furugh khezerlu**

انتشارات سومرنشر
پخش:

۱- تبریز - سومرنشر - تلفن ۰۹۱۴۳۱۱۲۶۸۰

۲- تهران ابتدای کارگر شمالی - پاساژ فیروز

طبقه دوم - اندیشه ی نو - تلفن ۶۶۴۲۷۳۷۱ - ۰۲۱